

ლავროსი  
ქანდაკე

სხვადასხვა

ლიტერატურული ნაწარმი




გამომცემლობა „საბოთა საქართველო“  
თბილისი — 1979

წიგნი შეიცავს სხვადასხვა ლიტერატურულ მასალას: არის აქ ბარათაშეიღისა და ეაუა-უშაეელას შემოქმედების მოკლე მონოგრაფიული დახასიათებაც, თანამედროვე შემოქმედთა სახელდახელო პორტრეტული ჩანახატებიც და სახელებიც, სახელები ღირსნი იმისა, რომ არ გაიტაცოს დაეიწყების ქარბობოლამ.

კრებულში წარმოდგენილია რუსული ლიტერატურის კლასიკოსების — ტოლსტოის, ჩეხოვის, გორკის, შოლოხოვის შემოქმედების მოკლე მიმოხილვა.

წიგნის ფურცლებს ძალუძთ დააფიქრონ მკითხველი ზოგიერთ საჭირბოროტო საკითხზეც.



## მოსაგონარი

იყო კაცი და...

იკაცრი ზამთრის სუსხი თითქოს აძლიერებდა ომის სულშემსუთავ საშინელებას. მწარედ ისუსხებოდა თბილისიც. ღამდამობით ბევრი ითოშვებოდა სახურავებზე მორიგეობით. ლუკმაპურის ნატერა მაინც ყველაფერსე ძალუმი ვნება იყო. საქართველოს სახელმწიფო გამომცემლობა (სახელგამი) გამალებით აშალებდა „პარტიზანის თანამგზავრის“ ქართულ გამოცემას (ეს ერუანტელისმომგერელი ნიშანიც იყო). მზადდებოდა დიდძალი საფრონტო ლიტერატურის გამოცემაც. მუშაობა ერთი წუთითაც არ წყდებოდა სასკოლარ სახელმძღვანელოებისა და სხვა ლიტერატურის გამოცემაზეც. ლოყებჩაცვენბილი, თვალეზბაგუდული. მაგრამ ნირგაუტესელი და გულალესილი ნიკო კიენამე — გამომცემლობას მაშინდელი დირექტორი — დღე-ღამეს სამუშაოზე ასწორებდა. გამომცემლობის მთელი კოლექტივიც მხარში ედგა მას. ამ კაცს უეჭველად ახახიათებდა გადამდები უანგარობა და თავგამეტებული ერთგულება საქმისადმი. ერთი შესედეით თითქოს მშრალი და უკარება კაცი, ნამდვილად საკმაოდ გრძნობიერი და გულწუვი იყო. კქონდა თავისი „სუსტი მხარეებიც“. ერთხელ, ღამით ერთად ემორიგეობდით გამომცემლობაში. მან სიტყვა ჩამოაგდო თავის ერთ უმძაფრეს გატაცებაზე — ნადირობაზე. უნდა ვაღიარო, მეც მასზე არანაკლები გიჟი ვიყავი ნადირობისა... და ალბათ ახლაც ვარ, მაგრამ, კაი, რომ ძალა არ მომდევს...

— ხომ არ მოკპაროთ ერთი ნახევარი დღე ქვეყანას, — მოთხრა ნიკომ, — და ხომ არ გავიღეთ დიდმის ჭალებში.

რასაკვირველია, უყოყმანოდ დავთანხმდი. შინ გურიიდან დიდი

გაჭირვებით ჩამოტანილი ცოტაოდენი სიმინდის ფქვილი მეგულე-  
ბოდა. მაშინვე გადაეწყვიტე, საგზლად კვერი გამომეცსობინებინა  
მეუღლისათვის.

კვირა დილით, დიდ თოშსა და ყინვაში მართლაც შევსვდით ერთ-  
მანეთს დიდმის ბორანთან, ახლანდელ დიდ სატრანსპორტო სიღთან.  
დიდმის დასასლება, სადაც ამჟამად მრავალსართულიანი სასლებიც  
აღმართული და საკმაოდ დიდ ტერიტორიაზე ფართო მოახფალტებუ-  
ლი ქუჩებია გაყვანილი, მაშინ ერთობ დაჭანჭრობებულ და ბუჩქნა-  
რებიან ადგილს წარმოადგენდა. ამ ადგილებში ნიკოსა და მეც გვინა-  
დავლია კურდღელიც, ტყის ქათამიც, წრიაშპოც და ბლომად მწყერიც,  
შაშვიც, ჩხართვიც და ბოლოშავიც უხვად იყო. ზოგჯერ ისვის გუნ-  
დებიც გადაუფრენდნენ სოლმე მტკვარს აღმა-დაღმა.

იმ დილით წერილად თოვდა. ძალიან გვცვიოდა, მაგრამ ნადირო-  
ბის უინი გეძალავდა.

— იცი, რა გითხრა, — მომიბრუნდა ნიკო, — გულზე რაღაც შიშიმე  
გრძნობა მაწვივს, დანაშაულის გრძნობა... ქვეყანა რა დღეშია და ჩვეს  
კი ამ ყინვაში ჩიტის სადევრად გამოვსულვართ. ხომ გაგიგონია ქვე-  
ყანა იქცეოდა, ტურას კი ქორწილი ჰქონდაო...

— მე ნუ გადამდებთ, ნიკო, მაგ გრძნობას, — ეუთსარი მე, — დღე  
და ღამეს ვასწორებთ... და ერთი დღე რომ სული მოვიოხოთ, განა  
დანაშაულია? მე მგონი, თქვენ არ შეგფერით ყოყმანი...

— ბიჭოს! — წამოიძახა ნიკომ, — ამას დამისედეთ, როგორი მენ-  
ტორული კილო აქვს!

თავი უხერხულად ვიგრძენი, უხერხულობიდან ისევ ნიკომ გამო-  
მიყვანა:

— იცი, შენე, — მცირე პაუზის შემდეგ მითხრა მან, — უეჭვილად  
მართალი ხარ...

კარგა ხანს ვისაუბრეთ ამ საგანზე. გავისხენეთ ისიც, რომ თვით-  
ლენინი ქვეყნის დიდი განსაცდელის წლებშიაც კი ზოგჯერ ნადირო-  
ბისათვისაც იცლიდა. სიტყვამ მოიტანა და ლენინთან ნიკოს მიწერ-  
მოწერაც გავისხენეთ. ნიკოს არ ახსიათებდა თავმოწონება და არც  
თავისთავზე ლაპარაკი უყვარდა. აქ კი, ჩემი შეტყობით, სასეზე სია-  
მოენების შუქმა გადაურბინა.

საუბარს ისე შევეყეით, ვერც კი შევნიშნეთ, რომ თოვამ საგრძ-  
ნობლად იმატა. კარგი სანადირო ამინდი იყო, მაგრამ ნადირ-ფრინ-  
ველი არხად ჩანდა. თეთრი ბურუსიდან მტკვრის შიშინი მოისმოდა.  
საყვარელი მდინარის ამ შიშინში იყო რაღაც გულისამაჩუყებელი.  
ნიკო და მე დავშორიშორდით და ბუჩქნარებს შევერიეთ. ხან ბარდნი-  
და, ხან ხოშკაკლავდა. ბუჩქებში, სეებზე ფრინველის ჭაჭანებაც არ  
იყო, დიდმის ჭალები თითქმის ბოლომდე ჩავათავეთ. ჰოპ! ჰოპ! —

ხანდახან შეეძახებდით ერთმანეთს. უშედეგო სიარულმა თითქოს ჩვეულბრივსე მეტად ღამქანცა. თანაც შიმშილი მომეძალა. ჩანთაში მჭადის მომცრო კვერი მქონდა. მაგრამ მარტო ხომ არ შეეჭამდი. კოპ! კოპ! — გავძახე ნიკოს.

ორთავე საკმაოდ გათოშილნი შევიყარენით.

— ნიკო, ერთი პატარა კვერი მაქვს, — ვუთხარი მე, — მოდი, ძმურად გავიყოთ! — და ჩანთიდან ამოვიღე ჩემი საგზალი. კვერი შუაზე გავტესე და ნახევარი ნიკოს გავუწოდე. თითქოს ოდნავი ყოყმანი. ჩამომართვა, მაგრამ მერე მაღიანად შეუდგა ჭმას. უეცრად ნიშნულად ჩაფიქრდა და მერე ნაძალადევად აიტეხა სიცილი.

— რაშია საქმე, ნიკო?! — გავოცდი მე.

— ოოოო, აქ დიდი ამბავია! — მიპასუსა მან, — ადვილად არ ითქმის... იცი, შენე, თავისთავი დაეჭირე, მაგრად დაეჭირე, პირდაპირ დანაშაულის ადგილზე დაეჭირე; ბიჯს ვერ წავდგამ, გასაძრომი თუ გამოსაძრომი არსად მაქვს...

— რას ლაპარაკობთ ნიკო? — ვუთხარი მე, — არაფერი მესმის..

— ასლავე გაგაგებინებ, — მიპასუსა მან, — კარგად დამიგდე ყური!.. მჭადს რომ კყოფდი, ხელებში შემოგყურებდი და ეფიქრობდი, თავისთავის უფრო დიდ ნაწილს ხომ არ დაიტოვებს-მეთქი... ერთი პირობა კიდევაც მომეჩვენა, რომ შენთვის უფრო დიდი ნატეხი დაიტოვე... მაგრამ ჩუმაღ, ქვეშქვეშ თვალი რომ გავაყოლე შენსა და ჩემს წილს, დაერწმუნდი, რომ ჩემი წილი უფრო დიდი იყო... დაემშვიდდი... და ყოველივე ეს ზოსდა ერთ წამში, თვალის ერთ დახამხამებაში... და იცი, რომ ეს, მე მგონი, იმიტომ დამემართა, რომ უკვე კარგა ხანია შიმშილის გრძნობა ერთი წამითაც არ მტოვებს...

ეს საოცარი აღსარება წარუშლელად ჩამეწერა მესხიერებაში...

დიდი სასურსათო სიძნელების, განსაკუთრებით პურეულის ნაკლებობის პირობებში საბჭოთა მთავრობამ ნება დართო, ქალაქის წარმოება-დაწესებულებების მუშა-მოსამსახურეებს, სოფლად კოლმეურნეობებისაგან დროებით მიეღოთ მიწის ნაკვეთები მარცვლეულისა (განსაკუთრებით სიმინდის) და ბოსტნეულის მოსაწევად...

სახელმწიფო გამომცემლობის (სსხელგამის) და იმ დროს მასთან გაერთიანებულ საქწიგნის თანამშრომელთა კოლექტივს გამოგვიყვეს ნაკვეთი ბორჩალოს (ასლანდელი მარნეულის) რაიონის ქვემო სარალის კოლმეურნეობის მიწის ფართობიდან. ეს ნაკვეთი მდებარეობდა მდინარე დებედა-ჩაის ნაპირას, შულავერის კლდოვან-სრიოკი მთების ძირის მოშორებულ დაბლობში, რკინიგზისა და სარწყავი არხის

გადამა. ნაკვეთი სარწყავი იყო, მაგრამ მდინარის სიასლოვის გამო ფართობში წყლის მიძეება დიდ სიძნელეს არ წარმოადგენდა. თუმცა კოლმეურნეობა მხოლოდ მაშინ გვითმობდა წყალს, როცა თავისი ფართობები უხვად ჰქონდა გაჯერებული სინესტიით. ადგილი ჭობიანია და კოლოებით ხავსე იყო, ქვეწარმავლებიც მრავლად ბუდობდნენ. უმთავრესად შემაზრზენი ყვითელი ფერისა, შიგადაშიგ არც ფოლადისფრად მოლაპლაპე გიურსები ბკლდა იქაურობას, განსაკუთრებით მშრალ ადგილებში.

ჩენი კოლექტივი დაასლოებით 50 კაცისაგან შედგებოდა. ფართობი იქაური მტს-ის ტრაქტორმა მოგვისხა. მეთვალყურეებად და დამხმარე მუშასეულად საჭიროების მისედევით რამდენიმე კაცი ვმორიგეობდით. ამ საქმეს არავინ ეთიშებოდა, არც დიდი და არც მცირე თანამდებობის პირები. ნათესის მორწყვა საკმაოდ ხშირად იყო საჭირო. ამისათვის მთელი ჩენი კოლექტივი რამდენიმე ჯგუფად იყო დანაწილებული. მორიგეობით ჯგუფებს დამდამობითაც უხდებოდათ სოფელში დარჩენა. სოფლის აზერბაიჯანელმა თავკაცებმა დამის გასათევედ დაგვითმეს ყანიდან ორიოდე კილომეტრით დაშორებული სკოლის შენობის საკმაოდ ვრცელი აივანი. სკოლაძდე დღისით უნდა მავსულიყავით, თორემ შედამებიდან მოსახლეობა დამმულ ქოფაკებს უშვებდა, ქოფაკები კი, მოგესხენებათ, უბოდიშოდ ეპყრობიან უცნობ პირებს. ამიტომ ზოგჯერ, როცა ყანაში შემოგვასადამოვლებოდა სამი-ოთხი კაცი იქვე ვრჩებოდით ღია ცისქვეშ კოლოების სანეტაროდ.

ერთსელ მარტოკასაც მომიხდა ყანაში დამის გათევა. თვალი არ მიმილულავს, ორლულიანი ხანადირო თოფის ჩასმასები სულ შემართული მქონდა; ყველაზე მეტად ქვეწარმავლების მოლანდება მზარავდა. მგლის მოვარდანაც შესაძლებლად მიმანდა, რადგან ერთსელ, დილაბნელზე აქ მართლაც დავინახე ამომშრალ ნაარხალში მომუნძულე მგელი. მაშინ საკმაოდ შორი მანძილიდან კიდეეაც ვესროლე ნადირს ორჯერ ზედიზედ, მაგრამ რაკი ვაზნებში არცთუ მსხვილი საფანტი მეყარა, მგელი დაიჭრა, დიდი არსის წყალი ლასლასით გატაა და გაღმა სშირ ჯაგებში მიიმაღა. ერთი კვირის შემდეგ მისი ამყრალებული ლეში აზერბაიჯანელმა ბიჭებმა იპოვეს კარგა მოშორებით...

ერთი სიტყვით, ის ერთი დამე ყანაში მარტოკამ დიდი ტანჯვით გავათიე. დილით რომ მივისედ-მოვისედე, შორიასლოს შევნიშნე, აყლო მიწის ერთი სერელიდან მეორე სერელში ზანტად მიიზღან-ზნებოდა საკმაოდ მსხვილი ყვითელი ქვეწარმავალი, თოფი ვერ დაეასაღე, სერელში ჩაძრომა მოახწრო...

კარგა ხნის შემდეგ მოვიფიქრეთ და ყანის გვერდზე, მდინარე დე-

ბედა-ჩაის მხარეზე, მაღალ ბოძებზე შემდგარი ლატანებჩაჯორგილი კარავი გაეაკეთეთ; გამოსშირული ჩალით, ბლახბულახით და ჩხერგებით გადავსურეთ; ხის ვიწრო კიბეც მივადგით. ეს კარავი მხოლოდ წვიმისაგან და ნამეტანი სიცხისაგან თუ დავიცავდა. ქვეწარმავლებიც ძნელად თუ შეძლებდნენ ზემოთ ასრიალებას (თუმცა აქ, სოფელში, ერთი აზერბაიჯანელი გლეხის — აბასას სახლის ჭერში შევსახე ორი ყვითელი გველი დასრიალებდა. ეს გლეხი აქაური იყო და ყანის მორწყვაში გეშველოდა. ჩემი შეძრწუნების გასაფანტავად ამ გლეხმა მითხრა: „ნუ გეშინიათ, ჩემს ოჯახში ეს გველები არ იკბინებიან. კიდევაც რომ უკბინონ ვინმეს, მე მაშინვე ჩემი ნერწყვით მოვარჩენ ნაკბენს... საერთოდ, ჩვენს სოფელში ნერწყვით ვკურნავ ყველას, ვისაც კი გველი დანესტრავს. ჩემი სახლის გველები კი ზოგჯერ ქვეშაგებშიც შემომიძვრებიან და ღამეს ჩემს გვერდით ატარებენ“. ამ სიტყვებში მცირე რამ იყო სანუგეშო, ამიტომ სასწრაფოდ გავეცალე იმ გულალალ მასპინძელს...).

რაკი სიტყვამ მოიტანა, ბარემ ბოლომდე მოგიყვებით ჩემს აქაურ თავგადასავალს. სოფელში ჩემს ბავშვობაში გამიგონია, გველს რომ ახსენებ, ამ დროს ვიღაც არამოკეთე და მტერი ავად გასხენებსო. დეე, მტერმა მტრულად მოგვისხსენიოს... ერთხელ სადამოს მე ის აზერბაიჯანელი ვნახე ჭაობში ჩამდგარი ჩენი ყანის ახლოს. საცოდავი, გულისშემზარავი წრიბინი თუ კნავილი ისმოდა, „დაუგდგ ყური, — მითხრა აბასამ, — აქ სადღაც გველი ბაყაყს ასრჩობს და ყლაპავს. თუ ამ დროს გველს დავიჭერ და სისხლს დავადენ, ეგ სისხლი ბნედისა და ბევრი ხსეა სნეულების უებარი წამალია. ამ სისხლის წამლად შემზადების საიდუმლოება მხოლოდ მე ვიცი. იმ საიდუმლოს გამჟღავნება არ შეიძლება, რადგან მაშინ წამალს ძალა ეკარგება. მხოლოდ ჩემს შვილს შეიძლება გადავცე ის საიდუმლო“. ყოველივე ამას აბასა დამტერეული რუსულ-ქართულით მეუბნებოდა.

სიმართლე გითხრათ, არც დამბადებია სურვილი გამეგო აბასას საიდუმლო, მით უმეტეს, რომ ძალიან ნაკლებად მჯეროდა მისი წამლის სასწაულმოქმედება; ისე კი ჩემთვის გავიფიქრე, — გველი ბაყაყს ასრჩობს, ურიგო როდი იქნება ბაყაყიც ასრჩობდეს-მეთქი გველს.

დეე, ავად მახსენებლებმა ბოლომდე, ავად მახსენონ, უეჭველად ბოლომდე უნდა მოვყვე ქვეწარმავლებთან შეხვედრის ყველაზე მწვავე შემთხვევები. მით უმეტეს, რომ ეს შემთხვევები როგორღაც ესიმბოლოება ომის საშინელებათა განცდებს. ათასჯერ ჯობს ერთხელ უეცრად სული ამოგდეს, ვიდრე ყოველდღე, ყოველ საათს, ყოველ წუთს ელოდე ახლობელ და ძვირფას ადამიანთა დაღუპვის ამბავს...





არაფერი ჩანდა, თუ იმ ძველი ციხის დამაწებულ ლოდებს არ ჩაგ-  
თვლიდით.

სანძიშესულ ნიკოს აღმართზე სუნთქვა აუჩქარდა. გადაწყვიტა  
მთის პირას მიველ-მოველო. მე კი მისახვევ-მოსახვევებით კორტო-  
სისაკენ გავეშურე. მზე აცხუნებდა. სულდგმულთაგან ყველაზე მე-  
ტად იქეთ-აქეთ გარბოდნენ ლურჯი და მზით დაგვალული მიწის-  
ფერი ხვლიკები. აქა-იქ ეკლიანი ჯაგები თუ ბუჩქები იყო მიმოფან-  
ტული. თუ ძალიან მიაყურადებდით, სადღაც, შორეული სივრციდან  
ყრუ გუგუნე თუ გრიალი მოისმოდა... კორტოსისაკენ მივიწვიე და  
რატომღაც უნებლიეთ ამეკვიცა ოდესღაც გაგონილი თუ ფიქრებში  
დაბადებული სტრიქონები:

და იქ, სადაც უღარდელად  
ლურჯი ჩიტი ფრთებსა შლიდა,  
ეკლის ჯაგი აღმართა  
და შავ გველი ასისინდა.

არც მაშინ ვიციოდი, არც ახლა ვიცი, დმერთმანი, არ ვიცი, ვისია  
ეს ლექსი, ანდა ასე რატომ ამეღვიწა იგი. ამ სტრიქონების თანსლე-  
ბით მიეუახლოვდი მთის ნაცისარ თსემს და მართლაც გავიგონე შემ-  
წარავი სისინი თუ წივილი. ეკლიან ჯაგში უეცრად თვალი მოვკარი  
ბაჭიას თავს, დაჭმუჭნილს, მკედარს. მზე იყო მცხუნვარე, ცაც აღ-  
ბათ საოცრად კრილა იყო. ბაჭიის გვერდით თვალი შევაფლე ზირო-  
ტად წამოწეულ გველის შავ-მონაცრისფრო ლაპლაპა თავს... ჯაგის  
გვერდით მიკლაკნილ-მოკლაკნილად გადვრილი იყო მისი შავ-ლურ-  
ჯი ტანი. ზორბა მოჭიდავის მკლავის სიმსსო და ორი-ორნახევარი  
მეტრის სიგრძე იქნებოდა. შეზარებული, შეძრწუნებული, ხუთი-  
ექვსი მეტრით უკან ვიხევე. აქ ბრტყელი ლოდი გდია. ვმოძრაობ საო-  
ცარი სისწრაფით. ვდგები ლოდზე, თოფს თავში ვუმიზნებ აყელყე-  
ლაგებულ და მწარედ ასივლებულ გველს. ზედიზედ ვახლი ტყვიას  
ორთავე ლულიდან. ალბათ, პირდაპირ თავში ვერ მოვარტყი... ყელში  
ცადითბა და თავი ფერდობზე დასრიალდა. სასწრაფოდ ჩავდე თოფ-  
ში ასალი ვაზნები და მოკვეთილ თავს დავახალე. თავი სისხლით მი-  
წას მიეგლისა. მიკლაკნილ-მოკლაკნილი სხეული კი დადვრილი კუპ-  
რით მოჩანდა მოშორებით. მე სასწრაფოდ დავეშვი დაბლა. ნიკოს  
კურდღელი მოენადირებანა. ქვეწარმავლის მოკელის ამბავს იგი  
მაინცა და მაინც არ გაუოცებია.

ნაშუადღევს დავინახეთ, რომ ნანგრევიან კორტოსს აუარებელი  
კაჭკაჭი დასვეოდა.

ერთი კვირის შემდეგ, ყანაში ჩასვლისას. ნაცნობ აბასას ვუამბე  
უსარმასარი გველის მოკელის ამბავი...

— აი, თურმე ამიტომ ესვეოდა თითქმის მთელი კვირის განმავ-

ლობაში იმ ვორაკს აუარებელი კაჭკაჭი, — მითხრა აბასამ რუსულ-ქართულ-აზერბაიჯანულად, — კაჭკაჭი საოცარი ფრინველია. ძალიან ეტანება ქვეწარმავლის ლეშს... გველის ხორცი მეტისმეტად უყვარს აგრეთვე ერთი ჯიშის ქორსა თუ არწივს. არ გინასავთ, ცაში ატაცებული გველი როგორ იკვარწნება ქორის კლანჭებში იგი ზოგჯერ თოკივით ჰკიდია ჰაერში მონაფარდე თუ მოცურავე ფრთაგაშლილ ფრინველს...

აბასას სიტყვებს, რასაკვირველია, ჩემი რედაქციით ვამბობ.

დღეს მე არ ვიცი, ეგონებ, არც არაფერ იცის, სად არის უფრო ღრმად შეჭრილი ადამიანის გონება — გარე კოსმოსურ სივრცეებში, თუ ადამიანის სულის სიღრმეებში. მიუსხედავად ამისა, ჰომეროსიდან დაწყებული დღევანდელ გენიალურ მოაზროვნებამდე, გოჭება უფრო მეტად ადამიანის შინა ბუნების ამოცნობას ლამობს, ვიდრე გარე სამყაროსას... ლამობს, და, შეიძლება ითქვას, ჯერჯერობით ნაკლებ ნაყოფიერადაც.

მე სომ ვიცი, შენც სომ იცი, თითქმის ყველამაც იცის და სინამდვილეში კი არაფერაც არ იცის, რომ „თითოეული ადამიანი იწონის მთელ ქვეყნიერებას“. ეს უკანასკნელი ფრაზა უცხო ფრინველმა ჩამაწვეთა ყურში იმ დროს, როდესაც ჩვენი კოლექტივის ერთი წევრი, წინა დღით რომ ერთადერთი შვილის დაღუპვის ცნობა მიიღო, ეგებერთელა ლუკმებს იტენიდა პირში, მოდი და გაიგე, ქვეყნის ასაკალ-დასავალი! მას შემდეგ თითქმის 40 წელია გასული და რა გასაკვირია, რომ ყოველი იმდროინდელი სულიერი ჟრუნტელი ზუსტად არ მახსოვდეს.

მახსოვს ნიკოს ერთი მაშინდელი მისთვის რამდენადმე უჩვეულო წამოძახილი: „შეიძლება გაგიყდეს კაცი! ვინ დათვლის, რამდენი ადამიანური გალაქტიკა იღუპება ახლა ყოველ წამს... არა, არა! ღირს სიცოცხლეც და სიკვდილიც ქვეყნიერების გადასარჩენად!“.

— შეიძლება კი ქვეყნიერების გადარჩენა? — თითქმის ჩემდაუნებურად წამოვიძახე.

ნიკო რამდენიმე წუთით დაფიქრდა, მერე ფიცხლად წამოიძახა:

— შეიძლება!.. როგორ არ შეიძლება!

ამ დიალოგს არ გაყევი; გავიფიქრე: გულუბრყვილობაში არ გაღაგვარდეთ-მეთქი. უკვე მის ზღურბლზე ვიდექით.

ნიკო ერთხანს დაფიქრებული მოაბიჯებდა, თითქოს მხოლოდ თავისთავს ესაუბრებოდა. მერე უეცრად ჩემკენ შემობრუნდა და მითხრა:

— გახსოვს კ.-ლი? რა მხიარული, რა ჯანდონით სავსე კაცი იყო, დაუზარელი და კარგი მუშაკი, იმედებით სავსე; ათ-თხუთმეტ დღეში გაათავა პარტასტიანმა ტიფმა... ახლა უკვე მისი სასხენებელიც აღარაა... აღარავის ახსოვს... ალბათ, ყველას ასეთი რამ მოგველის...

ნიკომ თითქოს რაღაც საშინელი სიმწარე ჩამაწვეთა გულში. გამახსენდა იმედებითა და დაუცხრომელი იუმორით სავსე კ.-ლი. იგი, ვგონებ, ყოფილი ასოთამწყობი იყო, ჩვენ დროს კი გამომცემლობის საწარმოო განყოფილებაში მუშაობდა, დაუცხრომელი, მოქმედი კაცი იყო. დიდი სიხარული და ბედნიერება ცხოვრებაში არ უნახავს; მხოლოდ რამდენიმე წუთი თუ ჰქონდა საამური.

კარგა ხანს ნიკო დაფიქრებული მოდიოდა ჩვენი ყანისაკენ. მერე, ჩვეულებრივ, სწრაფად შემობრუნდა ჩემკენ და მითხრა:

— იცი, რატომ გამახსენდა კ.-ლი? შენმა მოკლულმა გველმა გამახსენა... სიკვდილამდე ოცი თუ ოცდასუთი დღის წინ დილაადრიან შემოვიდა ჩემთან, დამიჯდა წინ და მეუბნება: ნიკო, არ გაგიკვირდეს, აღსარება უნდა გითხრაო. კარგი იყო, ომში წავსულიყავი, მაგრამ ჯერჯერობით ჯანმრთელობის მხრივ დამიწუნესო... ახლა კი ჩემი დღეები დათვლილიაო. ვეუბნები, რას ბოდავ-მეთქი. შემეხვეწა, ყური დამიგდე, ნუ შემაწყვეტინებო... მეუბნება: ცუდი კაცი არ ვყოფილვარ, ის დღე ჩემი სიცოცხლის დღედ არ მიმაჩნდა, თუ ვინმეს ჩემს ირგვლივ მყოფთაგანს მცირეოდენ რამეს მაინც არ ვასიამოვნებდი; ყველაზე დიდ ღირსებად და იმედად ის მიმაჩნია, რომ ჩემს თავთან ვიყო მართალი და პატიოსანი. მე მგონი, უფრო დიდი ადამიანური ღირსება არც არსებობს, ვიდრე იყო მართალი საკუთარი სინდისის წინაშე. გადავწყვიტე, შენ გაგანდო ჩემი ერთი დიდი საიდუმლოება: მე — პარტიის წევრს — მწამს ღმერთი, მწამს რაღაც უმაღლესი ზეციური ძალა... არც მღვდელი, არც ეკლესია, არც წირვა-ლოცვა არ მწამს. მხოლოდ ღმერთი მწამს...

მე გაოგნებულმა რაღაცის თქმა დავაპირე.

— არა, — მითხრა მან, — ნუ შემაწყვეტინებ, ბოლომდე მათქმევი და მერე რაც გინდა და რაც საჭიროდ დაინახო, ის მოიმოქმედო... მე მწამს ღმერთი და, ვფიქრობ, ამიტომაც ვარ პატიოსანი. ვიცი, შენ მეტყვი, ყველაზე დიდი უპატიოსნება ის არის, რომ ამას უმაღლესი და უმაღლავ ამხანაგებს, შენს წრეს. — იქნებ, ეს ასეც იყოს, მაგრამ ამით მე არავეისთვის, არც საქმისათვის არავეითარი ზიანი არ მიმიყენებია... მე მხოლოდ ჩემს გულში ვატარებდი ჩემს საიდუმლოებას... ახლა ჩემი აღსასრულის დღე მოახლოებულია და თქვენ გეუბნებით ჩემს საიდუმლოებას. ვიცი, უადრესად პატიოსანი და რწმენის ერთგული კაცი ხართ. როგორც საჭიროდ დაინახოთ, ისე მოიქცით... მე მალე მოვეკვები. საიდან ვიცი? სიზმარი ვნახე. სიზმარიც მწამს, ეს ერთი ხანია თითქმის ყოველ დამე მესიზმრება: უზარმაზარი გველი ტანზე მეხვევა, ყელში კბილებს მასობს და ბნელ ორმოში მიმათრევს, მანჩრობს, სულს მიხუთავს... აბა, დაისსომეთ, მალე დამახაფლავებთ...

— ქაშინ გავაფიქრე. — თქვა ნიკომ, — ომის ვითარებამ, შიშშიღმა, ნერვულმა დაძაბულობამ სულაერად მოშალა კაცი-მეთქი. შევეცადე მაშინ მისი აღსარება არ გაქმნიედედებინა და არ გამეშაფრებინა. სამ-ოთხ დღეში კი იგი პარტასტიანი ტიფით დააედებულს მოათაეხეს საავადმყოფოში — ილია ჭავჭავაძის სახელობის ყოფილ საშუალო სკოლაში, უფრო ადრე იქ საფერშლო სკოლა იყო. ხომ გასსოვს, რამდენიმე დღეში იქიდან წაასვენეს ის უბედური კაცი... რასაკვირველია, სულიერი დეპრესია მას ჯერ კიდევ გამოუშყდარებელი ავადმყოფობის დროს დაეწყო... ის უბედური ახლა შენმა მოკლულმა გველის ამბავმა გამასხენა... საერთოდ კი მეტად გამოუცნობია ადამიანის ხულის უსასრულო ბნელი სეულები. ამას შენ გეუბნები შემთსვევით, ასეთი რამ აქამდე არავისთვის მითქვამს... საერთოდ, ალბათ, კაცს რომ ტანში სიკვდილი შეუჯდება, გონებაში შესაძლებელია, მისტიკა შეეპაროს.

ძლიერ გამაკვირვა ერთი შეხედვით საკმაოდ „მშრალი კაცის“ — ნიკოს ამ მონაყოლმა. შემდეგში არაერთსელ მქონდა შემთსვევა მეგრძნო ამ „მშრალი კაცის“ რატომღაც ძლიერ შეფარული, მაგრამ ერთობ მგრძნობიარე და თითქმის ერთგვარი რომანტიკით ისარნაკრავი ბუნება.

საქმეში, სამსახურში, საზოგადოებრივ ურთიერთობაში ნიკო ნამდვილად საოცრად გულცივი და ფილადივით, კლდესავით შეუვალი და მაგარი იყო, არა მარტო სხვების, არამედ თავისთავის მიმართაც მისი უანგარობა ზოგჯერ, თუ შეიძლება ასე ითქვას, თვითგვემაშიაც კი გადადიოდა. მან გერმანული ენა იცოდა და თითქმის ყოველწლიურად რედაქტორობდა ზოგიერთ გერმანულ სასელმძღვანელოს. მაგრამ თუ სასელმძღვანელოს ასალ გამოცემაში რაიმე დიდი ცვლილებები არ იყო შეტანილი სარედაქციო მონორარზე სულ უარს ამბობდა. სხვებს კი ამგვარ სარედაქციო სამუშაოში უყოყმანოდ აძლევდა კანონიერ მონორარს.

ძველ ნაცნობ-მეგობრებს ნიკო პოეზიის გამგებად და მოყვარულად არ მიიჩნდათ. პირიქით, ამ მსრივ მას ზოგჯერ საოცარ უგემოვნებასაც კი მიაწერდნენ. პირადად მე მას პოეტურ სმენანაკლებობას ვერ მივაწერ. ნამდვილად მისგან არაერთსელ მომისმენია ადფრთოვანებული სიტყვები გალაკტიონის გასაოცარი და განუყოვრებელი პოეტური მუხიკალურობის, გრიშაშვილის პოეტური მსქეფარებისა და სიკისკასის, აბაშელის ოდნავ გრილი, მაგრამ ულამაზესად და უზუსტესად ნაქერწი პოეტური სიტყვის შესასებ. ვიცი, აგრეთვე, გულითადად უყვარდა გიორგი ლეონიძე, მოსწონდა მისი სიტყვის სიუსხე და ბარაქიანობა, კარგ პოეტად მიიჩნდა მაშაშვილიც, მოსწონდა ირაკლი აბაშიძის მაშინდელი ცნობილი ლექსებიც. ამავე დროს პოე-

ზიის დიდ ქომაგად მაინც ვერ გამოვაცხადებ... მასხოვს ერთ საკმაოდ ცნობილსა და გახმაურებულ პოეტს თითქოს სუმრობით, მაგრამ არც თუ საფუძველმოკლებულად უთხრა: — წიგნს უკუველად გამოგიცემ, მაგრამ შენს ლექსებს თუ პროზად დაწერა... ეს ამბავი შექმნე კარგა ხანს დადიოდა სასაცილო ამბად... მიუხედავად ყოველივე ამისა. სადღაც სულის სიდრემში, შეგნებულად თუ შეუგნებლად, გარეგნულად ერთობ ცივ კაცს — ნიკო კიკნაძეს უღვივოდა პოეზიის გრძნობა. მე სშირად მიმგზავრია მასთან სანადიროდ შორისა თუ ასლოს. ამ მგზავრობაში მას სშირად, ძალიან სშირად უყვარდა გასსენება ილიას სტრაქონებისა: „აღმობრწყინდა მზე დიდებულადა და განანათლა ქვეყანა ბნელი“. მართლაც დიდებულად არის ნათქვამით, — თითქმის ყოველთვის დაატანდა თან.

დამე მგზავრობა კი საშინლად ეჯავრებოდა. ერთხელ გამომიტყდა და ძლიერ გულასდილად მითხრა: „საშინლად მეჯავრება დამე მგზავრობა გინდ მატარებლით, გინდ მანქანით. ასე მეგონია, რაღაც საშინელბას — უზარმაზარ შავ გველეშაპს დაღებული აქვს დიდი, ბნელი გვირაბის მსგავსი ხახა და მელაპავს მატარებლიანად, მანქანიანად... ვიცი, ავადმყოფურია, რაღაც თითქოს მოჩვენებითია. მაგრამ ამ მხრივ ვერაფრით ვერ ვერევი ჩემს მოჩვენებებს, უკეთ ვთქვათ, ჩემს თავს“.

ამას ამბობდა მრავალჭირნაცადი კაცი, ვის გამოც თითქოს ყოველთვის აღზევებულად უნდა ვილაპარაკოთ, მაგრამ, არსებითად, მისთვისაც ყოველივე ადამიანური უცხო არ იყო.

„რა კარგია კრიალა ცასაეით გადაქმენდილი, უბურუსო გინება“, — ყოველთვის თან დაატანდა თავის „მისტიკურ“ გადასვევებს...

დებედა-ჩაის ნაპირებიდან თუ სანახებიდან ბევრი რამ გამომყვა მოსაგონებლად... ერთხელ იქიდან ჩამოტანილ ძალიან მცირე ნანადირეზე სსვებთან ერთად მწერალთა ერთი ჯგუფიც მეწვია. გვექონდა მძიმე განცდა ომის ტრაგიკული ვითარებისა, მაგრამ უიმედობა არ გვაწვალებდა. შემთხვევით სიტყვა ჩამოვარდა სიმხეცესა და აყალმაყალზე, მოახლოებული ფრონტიდან გამოქცეული ლაჩრები რომ ტესდნენ სოლმე თბილისის ქუჩებში. ერთმა შეინახეთავანმა კიდევაც გვიამბო, როგორ გასდა უშუალო მოწმე ერთი ტრაგედიისა პურის გამო. ვილაც მთვრალმა-დეზერტირმა შეურაცხყო ქალი, ვინც მწარე საყვედური უთხრა იმის გამო, რომ მთვრალმა ძალადობით, ურიგოდ აიღო სსვების ულუფა. „ჩემი ქმარი და ძმა იქ მტერს ებრძვის შენ კი გამოქცეული ლაჩარი აქ მათ შეილებს მცირე ლუკმის მიღებასაც უძნელებ...“ ეს იყო და ეს. ავტობატის საბედისწერო გასროლას კინადამ საშინელი ხოცვა-ჟლეტა მოჰყვა... მწარე ამბებს და მწარე ფიქრებს ძალე მოეყვით. ადამიანი ყოველ მდგომარეობასაც ცდილობს:

სულის მოსაოსებელი ახოვს... ჩვენი სუფრა იმდენად „მდიდრული“ და „უსვი“ იყო, რომ გემრიელი კერძებისა და საამო სასმელების მონატრების ძალიან დიდ გასაქანს გვაძლევდა. ასე გასინჯეთ, ერთმა არც თუ ისე გურმანმა თანამესუფრემ გასაგონად დაიწყო ოცნება გურულ საცივისა და ხაჭაპურზე, ცხელ ღოძსა და ჭყინტ სულგუნზე, ოსტატურად გამოყვანილ შაშხსა და „ჭკუისდასაკარგავ“ კუპატებზე, „ღვთაებრივ“ ალადასტურზე და შუშუნა ჩხავერზე. რა მექნა დაბოღმილ მასპინძელს? „მოგიკედეთ დოღლაბა ქოსა ჩაქალაძე-მეთქი“— ვამბობდა გულშიც და გასაგონადაც. ერთმანეთსაც გვარიანად აქილიკებდნენ. იმ „პურმარილიანობის“ უფრო მკაფიო და ფერადოვანი სურათები შეუძლიათ გაისსენონ (თუკი ახლა საწყენად არ ექნებათ) ალექსანდრე ქუთათელმა, გრიგოლ აბაშიძემ და ზოგიერთმა სხვამ... კაცმა რომ თქვას, მართლაც რა გასასხენებელი იყო პურობა უპუროდ, ქეიფი უღვინოდ. მაგრამ რაკი კალმის წვერს მოჰყვა, უკან აღარ ვიხევე...

უნდა მოგასხენოთ, რომ ღებელა-ჩაის ნაპირებიდან ჩამოტანილი არც ნანადირევი, არც სიმინდი არ ყოფილა ისე მნიშვნელოვანი და საგრძნობი, როგორც ტროპიკული მალარია, რამაც ბარე ექვსი თვე „მანებიერა“ ლოგინში. ჭირნასულის მოწვევას მე ვერ დავესწარი. ჩემიანებმა დიდი ტანჯვა-წვალება გამოცადეს. მაგრამ ქვეყნიერების ტანჯვა-წვალება ამსუბუქებდა ჩვენს ტანჯვას. ავადმყოფობა არა მართო ტკივილებისა და სსეულის გვემის გამო არის შემზარავი და შემაწუხებელი, არამედ სულის დავიწროებითაც, სულიერი ინტირესების შემოზღუდვითაც. გინდა არ გინდა, ავადმყოფი მეტწილად საკუთარ ტკივილებზე ფიქრობს. ეს კი საოცრად ავიწროებს მის სულიერ მისწრაფებათა წრეს. ამიტომაც ყოველთვის სურვილი მებადება უამი ავადმყოფობისა ამოვშალო ჩემი ბიოგრაფიიდან. მაგრამ საკმაოდ გრძელი მონაკვეთის ამოშლა დამჭირდება. საერთოდ თავგადასავალში უეჭველად აზრი უნდა მოიძებნოს. მეც დაბეჯითებით ვეძებ აზრს. ვაი, რომ ვგონებ, ვერც ეპოულობ მას, ყოველ შემთხვევაში, ხშირად ასე მეჩვენება... იქნებ უაზრობით საკმაოდ უხვად არის გაჯერებული თუ დამუხტული ცსოვრება კაცისა. ჰე! რაც არის, არის! იყოს, რაც არის!.. ყველაზე მწვავე და სულშემსუთავი ფიქრი ამაოდ გაფრენილ დღეებზე ფიქრია.

...უკვე ზამთრის პირი იყო. ვითოშებოდით, ვიყინებოდით. ნავთის რიგი შუალამიდანვე დგებოდა. მეუღლეს (ეგ სიტყვა საოცრად ზუსტი და ბომბივით დამუხტულია მართალი შინაარსით) ჩემი მისხლეცა უნდა მოესწრო და სკოლაშიაც არ დაგვიანებოდა... მალარიის შეტევებს შორის სარედაქციო სამუშაოს მაინც ვასრულებდი. თუმცა უზომოდ მიჭირდა, ვედარ ვმსასურობდი. საავადმყოფო ფურცლის ყველა

კადა ამოწურული იყო. მცირეოდენ ლიტერატურულ სამუშაოებს მაინც ვასრულებდი.

იმის გამო, რომ ერთხელ მე ერთი დიდი თანამდებობის კაცის მდგომარეობა ვერ გავუთანაბრე მის ბუნებრივ ადამიანურ ღირსებებს, საშუალება წამერთვა მესარგებლა კუთვნილი შეღავათით. ნიკოს სურდა გაელაშქრა ამ შენიღბული კაცთმომულეობის წინააღმდეგ. მაგრამ ჩემი დაბეჯითებითი თხოვნით მოეშვა ამ საქმეს. მე იშვიათად, თითქმის სრულიადაც არ შევსვედრივარ კაცს, რომელიც ისე მოკლებული ყოფილიყოს უპირატესობის გრძნობას, როგორც ნიკო კიკნაძე იყო. გარეგნულად ეს საკმაოდ ღრჯუ კაცი, პირდაპირ გასაოცრად ნაზი და გულისხმიერი იყო სხვათა ტყივილების მიმართ. არა ერთი და ორი მაგალითი გამიგია, იმისა, როცა ნიკო თავისთავს, თავის ოჯახს აკლებდა კანონიერად კუთვნილ ნიუთიერ სახსარს და სხვას უმართავდა ხელს...

...იმ ზამთრის პირას საშველს არსაიდან ველოდი. ათასნაირ გასაჭირს ზამთარში გაყოლილი მალარიაც ემატებოდა, კარებზე დამიკაკუნეს და უეცრად სახელგამის ინჟინერი რუბენ ზუბიაშვილი მეწვია. წესიერი კაცია, ასე თუ ისე ნიკოს ნაწრთობობა ეტყობოდა. ორი კუბიკური მეტრი შუმა და ერთი ბილონი ნაეთი გამოეგზავნა ნიკოს ჩემთვის. ეს ხსნა, ნამდვილად ხსნა იყო ასევე გაეგზავნა ორი ავადმყოფი თანამშრომლისთვისაც.

— თვითონ კი სახლში ცოლ-შვილიანად იყინება. არასგზით არ დამანება მისთვისაც მიმეტანა ღირექტორის ფონდიდან ცოტა რამ. პირდაპირ უცნაური კაცია! — მითხრა ზუბიაშვილმა.

ნიკოს დაეურეკე და მადლობა ვუთხარი.

— შენ ეცადე ჩქარა მორჩე, — მიპასუხა ნიკომ, — უეჭველად მესაჭიროები. იმედი მაქვს მტერს როგორმე მოეგუდაეთ. ვფიქრობ, მეც, ხანდაზმული კაცი მოვესწრები, რამდენიმეჯერ მაინც მივიარ-მოვიარო თოფმომარჯეებულმა ფოილოს ყოვლიარის თუ თაუზის ჯაგნარები... გასსოვს, იმ ზამთრის პირას ნაბამბარ ადგილებში რამდენიმე დურაჯი რომ მოვინადირეთ?.. შენ რომ გაყინულ ფშანში გადავარდი, გათოშილი ამოდი, ღამე რომ მოხუც აზერბაიჯანელთან გავათიეთ დაგუზგუზებულ ბუსრის პირას; ის მოხუცი კამეჩის მაწვით რომ გაგვიმასპინძლდა... ისეთი გემრიელი მე არაფერი მახსოვს... სჯობს ასეთი რომანტიკული თავგადასაულები გაისხენო და დროზე ფესზე დადგე, ვიდრე მწარე ყოველდღიურობაზე იდარდო... მაგრამ, „ეპ, სადღა ნახავ ელამ მიკიტანს“... — ნიკოს უყვარდა თავისი მსჯელობის დაბოლოება მოულოდნელი, ერთობ შორეული ასოციაციით ნაკარნახევი ციტატიით, — მორჩი, წამოდექი, იცოდე საჭირო ხარ! გასსოვდეს, მე საშინლად მეჯავრება, როდესაც გაჭირვებულ და შევიწროებულ ად-

მაანებს კეთილდღეობას და ბედნიერებას აწერენ თუ აბრალებენ. მაგრამ არც ჭირისთვის თაყვანდება ვარგა... გამომცემლობაში საჭირო ხარ და გელოდებით!

ნიკომ სწრაფად დამოკადა ყურმილი, მაგრამ მისმა სიტყვებმა უეჭველად გამამხნევეს.



გამოსდა ხანი. ერთი თუ ორი წლის შემდეგ ნიკო კიკნაძეს შემთხვევა მიეცა კიდევ ერთი აღსარებაც ეთქვა ჩემთვის.

— შენ ალბათ იცი, როგორ მსიბლავს, როგორ მიყვარს მე დაუზარელი, ბევრითი, საქმიანი მუშაკი, — მითხრა ერთსელ მან, — ფხიზელ. დაუზარელ, საზრიან და კარგ შემსრულებელ კაცს მე ზოგიერთ ხუსტ მხარეს. ზოგიერთ ნაკლს უეჭველად ვაბატიებ... ალბათ, მე თვითონ მაკლია სიმარდე და მოხერხებულობა ცხოვრებაში და ამიტომაც მომწონს ამ თვისებებით დაჯილდოებული ადამიანები... გულით ვენდობი ასეთებს... აი, ჩემი ერთი გულითადი ნდობის ამბავი: ძალიან, პირდაპირ საოცრად მომწონდა, მომწონდა კი არა, მიყვარდა, ნამდვილად მიყვარდა, გესმის; ძალიან მიყვარდა გამომცემლობის ერთი მუშაკი. მე მას არ დაგისახელებ, არ არის საჭირო იცოდნენ მისი ვინაობა, იცოდნენ მისი სახელი და გვარი... პირდაპირ ელვა იყო, საკმაო იყო ოდნავ მენიშნებინა რაიმე დავალება, რომ დაუზარებლად, სასწრაფოდ, უნაკლოდ და ზუსტად შეესრულებინა ის... ამ კაცის სიმარდით, მისვედრილობით, სიკისკასითა და ხალისიანობით მოხიბლული ვიყავი... თანაც შეხედულად ვაუკაცური, მოხდენილი და წარმოსადგეი იყო... ოდნავ ენას უკიდებდა, მაგრამ ეს ისე შეენოდა, ვნატრობდი ჩემს პატარა ბიჭს მასავით დაეწყო ლაპარაკი... მე იგი მიყვარდა, ძალიან მიყვარდა. საკმაოდ განვითარებული და სასიამოვნო მოსაუბრეც იყო. უიმისოდ მოწყენილი ვიყავი, მინდოდა ხშირად ყოფილიყო ჩემთან. ერთ რამეს კი ვამჩნევდი: გაჭირვებისა და სელმოკლეობის დადი მაშინ ყველას, სულ ყველას რომ აჩნდა, მას სრულიადაც არ ეტყობოდა. სახეზე მუდამ გამაძღარი და თვითკამყოფილი კაცის იერი დაკრავდა, მაგრამ ზოგჯერ, ძლიერ იშვიათად, ამას რომ ვამჩნევდი და გულში რაღაც ეჭვის ბრჭყალი გამკრავდა, უმაღვე თავს ვტუქსავდი — ასეთ საქმიან ვაუკაცს როგორ ვაყენებდი რაღაცნაირი ეჭვის შკრთალ ჩრდილსაც კი... უნდობლობის უმცირეს ნაჭამალსაც კი პირდაპირ განუსაზღვრელი ნდობის გამოცხადებით ვანაზღაურებდი. მე იგი ვაქციე ჩვენი გამომცემლობის ყველა საქმის, ყველა სახსრის, ყველა ღირებულების მომვლელად, გამგებლად, ბატონ-პატრონად. ისიც კარგად, საზრიანად და ხალისიანად ასრულებ-



და თავის როლს... და უეცრად გამოირქვა, რომ მთელი მისი კაიკაცობა საოცარი თვალთმაქცობა ყოფილა... არა, იქნებ თვალთმაქცობას ვერც დაეარქმევე, ვერც ნიღაბიანობას ვუწოდებ. შეიძლება საშინელი გაიძვერობა დამერქმია, მაგრამ არც ეს იქნებოდა ზუსტი დასახიათება, არა, მას თავისი ცუდკაცობა საოცრად გააზრებული, გამართლებული და დასაბუთებული ჰქონდა... ერთი სიტყვით, მე იგი შემთხვევით, სრულიად შემთხვევით დავიჭირე გაქანებულ ქურდობაში, მძარცველობაში, მექრთამეობაში. აუარებელი პოლიგრაფიული მასალა, მათ შორის ორ ტონამდე საუკეთესო ქაღალდი, რამდენიმე ათეულ კილოგრამამდე ძვირფასი ტყაფი განსაკუთრებული გამოცემებისათვის და სხვა მრავალი მასალა გაეცა, გაეყიდა ქურდულად, საკმაოდ ბევრი ქრთამიც აედო ზოგიერთი არცთუ ისე სასწრაფო და საჭირო წიგნის გამოცემისათვის... მე იგი პირდაპირ აშკარა დანაშაულში დავიჭირე... თავზარი დამეცა, საოცრად დოყლაპია, საოცრად გაცურებული და გაბითურებული აღმოვჩნდი. მაგრამ ეს კი არ არის მთავარი... მთავარი მისი თეორია გამოდგა...

— რა თეორია უნდა ჰქონოდა ქურდობაცა კაცუნას, — შევესიტყვე ნიკოს, — ხომ არ ახეიადებთ იმის გამო, რომ გულგამწყრალი ხართ...

— არა, არა! იმას საკმაოდ მოფიქრებული და მწყობრად ჩამოყალიბებული თეორია ჰქონდა...

— განა შეიძლება ქურდის თუნდაც გონებამახვილურ მოსაზრებებს რაიმენაირი თეორია ვუწოდოთ?

— დამაცადე, ყური დამიგდე... იმაზე კი, შეიძლება თუ არა მის მოსაზრებებს თეორია ან თუ გნებავთ, ფილოსოფია ვუწოდოთ, შემდეგ ვილაპარაკოთ... — მეუბნება ნიკო. — მე იგი ცალკე ოთახში გავიხმე, მდივანი გავაფრთხილე არაეისთვის ეთქვა, რომ აქა ვარ. კარები ჩაკეტი, დაეჯექი, პირისპირ დავისვი და ვეუბნები: ბიჭო, არა გრცხვენია! ასე როგორ დაეცი და გათასსირდი?!

უტიფრად თვლებში მომაჩერდა და სრულიად აუღელვებლად, უტესად მეუბნება:

— რისი უნდა მრცხვენოდეს: ან რა არის ამ ქვეყნად სასარცხვო?!.. მე თუ მკითხავ, შენ უნდა გრცხვენოდეს შენი ლაჩრული ბუნებისა. შენ გინდა უანგარობის, უმწიკვლობის ნიღაბი აიფარო, რომ შენი ნამდვილი სასე, შენი სივლახე, შენი უსუსურობა და მშიშარობა დაფარო. რა არის პატიოსნება, სინდისიერება? ან არის კი საჭირო ეს ვითომდა კარგი თვისება? ეგრეთწოდებული პატიოსნება ლაჩრობის ნიღაბია და სხვა არაფერი.

— ბიჭო, რას როშავ, — ვეუბნები, — განაგრძობს ნიკო — მასეთი რამეს ხომ ჩვენი მტრები ქადაგებენ....

— მე ნუ მაშინებ მტრების ბანაკში ჩარიცხვით, — მეუბნება —  
ესეც შენი ლაჩრობის ნიშანიაო..

— გაგიუდი, ბიჭო, — ეუბნები, — მე შენ იმდენად გაფასებდი,  
რომ ვცდილობდი რაიმე გამართლება მომეძებნა შენი ცუდკაცობისა-  
თვის. შენ კი გამოუხწორებელი დამნაშავე ყოფილხარ!

ამაზე ის მპასუსობს:

— გამოუხწორებელი ვარ ისე, როგორც ყველა, ყველა ამ ქვეყ-  
ნად... რასაკვირველია, სადღაც მეც ვარ შენსავით ლაჩარი... ლაჩარი  
რომ არ ვიყო, ყველას, ყველას, მთელ ქვეყანას სახეში შევაფურ-  
თხებდი და ვეტყვოდი: საზიზღარი ხარ, რადგან ვითომდა დანაშაული-  
სათვის, რასაც თვითონ ჩემ ჩუმად, ფარულად ყოველ ფეხის გადად-  
გმაზე ჩადიხარ, სჯი იმას, ვისაც შემთხვევით გაუმყდენდა იგი... ახ-  
ლა მე ვიცი, რაკი შენისთანა „წმინდანმა“ (ეს სიტყვა დაცინვით წარ-  
მოთქვა) ხელში ჩამიგდო, მე უნდა დავისაჯო...

მერე მოსდგა და თითქმის ყველა ნაცნობი თანამდებობის პირი  
ცოდვილზე ცოდვილ დამნაშავეებად დასახა.

— ზოგიერთი მათგანი შენიღვაში მჯობნის, ზოგს კი ბედი უმარ-  
თლებს. — დაასვენა მან.

— მით უმეტეს, — ეუბნები მშვიდად, — თუ ამდენი წამსდარი  
ადამიანი გვახვევია, ყოველ წესიერ კაცს მართებს გაასკეცების.  
იბრძოლოს ყოველგვარი ცუდკაცობისა და ბოროტების წინააღ-  
მდეგ.

აქ მან ტარტაროზული ხარსარი აიტეხა. მერე დაწყნარდა, დაცინ-  
ვით იკითხა: ვინ არის ეს წესიერი კაცი? წესიერები მსოლოდ მა-  
თხოვრები და სანაგვეზე გადასაყრელი უბადრუკები არიან — დაასვენა  
მან უტიფრად.

— მე ნამდვილად დავიბენი, — თქვა ნიკომ, — ყოველივე ეს ისე  
საოცარი და მოულოდნელი იყო, რომ ვითარების ვერავითარ კენამს  
ვერ ვპოულობდი. ჩაეფიქრდი, სიტყვა გამეყინა.

— ახლა ჩვენ როგორ მოვიქცეთ? — უნებლიეთ ვიკითხე.

— მოიქეცი ისე, როგორც გული გირჩევს, — მიპასუხა მან, — ჩემ-  
თვის სულერთია. მოისვენე, სათანადო ორგანოებს ხომ შეატყობი-  
ნეთ! მე ვეცდები, რასაკვირველია, მორევში: ჩაეარდნილ კაცივით  
შენც და სხვებიც ჩაგითრიოთ... თუ გამიმართლებს, ხომ კარგი... თუ  
არა და, ჯანდაბას იქით წასულსართ თქვენ, თქვენი ვითომდა სინ-  
დისიერებაც... მეც ეშმაკს წავეუღივარ. დიდად არ ვდარდობ ამ ქვე-  
ყანას. არც არაფრის მეშინია. სიცოცხლეს კი დიდ ფასს არ ეძებ...  
თქვენსავით შემინებულს და გაჭირვებულს, თუ მე მკითხავთ, სიკვ-  
დილი უჯობს. შენ ტყუილად დამიმართოვე, — მეუბნება, — მე არც  
არაფერს გთხოვ, მეტს არც არაფერს გეტყვი... ოღონდ ჩემს შესედუ-

ლებას მთელს ცხოვრებასა და ქვეყნიერებაზე, თუ გინდა, კი გაგაცნობ...

— მინდა, ძალიან მინდა, — ყუთხარი მე, — მინდა ვიცოდე, რა გიტრიალებს გულში და თავში...

— ჯერ შენ მითხარი, — მეუბნება, — დოსტოევსკის „ძმები კარამა-შოვეები“ წაგაკითხავს?

პირდაპირ დავიბენი მისი უსიაკობით, უსრდელობით და თავგედური უტიფრობით. მაგრამ თავის შეკაცების გრძნობა ერთი წუთითაც არ დამიკარგავს.

— წამიკითხავს, მაგრამ დიდიხნის წინათ, — ეუბასუსე, — ყველა წერილმანი ალბათ აღარ მახსოვს.

— ის ალბათ გახსოვს, — მეუბნება რატომღაც დაციინვით; — თავისი პერსონაჟის პირით რომ ამბობს დოსტოევსკი: თუ ღმერთი არ არის, მაშინ ყველაფერი ნებადართულია, ყველაფერი შეიძლება მოიმოქმედო. ეს არის დიდი გენიოსის დიდი გენიოსური აზრი. მე მაინც, ჩემი მხრივ, ასე შეეცვლი ამ აზრს — ღმერთი რომც იყოს, რაკი არის სიკვდილი და სამუდამო გაქრობა, შეგიძლია ყველაფერი ჩაიდინო, ყოველივე გააკეთო, რაც შენთვის სასარგებლო თუ სასიამოვნო იქნება...

— მოთმინება კინაღამ დაეკარგე, — თქვა ნიკომ, — კინაღამ ვეცო პირში ამ გარეწარს, კინაღამ მივახალე, არამზადავ, გინდა გენიოსის სახელს ამოაფარო შენი სიბილწე?!. მაგრამ მაინც თავის შეკავება ვამჯობინე. თანაც გუნებაში, ფიქრებში, სსოვნაში თვალი მივაველმოვაველე ჩემთვის ცნობილი გენიოსების გამონათქვამებს ამ საგანზე. ბევრი ვერაფერი გავისხენე. დიდი სახელების ხსენებაც არ მინდოდა ამ ნაძირალასთან. შეიძლება უწმაწური რამ ეთქვა მათი მისამართით. საკუთარი თავის და გულის კარნახს გავყევი. ვეუბნები, ღმერთი არ არის, არ არის რაიმე გარეშე გონიერი ძალა, არ არის ადამიანის არსების გარეშე მოქმედი-შეგნებული ნებისყოფა, წარმმართველი ადამიანის მთელი ცხოვრებისა. მაგრამ ხომ არის თვითონ ადამიანი, გონიერი არსება და ხომ არის ამ გონიერი არსების უმაღლესი იდეალი, სრულყოფილი მოდელი თუ საუკეთესო ჯიში...

— დიას, დიას, ალბათ არსებობს ადამიანის საუკეთესო ჯიში, ისე როგორც არსებობს ძროხის, ღორის ან სხვა რომელიმე ცხოველის საუკეთესო ჯიში... — თითქოს ცინიკურად ჩამისტა სიტყვაში ის. ეს მისი რეპლიკა კი მე ხელს მამძლედა.

— ჰოდა, — ვეუბნები, — ხომ უნდა ვესწრაფოდეთ ჩვენ ვიყოთ ადამიანთა უკეთესი ჯიშის მსგავსნი, განვეითარდეთ საუკეთესო ადამიანური მოდელის კვალობაზე.

— ბიოლოგიურად, ფიზიკურად, რასაკვირველია, ჯიშის გაუმჯო-

ბესება თუ განვითარება შესაძლებელია, მაგრამ თავისი სულიერი ბუნებით ადამიანი თითქმის უცვლელია, — მითხრა მან უკვე შეყოყმანებულმა.

— პირიქით, მე მგონი, — ვუთხარი მე, — ბიოლოგიურად, ფიზიკურად ადამიანი გაცილებით უფრო ნელა ვითარდება, ვიდრე სულიერად... ყოველ შემთხვევაში ადამიანის ფსიქიკა უფრო მოძრავი და მოქნილია, ვიდრე სხეული... ერთი სიტყვით, არაფერი არ ამართლებს ადამიანის ზნეობრივ დაცემას...

— ზნეობრივი დაცემა ერთობ შეფარდებითი რამ არის, — მითხრა მან წყნარად, — შენ ეს, როგორც „გამობრძმედილ“ მარქსისტს, — კვლავ შეაზავა სიტყვა ფარული ირონიით, — უკეთ უნდა გაგეგბოდეს. თუ მშიერმა კაცმა დამშეული ცოლ-შვილისათვის ლუკმაპური მიითვისა, ეს ცოდვა და დანაშაული არ არის; არც უნდა ჩაეთვალოს დანაშაულად.

— ვითარებასა თუ პირობებს გააჩნია, — ვეუბნები, — ერთია: ვინ და როდის მიიჩნევს ქურდობას დანაშაულად, მეორეა: ვინ და როდის არ მიიჩნევს მას დანაშაულად, ხოლო ცოდვად, მანკიერებად ანუ ადამიანის ადამიანური არსების შებღალვად იგი მუდამ დარჩება, დამოუკიდებლად იმისა, თუ რას შეარქმევენ მას სხვანი და სხვანი სხვადასხვა დროს.

ჩემი მოპაექრე ჩაფიქრდა. მე კი მივეძალე და მივეძალე. ცდება, ტყუვდება, თავის უძღურებას ამქლავნებს ის, ვეუბნები, ვინც თავის გარეშე, თავისი პიროვნების მიღმა ეძებს თავისი სულის, თავისი ადამიანური შინაარსის წარმმართველ და მომწესრიგებელ ძალას; ეს მაშინ როდესაც საჭიროა თვითონ ჩვენ საკუთარ პიროვნებაში, საკუთარი ბუნების შიგნით ვიპოვოთ ჩვენი ცხოვრებისა და მოქმედების წარმმართველი ძალა. ერთი სიტყვით, რამდენადაც შემეძლო, ვიკითხე მგლის თავზე სასარება. ვცდილობდი არ გამეღიზიანებინა, არ შემეღალახა მისი თავმოყვარეობა. ვსედავ თანდათან იღრუბლება, პირქუშდება. არ ვეშვები, მინდა მოვთოკო მისი ურჯულობა, მინდა თვითონვე მივიყვანო თავისი ზნედაცემულობის დაგმობამდე. ჩუმად არის, უკვე ხმას აღარ იღებს, ცივად და ბოროტად შემავლებს ხოლმე დროდადრო კვალს. ბოლოს აფეთქდა, ცოფიანი ხარივით აღრიალდა, — დამანებეთ თავიო, შემომყვირა და ნერვიული კანკალი აუტყდა. გული მეტკინა: კაცი, ვინც ასე მიყვარდა და ვაჟკაცად მიმაჩნდა, რატომღაც ახლა, მიუსხედავად გარეგნული ყოყორობისა, საცოდავად გამოიყურებოდა. ხელი ჩავიქნე და მოვეშვი. მერე მისი საქმე გაარჩიეს სხვადასხვა ინსტანციებში... წარმოიდგინე შენ, აქა-იქ მფარველებიც კი აღმოჩნდნენ. გავიდა ხანი და ერთ დღით, თითქმის დილაბნელზე ვიდაცამ კარებზე მოგვიკაკუნა; გაუღეს. ვნახეთ, ის იყო.

მე ჯერ ისევ ლოგინში ვარ... მეუბნება, მაპატიე მთელი ჩემი უკაცურობა, თორემ მზად ვარ აქვე მოვიკლა თავიო. დავაშოშმინე, შევეცადე კეთილად შემეხედა. მაგრამ, როგორც ჩანს, გატეხილი გულის გამოთელება ძნელი საქმეა. თავი ერთს მკარნახობდა, გული მეორე მხარეს მექაჩებოდა. ლმობიერების გზა ავირჩიე. ასლა რას აპირებმეთქი, ვკითხე. რას მირჩევთ, რა გზას დავადგეო; ძველი დრო რომ იყოს, ბერად აღვიკვეცებოდი, სულის ცხოვნებაზე ვიზრუნებდი... ცოდვებს მოვინანიებდიო. ვეუბნები შენ ისევ მცდარ გზაზე დგახარ, შენი ბუნების გარეშე ეძებ დასაყრდენს, შენ გინდა შენს გარეშე, შენი პიროვნების მიღმა მონახო შენი სულიერი ცხოვრების მომწესრიგებელი ძალა. საჭირო კი არის თვითონ შენს პიროვნებაში, შენი საკუთარი ბუნების შიგნით გამოიმუშაო და დააგროვო ეს ძალა.

მერე ნიკომ მე მომმართა:

— მე მგონი ადამიანები ხშირად არიან განწყობილი ერთგვარი ფეტიშიზმისათვის. ილტვიან იქითკენ, რომ თავიანთი სულიერი მოძრაობა მიაწერონ გარეშე საგნებსა თუ ძალებს; ქვას დააგდებენ და მუსლს იდრეკენ მის წინაშე, ეჩვენებათ, რომ ამ ქვაში ბუდობს იღუმალი ძალა... ვხედავ ჩემი სტუმარი რაღაცნაირად თავს იკავებს, დელევას იოკებს... წამოვდექი. ჩაიზე მოვიპატიუე. ვსაუბრობთ. ვეუბნები, სულიერი სიმშვიდის ყველაზე უკეთესი საშუალება ქვეყნისათვის კეთილი საქმის კეთებაა. რომელიღაც ძველმა ბრძენმა კიდევაც თქვა, იჩქარეთ სიკეთის ქმნაო.

— კი მაგრამ, ვისთვის რა არის სიკეთე? — შემეპასუხა იგი, — მე ეს საკითხი სულ მაწვალებს.

— ასლა თუ რა არის სიკეთე ჩვენთვის, ჩვენი ქვეყნისათვის, ჩვენი ადამიანებისათვის — ეს ნათელზე ნათელია, ვეუბნები... შენთვის კი ყველაზე უმჯობესი იქნება დაუყოვნებლივ წახვიდე ფრონტზე, ვაჟკაცურად იბრძოლო მტრის წინააღმდეგ... ჯავშანი შენ ხომ აღარ გაქვს.

წამოდგა, მადლობა მითხრა, დამემშვიდობა და წავიდა. კარგა ხანს მისი არაფერი გამიგია. ამ დღეებში გავიგე, რომ ფრონტზე არ წახულა, რომელიღაც დაწესებულებაში დაუწყია მუშაობა, იქაც დაუჭერიათ ყალთაბანდობაში. ამის გამო მარცხენა ხელზე ძარღვები გადაუჭრია. გადაურჩენიათ... ეს არის და ეს. გულში მწვავე ჭრილობა დამრჩა. არც ისე მალე და ადვილად ხდება ადამიანის გარდაქმნა... — დაამთავრა ნიკომ.

1945 წლის დამდეგი. ომი თითქმის მოგუდულია. ნიკო ხშირად იღიმება. ისე კი საკმაოდ მოტეხილად გამოიყურება. ნადირობის უინს მაინც ვერაფერი უნელებს, ვერც თირკმელების ქრონიკული დაავა-

დებო. იანვრის ერთ კვირა დღეს მიედივარო სანადიროდ სრამზე. რკინიგზის შულავრის სიღის მიდამოებში. იქ მდინარის მარჯვენა მხარეს, სიღის გასწვრივ კარგა მოზრდილი ტყიანი ჯაგნარიც, მდინარის რამდენიმე ტოტიც და სხვადასხვა ზომის ტბორებიც არის. ამ ნადირობაში თან გვასლავს შალვა თაბუკაშვილი — პედაგოგი, საშუალო სკოლის ქართული ენის რამდენიმე სასელმძღვანელოს ავტორი, ლიტერატორი, მთარგმნელი, საკმაოდ ენაწყლიანი მოსაუბრე, ჩვენზე არანაკლებ თავდავიწყებული მონადირე.

უთენიას ადგილზე ვართ. ცივა. ტბორებს ყინულის გამჭვირვალე ქერქი ფარავს. მდინარის კიდეებიც დაჭირსლულია. ჯაგნარებში ფეხი შეეღვით თუ არა, ადრე წამომსტარმა კურდღელმა სამთავეს თითო ვაზნა შეიწირა და შორს გადაიკარგა.

— დავინახეთ, — თქვა შალვამ. ეს თქვა აუ არა, წვრილი იხვის გუნდმა თავზე გადაუქროლა. შალვამ გუნდს წყვილი გასროლა დაადევნა. ერთი ისეი ფარფატით დაეშვა დაბლა.

— გვაჯობე. ეს ერთი და სხვა მრავალი! — გასძახა ნიკომ.

დავშორიშორდით.

ტყეში იღუმალი ღუმილი სუფევს. შფოთიანი, დაძაბული, მრავალი სიდუხჭირისა და ტკივილებიანი ღღეების შუალედში სულის მოსაოსებელი წუთები დიდი სიკეთეა. მაღალ ხეებზე, შემომოჯდარი ყვავების ყრანტალი რომ არ გაისმოდეს დროდადრო, ირგვლივ პირველქმნილი მყურთობა იქნება დასადგურებული, კო, ეს ყვავები... ყოველთვის ავისმაუწყებლად მეჩვენებიან. თუმცა კაცმა რომ თქვას, არც თუ ისე. საღანძღავი და სააუგო ფრინველია. მძორსა და ღეშს სობს... ჯანდაბისკენაც კქონია გზა ყვავებს!.. მაღლა ცაში დიდრონი იხების რამდენიმე გუნდი მიფრინავს სამკუთხა მწკრივებად. ეს მწკრივები ჩვენი თოფებისათვის მიუწვდომელ სიმაღლეზეა. ზოგჯერ გული ვერ გვითმენს და სამთავან ხან ერთი, ხან მეორე, ხან მესამე ამოდ ვესერით თოფს ცისიერში გასაზულ მწკრივებს. მიეგობავ ქანჭრობებში, მივლაწუნებ ჯაგებში, მიეფონავ ჭაობიან ლაქაშებში. დროდადრო მაღალი ხეებიდან გადმომჩსაველებენ კაჭკაჭები, გადმომხროტინებენ ყვავები, ხანდახან ბუჩქებიდან და ეკლნარუბიდან შაშვიც ამოჭახჭახსდება. სადღაც წრიაბპოც გაიწიელებს. ამახობაში ერთ სსტესთან ლაქაშიან ტბორს წავადექი. დაასლოებით ოცდაათი მეტრის მანძილზე სამი ხაზარულა ისეი წამოფრინდა. სამთავან ერთი საგულდაგულოდ ამოვიდე მიზანში. ეესროლე. ის ერთი ოდნავ მაღლა აიწია, უმაღ ტრიალ-ტრიალით დაეშვა დაბლა და ტბორთან ასლოს მიწას დაეშვა. მივირბინე და ნანადირევა ხელში ავიდე. მისი მუქლურჯი ხავერდივით მოლაპლაპე თავ-ყელი საუცხოო ნახატს ჰგავდა. რამდენიმე წვეთი სისხლი მარჯნის თვალივით ესსურა

ამ თავ-ყელს. ამ წვეთებმა უნებლიე ასოციაციით შემზარეს. მაგრამ ფიქრი უმალ ტყის ნახაზებს გადადევნე. მალე დათქმული ადგილისაკენ გავეშურე. გზად ერთი წრიაშპოც შეემატე ჩემს ნადავლს... დიდი ხის ძირში შევიყარენით. შალვას ერთი წყლისქათამა მიემატებინა თავისი პატარა იხვისათვის, ნიკოს კი ერთი წრიაშპო მოეკლა. მაინც კმაყოფილნი იყვნენ. სუსსი გვახალისებდა. წავეხემსეთ.

— ჰე! არ არსებობს ასალგაზრდობაზე უფრო დიდი ბედნიერება და სილამაზე! — თქვა ნიკომ.

— ამბობენ, ყველა ასაკს თავისი შნო და ლაზათი აქვსო, — შეეპასუხა შალვა.

— არ დაიჯერო, — უთხრა ნიკომ, — მე კი მგონია, სიბერე და სიმასინჯე ტყუპის ცალეზია. ისიც კი, რაც ასალგაზრდას შეენის, ისედაც მახინჯ ბებერს კიდევ უფრო ამასინჯებს.

— ისეთი დიდი ღირსება, როგორიც არის გამოცდილება და სიბრძნე, მოსუცს მაინც მეტი აქვს. ეს კი მაინც მეტი შნო და ლაზათია! — არ ყრიდა ფარსმალს შალვა.

— არა, არა, — შეეპასუხა ნიკო, — გამოცდილებას გამოფიტვა აბათილებს, სიბრძნე კი ისეთი ელემენტებისაგან შედგება, როგორიცაა მეხსიერება, ათვისების უნარი, განჭვრეტის უნარი, შთაბეჭდილებათა სიცსოველე და ქვეყნიურ კავშირთა სწრაფად მიკვლევა. ყოველივე ეს კი, უწინარეს ყოვლისა, ასალგაზრდულ ტყინს ასასიათებს...

— მაშ, რად ამბობს ხალხი, — ჩაეჭრა სიტყვაში შალვა, — ბებერი ხარის რქანიც ხნავენო?

— ეს, ალბათ, რომელიღაც ბებრის მოგონილია გულის დასამშვიდებლად. — უპასუხა ნიკომ. — ერთადერთი სულიერი თვისება, რაც ბებერს ეზრდება და ემატება კიდევ — ეს არის პატივმოყვარეობის გრძნობა. მაგრამ ასალგაზრდას ასე თუ ისე აპატიებ პატივმოყვარეობას — ამ საზიზღარ სულიერ სენს, ბებრის პატივმოყვარეობა კი, რაც, სამწუხაროდ, მას წლებთან ერთად ემატება, პირდაპირ საშინელებაა. მით უმეტეს, თუ პატივმოყვარე ბებერს ძალუძს ზემოდან დახედოს სსევებს...

აქ მე ვიგრძენი, რომ საცა იყო ნიკო თვითმსილებაზე გადავიდოდა. სიმართლე გითხრათ, მე არ მინდოდა ეს მისი „სუსტი მსარე“ (არსებითად კი ძლიერი, მეტად ძლიერი მსარე) ახლა აქ გამხელილიყო პირდაპირ, პლაკატურად... ვფიქრობდი, საუბარი სხვა რამეზე გადამეტანა, მაგრამ დამასწრო და განაგრძო:

— აი, თვითონ მე, უკვე მოსუცი კაცი, ზოგჯერ თავისთავს ვიჭერ სულმდაბლობაში, იმის ბუნდოვან შიშში, რომ მოვა რომელიღაც ასალგაზრდა კაცი აღსაყვ ახალგაზრდული ფიზიკური და სულიერი ენერგიით და შემცვლის, გადამაყენებს, უკეთესადაც წარმართავს

საქმეს... რად უნდა მეკმინოდეს მე ამის? რად უნდა იყოს საშიში უკეთესი შემცვლელი? არა, არა ბებრის პატივმოყვარეობა ძირშივე აღსაკვეთია!

...ამასობაში საკმაოდ ძლიერი თოვა დაიწყო. თოფებს და ჩანთებს სელი წაშოვაველეთ და ხრამისპირა სანასებში გავიშალენით. ისევების არეულ-დარეული გადაფრენ-გადმოფრენა უკვე დაწყებული იყო. ღვე-შორიშორდით, ხან აქეთ, ხან იქით გაისმა ჩვენი თოფების სროლა. ნადირობით გული ვიჯერეთ. ზამთრის მოკლე დღე შუადღისკენ მიიწურა. ნიკო და შალვა მდინარის მხარეს მეგულბოდნენ. მათკენ გავეშურე. ტყისა და მდინარის შუა ადგილას კარგა მოზრდილი ტბორია, თხელი თოვლიანი ყინულის ქერქით დაფარული. ვსედავ შარვალდაკარწახებული ნიკო შიშველი ფეხებით მოამსხვრევს ტბორის ყინულის ქერქს და ორი დიდი იხვი მოაქვს.

— ამას რას შერებით, ნიკო?! — მივაძასე.

— აქ გამოვედი თუ არა, — მითსრა მან, — თავზე გადამიფრინდა საკმაოდ დიდი გუნდი... ევსროლე ზედიზედ და ორთავე იხვს ტბორის შუაში დაეარდა. ბევრი ფუტრიალე აქედან, იქიდან... ახლო ტყიდან გრძელი ჭოკიც მოვიტანე, მაგრამ ვერასგზით ვერ მივწვდი. ვერც მივატოვე, რომ თქვენთვის დამეძასა დასმარებისათვის... აქ მტაცებელი ქორები დაფრინავენ... ბოლოს გადავწყვიტე, რაც მომივა, მომივიდეს-მეთქი, ჩექმები გავისადე, შარვალი სულ მაღლა ავიკარწახე... და სხვა დანარჩენს თვითონ ხედავ...

ეს იყო ნიკოსთან ჩემი უკანასკნელი ნადირობა.

წლები გავიდა. ნიკო გარდაიცვალა გულის შეტევით. მისმა მეუღლემ გამომიგზავნა ქმრის ქაღალდებში ნაპოვნი ჩემს მისამართზე გამოსაგზავნი ღია ბარათი — პეროვის ცნობილი სურათის — „მონადირენი დასვენებისას“ რეპროდუქცია, შემდეგი წარწერით: „წარსულთა დროთა მოსაგონებლად“. ნიკოს, ალბათ, გამოგზავნა გადააეიწყო.

იყო კაცი და...



## მისიელ ჯავახიშვილი

ყმაწვილკაცობიდანვე გატაცებით ვეწაფებოდი მისიელ ჯავახიშვილის ნაწერებს. რა დასამალავია: ამ მხრივ, ალბათ, მცირე როლს როდი ასრულებდა ამ ნაწარმოებთა გარკვეული ეროტიული შეფერილობა. რას იზამთ! მაჭრობის ასაკი მეტად თუ ნაკლებად ხარკს უხდის სისხლის გამძაფრებულ დუდილს. ალბათ, ძნელად მოიძებნებოდა იმ დროს ასალგაზრდა ქართველი მკითხველი, ვინც რამდენჯერმე მაინც არ მიბრუნებოდა ჯაყოს ურმის ქვეშეთს, „მუსუსს“, „ოქროს კბილს“ და სხვა მისთანებს. ამ მხრივ, გამოხაკლისობას, ვგონებ, ვერავინ დაიჩემებს...

ერთი სიტყვით, ქართველ მკითხველთა დიდი უმეტესობა ხარბად ეწაფებოდა მისიელ ჯავახიშვილის ყოველ ნაწარმოებს... პირადად მე მისი მიბაძვით რაღა-რაღაცეები კიდევაც დამიწერია, რაც შემდეგ გონს მოსულს, რასაკვირველია, ცეცხლისათვის მიმიცია (თუმცა ახლა ამას სხვა თვალთ ვუყურებ: ახლა, ჩემი აზრით, ეს დიდად ახირებული ზნე არის, მე და ჩემმა ღმერთმა... რად უნდა დასწვა ან რად უნდა დაქარგო ის, რაც ერთხელ სულში დაგბადებია და გინდა თუ არ გინდა შენი ადამიანური არსების ისტორიაში შესულა? ბეერჯერ თქმულა, ადამიანისათვის გარდასულ ბავშვობას მარადიული მიმზიდველობა თუ მომხიბვლელობა აქვსო. ო, რა განუმეორებელი სინედლე და სურნელება აქვს, ალბათ, ჩვენს ბავშვურ სულიერ არსებაში ოდესღაც აღძრულ აზრსა თუ ფიქრს... რით არ ჰგავს სულში ოდესღაც დაბადებული ოცნება სანატრელ ბავშვობას? სხეებისათვის, რასაკვირველია, შენს ბავშვობას, შესაძლოა, არავითარი მიმზიდველობა არ ჰქონდეს, მაგრამ შენთვის მას ყოველთვის ექნება ჩაუქრობელი ელვარება და სითბო... სხვათაებრ, რასაკვირველია, მეც ვწუსვარ. უამრავ გარდასულ წუთებსა და სამუდამოდ დაქარგულ წამებს... მით უმეტეს გულმოსაკლავია ყრმობის, სიჭაბუკის, ყმაწვილკაცობის სამუდამოდ და უკვალოდ გამქრალი სახიერებანი... ჰე, გრიშაშვილისა არ იყოს, რად შეგები ამ რაღაცნაირ ცხრათავიან დევებს!..

მისიელ ჯავახიშვილი ქართული ლიტერატურის ერთი ბურჯთაგანია. მას ზოგჯერ ქართველ მოპასხანად ნათლავდნენ. თუმცა პირადად მე ასეთი „დანათესავება“ ყოველთვის ფრიად საჭოჭმანოდ მიმაჩ-

ნია. ყოველი შემოქმედი, უწინარეს ყოვლისა, თავისი პიროვნული განუყოფლობით არის ღირებული თუ ღირსეული. „მართალი აბდუ-ლას“, „ჯაყოს სიხნების“, „თეთრი საყელოს“ ავტორი მსოლოდ თავისი სრულიად განსხვავებული მხატვრული წარმოსახვებითა და სტილით არის მარად ღირსაცნობარი; ზოგჯერ კი, თუ გნებავთ, თავისი ერთგვარი ესთეტიკური უსწორმასწორობითაც. ერთმა ფრიად სახელოვანმა და გემოვნებადახვეწილმა ქართველმა მკვლევარმა თავისებური „ესთეტიკური უსეშობაც“ კი უწოდა „არსენა მარაბდე-ლის“ პირველსავე ფრაზას.

რა ვუყოთ, თავისი შანგის ერთი მუხლი, შესაძლოა, პულბულსაც კი გადაუსხვადერდეს, ამის გამო მის მგალობლობაში ვერ დავეჭ-ვდებით.

პირველად მოსკოვურმა გარემომ მიბიძგა საჯაროდ მეთქვა რა-ღაც მიხეილ ჯავახიშვილზე. აქ ცოტა შორიდან დაწყება მომიხდება.

1930 წლის დამლევს მოვეწყვე მოსკოვის ერთ-ერთ უმაღლეს სასწავლებელში — ევრეთწოდებულ წითელი პროფესურის ლიტერა-ტურას სელონების და ენის ინსტიტუტში... გამოცდების ჩაბარება საკმაოდ, მაგრამ ძალიან დიდად არ გამძნელებია... გამძნელება მერე დაიწყო. სწორედ მაშინ, როცა მეგონა თავი ქუდში მქონდა, გამომი-ცხადეს, მსმენელთა სოციალური შემადგენლობის მოწესრიგების მიზნით, თქვენ თქვენი საანკეტო მონაცემების გამო, უარი გეთქვათ ინსტიტუტში ჩარიცხვაზეო... თავზარი დამეცა, მაგრამ ფარსმალი არ დამიყრია.. ახლა მიკვირს ჩემი მაშინდელი გაბედულება და მიდგომ-მოდგომა... რამდენიმე უმაღლეს ორგანოსაც კი მიემართე. ოხ, ეს საანკეტო მონაცემები — აქამდეც კი მისტიკურ წყევასავით მომხდე-ვენ... და ალბათ საფლავშიაც არ მომასვენებენ. ცოდვით ვიბარებ: (როგორც ძველად იტყოდნენ ხოლმე) ენდეთ ადამიანებს! ენდეთ ადა-მიანებს!..

ინსტიტუტის მსმენელად საბოლოოდ მაინც რომ ჩამრიცხეს, 1931 წლის იანერის არდადეგებისათვის თბილისში გამომგზავრება გადა-ეწყვიტე. მოსკოვის კურსკის სადგურში საბილეთო საღაროსთან რიგში რომ ვიდექი, როგორც ჩანს, თვალი მომკრა გრიგოლ მუში-შვილმა. ისიც თბილისში მოემგზავრებოდა. მე იგი გავიცანი მოს-კოვში. იგი იქ წთელ პროფესურის ეკონომიკის ინსტიტუტში ჩემზე ორი წლით ადრე შესულიყო. უეჭველად ნიჭიერი კაცი იყო. ზოგი-ერთი ამხანაგი კიდევაც ხუმრობდა, მუშიშვილს შეუძლია ერთი პატა-რა ბროშურა წაიკითხოს და იმავე თემაზე ორი სქელტანიანი წიგნი დაწეროსო. როგორც მასსოვს გ. მუშიშვილი დიდად აფასებდა მი-ხეილ ჯავახიშვილს. ამბობდა, დროს რომ ვიშოვი, დიდი სიამოვნე-ბით დაწერ მონოგრაფიას მის ცხოვრებასა და შემოქმედებაზეო.

— დაიცადე, ჯერ ნუ აიღებ ბილეთს, იქნებ ერთ დიდ კაცთან ერთად ვიძგზავროთ, მალე მოვალო, — მოხრა მუშიშვილმა და სადღაც წავიდა. რამდენიმე წუთის შემდეგ იგი ისევე მოვიდა ჩემთან და მითხრა:

— აბა, წამოდი შენი ჩემოდნებიანად, მისა უნდა გაგაცნო.

მართლაც რამდენიმე წუთში მაშინდელი ამიერკავკასიის (კაკის) თავმჯდომარის — მისა ცხაკაიას სალონ-ვაგონში შევბარგდი.

— ო, ამ გვარს ჩვენი რევოლუციური მოძრაობის ისტორია კარგად იცნობს, — თქვა მისამ, როცა მუშიშვილმა წარმადგინა მის წინაშე. იგი კარგა სანს მესაუბრა გულითადად, ყოველგვარი დიდკაციური ან მენტორული კილოს გარეშე. არ შემიძლია არ ეთქვა: მუდამ სახიამოვნო მოგონებად დამრჩება, რომ ჩემს შთაბეჭდილებებში აღიმართა საოცრად მთლიანი პიროვნება ღრმა იდეური რწმენით, საკმაოდ ძლიერი ინტელექტით და ფაქიზი ემოციური ბუნებითაც.

— აბა, თქვენ იცით, — უთხრა მისამ თავის მსლებელ-მცველს (როგორც მახსოვს, გვარად მახარაძეს) და თავის მზარეულს, — ახალგაზრდები არ დამიმშოთ...

მართლაც, სამი-ოთხი დღის განმავლობაში დიდ პატივში ვიყავით, გურულად შეკაზმული საცივიც კი არ გვაკლდა. თვითონ მისა ჩიტივით მცირედით კმაყოფილებოდა, მისმა მეუღლემ კი მხოლოდ ერთხელ თუ ორჯერ გამოისედა კუპედან. ახალგაზრდებად ვიგულისხმებოდით მუშიშვილი, მე და ერთი „გაეახივით მოქნეული“, ძლიერ ლაპაზი ასული (გგონებ, რომელიღაც დიდი თანამდებობის კაცის რძალი). ამ ასულმა ასოციაციით გარეგნულად გამახსენა მარგო „ჯაყოს ხიზნებიდან“.

ბევრ რამეზე გვესაუბრა მისა, თვით ფრანგ განმანათლებლებზე და რუს რევოლუციურ-დემოკრატიებზეც კი... ერთხელ სიტყვა ქართულ ლიტერატურაზე ჩამოიყარდა. ერთ შესაფერ კონტექსტში მისამ დაბეჯითებით თქვა:

— მისეილ ჯავახიშვილი ძალიან ღონიერი მწერალია. ერთი მაგნაირი ღონის პარტიული მწერალი რომ გვეყავდეს, ძალიან კარგი იქნებოდა. მას მეტსაც მოვთხოვდით... ჯავახიშვილის შემოქმედება, რასაკვირველია, დიდი პროგრესული კულტურის საგანძურს ეკუთვნის, მაგრამ მას ყოველთვის უნდა ვეფეროთ...

ამასობაში ჩვენი მატარებელი ჩრდილოეთ კავკასიის ტრამალებში გაიჭრა. ირგვლივ სარკმლებიანი სალონი-ვაგონი მატარებელს ბოლოში ება. ერთხელ მისა მიადგა ვაგონის უკანა სარკმელს. ვახედა ზამთრის ნისლებში შეჭრილ-ვადაკარგულ რკინიგზის ღიანდაგს და თითქოს თვალები დაენამა.

— ჰე-ჰე-ჰე! — ამოიხვნეშა მან, — როგორ ჰგავს ეს უკან მსრბო-

ლავი ლიანდაგი ჩვენი ცხოვრების დაუბრუნებლად უკან დატოვებულ დღეებს.. აქ არის საჭირო ადამიანების გამსწეება... უთხარი, მიხეილ ჯავახიშვილს, ახწავლოს წამებულთ მსწობა!..

...ძალე დაებრუნდი მოსკოვში. ამჯერად მოკლებული ვიყავი ხალონ-ვაგონსაც და დასამასსოვრებელ თანამგზავრებსაც.

ინსტიტუტში მეცადინეობა უმთავრესად სემინარული წესით მიმდინარეობდა... სელმძღვანელებად, ლექტორებად საკმაოდ სახელოვანი და ძლიერი ძალები გვყავდნენ, მაგალითად: ჯივილეგო, ნუსინოვი, ანისიმოვი, დინამოვი, ხრაპჩენკო და ბევრი სხვა... ერთხანს ჩვენი ინსტიტუტის რამდენიმე ჯგუფს თვით ანატოლ ყასილის ძე ღუნაჩარსკიც კი სელმძღვანელობდა. იგი, რასაკვირველია, ბრწყინვალე ორატორი, ნამდვილი ოქროპირი იყო...

ინსტიტუტში ერთ-ერთ თათბირზე წამოაყენეს წინადადება სასწავლო პრაქტიკაში შემოედოთ ლექციების ციკლი სხვადასხვა საბჭოურ ეროვნულ ლიტერატურათა გამო. ამ თათბირს ღუნაჩარსკიც ესწრებოდა. მან ამ დონისძიებას გულითადად დაუჭირა მხარი, თავის სიტყვაში ქართული კულტურაც ახსენა, მან დაახლოებით თქვა: ქართული ლიტერატურის ცოდნას ვერ დავიწყებ, მაგრამ ქართულ თეატრს ასე თუ ისე ვიცნობ; იგი პირველსარისსოვანი თანამედროვე თეატრალური სელოვნების რანგს მიეკუთვნება... და არ შეიძლება მას ზურგს არ უმაგრებდეს ასევე პირველსარისსოვანი ძველი თუ ახალი ეროვნული ლიტერატურაო... მოკლედ, ამ თათბირზე, სხვა საბჭოთა ერების დიდ მწერალთა გვერდით გაისმა დიდი ქართველი მწერლების სახელებიც, მათ შორის მისეილ ჯავახიშვილის სახელიც. ჩვენ, არარუს მსმენელებს კიდევაც გვისაყვედურეს, რომ არცერთ ჩვენგანს სადისერტაციოდ არჩეული არ გვქონდა თემა ჩვენი ეროვნული ლიტერატურიდან...

1933 წლის. საფხულისათვის ინსტიტუტმა მივლინებით გამომგზავნა, რათა მოვლაპარაკებოდი თბილისის უნივერსიტეტის სელმძღვანელობას, რომ მას შეერჩია ლექტორი, ვინც მოსკოვის წითელი პროფესორის ლიტერატურის ინსტიტუტში წაიკითხავდა ლექციების ციკლს ქართული ლიტერატურის ისტორიაზე... თბილისის უნივერსიტეტში შევხვდი მაშინდელ რექტორს — ლევან აღნიაშვილს. იგი ამ წამოწყებას სიამოვნებით და გულისხმიერად მოეკიდა; ქართული ლიტერატურის რამდენიმე სპეციალისტი დაასახელა და მათ შორის სიმონ ხუნდაძეზე შეჩერდა. სიმონი მაშინ სახელგამის დირექტორადაც მუშაობდა. რექტორმა მაშინვე დაურეკა მას; თანხმობა რომ მიიღო, მე მთხოვა შემეველო მასთან. სიმონ ხუნდაძე ხალისიანად შემხვდა. დიდხანს ვისაუბრეთ. სხვათაშორის ისიც გავისხსენე, ამ საქმის ერთ-ერთი მოთავე თავის დროზე ღუნაჩარსკიც იყო-მეთქი... შევ-

თანხმდით, რომ თავისი მომავალი ლექციების კონსპექტებს ორ-სამ თვეში შეადგენდა და თვითონვე გადაგზავნიდა მოსკოვში. მერე სიმონ ხუნდაძემ ქართულ ლიტერატურულ ვითარებაზე ჩამოაგდო საუბარი. იმ დროის ფრიად მნიშვნელოვან მოვლენად მიხეილ ჯავახიშვილის „არსენა მარაბდელი“ დაასახელა; — ამ რომანის გამო დიდი დისკუსია გექონდა გამართული; მიხეილ ჯავახიშვილი ჩვენი დროის უეჭველად დიდი მწერალი — არა მარტო შესანიშნავი მთხრობელი, არამედ შესანიშნავი მხატვარიც არისო...

იმ ხანებში „არსენა მარაბდელზე“ მეც ვწერდი წერილს. ჩემი წერილი შემდეგ დაიბეჭდა ქართული „სალიტერატურო გაზეთის“ 1933 წლის 30 სექტემბრის ნომერში. ამ წერილის რამდენიმედ განსხვავებული ვარიანტი დაიბეჭდა მოსკოვის რუსულ ჟურნალ, „Октябрь“-ის 1934 წლის აპრილის № 4-ში.

ამ წერილში ერთ ადგილას მე ვწერდი:

Автор безусловно смог дать живое художественное обобщение разложения крепостной системы, высшей аристократии и подъема крестьянского движения. Особая заслуга художника не в том, что он в романе заставил феодальную систему пропеть свою лебединую песню, а заслуга и шаг вперед... во первых, заключается в том, что он принял и понял классовую борьбу как пружину исторического развития, что он пытается понять общественное явление через призму классовых интересов...»

უნდა ითქვას, (ადვილი შესამჩნევია) წერილი არ იყო დაზღვეული იმ დროისათვის საკმაოდ გავრცელებული და ფესმოკიდებული შიშველი, უხეში სოციოლოგიზმისაგან. მაგრამ ახლაც კი, როდესაც წერილს ერთობ კრიტიკულად ვეკიდება, ვფიქრობ, რომ იგი მაინც არ არის მოკლებული ერთგვარ ცოცხალ, მართალ ძარღვს და რაც მთავარია, მწერლისადმი მოკრძალებისა და პატივისცემის სულისკვეთებას...

მაშინ სიმონ ხუნდაძისათვის არ მითქვამს „არსენა მარაბდელზე“ მეც ვაპირებ-მეთქი წერილის დაწერას... მალე მოსკოვში დავბრუნდი და უკვე იქ შევიტყვევ სამწუხარო ამბავი სიმონ ხუნდაძის მოულოდნელი გარდაცვალებისა... იმ დროს მოსკოვის უმაღლესი სასწავლებლიდან პარტიულ ასპირანტებსა და მსმენელებს მობილიზაციის წესით გზავნიდნენ მტს-ებში სამუშაოდ. მე მობილიზაციის პირველ ტალღას გადაეურჩი; ბევრ სხვას, ვინც რატომღაც ამ მობილიზაციაში არ მოჰყვა, პირდაპირ თავზარი ეცემოდა (იყო მაშინ ერთგვარი რომანტიკა და გატაცება სოფლად სამუშაოდ წასვლაში). მე კი, გულახდილად უნდა ვთქვა, მაშინ უფრო ინსტიტუტისა და სადიხერტაციო შრომის დამთავრება მიტაცებდა. მაგრამ, როგორც ჩანს, ვიღაცამ მაინც „მიერთგულა“ და ჩემი მტს-ში სამუშაოდ გაგზავნა საჭიროდ

ჩაოვალა. მალე მოსკოვიდან პირდაპირ სამტრედიაში ამოყვავი თავი— მტს-ის პოლიტგანყოფილების გაზეთის რედაქტორად. სსვათაშორის, მოსკოვიდან გამომგზავრებისას გავეცანი ასევე მობილიზაციის წესით კასეთის ერთ-ერთი რაიონის მტს-ის პოლიტგანყოფილების გაზეთის რედაქტორად გამწესებულ ილია თავაძეს — მოსკოვის უნივერსიტეტის ფილოსოფიის ფაკულტეტის ასპირანტს. შემდეგში არაერთსელ მქონდა მასთან მეგობრულიც და საკმაოდ დრამატული შეხვედრაც.

მასსოვს მისი ნამდვილად ვაჟკაცური შემართებაც და გულსატკენი ადამიანური სისუსტეც. მაგრამ ამაზე სხვა დროს, თუ დრომ შემეწყნარა...

...მტს-ში გულდაგულ დაგიწყე მუშაობა. ჩვენი გაზეთი კვირაში ერთხელ გამოდიოდა. გაზეთის მთელ მასალას ორ საღამოს ვამზადებდი, ერთი დღეც სტამბას მიჰქონდა. კვირის დანარჩენი დღეები მეტწილად კოლმეურნეობათა მინდვრებში მესარჯებოდა. საქმის ერთგული ვიყავი, უწუწუნოდ ვიტანდი ნიეთიერ სელმოკლეობას, თუმცა ძალიან მაწუსებდა, რომ სანდაზმულ დედას შესაფერისად ვერ უზრუნველყოფდი...

მე ასე მგონია: თუ რომელიმე ხულიერს შეიძლება ეწოდოს ღვთაებრივი, უწინარეს ყოვლისა, ეს შეიძლება ეწოდოს დედას. ვფიქრობ; ჩვენს ცხოველურ წინაპართაგან დედა (დედაკაცი, ქალი) თუ მთელი საუკუნეებით არა, მთელი წლებით მაინც უფრო ადრე გაადამიანდა, ვიდრე მამა (მამაკაცი). ერთხელ ეს ჩემი ჰიპერბოლური მოსაზრება თუ პარადოქსი გამოეთქვი მწერალ მარიამ გარიყულთან, ვისაც გავეცანი ძველ სამტრედიაში, სადაც იგი დროდადრო ჩამოდიოდა თავისი ოჯახის კარ-მიდამოზე. იქვე ასიოდე ნაბიჯის მოშორებით იყო ჩვენი მტს-ის კანტორაც.

— ვინ უფრო ადრე გაადამიანდა ან საერთოდ იმთავითვე ადამიანი ადამიანად გაჩნდა — ეს ძნელი ასახსნელია, — მითხრა მარიამმა, — მაგრამ ქალი რომ უფრო რთული და ამავე დროს უფრო ადამიანური არსებაა — ეს არც თუ ისე სადავო უნდა იყოს. თავისი სისუსტის საზღაურად ქალს, ვინ იცის, განგებამ იქნებ რაღაც დიდი სიკეთეც დაანათლა...

ქალის ბუნების სიღიადისა და სიუსვის მანიშნებლად მარიამმა ქართული ლიტერატურის ზოგიერთი მწვერვალიც მოიშველია.

აზრი აედენა დიდი მემკვიდრეობის უშრეტ ნაკადს — ცურტაველის შუშანიკიდან შოთას ნესტანამდე და თინათინამდე. იქიდან ბართაშვილის სოფიომდე. მერე ილიას ოთარაანთ ქვრივამდე და ზოგიერთ სხვა ამაღლებული სულის ქალამდე. მსედველობიდან არ გაგპარავია მეორე ნაკადიც, თუ შეიძლება ასე ითქვას, ფატიმანის „ავსორ-

ცული" კომპლექსიც. წამოიჭრა მოსაზრებაც: შესაძლოა, ეს მეორე ნაკადი ემოციურად გაცილებით უფრო ძლიერიც იყოს და იქნებ ამ მეორე ნაკადს ამიტომაც ეტანებოდეს უფრო მეტად დღევანდელი ქართული სიტყვის ისეთი ჯადოქარი, როგორცაა მისეილ ჯავახიშვილი...

რამდენიმე ხნის შემდეგ ამ საუბრის ერთგვარი ანარეკლი გაერთა ჩემს რეცენზიაში მისეილ ჯავახიშვილის ასალი რომანის — „ქალის ტვირთის“ გამო. რეცენზია დაიბეჭდა გაზეთ „კომუნისტში“, სულ მალე რომანის გამოქვეყნებიდან.

ამ დროს მისეილ ჯავახიშვილი ქართველ მწერალთა შორის ერთ-ერთი პირველი ორდენოსანთაგანი იყო. მის ნაწარმოებებს ბევრი, ძალიან ბევრი მკითხველი ჰყავდა ქალაქადაც და სოფლადაც, არა მარტო ინტელიგენციის წრეებში, არამედ ხალხის ყველა ფენაში. კოლმეურნეთა ბევრ ოჯახში ენახულობდი მის წიგნებს, ვხვდებოდი მის მკითხველებს.

ერთხელ ძველი სამტრედიის კოლმეურნეობის იმ დროინდელმა თავმჯდომარემ — სოფიო ფრანგიშვილმა საუბარი ჩამოაგდო მისეილ ჯავახიშვილზე და, როგორც მახსოვს, დაახლოებით ასეთი რამ თქვა: — მართალია, მან დიდ გაიძვერა პიროვნებად ჩვენებური კვაჭი კვაჭანტირაძე გამოიყვანა, მაგრამ დიდებული მწერალი რომაა — ამას ლაპარაკი არ უნდა. წაკითხული მაქვს მისი ბევრი მოთხრობა, „არსენა მარაბდელიც“, „ჯავახი სიზნებიც“... მაგრამ მისი „თეთრი საყელო“ რატომღაც განსაკუთრებით მომწონს... ცხოვრებაში უკან მიხედვა შეიძლება ზოგჯერ სასიამოვნოც იყოს, მაგრამ უკან დაბრუნება ძნელიცაა და საუბედუროც...

კარგა ხანს ვისაუბრეთ ამ თემაზე, მაშინ სოფიო ფრანგიშვილი შუახანს გადაცილებული იქნებოდა. ახლა, როცა ამ მოგონებას ვწერ, მე არ ვიცი, ცოცხალია იგი თუ არა.. მაგრამ მე კმაყოფილი ვარ, რომ მას ვისხენებ... გახსენების ღირსი არა მარტო „ღმერთები“, არამედ უბრალო კეთილი სულებიც.

...მაშინ სოფიომ მითხრა:

— ჩემზე მეტად მისეილ ჯავახიშვილის თაყვანისმცემელი ჩვენი მეზობელი კოლმეურნეობის თავმჯდომარე — ოლღა ჯოგლიძეა. ჩვენ ერთმანეთს ხშირად ეუზიარებთ წიგნებსაც და ჩვენს ჭირ-ვარამსაც...

ოლღა ჯოგლიძესაც კარგად ვიცნობდი, მაშინ ჩვენ საერთოდ ძალიან ეცდილობდით კოლმეურნეობების სელმძღვანელობაში მიგვეზიდა ქალები. იმ დროს სომ ძალიან გავრცელებული იყო ლოზუნგი, რომ საზოგადოებრივ ცხოვრებაში ქალი დიდი ძალაა. მე ვფიქრობ, ეს მოსაზრება არამცთუ არასდროს არ მოიხსენება, პირიქით, მომავალში უფრო გაღრმავდება, გაუსხვდება.

სიოფიო ფრანკაშვილის რჩევას გავყევით და მალე მოვინახულეთ ოლღა ჯოგლიძე. ეს ნაჯაფი და ენერგიული გამომეტყველების ქალი საკმაოდ ენაწყლიანიც იყო. ბევრი აღარ დამიყოვნებია, საერთო საქმეებისა და პირადი ცხოვრების მიკითხვ-მოკითხვისთანავე მის ლიტერატურულ გატაცებაზე ჩამოყუდდეთ ლაპარაკი.

— დიდ ნაკითხობას ვერ დავიხმებ, — მითხრა ოლღამ, — მაგრამ დროს ვისელთებ თუ არა, კარგ წიგნებს წაუკითხავს არ ეტოვებ... მისეილ ჯავახიშვილის ნაწერები კი განსაკუთრებით მიყვარს. საოცარია, როცა მის თხზულებას ვკითხულობ, თუნდაც იგი შრომას სრულიად არ ესებოდეს, შრომის ხალისი მაინც მემატება... მე ასე მწამს: კარგად დაწერილი წიგნი, თუნდაც იგი ცხრამთის იქითურ ამბებს ესებოდეს, მკითხველს მაინც სასიცოცხლო თუ სამოქმედო ღონეს მატებს.

მესიამოვნა ამ უბრალო მშრომელი ქალის აზრის გამართული მოძრაობა. ბევრი აღარც დამიყოვნებია, პირდაპირ ვუთხარი:

— მოდი წერილი მისწერე შენს ასე საყვარელ მწერალს. შენი ცხოვრების ავანჩავანიც და შენი სურვილებიც შეატყობინე.

გულში კი გავივლე, რომ ეს იქნებოდა ერთგვარი სოციალური დაკვეთა.

მაშინაც ვფიქრობდი და ახლაც ვფიქრობ, რომ თავისუფალი, ძალდაუტანებელი დავალება თუ შეკვეთა დიდი შემოქმედებითი შემართების სტიმულია.

ბევრი აღარ დავგიყოვნებია. ოლღა ჯოგლიძემ გაზეთ „კოლმეურნის ბრძოლის“ მეშვეობით მალე გაუგზავნა წერილი მისეილ ჯავახიშვილს. აი, ის წერილიც მცირე შემოკლებით, მაგრამ ავტორის სტილის დაცვით.

„ამხანაგო მისეილ! ნუ გაგიკვირდებათ, რომ უცნობი ვინმე გწერთ. მე გახლავარ სამტრედიის ცენტრის უბნის კოლმეურნეობის თავმჯდომარე. ქმარ-შვილით დაყურსული ქალი ვარ... მაგრამ ახლა საზოგადოებრივი მომუშავეც ვარ.

უწინ მცირე ცოდნის ადამიანი, კერასთან მიჯაჭვული ქალი ეიყავი. 1930 წელს ჩემი ოჯახი კოლმეურნეობის წევრი გახდა. რამდენიმეჯერ ვცადე კოლმეურნეობაში მეც გამომემუშავებინა შრომადღეები, რომ ჩემს ღარიბ ოჯახს შევშველებოდი. სამუშაოს გულდაგულ ვასრულებდი. საკოლმეურნეო შრომა შემეყვარდა, მისმა ზრდაგანვითარებამ დამაინტერესა. ამ ინტერესმა ჩემში მორცხვობა დასძლია და აქტივობა მომიმატა. დავიწყე ქალთა სადელეგაციო ჯგუფში მუშაობა. აქტიურ მონაწილეობას ვიღებდი კოლმეურნეობის საწარმოო თათბირებში, დავიწყე გაზეთების და წიგნების კითხვა. 1931 წელს ამირჩიეს კოლმეურნეობის ქალთა ბრიგადის ბრიგადირად. ემუშაობდი მინდვრად ფიზიკურად. ჩემი ბრიგადა იმარჯუებდა.



ეს იყო 1933 წელს ერთ დღეს გონების თვალთ გადავსედე ჩემს წარსულს და გამიკვირდა, რომ მე სულ სხვა ადამიანი ვაგხდი, რომ აღარა ვარ ჩამორჩენილი, ბნელი და კერასთან მიჯაჭვული ქალი. მე უკვე აქტიური კოლმეურნი — ქალი — ოღლა ჯოგლიძე ვას-ლა ვართ. 1933 წელს ფიზიკური მუშაობით 139 შრომადღე გამოვი-მუშავე. შრომადღეზე 12 კილოგრამი სიმინდი მივიღე... ჩემი ოჯახი წელში გაიმართა. მალე კოლმეურნეობის თავმჯდომარედ ამირჩიეს. მედგრად ვიბრძოდით მოხველიანობის გადიდებისათვის, შრომის დი-სციპლინის და შრომის ორგანიზაციის გაუმჯობესება-განმტკიცები-სათვის. შედეგი? დღეს კოლმეურნეობა კლდესავით მტკიცეა. ადამიან-ები გადასხვაფერდნენ, მათ უკვე უყვართ კოლმეურნეობა. წელს შრომადღეზე გაცილებით მეტი სიმინდი, ლობიო, სოია და სხვა ჯირ-ნახული მივიღეთ. სახელმწიფოსაც საკმაოდ ბევრი მარცვლეულიც და ბოსტნეულიც ჩავაბარეთ... შეექმენით მეღორეობის ფერმა. ავა-შენეთ ბოსელი. მაგრამ მთავარი ის არის, რომ კოლმეურნეობაში ულ სხვა ადამიანები — ნამდვილი საზოგადოებრივი მშრომელები იჭედებიან.

თქვენი „კვაჭი“ სამტრედიელია. ახლა სამტრედილაში, ჩვენს კოლ-მეურნეობაში კვაჭები აღარ იზრდებიან, ძველები გადაშენდნენ. იქ-ნებ ძნელად და ტყვილებით, მაგრამ ახალი მშრომელი ადამიანები მაინც იზადებიან. ისინი მომავალს შეჰხარაიან და ამიტომ ნათელი ფერები იტაცებთ. კარგი იქნებოდა, რომ თქვენ ამ ახალ ადამიანებ-ზე გეთქვათ რამე. მე ფიქრობ, რომ ეს ახალი ადამიანები უთვალავ-ჯერ უფრო ძლიერი მხატვრული შთაგონების საგანს წარმოადგენენ, ვიდრე რომელიმე ძველებური კვაჭები.

მე წაითხული მაქვს ბევრი თქვენი ნაწარმოები, წავიკითხე „არსენა მარაბდელიც“, ძლიერ კარგი ნაწერია. დიდი სურვილი მაქვს მომავალში წავიკითხო ასეთავე ძალის თქვენი ნაწარმოები ახალ ადამიანებზე, ახალ ქართველ ქალზე. აპირებთ თუ არა დასწეროთ რამე ამ თემაზე?

დიდი სიხარულით შეგხვდებოდით, თუ გზად ჩვენს კოლმეურნეო-ბასაც ეწვევოდით!

ოღლა ჯოგლიძე“.

ოღლა ჯოგლიძემ მალე მიიღო მიხეილ ჯავახიშვილის საპასუხო წერილი და მისივე თანხმობა იმაზე, რომ ეს წერილი გამოქვეყნ-ბულიყო მტს-ის პოლიტგანყოფილების გაზეთში.

მწერალი ხწერდა კოლმეურნი ქალს:

„პატივცემულო ამხ. ოღლა!

მეკითხებით ვაპირებ თუ არა ავწერო კოლმეურნეობა და ახალი ადამიანები, ახალი ქართველი ქალი.

უთუოდ ვაპირებ. მრავალჯერ მითქვამს საჯაროდ და კიდევაც დამაწერია, რომ საბჭოთა მწერალი მოვალეა დღევანდელიობა და ახალი ადამიანი ასახოს მეთქი. მწერალთა უმრავლესობაც სწორედ ამ თემაზე მუშაობს.

პირადად მე ამჟამად მსურს უდიდეს გენიოსს შოთა რუსთაველს ვალი გადაუხადო — მისი ცხოვრება და მოღვაწეობა აეწერო. თუ ეს საქმე ვიკისრე, კარგა სანს ვეღარ მოვიცლი.

მიუხედავად ამისა, მე მაინც მტკიცედ მაქვს გადაწყვეტილი ორიოდე თვეში დაეწერო მოთხრობა „ახანაურის სიკვდილი“, რომელიც კოლმეურნეობის ფონზე იქნება გაშლილი. დიდ რამეს დიდი დრო და შრომა სჭირდება. სანამ მაგ თემას დავძლევდე, საჭირო იქნება რამდენიმე თვით სოფელში გადავსახლდე და ახალი ხალხი და ახალი ყოფა-ცხოვრება შევისწავლო. ჯერ კი, სამწუხაროდ, საამისოდ ვერ ვიცლი. ის კი ვიცი, რომ თქვენისთანა გმირი გამრავლდა და ქვეყანაც მათის იმედით ცხოვრობს. მე ვთხოვ ჩემს ბედს მანამდის მაცოცხლოს, სანამდის ამ გმირებს ღირსეულად არ მიეუძღვნო — მათ გმირულ ცხოვრებას არ აეწერდე.

იმედი მაქვს ამ მიზანსაც მივაღწევ. მე ნამეტან ის მიხარია, რომ ქართველი ქალიც ამოვარდა გაყინულ ჩარჩოდან და აქტიურ შემოქმედად გადაიქცა. მისი ცხოვრების არე მის ეზოს გასცდა. მისი გონების ასპარეზი ფართოდ გაიშალა და მისმა შრომამაც შესამჩნევად იმატა. მაგრამ გამოგიტყდებით და მოგასსენებთ, ამხ. ოლღა, რომ ოჯახიდან ქალის გასვლა ორპირი მახვილია. მე მეორე უკიდურესობა მაშინებს. ზოგმა სამუდამოდ ხელი აიღო ქალობაზე, ჯიშის გამრავლებაზე და თავისი თავი სანიმუშო მოქალაქე ჰგონია. შემცდარია. ზომიერება ბუნების უდიდესი საჩუქარია და ვინც მას უღალატებს, ის აუცილებლივ დაისჯება. დღევანდელი ქალი ორივეს უნდა მოერიოს — ოჯახსაც და ბაღ-ვენახსაც. შეილებიც უნდა გაზარდოს და 140 შრომადღაც შეასრულოს. ეს ადვილი საქმე არ არის, მაგრამ აუცილებლივ საჭიროა და უნდა შესრულდეს.

დღევანდელმა ქალმა შრომა ისწავლა, დიდებულია! მაგრამ მან მუცლის მოშლაც ისწავლა. ეს კი საზარელია. ამის გამო მომავალი თაობანი ავად მოგვიხსენიებენ. საბჭოთა მთავრობა ებრძვის ამ სენს, მაგრამ მას არ შეუძლიან ყველა ქალს თვალყური ადევნოს. ეს თავდაპირველად თვითონ ქალების საქმეა. ყველაზე მეტად კი კოლმეურნე ქალებმა უნდა გამოიღონ თავი და ეს ჭირი ძირიან-ფესვიანად ამოფხვრან.

თქვენ იწერებით კვაჭები აღარ იზრდებიანო. ამაზე უფრო სასიხარულო ამბავს ვერაფერ ვერ მომწერდა, სამახარობლო გერგებათ და მომთხოვეთ. თქვენ ჩემი უერთგულესი მოკაეშირე ყოფილხართ

და წერილფეხა კვაჭუნებს ერთად უნდა ვებრძოლოთ. „აზნაურის სიკედილი“ ასეთი ბრძოლა იქნება.

კვაჭების დევნა მეც მომბეზრდა. მაგრამ ამ უდიდეს და უძნელეს პრობლემას მწერალი ვერ გაექცევა. რა სჯობია ჩრდილი თუ შუქი? უერთმანეთოთ ხელოვნებაში არც ერთი არ არსებობს. მე მაინც გეთანხმებით, რომ ღია ფერი მუქს უნდა სჭარბობდეს. ჯანსაღი ოპტიმიზმი მოგეწყურდა და საბჭოთა მწერლობაც გადაჭრით დაადგა ამ გზას, არც მე ჩამოვრჩები. „არსენა პარაბელი“ ამ გეგმის დასაწყისია.

მადლობა წერილისათვის და გულწრფელი სალაპო

მ ი ს.   ჯ ა ე ა ხ ი შ ვ ი ლ ა

3. X II. 34. თბილისი<sup>1</sup>.

შორს გატყორცნილი ფიქრების აღმძვრელია მიხეილ ჯავახიშვილის ეს წერილი ქართველი მშრომელი ქალისადმი. არ შეიძლება მწარედ არ გეტკენდეს გულს ბევრი შემოქმედებითი განზრახვის, მათ შორის, უწინარეს ყოვლისა, შოთა რუსთაველის მხატვრულად წარმოსახვის განუხორციელებლობა. მაგრამ რას ვიზამთ, უნდა მივყვეთ სიბრძნეს დიდი ილიას სიტყვებში გაცხადებულს: „მას ნუღარ ესტირით, რაც დაკარგულა, რაც უწყალო დროს სელით დანთქმულა; ჩვენ უნდა ვსდით ახლა სხვა ვარსკკლავს“... მსგავს ვითარებაში, ალბათ, ამასვე გვირჩევედა მიხეილ ჯავახიშვილიც, რომლის შემოქმედება ქართული მხატვრული კულტურის საგანძურში მარად შეინახება.

1976

---

<sup>1</sup> კომპლექტი სამტრედიის მტს-ის პოლიტგანყოფილების გაზეთისა („კოლმეურნის ბრძოლა“), სადაც დაბეჭდილი იყო ოლღა ჭოგლიძის წერილი და მიხეილ ჯავახიშვილის პასუხი, ჩემს პირად არქივში არ აღმომაჩნდა; ის არც წიგნის პალატაში აღმოჩნდა. ასლები ამ წერილებია, დაცული მწერლის არქივში, თავაზიანად მოგვაწოდა მწერლის ქალიშვილმა — ქეთევან ჯავახიშვილმა, რისთვისაც დიდ მადლობას მოვასხენებთ მას.

## იოსებ გრიშაშვილი

(გასხენება)

რაღაც მარადიული მაინც არის ყოველი ნამდვილი შემოქმედის ქმნილებებში, რაგინდ დღეისდღეულიც უნდა იყოს ამ ქმნილებების ფორმაც, შინაარსიც, საგანიც, აზრიც და გრძნობაც. ვერავინ და ვერაფერი წაართმევს იმ „რაღაც მარადიულს“ ჭეშმარიტი შემოქმედის ნაღვანს — უამთავლის რანაირ მისახვევ-მოსახვევებშიაც, უნდა მოექცეს.

ამნაირ განათებაში მესატება განუშეორებელი პიროვნული და პოეტური თვისებებით დაჯილდოებული პოეტი იოსებ გრიშაშვილი. იგი, რასაკვირველია, მისხალ-მისხალ, თხემით ტერფამდე თბილისელი პოეტია, თბილისური სიტყვის მძერწავი თუ მეჩუქურთმე. თავის დროს თბილისიც, განსაკუთრებით პოეზიის თბილისელ მოყვარულთა დიდი უმეტესობა, უზომოდ იყო გატაცებული გრიშაშვილის დილასადამოებით. გამიგონია, რომ ჯერ კიდევ უზადლო გენიოსის — ვაჟას სიცოცხლეში, ერთ ლიტერატურულ საღამოსე გრიშაშვილს ვაჟაც კი დაუჩრდილავს თავისი გასაოცარი დეკლამაციით. მაშინ დიდ ვაჟასაც კი გადაჰკრა სახეზე რაღაცნაირმა ჩრდილმაო... დიდი ხნის შემდეგ, როდესაც მე იოსებ გრიშაშვილს გავეცანი და სხვათაშორის ვაჟასთან ამ უნებლიე გაჯიბრების გამო შევეკითხე, იოსებმა გულწრფელად მოითავდაბლა:

— რას ამბობ, კაცო! სად იალბუზი და სად მახათა!!! ლექსში ბევრ მავანსა და მავანს გავეჯიბრები, მაგრამ ვაჟას — ამ ცხრათავიან დევს უბრალო გაკენწლავებასაც კი როგორ შევებდავდი.

რაღა მეტქმოდა. ძალიან კი მომეწონა მჩქეფარე და კისკასა პოეტის გულწრფელი მოთავდაბლება.

იყო დრო, როდესაც თითქმის მთელი ქართველი ახალგაზრდობა ზეპირობდა გრიშაშვილის ლექსებს. მეც არ ვიცი, რა დროიდან მახსოვს ბევრი მისი ხალასი ლექსი. ჭეშმარიტ პოეზიაში რაღაც მარადიული აუცილებლად იმაღლავს თავს. სწორედ ამ მარადიულის მიგნებაა ყველაზე დიდი ამოცანა ლიტერატურული განხილვისა თუ ძიებისა. ის მარადიული, მე ასე მგონია, არსებითად სიკეთისა და ბორო-

ტების მიღმა ძევს. იგი რომ სიკეთისა და ბოროტების შიგნით არსებობდეს, მაშინ მარადიულიც ვერ იქნება, რადგან სიკეთეც და ბოროტებაც დროის შიგნითაა და დროსავე ცვალებადი და წარმავალია... პოეზია თუ მარადიულის მიწვევა არა, ყოველ შემთხვევაში, მარადიულის მუდმივი ძიებაა. ყოველი პოეტი-შემოქმედიც განუმეორებელ-თავისებურად ეძებს და ელტვის მარადიულს. გრიშაშვილიც, ალბათ, შეგნებულად თუ უნებლიეთ ყოველთვის ესწრაფოდა უსასრულოს ლექსებში. რა ეუყოთ, რომ ყოველი პოეტი ყოველი ადამიანით მოკვდავია, ნამდვილი პოეზიის სიცოცხლე ხალხის, ერის სიცოცხლესავე სანგრძლივია. თუმცა ყოველ პოეტურ მოვლენას, როგორც ერთხელ და სამუდამოდ განუმეორებელს, თავისი განუმეორებელი ბედი აქვს: ხან დაიმალება, ჩაიძირება, თითქოს დავიწყებას მიეცემა, ხან კი ამოცურდება და ამონათდება. ეს კი დამოკიდებულია ქვეყნიერების სულიერი ამინდის განუწყვეტელ ცვალებადობაზე.

გრიშაშვილი?

ენების, ჟინის, წადიერების ჩანჩქერი. ხორციელი ტრფიალების ასე მრავალმხრივი, მრავალფეროვანი და განუმეორებლად ამუსიკებული სადიდებელი გრიშაშვილამდე თითქმის არ თქმულა ქართულ პოეზიაში. რასაკვირველია, მემკვიდრეობის ერთგვარი ძაფი უეჭველად მოდის გურამიშვილის, ბესიკის, ალექსანდრე ჭავჭავაძის, გრიგოლ ორბელიანის, ნიკოლოზ ბარათაშვილის, ილიას, აკაკის, ვაჟას და თუ გნებავთ საგრძნობლადაც თბილისელი აშუღების სამიჯნურო ლექსებიდან. ამავე დროს დასაძალი არ არის, აქვე ვთქვათ გულახდილად: ხორციელი, მიწიერი ტრფიალის უმძაფრეს პოეტურ აუღერებაში გრიშავილს ბევრი ვერ გაეპაექრება ჩვენებურ და, თუ გნებავთ, არაჩვენებურ მოლექსეთა შორისაც. არა მარტო შინაარსი, არამედ ფორმაც — რიტმი და რითმიც კი თავისი სამიჯნურო ლექსების უმეტესობისა პოეტს აწყობილი აქვს ხორციელი ჟინისა თუ ენების თრთოლვაზე. უშურველად და უყოყმანოდ შეიძლება ეწოდოს იოსებ გრიშაშვილს სამიჯნურო ლექსის ჯადოქარი, ქართული ენებისა და განუმეორებელი სამყაროც და საგალობელიც.

გრიშაშვილი შუმი ანუ სტიქიური ხენსუალისტია. უფრო უბრალოდ და მარტივად რომ ვთქვათ, მისი აზრით, გრძნობიერება თუ გრძნობაა ქვეყნიერების შეცნობის ერთადერთი წყაროცა და საშუალებაც. გრძნობათა შორის კი ყველაზე უძლიერესი და უმძაფრესი ტრფიალების ანუ სიყვარულის გრძნობაა... მაგრამ, მიუხედავად იმისა, რომ შაირობა უეჭველად სიბრძნის არის ერთი დარგი, მეტისმეტი თეორია ანუ თეორიული გამშრალება პოეზიას სულს უხუთავს, ასრჩობს. მინდა უშუალოდ მივუბრუნდე გრიშაშვილის ლექსებს...

ბევრჯერ, ძალიან ბევრჯერ და საკმაოდ დიდი სწითაც ამღვევებია  
მასი სტრატეგია, ტაქტიკა, მთელი ლექსები. რა გასაკვირია, გაზა-  
ფხულის მოძღვებისას, თბილისი რომ კაშკაშა მზის ლივლივში ცუ-  
რავს. პოეზიის ტრფიალს უნებლიედ აედევნოს:

პერში ოქრო ლივლივებს,  
მთებზე ზურმუხტი, ლალია...  
აფსუს, რა კარგი დღე არის,  
აფსუს, რამდენი ქალია!

ასლა მე უმალ ჩემს სსოვნაში ვიხედები, ვიდრე პოეტის წიგნებ-  
ში. მე ასე მგონია, არახდროს დამაფიწყდება:

გაცვილდე და... ის იყო ებრუნდებოდი სახლში ჩქარა,  
რომ მომესმა ეს შეუქარა:  
„გაცილდე? ვნახოთ! კარგი! მე მალატობ? კარგი ვნახოთ!  
რომ თრივემ ივაგლასოთ!  
მე დამტოვე და ჩემს ნაცვლად შეიყვარე ელაც ფლიდი?  
მამ გამცვალე? მამ შენც მცვლიდი?  
ეა, შენს ლექსებს! თორემ მე რა? ეა, მგოსანო, შენი ბრალი...  
მას გრძნობა აქვს სომ ჩამქრალი!  
მას არა აქვს გულახდილი არც ბაასი, არც იერი,  
ის გველია მშენიერი.  
ის შენს ენებას დაუწმენდელს, უმანკოს და დაუღალავს  
გარყენილ უინით შევიბღალავს.  
შენ გგონია შენ უყვარხარ, როცა შენთან ეგრე ნახობს?  
თითილბაზობს... თითილბაზობს.  
ან იქნება — დღეის შემდეგ, რომ არ გრძნობდე თავსა ობლად  
აირჩიე გასართობლად?...  
ან იქნება შენი შუბლი უნდა დაფნით მას მოერთო!  
რა ტანჯავა! ღმერთო! ღმერთო!  
გაცუღლუტებს, შე საწყალო, ის ფლიდია, მატყუარა,  
გაგმორდება შენ თუ არა,  
სხვას მიჰყიდის შენს სიყვარულს, სხვას ჩაპოცნის, ჩაიხუტებს,  
გაცუღლუტებს, გაცუღლუტებს...  
და ის ქალი, ეინც თვალთ სხივებს ყველას ესერის განდაგანა.  
ის ღირსია მგოსნის განა?“  
და რა უნდა შექნა, მითხარ! და რა უნდა შექნა, ნეტაე,  
ჩემო სატრფოვ, ტანწერწეტაე.  
ცილს გწამებდა, გესმის? ცილს, ცილს! ცილს გწამებდა, ცილს  
უგვანოს,  
შენ, ჩემს სატრფოს-სათავანოს!  
მე აზვავდი! მე ამატყლა ძარღვის ცემა. ხმის კანკალი,  
ვეცი უხმოდ და... მოვკალი,  
იცო როგორ? შენ გგონია, მე იმ ქალსა ბეერი ვიდე:  
ვარდის კოშკში დავამწყვდიე,  
ვარდის ხუნდი გავუყარე და.. დავახრჩე — მამ ხელითა? —  
არა, ვარდის სურნელითა.

მაგრამ სატრფიალო გრძნობათა აბრეშუმის სიფრიფანა ქსოვილში აქა-იქ ეროვნული შეგნებისა და რწმენის ფოლადის ძაფიც ჩაეგრისებოდა ხოლმე. და ზოგჯერ იბადებოდა საოცრად ტრაგიკული შეგრძნება სამშობლოს ბედისა. სატრფიალო ლირიკის დიდი ალივლივების უამს, 1912 წელს პოეტი ქმნის მძაფრი ტრაგიკული მღელვარებით აღსავსე ლექსს სამშობლოს ბედზე და შიგ რაღაც პირადი ცოდვისა თუ ცდომილების გრძნობასაც აქსოვს:

სიზმრად ენახე საქართველო სისხლის ზღვაში ბანაობდა  
და დროშა კი დაფლეთილი ქარის ფრთებზე ქანაობდა.  
და მეც ვითომ ღრუბლებიდან დაეუურებდი იმ ნაპირებს,  
სადაც ნაშთი ჩაახვეოდა შკერდ გაპოპილ მებრძოლ გმირებს;  
დაეუურებდი ძველ მონასტრებს, ძველ აკლდამებს წინაპართა,  
სადაც ერმა ივერიის სისხლის დროშა ზე აღმართა.  
და ვფიქრობდი: ნუთუ ხალხი ისე დაჰყენა და დაკინდა,  
რომ სხვას მიაქვს ჩვენი სულის სიამაყე წმინდათ წმინდა?

ო, სამშობლოე, შენს ერთგულ შვილს, მაგრამ მკრთალსა და უბედურს  
ნუ, ნუ დამღებ ბრალს წაუშლელს, ნუ მომასშენ შენს საყვედურს,  
ნუ, ნუ მეტყვი, ჩემი მუზა რომ ყოველთვის ერთსა სჩამახავს, —  
მამ რა ვუყო, გენაცააღე, სად ყყოფილარ, რა მინასავს?  
მითხარ რამე მე, ბედიოკრულს, უგზოდ, უკელოდ, უქმად მკვალს,  
მითხარ რამე, რომ ვავეცნო აწმყოს, წარსულს და მომავალს.  
მამინ თვით მეც გარღვიქმნები, მამინ მუზაც თვალს გაახელს,  
მაგრამ ჯერ კი, ვოსოფე, სამშობლოე, ნუ წამართმევ მგოსნის სახელს.

ქართულ პოეზიაში ლაღად კარის შემოღება, როგორც ცნობილია, გრიშაშვილმა რამდენიმედ დაასწრო გალაკტიონ ტაბიძეს. და რა გასაკვირია, რომ გალაკტიონის ზოგიერთი ადრინდელი ლექსის მუსიკალურ-რიტმული აღნაგობა როგორღაც ენათესაებოდეს გრიშაშვილის ლექსების ჟღერადობას. გრიშაშვილის პოეტურ მუსიკასთან ერთგვარი ნათესაობა შეიძლება ამოიკითხოთ გალაკტიონის თუნდაც ისეთ ცნობილ ლექსში, როგორიცაა „გურიის მთები“. ეს დანათესაება შემთხვევითი არაა, არის აქ პოეტური კულტურის განვითარების გარკვეული კანონზომიერება... მაგრამ, მოდი, ამგვარ კანონზომიერებათა გამოკვლევა მომავალს მივანდოთ. ახლა კი მეპატიოს პირადი მოგონებებისკენ მიბრუნება...

პირადად იოსებ გრიშაშვილი გავიცანი 1939 წლის ერთ საღამოს მწერალი ქალის — მარიამ ვარიყულის ოჯახში.

— ო, ეს გვარი ჩემთვის ძლიერ ნაცნობია, — თქვა სოსომ. ჩემი გვარი რომ გაიგონა, — ჯერ ერთი, ამ გვარის საკმაოდ სიტყვაგამოწრებული და მახვილკაღმოსანი კაცი — ნესტორ კალანდაძე ანუ ფსევდონიმით ეშმაკი ხშირად მკენწლავდა ხოლმე... შეუნდოს უფალმა...

მეორედაც თვითონ მე მამით ალალი გურული ვარ, მამულაშვილი, დედა კი ქალაქელი სომეხი იყო... ამიტომაც ვარ მარჯვენათი ერთობ სელგაშლილი და, თუ გნებავთ, ცოტათი მფლანგველიც კი, მარცხენათი კი საკმაოდ სელმოჭყრილი და ყაირათიანი... განსაკუთრებით წიგნების ძუნწი ვარ... წიგნს ვერ მოგცემთ... ერთ გამონაკლისს ვუსუქებ. მარიამს შევპირდი, რომ შამხიძის — ლუკა თათბიშვილის წიგნს ეათსოვებ. ვგონებ, გასული საუკუნის. მიწურულშია დაბეჭდილი. პოემაა. „სიყვარული“ ჰქვია. სიმონ გუგუნავას მიზამებით არის დაწერილი. თუმცა ხირცხვილი კი არის, რომ მამის წიგნი არ ჰქონდეს ჩის ქალიშვილს — მწერალ ქალს. მაგრამ ერთი კვირით მაინც ვათსოვებ. გაეცნოს შთაძომავლობა...

სალამოს დამსწრეთა შორის ერთმა ცქრიალა ქალიშვილმა გრძნობით წაიკითხა ლექსი, რომელიც დაასლოებით მეც მასსოვდა ზეპირად.

გრიშაშვილმა კითხვა ძლიერ მოუწონა ქალიშვილს, მაგრამ ლექსის სოგიერთი სტრიქონის ჩამატებაც და გადასხვაფერებაც შენიშნა... ჩაფიქრდა. უცნაურია სოგი ლექსის ბედიო, თქვა. შემდეგ ჩვენი დაბეჯითებითი თსოვნით განუმეორებელი „გრიშაშვილისებური“ გაბმით წაიკითხა თავისი „რა კარგი ხარ, რა კარგი!“

მერე? რამდენი რამ... რამდენი რამ მიაქვს დაუბრუნებლად უღმიბელ დრო-ჟამს.

1941. ომის პირველი წლები. საქართველოს სახელმწიფო გამომცემლობაში გადაწყდა ფრონტისათვის ასალი საბრძოლო-მატრიოტული ლექსების პატარ-პატარა კრებულების გამოცემა.

გრიშაშვილმა სიამოვნებით მიიღო დაკვეთა. მალე მოგიტანა ლექსი „ორი სიტყვა“. პოეტმა ყურად იღო მცირე შენიშვნაც. ახლავე ჩავასწორებო. ქუჩაში გამოვიდა, დაფიქრებულმა ელბაქიძის სიდზე გაიარ-გამოიარა, გამომცემლობაში დაბრუნდა და ლექსში ერთი სტრიქონი ახე შეცვალა: „კრემლს დაეუდგეთ დარაჯებად!“ ეს გასწორება ბუნებრივად ჩაჯდა სამნაკეთიანი ლექსის პირველ ნაკეთში:

მე არ მითქვამს, უკვე ითქვა,  
დავისსომოთ ორი სიტყვა:  
„სამშობლო“ და „გამარჯება!“  
კრემლს დაეუდგეთ დარაჯებად!  
დღესაც უკვლავ მცნებად რჩება:  
„სამშობლო“ და „გამარჯება“.

უშურველობა პოეტის სულის სიუხვეს მოასწავებს. განსაკუთრებით დამამასსოვრდა გრიშაშვილის ერთი გულწრფელი აღფრთოვანება. იმ დღეს ირაკლი აბაშიძის ახლად გამოქვეყნებული „კაპიტანი პუსაიძე“ წაეკითხა და ძალიან მოსწონებოდა.



— ირაკლი უეჭველად ნიჭიერი პოეტია, — გეითხრა მან გამომცემლობის თანამშრომლებს, — ცხოვრებაში თუ ხელი მოემართა, დიდად გაიწევეს წინ პოეზიაში...

ჩემი დაკვირვებით, სოსო ხალასი, უმზაკერო ბუნების კაცი იყო. მას შეეძლო გულითადი და გულალაღი მეგობრობა, შეეძლო მეგობრების უანგარო სიყვარული. მე ვიცოდი, რომ სწორედ ძმურად, უხინჯოდ უყვარდა მას ალექსანდრე აბაშელიც, პაულე ინგოროყვაც, მიხეილ ჭიაურელიც, ბევრი სხვაც. მხოლოდ არ ვიცოდი, როგორი იყო მისი დამოკიდებულება გალაკტიონ ტაბიძესთან. დანამდვილებით არაფერი ვიცოდი ორი დიდი პოეტის ურთიერთობაზე. ამიტომ ერთხელ მორიდებით შევეკითხე გრიშაშვილს, როგორია თქვენი და გალაკტიონის დამოკიდებულება-მეთქი. სოსომ ტუჩებმოკუშულმა გაიცინა, ანთებული თვალები ოდნავ დაენისლა და დაბეჯითებით თქვა:

— რა თქმა უნდა, გალაკტიონი დიდად ნიჭიერი პოეტია. მისი ნიჭისათვის პირველი ფართო გზის მიცემაში იქნებ სულ მცირეოდენი წილი მეც მიძევეს. ყოველთვის და ყველგან ვიტყვი, რომ გალაკტიონი დიდი ზეგარდმო ნიჭით დაჯილდოებული მგოსანია...

მეტი ჩაძიება საჭირო აღარ იყო.

ამის შემდეგაც ბევრი შესხვედრა მქონია პოეტთან ომის დღეებშიც, ომის შემდეგაც. მინახავს იგი ჩაფიქრებულიც, მოწყენილიც და დიდად გახარებულიც. მასსოვს მისი თავშეკავებული, მაგრამ უბადლო ბედნიერებით აღტაცება დიდი პრემიის მიღების გამო.

გრიშაშვილთან შესხვედრა რატომღაც ყოველთვის განსაკუთრებულად მიღვიძებდა აზრს პოეზიის მრავალსახოვნებაზე, უნაპირობაზე, მრავალწანაგოვნებაზე. არავინ არ უნდა დაიჩემოს, რომ პოეზიაში სადიდებელი მხოლოდ ის არის, რაც ამ ერთი ნაპირიდან მოჩანს. რაკი პოეზია უნაპიროა, ვინ მისწვდება მის ულევ ციმციმსა და ელვარებას.

გამოხდა სანი.

უეჭველად გარემოებამ მოითხოვა და აკაკისა და ვაჟას ერთი გაპაექრება გაისსენეს. ეს შემთხვევითი არ იყო. ალბათ, ქართული კულტურის შინაგანი ერთიანობის ამოცანა წამოიჭრა განსაკუთრებული ძალით. ცხადია, იყო ორი მხარე. უფრო ძალმიცემულმა მხარემ აკაკის აზრი ირჩია. პირველქმნილი პოეტური სინოყიერე ვაჟას მხარეზე რჩებოდა. ბოროტება და უკეთურობა თავისთავად არც ერთ მხარეს არ შეიძლებოდა დასჩემებოდა. შეცდომით კი ერთ-ერთი მხარე, ალბათ, ცდებოდა. საძიებელი იყო ეროვნული ერთიანობის იდეის ყველაზე უხვი და ნოყიერი ნიადაგი. საბოლოო განსჯა კი იმისა, თუ სად იმაღავდა თავს სასიცოცხლო მოძრაობის ხელთუქმნელი სიძარ-

თლე, მომავალს უნდა მინდობოდა და უნდა მიენდოს... მერე, როგორც ცნობილია, საქმეში ჩაერია განმკარგულებელი ნებისყოფა. ლაშქრობამ ენობრივი დაქსაქსულობის, კუთსურობის, ნატურალიზმისა და ვულგარულობის წინააღმდეგ ფართო სასიათი მიიღო... ცოტად თუ ბევრად ენობრივ შემცოდეთა რიცხვში გრიშაშვილიც მიიხიშნა. რასაკვირველია, რაღაც ხინჯის მონასვა ყველგან და ყველასთან შეიძლება (ლაქას მზეზედაც ვარაუდობენ თუ კიდევაც პოულობენ)... ერთი ცენტრალური გაზეთის შეკვეთით წერილი დავწერე გრიშაშვილის შემოქმედებაზე, შევესე მის ენობრივ სინჯებსა და ეროტიულ „ცოდევებს“. წერილი აიწყო (ერთი ანაბეჭდი ამჟამად ჩემს პირად არქივში მაქვს), მაგრამ სურვილი ამისრულდა და წერილი გაზეთში აღარ დაბეჭდილა... მე ახლაც არ ვიცი, გაიგო თუ არა რაიმე გრიშაშვილმა ჩემი წერილის არსებობისა და შინაარსის გამო. წერილი არც თუ ისე მწვავე ყოფილა, მორიდებაც და კეთილი სიტყვაც საგრძნობლად იყო შიგ, მაგრამ ეკალი თითქოს მაინც სჭარბობდა. იცოდა თუ არ იცოდა პოეტმა რამე წერილის შესახებ, აქამდე არ ვიცი; ფაქტი კი ის იყო, რომ ჩვენ ერთმანეთს კვლავ საღისიანად და მეგობრულად ვსედებოდით.

იმ ხანებში საქართველოს მწერალთა კავშირში ვმუშაობდი. როგორც მახსოვს, მწერალთა კავშირის ცსოფრებაში ამ დროს გრიშაშვილი ნაკლებად მონაწილეობდა. იგი ძალიან იშვიათად ეწვეოდა მწერალთა სახასლეს. გალაკტიონი კი პირიქით, თითქმის ყოველდღე მოდიოდა; ერთ განაპირა კუთსის დარბაზში (მაშინ კონსულტანტების კაბინეტს რომ ეძახდნენ) წიგნების ერთი დიდი კარადაც კი დაადგმევინა. ეს კარადა გალაკტიონმა აუარებელი საქაღალდეთი გამოავსო. თითქმის ყოველდღე ინასავდა ამ საქაღალდეებში რაღაც ჩანაწერებს; ახალ საქაღალდეებსაც უმატებდა... გალაკტიონი რომ დაიდუშა, მე უკვე აღარ ვმუშაობდი მწერალთა კავშირში... და აღარც ვიცი, რა ბედი ეწია გალაკტიონის იმ კარადას...

იოსებ გრიშაშვილი, როგორც ვთქვი, იმ ხანებში ნაკლებად ხმაურობდა მწერალთა კავშირში. არ მახსოვს არც მისი აქტიური მონაწილეობა საქართველოს მწერალთა მეორე ყრილობაზე, არც მეორე საკავშირო ყრილობას ესწრებოდა. ამ ყრილობის დელეგატად იყო თუ არა არჩეული, არც ვიცი, არც მახსოვს... ვისხენებ მსოლოდ იმ დროის მის რაღაცნაირ ნაფლიანობას. ვგონებ, ამ სანას ეკუთვნის მისი ლექსი „ეპიტაფია“. აი, ისიც:

განა არ ვიცი, მოკვდები, ჩემი მზეც დაიწერება,  
ერთი პატარა წერილი ჩემზედაც დაიწერება.  
გაზეთის ბოლო ფურცლებზე მოათავსებენ ცნობად:  
სიყვარულს უმღეროდაო სიცოცხლის უკვდავ ნობათად.

სიყვარულს უმღეროდაო, განა სიძულელის? ფლიღობას?  
სიყვარულს უმღეროდაო და ერთა შორის მქვიდობას.

როდი ყოფილა საწუთრო უნდო და დასაძრახელი,  
რადგან ამ ქვეყნად დატოვე შეუბღალავი სახელი.  
თუ ჩემი ლექსის ჯავარი ერთს მაინც ემახსოვრება,  
ვიტყვი: უქმად არ გაეღიე ჩემი პატარა ცხოვრება.

გრიშაშვილთან შეხვედრა ყოველთვის მასხარებდა. მაგრამ ერთ დღეს საოცარი რამ მოსდა. პირგამესებული შემოვიდა მწერალთა კავშირის კონსულტანტების ოთახში, წამით გაირინდა ჩემი მაგიდის გვერდით, მერე ორივე სელით მაგრად დაარტყა მაგიდას ტყავის მოზრდილი საქალაღდე და რისხვით შემომძახა:

— იცოდე, შენი კერპებიც დაიძხვრევიან!..

მე გაოგნებული წამოვდექი. სოსომ უფრო გამოიწია ჩემსკენ.

— სოსო, რა მოგდის?! გონს მოდი! — გამოსძახა ოთახის მეორე კუთხიდან მარიჯანმა. იმ დროს მარიჯანი ჩემთან ერთად მუშაობდა მწერალთა კავშირში საყმაწვილო და საბავშვო ლიტერატურის კონსულტანტად.

ამ შემთხვევას მაშინ იქ, არ ვიცი, ესწრებოდა თუ შემოესწრო სექციების მდივანი თამარ ანდღულაძე...

მე გული საგულეს არც კი მქონდა ჩამჯდარი, გრიშაშვილი რომ სასწრაფოდ გავიდა დარბაზიდან.

მითქმა-მოთქმასა და ვარაუდებს, რაც მაშინ ამ ამბავს მოჰყვა, ღრმა შინაარსი არა მქონია და მოსაგონებლადაც არა ღირს... გულის ჭრილობა კი დიდხანს მაწუხებდა. მაგრამ არის ერთი ფრიად დამამშვიდებელი კვანძი აზრისა: რაგინდ დიდიც უნდა იყოს ადამიანი — შემოქმედიც და ბრძენთაბრძენიც — მის არსებაში მაინც რჩება ადგილი ყველა ადამიანური სიაყვარვისათვის. ვინ არის ღმერთკაცი? სად არის ღმერთკაცი? ამის პასუხი თქვას ძალიან დიდმა კაცმა, დიდმა მეცნიერმა თუ დიდმა შემოქმედმა, მაშინ, როდესაც თავისთავთან მარტოდ დარჩება და არაეინ უთვალთვალებს, არაეინ ყურს არ უგდებს.

ასეც მწამდა, ასეც იყო: გრიშაშვილის გაფიცება რაღაც გაუგებრობით იყო გამოწვეული, ამ შემთხვევაში მე ცამდე მართალი, უდანაშაულო და ულაქო ვიყავი. უდანაშაულომ კი თვით მამაღმერთის წინაშეც არ უნდა მოისაროს ქედი.

მე ფრიად მსიბღავენ დიდი ადამიანები, დიდი შემოქმედნი. მაგრამ მსიბღავენ არა იმიტომ, რომ ჩემგან თვალმიუწვდენელ სიმაღლეზე იმყოფებიან, არა იმიტომ, რომ მე გაუვალნი ზღვართ ვარ მოწყვეტილი მათგან, არა იმიტომ, რომ მათი მეტყველება არ გაიგება

და ვერც ვერასოდეს გაეიგებ, არა იმიტომ, რომ მათი სიბრძნე და აულის სიღრმე ჩემთვის მარად მიუწვდომელ საიდუმლოებად დარჩება, არა იმიტომ, რომ ვერასდროს ვერ ვეზიარები მათ მიერ დანაშაულ თუ განცდილ სიმშვენიერესა და ჭეშმარიტებას, არამედ იმიტომ, რომ ისინი მეც მისმობენ მათ მიერ დაპყრობილი სიბრძნისა და მშვენიერების მწვერვალებისაკენ, რომ მეც მსდინ მოზიარედ მათი ადამიანური სწრაფვისა და მონაპოვრისა. დიდ ნიჭს იმიტომ კარ შეეხარი, რომ თვალს მიბრძავებს, გონებას მიბნელებს, სულს ჰივიწროებს, არამედ იმიტომ, რომ თავისი დიდი ფიქრისა და გრძნობის მოზიარედ მსდის, თავის სინათლეს მინაწილებს...

ამგვარ ფიქრებს ზოგჯერ ძალიან შორს მივყავდი... მაგრამ 1955 წლის მაისის ერთ ნათელ დღეს საქართველოს მწერალთა კავშირში პოულოდნელად მეწვია გაღიმიებული იოსებ გრიშაშვილი, მაგრად ჩაქობართვა სელი, მხარზე მკლავი მომხვია, ახლოს მიმიზიდა და ძმურად გადამკოცნა.

— დასაეიწყებელი სამუდამოდ უნდა დავივიწყოთ, — მითხრა მან, — ვერც იმას მკითხავ, თუ რა მოხდა და რა ჭორს აყევი მაშინ... ჩაძიებით გულს მატკენტ... აი, ჩემი წიგნი სამასსოვროდ!.. ჩემი გულის ნაღდი სიმართლე წარწერაშია..

რამდენიმე წუთით მე დავიბენი. წიგნი თითქოს უნებლიეთ გადავშალე და პირველსავე თავისუფალ გვერდზე (ფორზაცზე) თვალი მოვაველე ლამაზ კალიგრაფიულ წარწერას:

„ლაეროსი კალანდაძეს

„ერთი ნახვა ცნობაა,  
ორი ნახვა ძმობაა“.

პატივისცემით  
ავტორისაგან  
ი. გ რ ი შ ა შ ვ ი ლ ი.  
24. V. 1955 წ.

წამიერმა გაოგნებამ გამიარა. დიდად ნასიამოვნები და გასარყბული დავრჩი.

— ძვირფასო სოსო, — მივმართე პოეტს, — ახლა ხმას არ ამოვიღებ იმ უსიამო შემთხვევის გამო... მაგრამ იმას ვერ შეგპირდები, რომ ხსონიდან სამუდამოდ ამოვშლი მთელ ამ ამბავს...

კარგა ხანს ვისაუბრეთ გულითადად.

გრიშაშვილის გრძნობა-გონება კაცს ყოველოვის მოწმენდილ-მოკრიალებულ ცას აგონებდა...

...და პოულოდნელად მოხდა საოცრება: ეს მოკრიალებული ცანელ-ნელა დაიბინდა, დაინისლა... ნელ-ნელა აიძვრა ის ანკარა წყა-

როსთვალი, საიდანაც მოსჩქევდა მრავალი კამკამა ნაკადი. მრავალ-  
თაგან თუნდაც ერთ-ერთი ასეთი:

მიყვარს თბილისი! ირაკლივით მუდამ მშფოთარი!  
და მსურს აქ მოვეკედე, რომ მისი მზე სწვაედეს ჩემს კუბოს,  
ან მსურს მტკერის ტალღამ ორთაჭალის ხრამს დამაგუბოს.  
(მიყვარს თბილისი! ირაკლივით მუდამ მშფოთარი)  
და მე არ მინდა სხვა ანდერძი არავითარი:  
ახლიჩეთ მწვადი.. სთქვით ლექსები.. აუღერეთ თარი..  
რომ საიქიოს საიათნოვა არ წამეჩხუბოს!  
მიყვარს თბილისი.. ირაკლივით მუდამ მშფოთარი  
და მსურს აქ მოვეკედე, რომ მისი მზე სწვაედეს ჩემს კუბოს.

დრო ვერ მოკლავს ამ აწკარებს, ისე როგორც სხვა მრავალს...

გრიშაშვილი ყველა მოკვდავივით ელოდა სიკვდილს და მოკვდა  
კიდევაც, მაგრამ ნამდვილი გრიშაშვილი ის არის, რომელიც არ მო-  
მკვდარა.

## გიორგი ლონიძე

(ნაწყვეტი მოგონებიდან)

აღბათ, არყოფნის უსასრულო ბნელეთს ეომებოდა პოეტის შთაგონება, როდესაც თსზავდა სევდიან სანუგეშოს — „არ დაიდარდო, დედაო“. ასე მგონია, თუ ასეც არის: იმ შთაგონების ნათელიდან იმზირება დღესაც მოხდენილი, ასოვანი მგოსანი თავისი ჭკვიანური, ფიქრობილი ცისფერი თვალებით. იგი ხომ ყოველ ქართველ კაცს ჰგავდა და არაეისაც არ ჰგავდა. ათასში გამოარჩევდით... და არა მარტო თავისი ფერებმოჭარბებული ქართულით, არამედ თავისი თვალადობითაც.

ჯერ კიდევ ადრევე, როდესაც მას მსოლოდ შორიდან ვიცნობდი, ქართული ცის რაღაც საოცარი სინატიფისა და სიანკარის უთქმელ გრძნობას მიღვიძებდა მისი „საზარეთისკენ მისცურავს წერო“, მომწონდა ყურდანიებიდან გაფრენილი გნოლის პოეტური ნახაზები, საუკუნეთა სიღრმიდან გამოსმობილი პაემანის განსაცვიფრებელი ლირიკული ხვეულები, მაფრთოვანებდა გაჩადებულ სახანთლესავით წარმოსასული სამშობლო — იერის ვაზები, ვხედავდი ყივჩაღური დამის დევურნაკვთებიან სურათებს, თითქოს მესმოდა თავქვეშ თოქალთოებ ამოდებულ და შავ ყურდანებში მიძინებულ მხედართა ველური ფშინვა; საქართველოს „ლექსის მეხანძრეთა“ ძმობის, სიყვარულის პირშეუშრობელი იარისა და ქართული ისტორიული ძეგლის შეუშუსრავი სილამაზის აღმურს შკიდებდა „ნინოწმინდის დამე“; ვგრძნობდი მგოსნის სიტყვის განსაკუთრებულ სილაღესა და სიმსუყეს, მისი პოეტური სახეების გასაოცარ სორცოვანებას. თითქოს იგი იმთავითვე ამზადებდა ღაჟღაჟა ფერებით სავსე პალიტრას ახალი საქართველოსა და თავისი მღელვარე მამულიშვილური გრძნობების გამოსახატავად.

მერე ასლოს გაცნობა და მრავალი შეხვედრა. მათგან ასლა მსოლოდ ზოგიერთ ემიზოდს ვიხსენებ.

ეს იყო ერთი წლით ადრე მერე მსოფლიო ომამდე. ვინ რა იცოდა, რომ ქვეყანა კვლავ საარაკო თავზარცემათა წინაშე იდგა... ზაფხულის ერთ დღით თბილის-ბორჯომის მატარებლის იმ ვაგონში

აღმოეჩინა, რომლითაც გიორგი ლეონიძე თავის უმცროს გოგონასთან ერთად ქვეშხეთში თუ ბორჯომში მიემგზავრებოდა. სხვა ნაცნობებაც იყვნენ აქ. გიორგი გვესაუბრებოდა, თანაც თავის გოგონას მსარზე ხელს ხევედა, დროდადრო რაღაცას უხსნიდა, თვალეში შესციცინებდა, ჩურჩულით ეაღერებოდა; პოეტი ერთობ ამქვეყნიური იყო, როგორც ყოველი მოსიყვარულე მამა.

მატარებლის ფანჯრებს ქართლის ფერადები ეძალებოდა და ჩვენს ცქერას იტაცებდა. მახსოვს, უფლისციხეს რომ გახედა, გიორგიმ თითქოს თავისთვის თქვა:

— ქართლი! ქართლი!

ჩანდა, ამ სიტყვას პოეტმა რაღაც ფიქრი გადააწნა.

— დიას, ბატონო გიორგი, — ჩაუხტა პოეტს ფიქრში ვიღაც მხცოვანი თანამგზავრი, ვინაც პათეტიკურად წარმოთქვა: — „ვეფხვის ჭრელი პერანგივით გაიშალა ქართლის ველი, გაუღენთილა წვიმით ყანა ფირუშთვალა ცვარით სველი“.

გიორგი გაოცებით მიაჩერდა უცნობ თანამგზავრს. ეტყობოდა, პოეტი გულგრილი არ დარჩა იმისადმი, რომ მისი სტრქონები ასე მოულოდნელად შემოიჭრა საუბარში.

გამოიჩქრა, რომ ეს თანამგზავრი ძველი მასწავლებელი იყო. ვატყობდი, იგი დიდად იყო მოწადინებული გულდაგული საუბარი გაება პოეტთან. საკმაოდ ენაწყლიანი, განათლებული და თითქოს ოდნავ აღზნებულიც ჩანდა. რაღაც-რაღაცეებს ქარაგმულადაც ამბობდა, საუბარში სშირად ურთავდა სხვადასხვა პოეტების სტრიქონებს, უფრო მეტად კი თვით გიორგის ლექსების სტროფებს. ერთხანს გიორგი მსმენელის როლში რჩებოდა, მაგრამ როცა მისი მეტაფორები, შედარებები და ეპითეტები მოხშირდა, პოეტმა ეს თითქოს იუხერხულა, ზომიერების დარღვევად მიიჩნია და სიტყვა გადაიტანა საქართველოს ბუნების მრავალფეროვნებაზე, იმაზე, რომ ჩვენში თითქმის ყოველ მთასა და ბორცვს იქით ახალი სანახაობა იწყება.

— ჰე, ძალიან ლამაზი ქვეყანა გვაქვს, ბატონო გიორგი, — აქაც იპოვა სიტყვის მასალა თანამგზავრმა, — მაგრამ ამ სილამაზეს ბედნიერება არ ახლავს.

გიორგიმ თვალეები მოწკურა, მერე თითქოს აფეთქდა და ამ აფეთქებაში დიდებული იყო იგი.

— რათა, კაცო, რათა?... მე ამ სილამაზით ვცოცხლობ, ამ სილამაზით ვხარობ... ყოველდღე, ყოველ წუთს გულის ყველა კარს ვუღებ ჩვენი ქვეყნის სილამაზეს, მინდა მთლად სულში ჩავიდგა და ჩავიყენო იგი. და ამით დიდად ბედნიერი ვარ. მაგრამ თუ მე ვერ ჩავივლივ, მე ხომ ჩავედგები ამ სილამაზეს. ესეც ხომ დიდი ბედნიერებაა!

მომეწონა პოეტის სიტყვა, განსაკუთრებით მისი ენერგიული

გულწრფელობა და ალბათ ამიტომაც დამამასსოვრდა თითქმის სიტყვა-სიტყვით. მასსოვს, მასწავლებელიც მონუსხულივით შეემსჭვავლა პოეტს, მაგრამ მერე თავისი მაინც დაიჩემა.

ამ დროს კუბეში ახალი მგზავრი შემოვიდა. იგი ჩემსა და მასწავლებელს შუა ჩამოჯდა, მაგრამ იმდენად მსხვილი იყო, რომ მე ვიღაცას მიმატკეპნა, სოლო განაპირას მჯდომი მასწავლებელი კინაღამ ადგილიდან გადააგდო.

მასწავლებელმა უცნაურად გადისარხარა.

— რა თვალსაჩინო გაკვეთილია, ბატონო პოეტო, — უთხრა მან გიორგის და მერე ახალ მგზავრს მიმართა, — თქვენ არაფერი გეწყინოთ. რასაც ასლა ვიტყვი, ეს თქვენ არ გეხებათ; საერთოდ ცხოვრებას ესება... თქვენს სკამზე, რომელზედაც თქვენ სიხარტ, თუ თქვენზე უფრო მსხვილი და სქელი ვინმე ჩამოგიჯდათ, რარიგ თავაზიანიცა და კეთილმოსურნეც უნდა იყოს, მაინც მიგტყვეყავს ან სულ გადაგაგდებს შენი სკამადან. ხომ ასეა მეგობრებო?!

ყველას გაგვეცინა.

ამას ბევრი რამ სხვაც გამოება. ითქვა მთისა და ბრის.

რამდენიმე თვის შემდეგ თბილისში გიორგი ლეონიძემ მომაგონა ეს მგზავრობა და თანამგზავრი მასწავლებელი.

— თუმცა ქარაგმები და ალეგორიები არ მიყვარს. მე პირდაპირი ვარ, როგორც პოეტიც და როგორც კახელი კაციც. მაგრამ ის მასწავლებელი მაინც ძალიან საგულისხმო პიროვნება იყო. ბრძენიც იყო და ეშმაკიც. ლექსების ყადრი და ეშხი ესმოდა... ხომ გასსოვს, სულ ზეპირად იცოდა ჩემი ლექსები...

ამ ნათქვამით, მე მგონი, პოეტმა ყველაზე უკეთ თავისთავი დაახასიათა. იგი, მართლაც, უშუალო პირდაპირობით მოაზროვნე პოეტია: მას არ ახასიათებს ჩასუთულ-ჩაბნელებული პოეტური სასხეები, არც ისე მდარე პოეტური ხერხები, როგორც ალეგორიებია. იგი ყველაფერს ისე პირდაპირ ამბობს, როგორც სამშობლოს სიყვარული აქვს ნათქვამი:

სამშობლო — ჩემი გულის ფეთქვა,

სამშობლო — ჩემი ლექსის სახელი.

დაახლოებით იმავე ხანებში თუ ცოტათი უფრო გვიან მოწმე გავხდი პოეტის შებმისა ერთ ფრიად განათლებულ და ენაკვიმატ კაცთან — სახელმწიფო გამომცემლობის ერთ-ერთ კაბინეტში. ის კაცი ერთი ცნობილი ქართველი მწერლის პარადოქსებს იშველიებდა და გაცხარებით ამტკიცებდა, რომ პატარა ერებს უკვე მომავალი აღარ აქვთ, ისინი განწირული არიან, რომ ამიერიდან ქართველად დაბადება დიდი უბედურებაა...



დაახლოებით ასეთი დიალოგი გაიმართა:

— ერთ რასმეს გეტყვი, — თქვა პოეტმა, — ესკენინთან მე ცოტა წანახუბარი ვიყავი, მაგრამ მე იგი ძლიერ მიყვარდა და ძლიერ მიყვარს, როგორც შესანიშნავი პოეტი, უფრო მეტად კი იმიტომ, თუ სიმართლე გინდათ, რომ ხშირად ამბობდა ჩემი ერთადერთი ბედნიერება ის არის, რომ რუსად ვარ გაჩენილი და რუსი დედის შვილი ვარო. ასევე ერთი დიდად ნიჭიერი სომეხი პოეტი ამბობდა, სომხობა ჩემი კაცობის ყველაზე დიდი ნიშანიაო. ვადიდებ მათ და ვიცე, ამ გრძნობაში მე მათ წინ თუ ვუსწრებ, თორემ არაფრით არ ჩამოვრჩები. განწირულების ვერავითარი მუქარა წარმოშობის ბედნიერ გრძნობას ვერ მომისპობს...

— მაგრამ ნუ დაივიწყებთ, პატივცემულ პოეტო, რომ ყოველივე ეს მხოლოდ ემოციაა და სხვა არაფერი, — ცივად უთხრა პოეტს მოკამათემ.

— აბა, სხვა რა გინდათ რომ იყოს?! — ამბობოქრდა პოეტი. — ცუდი რა არის ამ ემოციაში? ხალხები და პოეტები ემოციებით ცოცხლობენ... რევოლუციებსაც არსებითად ემოციები ახდენენ... მაგრამ განა მხოლოდ ემოციაა ის, რომ კაცი თავის ვინაობას აღიარებდეს, რომ მას თავისი დედა სწამდეს? არა, ის, ვინც ერის დაშრეტას ჩხავის, მე ასე მეგონა, თვითონ არის დაშრეტილი უსაშველოდ!

კამათმა საკმაოდ მწვავე ხასიათი მიიღო. მაგრამ მთელი მისი დრამატიზმის შუაგული, ჩემი აზრით, პოეტის ეს რეპლიკა იყო. კამათის სხვა დეტალების მოგონება საჭიროც აღარ არის.

სვგათაშორის მაშინ პოეტს შევეკითხე, ვინ იყო ის სომეხი პოეტი, ვინაც თავისი კაცობა თავის სომხობას დაუკავშირა-მეთქი. შეკითხვა თითქოს არც კი გაეგონოს, გიორგიმ მაშინ არ მიპასუხა. მხოლოდ კარგა ხნის შემდეგ, როდესაც მისი ლექსების კრებულს ვრედაქტორობდი, მარტო რომ დავრჩით, პოეტმა მითხრა, რომ მაშინ მხედველობაში სყავდა ელიშე ჩარენცი (იმ ხანებში ამ სახელის სხენება არც თუ უსიფათო იყო).

გიორგი ლეონიძის ლექსების კრებულს კი ვრედაქტორობდი ომის მეტად მკაცრ დღეებში — 1942 წლის მიწურულში. პოეტს ხშირად ვხვდებოდი. იგი ჩვეულებრივ ყოველთვის მჩქეფარე და ბობოქარი იყო; ჩაფიქრებული, შემფოთებული ქვეყნის დიდი ჭირვარამით, სამშობლოს მძიმე განსაცდელით. მაგრამ ამავე დროს იგი მუდამ სავსე იყო გამარჯვების იმედით, მტრის ძლევის რწმენით.

მისი ლექსების კრებულზე მუშაობის დროს ერთსეულ კიდეც დავრწმუნდი, რომ გიორგი ლეონიძის პოეზიის ყველა მოტივი, ყველა თემა უადრესად ორგანული იყო მისთვის; მე არც ერთ მის ამონაშლერში არ მიგრძენია ძალდატანებული თუ პერყევი ბგერა; პოე-

ტი ბოლომდე ერთგული დარჩა ყველა თავისი გრძნობისა (რაკი სიტყვამ მოიტანა, მახსენდება, რომ უკვე 50-იანი წლების პირველ ხანებში გიორგიმ აღტაცებით მიაშპო, თუ როგორ გაუგზავნა ცნობა აზერბაიჯანელმა პოეტმა — სამედ ვურლუნმა მადლობის დეპეშა „за верность чувству“ პოეტ ტვორდოვსკის, როცა ამ უკანასკნელმა იმ დროს თავისი ერთ-ერთი გასმაურებული ლექსი გამოაქვეყნა).

გიორგი ლეონიძეს უეჭველად ღრმად უყვარდა თავისი შთაგონების ერთ-ერთი მთავარი საგანი — მთავარი გმირი, მაგრამ, ჩემი დაკვირვებით, ამ გმირის ორთოდოქსალური მიმდევარი შინაგანად იგი არასდროს არ ყოფილა. პოეტს ჭირის დღესავით ეჯავრებოდა განუკითხავი სიმკაცრე და უღმობელობა ადამიანების მიმართ, ეჯავრებოდა ყოველგვარი ტირანია-და თავნებობა. გარდა ამისა, ქვეყნიერების აღქმის ყველა თვალსაზრისზე მადლა პოეტი აყენებდა ეროვნულ თვალსაზრისს. თავისი შთაგონების ყოველ საგანსა და ყოველ მოვლენას იგი, უწინარეს ყოვლისა, ეროვნული კუთხით შეჰყურებდა, ეროვნული გზნებით განიცდიდა. ეს კი გარკვეული ორთოდოქსიის ჩარჩოებში არ თავსდებოდა.

ერთხელ პოეტმა დაახლოებით ასეთი რამ თქვა:

— ვერც კი წარმომიდგენია, როგორ შეიძლებოდა პოეტი ვყოფილიყავი, რომ ქართველი არ ვყოფილიყავ, იერის წყალი არ მესვა და პატარძელის ყვავილების ბურუსი არ მესუნთქა.

თავის ხელნაწერებში პოეტს თითქოს ერთგვარი ლირიკული არეულობა თუ დაუდევრობა სჩვეოდა. მაგრამ ასე მხოლოდ გარეგნულად ჩანდა, ნამდვილად კი იგი ყოველ თავის სტრიქონს შვილივით ელოლიავებოდა. როგორც მახსოვს, ერთხელ კიდევაც თქვა, ჩემი სტრიქონები ჩემი თინათინები და ჩემი ნესტანებია, მე შათ თვალისჩინივით ვუფრთხილდებიო.

მეც დიდი მოკრძალებით და მზრუნველობით ვეკიდებოდი ყოველ მის სიტყვას. ალბათ, სწორედ ამიტომაც, როგორც რედაქტორმა, ზოგი რამ ვურჩიე პოეტს. რჩევა შორს არ დაუჭერია. მას შეეძლო სხვებისათვის ყურის დაგდება. მაგრამ ბესო ჟღენტთან ხუმრობით დაინტერესდა, ნამეტანი ჩაკირკიტებული რედაქტორი აღმომაჩნდაო. ეს ბესომ მითხრა, მე კი პოეტს „ვეუსაყვედურე“, რად მიჩივილე-მეთქი.

— მა რა მექნა, — გაიღიმა პოეტმა, — კრიტიკოსს კრიტიკოსების პატრიარქთან ვუჩიველე.

გიორგი ლეონიძეს საერთოდ კრიტიკის დიდ სიყვარულს ვერ დავწამებდით (თუმცა ბევრ ეინმეს შეგვიძლია დავწამოთ ის?). ერთ თავის ბოლო ანკეტაში კი პოეტმა თითქმის სულ მოუთავა ხელი ქართულ კრიტიკას, მაგრამ საოცრებაა, ამავე დროს მას ახლო მეგობ-

რობა აკავშირებდა ლიტერატურულ-კრიტიკული ასროვნების ბევრ წარმომადგენელთან, თვითონაც სომ ლიტერატურის შესანიშნავი მკვლევარი იყო. მე ვიცო, რომ მას გულწრფელად უყვარდა ვერონტი ქიქოძე და პაველე ინგოროყვა, ლევან ასათიანი და ბესო უღენტის, შალვა აფხაიძე და გიორგი ნატროშვილი, გიორგი მარგველაშვილი და სერგი ჭილაია. კერძოდ, პოეტი უიჭველად დიდად აფასებდა ბესო უღენტის ენამწვევრობისა და პოლემიკური უნარის ძალას. მასხოვს, ერთხელ, როდესაც მცირე უთანსმოების გამო ბესო უღენტთან შეპაექრებას ვაპირებდი, გოგლა ჩემსკენ გადმოისარა და ყურში წამჩურჩულა, უფრთხილდი, ბესოს მარწუხებში არ მოექცეო...

პოეტთან შეხვედრებისა და მისი ლექსების კითხვისას ვცდილობდი უფრო ახლო ჩამეხედა პოეტის სულსა და გულში, გამეგო მისი შემოქმედებითი საიდუმლოება. დაერწმუნდი, რომ მისთვის უცხო იყო ყოველგვარი ყოყმანი და შეეჭვება თავის შემოქმედებითს ძალებში; იგი თავისი პოეტური სიტყვის ძალაში შეუეჭვებელი პოეტს იყო; მას სიტყვის პლასტიკის, სიტყვის სახიერებისა და მისი რიტმული რსევის მეტად გამძაფრებული გრძნობა ჰქონდა. იყო რაღაც წარმართული პოეტის ბუნებაში. იგი ეთაყვანებოდა ბუნების ყოველ სისახეს და სილამაზეს.

ერთხელ პოეტს ვუთხარი, მართალია, თქვენი მუზა უფრო კახეთისა და ქართლის სანახებზეა შეყვარებული, სურამის უღელტეხილს იქით შედარებით ნაკლებად იხედება, მაგრამ თქვენს უკეთეს ლექსებს მაინც მთელი საქართველო ამოუდგება მსარსი-მეთქი.

— მაშა, მაშა, — მიპასუსა პოეტმა, — საქართველო ხომ ერთი და განუყოფელია... ოღონდ თქვენებურ საცივს ვერასგზით ვერ შეეეწყე.

როგორც ჩანს, ცხარე სანელებლები არ მოსწონდა პოეტს. შესაძლოა, ამას მის შემოქმედებით ბუნებასთანაც ჰქონდა რაიმე კავშირი.

მინდა აღვნიშნო ერთი ნიშნული კაცური თვისება პოეტისა. პირადად მე არ მასხოვს არცერთი შემთხვევა, რომ გიორგის აუგად ესსენებისოს რომელამე თანამოკალმე, რომელიმე ქართველი მწერალი. პირიქით, ხშირად მომისმენია მისი გამოქომაგება მავანისა და მავანის მიმართ. მთელი მისი „ნაუგარი“ ის იყო, რომ ზოგიერთი მეგობრის მისამართით სუმრობდა ხოლმე, რაგინდ უხვ სუფრაზედაც უნდა დასვათ, მათ წინ ორი მეტრის რადიუსით საჭმელ-სასმელი თვალის დახამხამებაში ვაქრებაო.

გიორგი სიცოცხლის დიდად მოტრფიალე და სალისიანი ბუნებას კაცი იყო. ჩემი აზრით, იგი ეკუთვნოდა იმ ადამიანთა ჯიშს, რომლებთანაც შესვედრა ყოველთვის ასალ სასიცოცხლო ძალას გმატებთ,

ცხოვრების რაღაც ახალი რიტმით გამდიდრებთ. ძნელად წარმოიდგინთ მათ დადონებულთ და სასოწარკვეთილთ. მით უფრო თვალში გეცემათ მათი დადარდიანება და დამწუხრება. მე რამდენიმეჯერ ვნახე დამწუხრებული პოეტი. ერთსელ ომის დროს. ფერი ძლივს ედო, შინაგან თრთოლვას აეტანა, თითქოს ფარული ვაჟაკური ცრემლი ჩაგუბებოდა არსებაში, მალი-მალ ეწეოდა პაპიროსს; ის-ის იყო გაეცო ნიკოლოზ შენგელაიას მოულოდნელი გარდაცვალება კახეთის გზაზე. მეორეჯერ მისი წუხილი სხვაგვარი მეჩვენა, უფრო დაოკებული, უფრო ნასათუთევი. ალბათ იმიტომ, რომ შესანიშნავი ქართველი მწერალის — ქეთევან ირემიძის სიკვდილი არცთუ მოულოდნელი იყო. ახლა როდესაც ამ სიკვდილით გულშეძრული პოეტის სახეს ვიგონებ, ასოციაციით რატომღაც ყოველთვის მახსენდება მისივე სიტყვები: „ეს რა ცეცხლი დამახალა ცისფერთვალა ფორთოხალამ?!“ და თვალწინ მიდგება თვითონ პოეტი, ვინაც ერთ-ერთი კონცერტის შემდეგ მოცეკვავე ლეილა თათეიშვილის ქართული კაბის კალთას ეამბორა. ეს, ალბათ, ქართველი დედის თაყვანისცემა იყო. მესამეჯერ პოეტის მჭმუნვარება, გამოწვეული გერონტი ქიქოძის გარდაცვალებით, კიდევ უფრო სხვაგვარი მეჩვენა, ეროვნული სიმძიმისა და წუთისოფლის გარდუვალი სიმუხთლის ბრძნული ფიქრით შეფერილი. უბრალოდ იქნებოდაო, — თქვა პოეტმა გერონტის ერთ გახსენებაზე, — იგივე მეთქვა მასზე, რაც სოლომონ ლეონიძეზე მითქვამს — „ბრძენო, ენამზე, დიდო ქართველო, სამშობლოს აზრის გამომკვართველო“.

მე ვიცი, რომ გერონტი ქიქოძეს ძლიერ უყვარდა გიორგი ლეონიძე. ჩვენი გოგლა, — იტყოდა ხოლმე, — ბიოლოგიურადაც კი ნამდვილი ქართველიაო.

მათ შორის სუფევდა, ალბათ, სიყვარული სიყვარულის წილ!

იმ ხანებში, როდესაც გიორგი ლეონიძემ სტალინური პრემია მიიღო, უურნალ „მნათობში“ დაგუბვდნე წერილი მისი ორი პოემის გამო. პოეტთან შესხედრამდე და მის ღიმილიან საუბრამდე მე თვითონვე ვგრძნობდი, ბევრად უკეთესი იქნებოდა, რომ პოემებზე ჩემი სათქმელი ადრევე მეთქვა. იმაშიაც ცამდე მართალი იყო პოეტი, რომ უპირატესად თემატური განსილვა ნაწარმოებისა ფრიად უკმარია. აქ პოეტმა თავისი შემოქმედების ერთი პრინციპიც გამოთქვა: სიტყვებში დამალული სილამაზის გამომჟღავნებაც და სიტყვებით ახალი სილამაზის გამომქრწვაც.

მაგალითი გნებავთ? აი, თუნდაც რამდენიმე ტაეპი ლექსიდან „იორის ღამე“.

მთვარე შრიალებს ფიჭვივით  
დაუსრულებელ ოხვრაში,  
ამოდის კოსტა ბიჭვივით  
ცისკარი ახალ ჩოხაში.  
შენ დამირწიე, იორო,  
მანქეფე თაეზე მირონი;  
დალაგდა ლექსის ჯიქნებად  
ეგ შენი სანაპირონი —  
შენი ჩანჩქრები, საწური  
აბრეშუმისა ბადითა,  
შენს ეენახებში სუფრები  
ჩონგურიტა და მწუადითა;  
შენი ბღღერიალა კალმასი,  
აცვია თითქოს ჩითები;  
დილა, რომელსაც ნისკარტი  
ეზილებიან ჩიტები...  
და უწმინდესი ტაძარი,  
არსზე წისქვილი პატარა;  
შენმა ტინებმა სიმაგრე  
ლექსებში გამომატანა!

ფერების შეზავება კი სად არ შეიძლება ისწავლოთ საქართველო-ში, თვით ქართულ ბაზრებშიაც კი. ასეთი იყო პოეტის აზრი.

გიორგი ლეონიძის უგულითადესი მეგობრის — შალვა აფხაიძისაგან გამოგონია სოლმე, გოგლას ორი ძლიერი სპორტული გატაცება აქვს, თევზაობა და ბაზრებში ხეტიალით.

პოეტის თევზაობა არ მინახავს და ამაზე ვერას ვიტყვი. თბილისის საკოლმეურნეო ბაზრებში კი ხშირად გამიდევნებია თვალი პოეტისათვის. ხან საქმიანად მიარღვევდა ხალხის ტალღას, ხან რომელიმე გამყიდველთან ხელჩართულ საუბარს მართავდა, ხან დასლებზე დალაგებულ ხილეულისა და მწვანილეულის ქორედებს ათვალიერებდა. იქნებ, მართლაც სწავლობდა ბობოქარ ფერთა შეზავებას! ეს ერთობ მიწიერი პოეტი ხომ ყველგან და ყველაფერში გულმხურვაღლე პოეტად რჩებოდა.

1955 წლის ზაფხული. ვაჟას დღე ჩარგალში. გალაკტიონმა მითანამგზავრა თავის „პობედაში“. გოგლაც ამოგრიალდა.

აქ შეგებლოთ გენახათ და გაგერჩიათ ორი დიდი პოეტის სხვადასხვა სახიერება, ორი სხვადასხვა ხასიათი, ორი სხვადასხვა პოეტური სტიქია.

გალაკტიონი გულჩათხრობილი სტუმარია ვაჟას კარმიდამოსი, გოგლა კი ლაღი მასპინძელი და შინაური კაცი.

გალაკტიონი გარედან ადევნებს თვალს საგნების, მოვლენების,

ადამიანების მოძრაობას, გოგლა კი მოძრაობისა და ვითარების დაპატრონებას ლამიბს, თავკაცობს.

გალაკტიონი ისე შეკუთრებს ამ ცას, ამ მიწას, ამ ხალხს, თითქოს რაღაც ურუნტელის მომგვრელ იდუმალ მუსიკას უგდებს ყურსო. გოგლა კი სარობს ცხოვრებით, სარობს ამ ცით, ამ მიწით, ამ ხალხით, თითქოს ფერთა ლიელივთა წვიმას ისხურებს თავზეო.

გალაკტიონი ნაცრისფერი კოსტუმით არის შემოსილი და წვერ-მოშეებული იგი ბიბლიურ წმინდანს გაგონებთ; გოგლას კი ფერადოვნად აცვია და ჯერ კიდევ ქართული სღაპრიდან მოსულ მზეჭაბუკს შგავს.

გალაკტიონი დაბინდულია, გოგლა მზეშეფრქვეული.

აქვთ ერთი საერთო შტრისი: ერთიც და მეორეც რაღაცაში დიდ ბავშვს გაგონებთ.

ჩარგალში გაძართულ შიტინგის შემდეგ არაგვის პირად, მურყნარში, მწვანეზე სუფრა გაშალეს. ნადიმის დაწყებამდე აქ გალაკტიონი და გოგლა ერთმანეთს დიდისნის დაშორებულ ძმებზევით მიესალმნენ. ვგონებ, მათ აქ სელჩამორთმეულთ რამდენჯერმე სურათიც კი გადაუღეს. გოგლა კეთილი, ლამაზი ღიმილით შეკუთრებდა გალაკტიონს.

ნადიმს გოგლა თამადაობდა. მთელი საქართველოსა და მისი დიდებული კლასიკოსების სადღეგრძელოები რომ მოათავა, მერე პირველად გალაკტიონი ადღეგრძელა, უფროსი ძმა და დღევანდელი საქართველოს პირველი პოეტი უწოდა.

მერე?

„არ დაიდარდო, დედო“, მაგრამ გიორგი ლეონიძეს, როგორც დიდ მამულიშვილსა და შესანიშნავ ქართველ პოეტს, არ შეეძლო არ დაედარდა ტრაგიკული დასასრული მთაწმინდის გედისა (ვგონებ ასე უწოდა მან გალაკტიონს თავის გამოსათხოვარ სიტყვაში).

მასხოვს გალაკტიონის დაკრძალვიდან რამდენიმე სნის შემდეგ გიორგიმ შემოიარა. რუსულ გამომცემლობაში „ზარია ეოსტოკას“ შენობის მეოთხე სართულზე, იქ გაგვიზიარა მან თავისი შემოქმებითი გეგმა, რომანის დაწერა მაქვს განზრახულიო. სხვათაშორის პოეტმა იქვე ნაბიჯი გადადგა რკინის აივნისაკენ, რუსთაველის პროსპექტს რომ გადაჰყურებს. მაგრამ უმაღლვე უკან შემობრუნდა და ნერვიულად შეაყრეოლა, თქვა, გალაკტიონის შემდეგ სიმაღლის უსიამო შეგრძნება დამჩემდაო.

მე ასე მეგონა, რომ გიორგი ლეონიძე თავის ასალგაზრდობას ყოველთვის წინ მიირეკდა, წინ მიირეკდა და ლამობდა დასწეოდა, როგორც ბავშვი ლამობს დაეწიოს მაქციერა ჩიტს... დასწეოდა და გადაეხწრო.

ჩქარა!  
მინდა ვუყელო,  
თოფი ვტყორცნო ხშიანი,  
ჩქარა, ზარით მარხილი  
ოქროსჩარდახიანი!  
ორმა გუნდმა კიდევაც  
მდინარეში გასტოპა!  
ჩქარა,  
თორემ წასულა  
ჩემი ახალგაზრდობა!

ერთხელ მზეშეფრქვეულმა პოეტმა საბედისწეროდ გადაუსწრო  
თავის ახალგაზრდობას.

1970

## გიორგი ქუჩიშვილი

ადამიანის გარეგნობასა და ქცევაში არის რაღაც მინიშნება შინაგან სამყაროსაკენ. გვაგონდება ცოცხალი პოეტი:

მის ძლიერ გამხდარ, შავგვრემანსა და მჭმუნვარე სახეს, მის წრისკუბურად მოსაზულ შუბლს ყოველთვის აჩნდა მღელვარე ფიქრების ნაკვალევი. განუშეორებლად თავისებური შორისდებულებით წყვეტდა იგი თავის ფრაზებს, როცა გესაუბრებოდათ, და ყოველთვის ფიქრობდით, რომ ამ შორისდებულებით იგი როგორღაც აწესრიგებდა გრძნობათა შინაგან მოზღვავეებას. ტრიბუნადან მის მჭექარე სმასა და თავისებურად მეტყველ პაუზებს მკაფიოდ მიჰქონდა მსმენელამდე ყოველი მისი სტრიქონის აზრი. იყო რაღაც უპრალო და კარგი არტისტიზმი მის კითხვაში.

გიორგი ქუჩიშვილმა მტკიცედ დაიმკვიდრა საკმაოდ თვალსაჩინო ადგილი ქართული ლიტერატურის ისტორიაში. იგი ჩვენი დროის ერთ-ერთი უპოპულარესი პოეტია. მაგრამ ყოველი პოპულარობა როდია ამა თუ იმ შემოქმედის ღირსების მაჩვენებელი. კარგი და ნამდვილი პოპულარობა მხოლოდ ის არის, რომელიც დაკავშირებულია ხალხის უკეთეს იდეალებთან და მაღალ ზნეობრივ თვისებებთან. გ. ქუჩიშვილი ამ სფეროშია.

მწერლის ბიოგრაფიას, რასაკვირველია, არსებითი მნიშვნელობა აქვს მწერლის მსოფლმხედველობის შემუშავებაში. მაგრამ შემოქმედება, უწინარეს ყოვლისა, საზოგადოებრივი ცხოვრების ანარეკლია და იგი ყოველთვის შორს სცილდება კერძო ბიოგრაფიის ფარგლებს. მაგალითად, ქუჩიშვილის ბიოგრაფიის ვერც ერთ ცალკე მოქიენტს ვერ მივიჩნევდით იმ განწყობილების მთაფარ წყაროდ, რომელიც ვადმოცემულია თუნდაც ისეთ ლირიკულ ლექსში, როგორიცაა „შემოღამება“. აქ საქმე საზოგადოებრივი ცხოვრების უფრო დიდ არესთან გვაქვს. ამ თავის ადრინდელ ლექსში პოეტი მღერის თავის მღელვარე ფიქრებზე, რომლებიც მას მოსვენებას არ აძლევენ. ეს ფიქრები შუალამეშიც ამაყენებენ, გამომიყვანენ, დამატარებენ მშობელ მხარეში, აივსებიათ ქვეყნის დარდითა და ვარაშით და „ჩემთან ერთად ატირდებიანო“, — ამბობს პოეტი, და მართლაც, თვითმპყრობილობის შავბნელ დროს ქვეყნის დარდითა და ვარაშით სავესე მღელ-



ვარე ფიქრები პოეტს მუდამ თან დასდევდნენ, მაგრამ ისინი ყოველთვის როდი სტიროდნენ. პირიქით, პოეტი მტკივნეულად ბოძობდა, მსხეობდა, ბრძოლისაკენ მოუწოდებდა, ვიდრე სტიროდა უსასოოდ. მართალია, პოეტის გზა ყოველთვის შეუეჭვებელი არ ყოფილა, მაგრამ მისი ფიქრები არასდროს არ ჩაკეტილან ინდივიდუალიზმის ვიწრო ნაჭუჭში. მათი საგანი ყოველთვის იყო ჩაგრული მშრომელი ხალხის ჭირ-ვარამი.

პოეტი სამწერლო ასპარეზზე გამოვიდა როგორც ქალაქის მშრომელი ელემენტების მომღერალი, პირველ ყოვლისა კი, როგორც მუშათა კლასის მომღერალი. იგი თავიდანვე განმსჭვალული იყო მშრომელი ადამიანის რევოლუციური ძალებისა და კაცობრიობის ბედნიერი მომავლის ღრმა რწმენით. ლექსსაც პოეტი იმთავითვე უფრო საბრძოლო-მომწოდებელ მიზნებს უსახავდა, ვიდრე ცალმხრივ ესთეტიკურს. ამის გამო, შესაძლოა, ვინმე მას წმინდა პარნასელად არ თვლიდა. მაგრამ განა ათას „წმინდა ესთეტიზმით“ ნაცოდვილარ სტრიქონს არ გააფასებს თუნდაც ერთი ასეთი ლაღი პოეტური ამოქანალი:

„ვინც ეწვევა საქართველოს  
საოცნებო სერებს,  
სიმღერაც რომ არ იცოდეს,  
მაინც დაიმღერებს“.

სიტყვის ასეთი მოქნევა მხოლოდ ჭეშმარიტ პოეტს შეეძლო. დარამდენი ასე ღრმა პოეტური გრძნობით სავსე სტრიქონებია ქუჩიშვილის ლექსებში! ეს არის მხოლოდ, რომ მას მშვენიერისა და ამაღლებულის განსაკუთრებული სფერო იზიდავდა. იგი უმაღლეს პოეზიას მშრომელი ხალხის შრომასა და ბრძოლაში, მისი ხასიციოცსლო ძალების დამკვიდრებაში სედავდა.

გ. ქუჩიშვილმა თავისი პოეტური კრეფო თავიდანვე გაბედულად დაუპირისპირა ბურჟუაზიულ-დეკადენტურ ესთეტიზმს:

„მე „ბრბოს“ შეილი ვარ!  
„ბრბოს“ ვუმღერი ქებათა-ქებას!  
მისგან მოველი ჩემს რჩეულებს,  
ჩემს მეუფებას!  
ვინც „ბრბოს“ უწოდებს  
უგუნურს და გულგამხცევულს,  
ის ნამდვილ ბრბოზე უგუნური,  
თაყსედი არი,  
რადგან ვერ ხედავს მის სიღრმეში,  
მის საღაროში,

თუ რაოდენი სიმდიდრე და  
საუნჯე არი.  
„ბრბო“ მესიაა,  
ეს ქვეყანა „ბრბომ“ უნდა იხსნას“.

ცხადია, ამ „ბრბოში“ პოეტი გულისხმობდა მშრომელ მასებს. უწინარეს ყოვლისა კი — რევოლუციურ მუშათა კლასს. და მაშინ, როცა „წმინდა ხელოვნების“ მოტრფიალე ბურჟუაზიული ინტელიგენცია გაჰკიოდა მასების უსუბ მატერიალურ ინტერესებსა და ინსტინქტებს, გ. ქუჩიშვილმა თავისებურად და გაბედულად ამოიძღვრა ამ „ბრბოს“ შრომისა და ბრძოლის პოეზია. პოეტი კარგად ხედავდა, რომ ის, ვინც „მარადიული“ ეთიკურ-ესთეტიკური იდეალების საბურველით გამოდიოდა, სინამდვილეში ჩაფლული იყო ანგარების, ეგოიზმისა და ათასგვარი ბიწიერების წუმპეში. შრომა, მსოფლოდ შრომა მიაჩნდა პოეტს ადამიანის მაღალი ზნეობრივი თვისებების წყაროდ. ამიტომაც არის ასე ძლიერი ქუჩიშვილის პოეზიაში მშრომელი ადამიანის ზნეობრივი სიფაქიზის გრძნობა.

პოეტმა ქალაქის ქუჩითა და ღარიბ-ღატაკთა უბნით დაიწყო. აქ ნათლად მოჩანდა ძველი ცსოვრების პირგასხნილი წყლულები — უმუშევრები, მაწანწალები, მათხოვრები, მეძავი ქალები, უპატრონო ბავშვები. ცსოვრების ამ გერებს — „ქუჩის ძმობილებსა და დობილებს“ უმღეროდა პოეტი მსნე სიმღერებს. კაპიტალისტური ქუჩის შეურიგებელი კონტრასტები, ცსოვრებისა და ადამიანების რღვევის შემზარავი სურათები იქცევადა პოეტის ყურადღებას. მაგრამ იგი არასდროს არ ცდილა შეექმნა ქუჩის სიმასხინჯეთა ავადმყოფური პოეზია, გაეიდვალბინა „ცსოვრების ფსკერი“. მან მსოფლოდ მიუთითა ბურჟუაზიულ-ბიუროკრატიული საზოგადოების ამ გასისხლიანებულ სსეულს — ქუჩას — და შესძახა ამ საზოგადოების მესვეურთ: — აი, თქვენი სინამდვილე! თქვენ უნდა დაიღუპოთ! თქვენივე ქუჩით მოდის თქვენი მესაფლავე!

ეს იყო გაფიცების, დემონსტრაციების, ბარიკადების ქუჩა. ამ რევოლუციურ ქუჩას გულისხმობდა პოეტი, როცა წერდა:

„ქუჩიშვილებს ქუჩა გვიყვარს,  
ქუჩა არის ღედა ჩვენი,  
შომაელისკენ ის წაგვიყვანს,  
რომ ვიხილოთ მზე სსივმფენი“.

შემთხვევითი არ არის, რომ როცა პოეტი ესება მუშათა შრომასა და ბრძოლას, მის სიტყვას ცეცხლი ემატება, მის ლექსს — ენერგიული სმოვანება. პოეტი შემდეგი სიტყვებით მიმართავდა მუშათა კლასს:

„შენზე ძლიერ და მტკიცე  
არაფინ მყარებია,  
შენი ჭირი და ღზინა  
უბით მატარებია“.

და სწორედ იმიტომ, რომ ქუჩისშვილის პოეზიას იმთავითვე საფუძვლად ედო მშრომელი ხალხის ჯანსაღი სოციალური გრძნობები, მას ბრძოლის დროში არ დაუხრია შავბნელი რეაქციის წლებშიაც კა. სევედისა და უიმედობის კილო, რომელიც იშვიათად მაინც შეიპარებოდა ხოლმე პოეტის სმამი, მხოლოდ სუსტი ბინდი იყო მის ოპტიმისტურ განწყობილებაში. ეგ „ღამეა ერცელი, სულსა ფლობს ჭმუნვა, სულსა ჰკლავს გლოვა“, მხოლოდ დისონანსად გაისმოდა „მომაგალი ქარიშხლის წინამორბედ პოეტის“ შემოქმედებაში. პირველი რევოლუციის დროს მას ხელი არ ჩაუქნევია მარცხით დამთავრებულ ბრძოლაზე და ერთი წამითაც არ სწევია შავბნელ სინამდვილესთან შერიგების განწყობილება. იგი კვლავინდებურად მხნეობისა და ბრძოლისაკენ მოუწოდებდა რევოლუციურ ძალებს:

„სუ მიცემათ სასოწარკვეთას  
ჯალათთა ხელით ღასოციდ ძმებზე;  
სიმხნე, სიმტკიცე ვილოდეს თქვენთან  
ციხე-ციმბირში, კატორღის გზებზე.  
და თუ უკაცურ ტიალ ზამთარში  
ვინმე თქვენგანა გზად გაითოშა, —  
ვინც გადარჩებთ, ვასწით თოვლ-ქარში!  
ცწამდეთ: დროებით დეშეა დროშა“.

ამრიგად, გადასდილ ბრძოლას პოეტი არსებითად მომავალი სოციალური რევოლუციის საფესურად მიიჩნევდა და ბრძოლის ცეცხლს უღვივებდა „რწმენა-იმედ დაკარგულებს“.

დიდმა პროლეტარულმა მწერალმა გორკიმ გვიჩვენა, თუ როგორ არღვევს ადამიანის ძალებს, ადამიანის პიროვნებას კაპიტალიზმში თავისი განუყრელი თვისებებით — მომხვეჭელობის ველური უინით, ინდივიდუალიზმით, ეგოიზმით, ნივთების ფეტიშიზმით; თუ როგორ შეაქვს ადამიანის სულში სკეპტიციზმისა და დეკადენტიზმის შსამი იმ ზრმა სტიქიურ ძალებს, რომლებიც კაპიტალისტური საზოგადოების წიაღში მოქმედებენ. ადამიანის დარღვეული პიროვნების გამთლიანების ერთადერთ საშუალებად დიდ მწერალს მიიჩნდა თავისუფალი შრომა, რომლის სუფევა მხოლოდ სოციალისტურ საზოგადოებაშია შესაძლებელი.

გორკის სოციალურმა მოტივებმა ძლიერი გამოსმაურება. კოვეს გ. ქუჩისშვილის შემოქმედებაში.

თავისი რევოლუციური ოპტიმიზმი და იმის ღრმა რწმენა, რომ

მხოლოდ პრომასა და მშრომელებს შეუძლიათ შეაერთონ და გაამთ-  
ლიანონ დაშლილი სასიცოცხლო ძაფები, პოეტმა კარგად გამოხატა  
თავის ცნობილ ლექსში „მუშათა სიმღერა“:

„სისხლითა და ოფლითა ვრწყავთ  
შავ ჯურღმულებს, ბნელ სარდაფებს,  
იქა ვქსოვთ და იქ ვაერთებთ  
სასიცოცხლო დაშლილ ძაფებს!  
მოვა დრო და ჩენი წყრომა  
ვადიტცევა მძლავრ ღვართქაფად  
და ქვეყანას მოვება  
ყიჟინის სმად, ბრძოლის დაფად“.

ასეთი იდეური მიდრეკილებისა და განწყობილების პოეტს არ შე-  
ეძლო რევოლუციური პროტესტით არ შეხედროდა პირველ მსოფ-  
ლიო იპერიალისტურ ომს. პოეტის სულს ზარავდა ომის საშინელებ-  
ათა ქაოსი; იგი მოუსმობდა იმ ძალებს, რომლებიც იარაღს ომის იმ-  
პერიალისტ გამჩადებელთა წინააღმდეგ მიაბრუნებდნენ:

„ჰაუ! საღა ხარ, საღ ბანაკობ,  
ჩემო ლაშქარო!  
ველად გაჭრილი შენ გიყივის  
შენი მსედარი!“

რად არ იღვიძებ ძილქუშისგან,  
მუშათა ჯარო!“

მეფის ცენზურის მიერ აკრძალულ ლექსში პოეტი პირდაპირ მო-  
წოდებდა სალხს იარაღისაკენ მეომარ იმპერიალისტურ მთავრო-  
ბათა წინააღმდეგ:

„კმარა! აიესო ფილა  
ზღვა ცრემლებით და თმენით!  
ბრძოლით ვუწამლოთ იარაგს,  
ჩვენსკენ, ვინც არის ჩენი!  
მომმენო! ხელი იარაღს!  
დავსცეთ მოძალადენი!“

რასაკვირველია, აქ პოეტის სიტყვა უნდა შეფასდეს არა რაფინი-  
რებული პოეტური ფორმის თვალსაზრისით, არამედ მისი საზოგადო-  
ებრივი მნიშვნელობით. თვით მხატვრული სიტყვის გენიოსებიც კი  
დიდი სოციალური ძვრების პირობებში უწყომანოდ მიმართავენ  
ლექსს-მოწოდებას, ლექსს-ლოზუნგს. ამ დროს პუბლიცისტური პა-  
თოსი მხატვრული სიტყვის ღირსებაა და არა ნაკლი.

ჩემი სული ქალაქის სულიაო“, ამბობდა გ. ქუჩიშვილი და მარ-

თლაც, მისი შემოქმედების ძირითადი თემატური მასალა ქალაქის ცხოვრებიდან არის აღებული.

სოფელი პოეტის ადრინდელ შემოქმედებაში უმთავრესად ბუნების განცდასთან არის დაკავშირებული. ბუნება კი პოეტს უსასღეროდ უყვარს, იგი მას ადამიანთა ცხოვრების გულგრილ ჩარჩოდ კი არ მიაჩნია, არამედ ცხოვრების ცოცხალ ქსოვილად, შესაძლოა, ბუნების ასეთ შეგრძნებასთან არის დაკავშირებული ისიც, რომ პოეტი უფრო ბუნებით აღძრული გრძნობების მხატვარია, ვიდრე თვით ბუნების ფერადოვანი სურათებისა. პოეტისათვის ბუნება არის მისი ოპტიმისტური მსოფლშეგრძნების უმრეტე წყარო:

„ეიშ, ბუნებას სიღიადეს,  
ეიშ, სიცოცხლის უმრეტ წყაროს!  
რომ შემქმნოს ხელს მოხევევდი,  
დაჯეოცნიდი მთელ სამყაროს“

პოეტს ხიბლავს ბუნების დიადი ჰარმონია და მას შეუძლია თავისი აღტაცების გრძნობა გადმოგვცეს სადა, გულწრფელი და გამჭვირვალე ლექსით:

„აჰ, დაბერა ნააჰმა,  
ტყემ ნაზად დაიშრიალა,  
ღაირაკაკა ტოროლამ,  
ღრუბლებში შეისრიალა.  
ბულბულმა ჩანგი მომართა,  
ქედანმაც დაიფრთხიალა.  
აჟღერდა ცა და ხმელეთი,  
როგორც ფანდური წკრიალა“.

უეჭველად მოხდენილი პოეტური სახეა წკრიალა ფანდურივით აჟღერებული ცა და ხმელეთი. არის ამაში ბუნების ხელთუქმნელი მუსიკის ნათელი პოეტური ხილვა.

მაგრამ პოეტი ზოგჯერ გულუბრყვილო შეხედულებამდე მიდის ბუნებისა და ადამიანის დაპირისპირებაში. ერთგან იგი ადამიანს ბუნების „ერთ კენიწა“ უსასო არსებად სახავს. ნამდვილად კი ადამიანი და ადამიანთა სასოგადოება არამცთუ ბუნების უმაღლესი და უმშვენიერესი ქმნილებაა, არამედ უმშვენიერესი ბუნების შემქმნელიცაა, როგორც მისი გონივრული ფენომენი.

გ. ქუჩიშვილის შემოქმედების ძირითადი ჟანრი სოცალურ-პოლიტიკური ლირიკაა. მაგრამ მის შემოქმედებაში მნიშვნელოვანი ადგილი უჭირავს ბგრეთვე ეპიკურ ჟანრსაც — პოემებსა და პროზას. წარსულ რევოლუციურ ბრძოლებს ასახავენ პოემები: „შაეი სამეფო“, „9 იანვარი“, „პროლეტარიატი“, „ოქტომბერი“ და სხვ. პატიმარი რევოლუციონერის წამებას აღწერს პოეტი პოემა „მეტეხში“; მეფის ჯარებთან დევნილი რევოლუციონერის შეტაკება და დაღუპვაა აღწე-

რალი პოემაში — „რისთვის“ თავის დროზე ეს ნაწარმოებში ადვი-  
კვებდნენ მშრომელი მასების რევოლუციურ შეგნებას, ამხობდნენ  
თვითმპყრობელობასა და კაპიტალიზმის შავბნელ სინამდვილეს, სალ-  
ხის მტარვალთა მსეცურ სახეს. მათ დღესაც არ დაუკარგავთ გარ-  
კვეულა ისტორიული მნიშვნელობა.

ცალკე უნდა აღინიშნოს პოემა-ლეგენდა „ჯაჭვის სიდი“, როგორც  
ქართული მხატვრული სიტყვის საყურადღებო ნიმუში. იგი შესრუ-  
ლებულია ღრმა ლირიკული უშუალობით. აქ არის საქართველოს ბუ-  
ნებისა და ისტორიის მძაფრი გრძნობა; მსუბუქი და ძალდაუტანებელი  
ლექსით მოთხრობილ ღრამატულ ამბავში ჩაქსოვილია ნაზი ჰუმორი.  
აქ არ არის პოეტური საღებავების სიუსვე, მაგრამ მკითხველი ნათ-  
ლად ხედავს ლეგენდის პერსონაჟებსა და ნივთიერ გარემოს — ჯვა-  
რას მონასტერს, ჯაჭვის ხიდს, მღელვარე არაგვს, სიდზე მიმავალ  
ბერსა და არაგვის ტალღებში მობანავე ქალს. ლეგენდის ტრაგიკულ  
ფინალში გამოხასხულია სიცოცხლის გამარჯვება, სიცოცხლის ძალთა  
ზეიმი. „ჯაჭვის სიდი“ ესმაურება ილიას „განდევილს“.

თავის პროზაშიაც ქუჩიშვილი თავს დასტრიალებდა ღარიბ-ღატაკ-  
თა უბნებს, ხალხისათვის თავდადებულ ადამიანებს. მაგრამ ქუჩი-  
შვილი-პროზაიკოსი ფართო ტილოებისა და დიდი სასიათების მხატ-  
ვარი არ არის. მისი პატარ-პატარა მოთხრობები არსებითად პოეტური  
დღიურებია, რომლებშიაც უფრო იმდროინდელი ცხოვრების ტიპი-  
ური ამბებია აღწერილი, ვიდრე ცოცხალი სასიათები.

ცხოვრების სასხარს მოკლებული ასალგაზრდა ქალი ღამით ეთხო-  
ყება თავის პაწია შვილს და თავს ისრჩობს მტკვარში („უხასკელო“);  
აგურის მზიდველ მუშას ფეხი დაუცდა მოლიპულ ხარაჩოზე და  
ტვინი მიწას დაანთხია. „შენობა აშენდა... დიდებული ღვინი გაიმარ-  
თა: იცლებოდა სასლის პატრონის სადღეგრძელოდ ძვირფასი სასმე-  
ლებით სავესე აზარფეშები, ხოლო აგურის მზიდველის სახელი კი,  
რომლის სისხლით და ტვინით აშენდა სახლი, არაგვის გახსენებია“  
(„აგურის მზიდველი“); მადარო ჩაინგრა, მრავალი მუშა მოჰყვა შიგ.  
„ათასი კუმო დაღუპულ ძმების... ათასი ზარი გულმკვდარ დედების...  
მადაროს პატრონი კი განმარტოებით იდგა და „სინდისდამშვიდებუ-  
ლი“ ზარალის ერთიორად ანაზღაურებაზე ოცნებობდა...“ („მადარ-  
როში“); მანქანამ მუშას სელები წააგლიჯა და უპატრონოდ, ულუკმა-  
პუროდ დარჩა მუშის ოჯახი („ხელები“) და სსე.

ჩვენს სოციალისტურ ქვეყანაში დღეს ძველი წიგნებიდა თუ მო-  
გვაგონებენ ასეთ ამბებს. კაპიტალისტური ქვეყნების სინამდვილე  
კი ყოველთვის სავესე ასეთი შემზარავი ამბებით. კაპიტალიზმის ან-  
ტიჰუმანური ბუნება ყველგან ერთია, რომელ ქვეყანაშიც არ უნდა  
აყოს ის. მაგრამ ასევე ყველგან გარდუვალია მისი დაღუპეაც.

გარკვეულ ისტორიულ ინტერესს არ არიან მოკლებულნი ქუჩი-შვილის ის მოთხრობებიც („წითელი თოვლი“, „წითელი დროშას ქვეშ“, „ივანე“ და სხვ.), რომლებიც წარსულ რევოლუციურ პრძო-ლებს ასახავენ.

იყო ქუჩიშვილის შემოქმედებაში წინააღმდეგობანი.

მსოლოდ სოციალისტური რევოლუციის ცსოველმყოფელმა ძა-ლამ გააცოცხლა პოეტში მისი შემოქმედების პროგრესულ-რევოლუ-ციური ნაკადი. ამალდა და გაფართოდა პოეტის მხატვრულ-იდე-ური სამყარო. მის პოეზიაში ძალოვნად გახმაურდა საბჭოთა პატ-რიოტიზმის მოტივი.

პოეტის მგზნებარე სიყვარული სამშობლოსადმი ადრევეც არ ყოფილა უსაგნო და ეფემერული. „უმაჟულოს მემამულეზე მეტად მიყვარს მამულიო“, — ამბობდა წინათ პოეტი. მაგრამ ეს არ იყო საძ-შობლოს მაშინდელი სინამდვილის \*მიღება. პოეტს უყვარდა სამშობ-ლო სწორედ იმიტომ, რომ უყვარდა მშრომელი ხალხი, სწამდა მისი მომავალი და ხედავდა იმ ძალებს, რომლებიც დაამსხვრეედნენ ჩაგვ-რისა და მონობის ბორკილებს და სასეს უცვლიდნენ სამშობლოს. პოეტი კარგად გრძნობდა, რომ ის, ვინც გვერდს უვლიდა ქვეყნის სოციალურ შინაარსს და სამშობლოს სიყვარულზე მღეროდა უსაგ-ნოდ, განყენებულად, — არსებითად მოკლებული იყო ნამდვილ პატრი-ოტულ გრძნობას.

პოეტის პატრიოტული შეგნების ეს ნათელი ნაკადი ბუნებრივად შეერწყო სოციალისტური სამშობლოს მგზნებარე სიყვარულს. სამ-შობლოს ცნება გაივსო ახალი შინაარსით. ახლა პოეტისათვის არ არსებობდა სამშობლო მისი სოციალისტური შინაარსის გარეშე. სო-ციალისტური სამშობლო — ეს არის ლენინის იდეათა გადაქცევა სი-ნამდვილედ, ეს არის გამარჯვებული მშრომელი ხალხი, ხალხთა მე-გობრობა, თავისუფალი შრომის სუფევა, სოციალისტური ქარხნები და ფაბრიკები, საკოლმეურნეო მინდერები და ბადები, გმირული საბჭოთა არმია და ყოველივე ის, რაც კომუნიზმის მშენებელი ქვეყ-ნის მჩქეფარე სინამდვილეს შეადგენს. ქუჩიშვილიც ამ სამშობლოს ძლიერებასა და სილამაზეს უთხზავდა პიმნებს:

„ვიდრე ესულდგეჟლოზ დეღამიწაზე,  
ჩემო სამშობლო, გჯამდეს, იცოდე:  
შენს ძლიერებას და სილამაზეს  
შეეუქმნი შენებრ მშეენიერ ოდებს.  
და თუ არსებობს ისეთა ხელი,  
შენზე აღმართვა რომ დააპიროს, —  
მეის მოკვეთს ჩემი მასვილი მჭრელი,  
რომ შენი გული არ გაიგმინოს“.

პოეტ-ტრიბუნის, პოეტ საბჭოთა მოქალაქის შესანიშნავი სახე ნათლად დაგვიდგა თვალწინ საბჭოთა ხალხის დიდი სამამულო ომის დღეებში.

აი, დიდი ადამიანური და პოეტური ბიოგრაფიის საგულისხმო ფაქტი:

1942 წლის მძიმე განსაცდელის დღეები. პიტლერელთა ურდო-ები კავკასიონის კარიბჭეების შემოღწევას ლამობდნენ. საბჭოთა არმიის ერთ-ერთი ქართული ნაწილი ბაქსანის სეობაში ებრძოდა მტერს. და ამ დროს თითქმის სამოც წელს მიღწეული პოეტი მიდის ბრძოლის ველზე და იქ ხანგრძობში მგზნებარედ მოუწოდებს საბჭოთა მეომრებს:

„ელვა-ჭექით გამოზრდილნი,  
არ დაზოგოთ მტერი არხად,  
თავს დაატყდით ყველგან მესად  
საზიზღარზე საზიზღარსა“.

პოეტმა თვითონ მიიტანა თავისი ლექსი ბრძოლის მოწინავე ხაზზე და უშუალოდ ჩააბა დიდ ბრძოლაში. სკოლის სკამიდანვე ნაცნობი პოეტის ხმა, ცხადია, განსაკუთრებული ძალით აგზნებდა ქართველი საბჭოთა მებრძოლეების გულს.

გ. ქუჩიშვილისათვის იმთავითვე უცხო იყო ნაციონალური შეზღუდულობა. მისი პატრიოტული გულისცემა ყოველთვის დაკავშირებული და შეწყობილია ხალხთა მეგობრობისა და მსოფლიოს ყველა კუთხის მშრომელი მასების ინტერნაციონალური ერთიანობის დიდ გრძნობასთან. თვალი გადაავლეთ პოეტის კრებულებს და თქვენ იქ იპოვით მრავალ ლექსს, რომლებითაც პოეტი ესმაურება სხვადასხვა ქვეყნის ხალხთა რევოლუციურ-გამათავისუფლებელი მოძრაობის ყოველ მნიშვნელოვან ფაქტს.

საბჭოთა პერიოდში ქუჩიშვილის პოეზიის ძირითადი მოტივია სოციალისტური შრომის მოტივი. თავისუფალ შრომაში სედავს პოეტი სიცოცხლის უმაღლეს აზრსა და სილამაზეს; „შრომაში ვპო-ვე მე სილამაზეო“, — აცხადებს იგი, და ამ სილამაზის უმაღლეს გა-მოსხატულებად მიიჩნევს იმას, რომ სოციალისტური შრომა კქმინის ყველაზე უძვირფასეს საუნჯეს — ადამიანის ასალ ბუნებას, მის მა-ღალ მორალურ თვისებებს, კოლექტივიზმის ცხოველმყოფელ გრძნო-ბებს. პოეტი სამართლიანად ანათესავენს შრომას, მუსიკასა და პოეზიას. მას ხიბლავს სოციალისტური შრომის რიტმი და ამ რიტმი-თან შეწყობილი მოძრაობა ადამიანთა სულისა სოციალისტურ ფაბ-რიკებსა და ქარხნებში, საკოლმეურნეო მინდვრებზე, სოციალისტუ-რი მშენებლობის ყოველ უბანზე.



როგორც ყოველი საბჭოთა პოეტისათვის, ქუჩიშვილისათვისაც შთაგონების უდიდეს საგანს წარმოადგენდნენ რევოლუციის გენიოსი ბელადები. ამ შთაგონების სათავე იმთავითვე იყო დადებული პოეტის მსოფლმხედველობაში: იგი ხომ თავის რჩეულებს მშრომელი ხალხის წიაღიდან გამოელოდა. პოეტის გული თავიდანვე ზრდიდა წრფელ სიყვარულს ამ რჩეულთადმი. და მისი ყოველი სტრიქონი ამ თემაზე გამსჭვალულია წრფელი გრძნობით. პოეტი ხარობს და ამბყობს იმით, რომ სწორედ მუშათა კლასის რევოლუციურმა ენერგიამ, მისმა სულიერმა ძალებმა წარმოშვეს ადამიანის უმაღლესი ტიპები — პროგრესული კაცობრიობის უბადლო გენიოსები.

მრავალმხრივი იყო ქუჩიშვილის შემოქმედება საბჭოთა პერიოდში. პოეტი მგზნებარედ ეხმაურებოდა ჩვენი დიადი ეპოქის ყოველ მოვლენას, იგი კვალდაკვალ მიჰყვებოდა ჩვენი ცხოვრების სწრაფ სრბოლას.

პოეტის ლექსებში ხშირად ერთმანეთს ენაცვლებოდნენ უმძაფრესი ლირიკა და ორატორული სიტყვა, გულში ჩამწედომი შთაგონებული სიმღერა და პუბლიცისტური ლოზუნგები. მაგრამ პოეტის ლექსი არასდროს არ ყოფილა ნაწველები, მას ყოველთვის თავისუფალი და ძლიერი სუნთქვა მოჰყვებოდა. პოეტურ სასეთა ბუნდოვანება ორგანულად უცხოა ქუჩიშვილის შემოქმედებისათვის.

ჩვენმა სახალხო პოეტმა გალაკტიონ ტაბიძემ თავის უახლოეს მეგობარ პოეტს — გიორგი ქუჩიშვილს მოუწონა ჩანგის სიწმინდე, გულის სიწრფელე.

ხალხი კი მუდამ სათუთად ინახავს წრფელი გულის პოეზიას.

1949

## ალექსანდრე აბაშელი<sup>1</sup>

საქართველო, ხანამ საქართველო ხარ, უფლება არა გაქვს არ თქვა მოსაგონარი იმ ძვირფას სახელთა, რომლებიც შენს ცოცხალ სახეს ქმნიან...

ამ შემთხვევაში მხედველობაში მყავს პოეტი ალექსანდრე აბაშელი, მისი მსიური სახე და მისი ნათელი სახელი.

ასეთ ძვირფას სახელს რომ იგონებთ, თითქოს ყოველთვის გებადებთ სურვილი თვალი მოავლოთ მის ირგვლივეთს, ჩაიხედოთ ეროვნულ მოღვაწეთა მის დროინდელ კრებულებში. ალექსანდრე აბაშელი აუცილებლად გაგახსენებთ ქართველ პოეტთა შესანიშნავ რაზმეულს: გალაკტიონ ტაბიძეს, ნოე ჩხიკვაძეს, გიორგი ქუჩიშვილს, იოსებ გრიშაშვილს, ტიცციან ტაბიძეს, პაოლო იაშვილს, სანდრო შანშიაშვილს, გიორგი ლეონიძეს და ბევრ სხვას... რა საოცრად სხვადასხვანაირი პოეტებია და ამავე დროს რა ხალასი, რა ნამდვილად მირონცხებული პოეტებია... შეიძლება თამამად ითქვას, რომ ამ პოეტთა შემოქმედება გაბედულად დაამშვენებდა არამცთუ რომელიმე მცირერიცხოვანი, არამედ რომელიც გნებავთ, ერის პოეტურ კულტურას...

მაგრამ, სამწუხაროდ თუ საბედნიეროდ, პოეზიას საერთოდ, ერთი მეტად უკურნებელი, ჯიუტი ზნე სჭირს: მთელი მისი ძალა, მთელი მისი სილამაზე და სიმშვენიერე, სიტკბო და სიდიადე სრულყოფილად და უნაკლოდ მხოლოდ მისი დედაენის სისხლსორცში, დედაენის სტიქიაში მულავნდება. ნურავინ იტყვის, რომ სავსებით ჩასწვდა რომელიმე დიდი პოეტის მთელ პოეტურ სიღრმესა და სიმშვენიერეს, თუ იგი დედანში არ წაუკითხავს.

ჩვენი ენა — შოთასა და ვაჟას, ილიასა და აკაკის, გალაკტიონ ტაბიძისა და ალექსანდრე აბაშელის ენა — უჭკნობ პოეტურ ღირებულებათა შემცველი და შემქმნელი ენაა. იგი ძვირფასი განმოსაცავია... და აქ სათქმელს დავამთავრებ ალექსანდრე აბაშელის ერთი ფრაზით: „მზეს სიკვდილი არა სჯერა“. დე, ეს ფრაზა მუდამ იყოს

<sup>1</sup> სიტყვა თქმულო ალექსანდრე აბაშელის მოსაგონარ საღამოზე რუსთაველის თეატრის მცირე ღარბაზში.

სახე უკვდავების იმ გრძნობით, იმ გზნებით, იმ შთანაფიქრით, რომლითაც იგი ახლა გაიყოს.

ალექსანდრე აბაშელი ქართული ლექსის, ქართული სიტყვის ბრძენი ოსტატია. იგი ქართულ სიტყვას მერწავედა სწორედ როგორც ბრძენი, ყოველგვარი შემთხვევითი გადახვევების გარეშე. იგი უაღრესად გამოკვეთილი ფორმების, ზუსტი და ლამაზი სიმეტრიების, ჰარმონიულად შეწყობილი ბგერების, ნარნარი ხაზებისა და ნახკამკამა ფერების პოეტია. მისი ყოველი ლექსი გულმოდგინედ, ფილიგრანულად და უხინჯოდ არის ნაჭედი, ბოლომდე, უკანასკნელ დეტალამდე დამუშავებული დიდი სისუსტით და სიფაქიზით. მთელი მისი პოეზია კი ჰგავს სათუთად მოვლილ და დიდად ნახელოვნებ ბაღს, სადაც ყოველი ბუჩქი, ყოველი ხე, ყოველი მწკრივი, ყოველი ბილიკი — სიმეტრიისა და ჰარმონიის ზუსტ კანონებს ემორჩილება... და ამ ბაღში თითქმის ყოველთვის უბერავს გრილი, მაცოცხლებელი ნიავი; ეგ ბაღი ყოველთვის დაფერილია მზის ხასხასა სხივებით.

ალექსანდრე აბაშელის ყოველი პოეტური სახე, ყოველი ლირიკული ნაკეთი უაღრესად ნათელი და გამჭვირვალეა, მკაფიოდ ჩამოსხმული და გამოკვეთილი; ამავე დროს პოეტის ფრაზა ყოველთვის სხარტი, ლაკონური, კეთილშობილი და უბრალოა. მაგრამ ეს არ არის უბრალო და მარტივი უბრალოება. ეს არის დიდი შინაგანი წვით მიღწეული რთული უბრალოება, რაც ყოველთვის მხოლოდ ნამდვილ ოსტატებს ახასიათებთ.

ყოველივე ამას აქ გაკვრით და სახელდახელოდ ვამბობთ, თორემ ალ. აბაშელის გაციხროვნებული პოეზიის სრულ დახასიათებას სჭირდება ვრცელი მონოგრაფიული გამოკვლევა...

თუმცა, მიუხედავად ჩემი პროფესიული თავმოყვარეობისა, ჩემდა თავად გულწრფელად უნდა ეაღიარო, რომ ჩვენ ზოგჯერ ჩვენი ეგრეთ წოდებული „კრიტიკული ანალიზებით“ გემოსა და სურნელებას ვუკარგავთ პოეტურ ქმნილებებს, ისე როგორც ზოგჯერ სხვადასხვანაირი „კუპაი“ და „ქიმიური ანალიზები“ გემოს უკარგავენ ქინძმარაულსა თუ ჩხავერს, ხვანჭკარასა თუ ოჯალეშს.

ალექსანდრე აბაშელის პოეზია უჭველად არის ისეთი თავანკარა წყარო, რომლის უშუალოდ დაწაფებაც ბევრ სიამეს გაგაცდევინებს.

არანაკლებ მიმზიდველი და სასიამოვნო იყო ალ. აბაშელი, როგორც ადამიანი, როგორც მოქალაქე. ჩემი აზრით, იგი უეჭველად ეკუთვნოდა იმ მთლიან ადამიანთა რიცხვს, რომელთა სიტყვა და საქმე, შემოქმედება და პიროვნება გაუთიშავი და განუყოფელია.

ალ. აბაშელი როგორც პიროვნება, როგორც მოქალაქე ყოველთვის იდგა თავისი შესანიშნავი შემოქმედების სიმაღლეზე.

ამას ვერ იტყვივთ ყველას მიმართ.

მე ბედნიერება მქონდა რამდენჯერმე მეგრძნო ამ ნათელი პოეტი-  
სა და ნათელი პიროვნების დიადი ადამიანური თვისება.

მე ასე მგონია, რომ მის გულში არასდროს ადგილი არ ქონია  
წერილმანი თავიკერძობის გრძნობას. მას გულწრფელად აღფრთოვა-  
ნებდა ყოველივე, რაც კი ოდნავ მაინც ამდიდრებდა ქართული კულ-  
ტურის საგანძურს, რაც ოდნავ მაინც ხელს უწყობდა ადამიანთა  
სიხარულს და ბედნიერებას. გავისხენოთ მისი დიდი, თავდადებული  
და უანგარო შრომა ვაჟა-ფშაველას მემკვიდრეობის შესაკრებად და  
გამოსაცემად.

მე რამდენჯერმე მქონდა შემთხვევა მომესმინა ალ. აბაშელის  
გულწრფელი აღტაცება გალაკტიონ ტაბიძის უდიდესი პოეტური  
ნიჭის გამო. ამ უაღრესად ნათელსა და დახვეწილი ხედვის პოეტს  
შეეძლო ღრმად ჩაეხედა გალაკტიონის რთული ასოციაციური ხლარ-  
თებითა და გასაოცარი მელოდიებით აღსავსე პოეზიაში. ალ. აბა-  
შელს ნამძვილად დიდი სიყვარულით უყვარდა გალაკტიონი, ყველას  
როდი შეუძლია იყოს ასე უანგარო და უშურო.

ერთსელ, როდესაც ქართული პოეზიის კარები მოკრძალებით,  
მაგრამ საოცარი მოულოდნელობით შემოაღო ფრიად ნიჭიერმა ქარ-  
თველმა ქალიშვილმა — ასლა უკვე ასალი ქართული პოეზიის ერთ-  
ერთმა მშვენიებამ — ანა კალანდაძემ, — მე მოწმე ვიყავი ალექსანდ-  
რე აბაშელის უღრმესი აღფრთოვანებისა. იგი თავგამეტებული სი-  
ყვარულით და უსაზღვრო გულწრფელობით შეეგება ქართულ პოე-  
ზიაში ამ შესანიშნავი მგოსანი-ქალის შემოსვლას. ანას ლექსების  
ნაწილ-ნაწილად დაბეჭდვაზე რომ ალაპარაკდნენ, ალ. აბაშელი  
ადგა და განაცხადა: — არ არის საჭირო ამ მშვენიერი ლექსების და-  
ქუცმაცება, ისინი ერთბაშად უნდა მიეწოდოთ ქართველ მკითხველს,  
როგორც ძვირფასი და განუყოფელი საუნჯე.

არ არის საჭირო პოეზიის გაძნელება სხვადასხვა „გულგრილი  
თეორიებით“. თეორია, ჩემო ძმაო, — ამბობდა, ვგონებ, ბრძენი პოე-  
ტი — გოეთე, — უფერულია, ცხოვრების ხე კი მარად მწვანეა.

პოეზია კი სწორედ ამ მარადი სიმწვანის უკუფენაა, უწინარეს  
ყოვლისა.

ალექსანდრე აბაშელმა ქართული ცხოვრების ხის მარადი სიმ-  
წვანის, ქართული ცის სიღაჟყვარდისა და ქართული მიწის მარადიუ-  
ლი სინედლის თავისებური, განუმეორებელი საგალობელი დაგვიტოვა.

ჭეშმარიტი მხატვრული სიტყვა უასაკოა. იგი არასდროს არ ბერ-  
დება. დაბერება არ უწერია ალ. აბაშელის უკეთეს ლექსებსაც.

დაუფიწყარია ალ. აბაშელი როგორც პოეტი და როგორც ადა-  
მიანი. იგი იცოცხლებს მანამ, სანამ იცოცხლებს ქართული ლექსი,  
ქართული სიტყვა!

## მსოლოდ გახსენება

15 წელი გავიდა მას შემდეგ, რაც იგი სამუდამოდ წავიდა ჩვენგან. წინათ ვთქვი, კელავ ვამბობ: გერონტი ქიქოძე თავისი ადამიანური შინაარსითა და სახიერებით შვენოდა თბილისს, შვენოდა მთელ საქართველოს... ახლა კი მისი ნათელი ლიტერატურული მემკვიდრეობა აგრძელებს მის ლამაზ სულიერ ცხოვრებას. მე მწამს მომავლის განათლებული თაობა აზრის გასამახვილებლად და გასაუხვებლად უფრო ხშირად ჩაიხედავს გერონტი ქიქოძის ძალდაუტანებელი, ნათელი სტილით შესრულებულ, თუნდაც ზოგჯერ სადავო ნააზრევის შემცველ ნაწერებში, ვიდრე ზოგიერთი ეგრეთ წოდებული მეცნიერის ნასელოსნარში. გერონტი ქიქოძე ისეთი შემოქმედებითი ბუნების ადამიანთა დასს ეკუთვნის, რომელთა პარადოქსებიც თუ ზოგიერთი უზუსტობანიც კი აზრის შემდგომი მოძრაობის თვალსაზრისით უფრო ნაყოფიერია, ვიდრე ზოგიერთთა ზედაპირული აქსიომები... თუმცა, მე თვითონ არ ვიცი, საჭირო იყო თუ არა აქ კამათი. მით უმეტეს, რომ თვითონ გერონტი ყველაზე მეტად მოკლებული იყო თავის გამოჩენის, განდიდებისა თუ პატივმოყვარეობის ეინსა თუ გრძნობას. ყველასათვის ცნობილი იყო გერონტი ქიქოძის თავმდაბლობა და მოკრძალებულობა. მოკრძალებული იყო, მაგრამ ჭირის დღესავით ეჯავრებოდა ქედმოხრილობა თუნდაც უმადლესი ავტორიტეტების წინაშე, მით უმეტეს ყალბი, მოგონილი ავტორიტეტების წინაშე; ყოველ საშინელ ტირანიაზე არანაკლებ საშინელ ტირანიად მიაჩნდა ავტორიტეტების ტირანიაც. მას ღრმად სწამდა, რომ ყველაზე მეტად ადამიანის სულს აფუჭებს, ასაწყლებს, აკნინებს ტირანია — რა ხასიათისაც არ უნდა იყოს ის, ტირანიის ნაყოფად მიაჩნდა მლიქვნელობაც...

მახსოვს, ერთხელ გერონტიმ დაახლოებით ასეთი აზრი გამოთქვა: — განა, საშინლად საცოდავი არ არის ადამიანი, ვისაც ახლობელი ნაცნობის დასანახად თვალზე ლიბრი აქვს გადაკრული, ხოლო კილომეტრით დაშორებული, მოპირდაპირე მიმართულებით მიქავალი დიდკაცის დასანახად კეფაზედაც კი აქვს თვალები გამოსხმულიო. მე მწამს ინტელექტუალური ავტორიტეტები, მაგრამ მეზიზღება მათი ტირანიაც, — ხშირად უთქვამს გერონტის. ამიტომ სრუ-

ლიადაც არ გამკვირვებია ერთხელ იგი თვით რუსთაველის ერთ აფორიზმსაც რომ გაეპაექრა. მახსოვს, დაახლოებით ასეთი აზრი გამოთქვა: — სჯობს სასელისა მოხვეჭა ყოველსა მოსახვეჭელსაო, მაგრამ ნუთუ თავისუფლების მოხვეჭა არა სჯობს ყოველსა მოსახვეჭელსა? თუმცა, უმაღლე დაუმატა, — იმ დროს ცნებათა და წარმოდგენათა სულ სხვა კომპლექსები განაგებდნენ და აწესრიგებდნენ ადამიანთა ფსიქოლოგიას. „მიეც გლახაკთა საჭურჭლე, ათავისუფლე მონები“, — რასაკვირველია; თავისუფლების ჰიმნად არ ჩაითვლება... არც ტყვეობიდან ნესტანის გამოხსნა ჩაითვლება თავისუფლების ქებათა-ქებად. ეს არის არსებითად დრამატული კვანძის გახსნა... მაინც კარგი იქნებოდა შოთას სადმე ეთქვა თავისუფლების სადიდებელი ჰიმნიო...

მახსოვს, ამ საგანზე დიდხანს ისაუბრა გერონტიმ, როცა ის და ლეო ქიაჩელი გურულ ფელამუშზე მყავდა მიპატიებულნი. იზაბელას (ადესას) წვენისაგან საგანგებოდ მომზადებულ ფელამუშს მან ღმერთების საჭმელი უწოდა და კვლავ სასელოვნებისა და თავისუფლების საკითხს დაუბრუნდა. მრავალი მწერლის, ფილოსოფოსის, მეცნიერის გამონათქვამი გაიხსენა. ილაპარაკა იმაზე, რომ ჩვენ — თანამედროვე ადამიანები — არ შეიძლება გულგრილნი ვიყვეთ დამსასურებელი სასელოვნების მიმართ. და რომ ეს საეხებით ბუნებრივი ადამიანური მისწრაფებაა. მაგრამ ეს მისწრაფება ჩვენს დროში მეტწილად ადამიანების უარყოფით თვისებად არის გადაქცეული...

პატივმოყვარეობის გრძნობა, მეტნაკლებად, ალბათ, ყველა ადამიანს ახასიათებს, მაგრამ ამის გამო ეს გრძნობა, ეს თვისება დადებით გრძნობად და კარგ თვისებად არ იქცევა.

გერონტი ქიქოძეს, ჩემი აზრით, ყველაზე ნაკლებ ახასიათებდა პატივმოყვარეობა და განდიდების მიდრეკილება. იგი უეჭველად სულიერად ამბლლებული და ვაჟკაცური პიროვნება იყო. რაც მთავარია, მას სწამდა, ღრმად სწამდა ადამიანთა მოდგმის ღრმა თვისობრივი განვითარება. სწამდა, ადრე თუ გვიან ადამიანი მესაკუთრე, ადამიანი ინდივიდუალისტი, ადამიანი ეგოისტი გარდაიქმნებოდა ყოველმხრივ განვითარებულ ჰარმონიულ პიროვნებად. ამასთან აკავშირებდა ის კაცობრიობის ყველა შესაძლებელ ბედნიერებათაგან უმაღლეს ბედნიერებას — აუცილებლობის სამეფოდან თავისუფლების სამეფოში გადასვლას (სხვათაშორის აღსანიშნავია, რომ გერონტი ქიქოძეს მარქსისტული მოძღვრების ფრიად საფუძვლიანი ცოდნა ჰქონდა).

ვის შეიძლებოდა ჰქონოდა შეგრძნება ამ უმაღლესი ბედნიერებისა, თუ არა თავისუფლების თავგამოდებულ ქომაგსა და მოტრფიალს.

თავისი შინაარსით გერონტი ქიქოძის საკუთარი ლიტერატურ-

რული მემკვიდრეობა უეჭველად მდიდარი და ღრმაა, იგი ელის თავის მონოგრაფიულ შესწავლას.

ქართული ლიტერატურის მდიდარ ფონდში შედის გერონტი ქიქოძის ბრწყინვალე თარგმანებიც. ეს თარგმანებიც მოელის ყოველმხრივ საფუძვლიან შესწავლას, რითაც უეჭველად წინ წაიწიებს თარგმანის ხელოვნება.

ქართული კულტურის ცაზე გერონტი ქიქოძე ერთ-ერთი კაშკაშა ვარსკვლავია. სანამ ქართულ სიტყვას, ქართულ კულტურას სიცოცხლე უწერია, გერონტი ქიქოძის ღვაწლი და სახელი ჩაუქრობელი იქნება.

## ჩვენს გზაზე

ბესარიონ ჟღენტი ერთობ თავისებური და განუმეორებელი პიროვნებაა. ასევე მკაფიოდ გამოკვეთილი და განსხვავებულია იგი როგორც შემოქმედი, როგორც ლიტერატორი — კრიტიკოსი, როგორც მრავალმხრივი საზოგადო მოღვაწე და ამბგდარი; წარუშლელი იქნება მისი თვალსაჩინო კვალი ქართული ლიტერატურულ-კრიტიკული აზროვნების ისტორიაში.

ჩვენი საუკუნის უკანასკნელი ორმოცდაათი წლის მანძილზე ბესო ჟღენტი ქართული ლიტერატურულ-ესთეტიკური საზოგადოებრივი აზრის უბადლო აღმგზნები და მათხიზლებელია. ამ მხრივ მას ძნელად თუ შეიძლება მოეძებნოს ბადალი ჩვენში.

უდავოდ განუზომელია მისი სიყვარული და ერთგულება ჩვენი სამშობლოს მხატვრული კულტურისადმი. რა ვუყოთ, რომ იგი ყოველთვის ვერ არის და ვერც იქნებოდა ენატებილი ყოველთა მიმართ. მაგრამ მის ცხარე სიტყვებშია ცი ყოველთვის იგრძნობოდა და იგრძნობა დაუცხრომელი სწრაფვა სიმართლისა, სინათლისა და სილამაზისაკენ. რასაკვირველია, ყოველთვის როდი შეგეწევს ძალა ხორცი შეეახათ და სინამდვილედ ვაქციობთ ყოველი ჩვენი სწრაფვა.

ბესოს ენაშტევერობა, გასაოცარი მეხსიერება ცნობილია ყველასათვის, ვინც კი მას იცნობს, მას კი უამრავი ადამიანი იცნობს საქართველოშიც, მთელ საბჭოთა კავშირშიც და მის საზღვრებს იქითაც. მაგრამ საქმე იმდენად საქვეყნო ნაცნობობაში როდია, რამდენადაც პროვნების თავისთავად ღირსებებში. თავისთავადი ღირსებები კი ბესოს მრავლად აქვს.

ქართული ლიტერატურის განვითარებითა და ქართული ლიტერატურული აზრის მოძრაობით დაინტერესებული შინაური თუ გარეშე ადამიანი ძნელად შესძლებს გვერდი აუაროს ბესო ჟღენტის ნაღვაწსა და ნაფიქრს. მისი ლიტერატურული ნაჭირნახულევი მარად დარჩება ქართული მხატვრული სამყაროს საფუძვლიანი ათვისების ფრიად ნაყოფიერ მასალად. აქვე ძალაუნებურად გვებადება ნაღვლიანი კითხვა: — რა ეშველება, რა ბედი ელის ზოგიერთ მის ზეპირ შედეგს, მჭევრმეტყველების ზოგიერთ ბრწყინვალე ნიმუშს?.. აქ უნებლიეთ მაგონდება ერთი ეპიზოდი მოსკოვში გატარებული დღე-



ებიდან. იქ მწერალთა მეოთხე საკავშირო ყრილობის ერთი შესვენების დროს გამომქესაუბრა რამდენიმე უკრაინელი დელეგატი.

— თქვენ ქართველებს შეგიძლიათ კიდევაც იამაყოთ და კიდევაც ღონივრად იგრძნოთ თავი, — მითხრა ერთმა მათგანმა და სხეებმაც დაუდასტურეს, — როცა ისეთი ოქროპირი და ჭეშმარიტების მქადაგებელი გყავთ, როგორიც ბესო უდენტია... მან ჩვენთან კიევეში ნამდვილად ცეცხლოვანი სიტყვა წარმოთქვა ჩვენს წინაშე.

უფრო ადრე თუ უფრო გვიან, ნამდვილად არ მახსოვს, ბესომ უკრაინულად უთხრა სიტყვა თბილისში უკრაინელ სტუმრებს. ერთი სიტყვით, ბესო არა მარტო მქადაგებელი, არამედ პრაქტიკული გამტარებელი იყო ინტერნაციონალიზმისა და მწარე მოსაყვედურეც იმ პირთა, რომლებიც ათეული წლობით ცხოვრობენ სხვა ეროვნების ადამიანებთან და მათი ენის ერთ სიტყვასაც ვერ ითვისებენ...

ბესოს გულზე, ისე როგორც მეტ-ნაკლებად მთელი მისი თაობის გულზე, ეპოქის ბევრმა ტკივილმაც და ბევრმა სიაყევამაც გადაიარა. ამ ტკივილებითა და ამ სიაყევებით ბევრი რამ უნდა აიხსნას მის არსებობასა და საქმეებში. შეიძლება ითქვას, რომ ბესო თავისი თაობის ქართველი მსატერული შემოქმედებითი ინტელიგენციის ერთი ფრიად მგზნებარე, განუმეორებელი და თვალსაჩინო წარმომადგენელია. იგი მოკამათე და მებრძოლია. ზოგჯერ მეტად გულფიცხი და ერთობ ენააღესილი. მინაზებულსა და მიმტკნარებულ წმინდანობას იგი არც იჩემებდა და ვერც შეძლებდა. იგი ყოველთვის ეძებდა და იწვევდა მოკამათეს, მორკინალს, მოდავეს. მან კარგად იცოდა და მტკიცედ სწამდა, რომ ჭეშმარიტება დავაში, კამათში ბრძოლაში მოიპოვება.

ამავე დროს ბესომ იცოდა თავდადებული, თავგამეტებული მეგობრობაც. სწორედ თავგამეტებული მეგობარი იყო იგი სიმონ ჩიქოვანისა, ლევან ასათიანისა და მრავალთა სხვათა.

შერკინება და კამათი კი ბესოს სტიქიაა.

გულწრფელი არ ვიქნები, რომ აქ არ მოვიგონო ბესოს და ჩემი ერთი მეტად მწვავე, მეტად ცხარე კამათი როგორც ზეპირი, ისე ბეჭდვითი. კამათის ავსა და კარგს, მის შედეგს გარემო და დრო ანათებს... მთავარი კი ის იყო, რომ ჭეშმარიტების ძიების გზაზე ჩვენ ერთმანეთს არ გადავმტერებივართ. პირიქით: დროთა ვითარებაში უფრო დავახლოვდით, დავმეგობრდით, დავმომობილდით... ბესო საჯაროდაც ხშირად გაიხსენებდა, რომ მწვავე დავასა და კამათს ჩვენ არამცთუ არ დაუშორებივართ, არამედ კიდევაც დაგვაძმობილა. („გოპროსი ლიტერატური“-ს 1973 წლის № 7-ში კეთილადაც მოიხსენია ჩემი წიგნი).

ახლა კი წინ მიძევს ძვირფასი საჩუქარი — ბესარიონ უდენტის „მწერლობა და თანამედროვეობა“, რჩეული ლიტერატურულ-კრიტი-

კული წერილების წიგნი პირველი, ჩემთვის მეტად საამო წარწერით: „ჩემს ძვირფას მეგობარს... ლავროსი კალანდაძეს — დიდი სიყვარულით და პატივისცემით. ბესარიონ ულენტი. 1. 8. 76. წყნეთი“.

ამ წიგნმა, როგორც ცნობილია, უკვე მიიღო საკმაოდ ვრცელი აღფრთოვანებული შეფასება. მწამს, რომ წიგნი ღირსეულად და დამსახურებულად გაიკვლევს გზას მრავალი მკითხველის გულისა და გონებისაკენ. ამ წიგნს, ალბათ, მალე მოჰყვება შემდგომ გამოსაცემად გათვალისწინებული წიგნებიც. წიგნებმა უნდა გააგრძელონ ჩვენი პესოს ბობოქრობა და ცოცხალთა შორის ამყოფონ იგი.

დავითს რომ ვხვდებოდი და ხელს ვართმევედი, ყოველთვის მახსენდებოდა, რომ მას ოდესღაც ხელი ჩამოურთმევეია ილიასა, აკაკისა და ვაჟასათვის. იყო ამ გახსენებაში რაღაც დიდი და ნათელი კავშირის გრძნობა. ასე მეგონა: დავითის ხელებს შემორჩენილი ჰქონდა იმ ბუმბერაზთა სითბო... რასაკვირველია ეს ილუზია იყო... მაგრამ დავითის სულს ნამდვილად ჰქონდა შემორჩენილი მათი სითბო... და ეს სითბო მან სამუდამოდ ჩასტოვა თავის წიგნებში, განსაკუთრებით თავის მგრძნობიარედ და ფაქიზად შესრულებულ მოგონებებსა და ლიტერატურულ პორტრეტებში.

დავით კასრაძე — ფრიად განათლებული კაცი, ჩუმი და მოკრძალებული ქართველი მწერალი და მოღვაწე — თავისებური მეკავშირე იყო ქართველი ხალხის წარსულსა და აწმყოს შორის. მას ჰქონდა თაობათა მემკვიდრეობითი კავშირის მახვილი გრძნობა. მას სწამდა, რომ მემკვიდრეობითი კავშირის გაწყვეტა წარსულთან მომავალს დიდ ზიანს მოუტანს. ამავე დროს მას ყველაზე დიდ სიკეთედ ამქვეყნად მიაჩნდა მომავალზე, ადამიანების ბედზე, ადამიანების სიცოცხლეზე ზრუნვა. თითქოს ახლაც ყურში გვიდგას მისი ერთი ტრაგიკული გმირის, სოციალური სიდუხჭირით გაწამებული და განწირული ქალის გულში ჩამწედომი ძახილი: — ცოცხლებს მიხედეთ, ცოცხლებს უპატრონეთ, ცოცხლებს ნუ დაღუპავთ!

ეს იყო თვით მწერლის კაცთმოყვარე გულის ძალუმი ძახილი! ალბათ, ამ ძახილით წავიდა იგი ჩვენგან.

დავითი იყო ბარაქიანი სიტყვის მფლობელი, შესანიშნავი მოქართულე. ამ მხრივაც მისი მემკვიდრეობა დაუეიწყარი იქნება.

მართალი კაცის, ვალმოსდილი მწერლისა და მოღვაწის — დავით კასრაძის ნათელი ხსოვნა იცოცხლებს ჩვენს გულში, იცოცხლებს ქართველი ხალხის გულში.

მშვიდობით კარგო ადამიანო და მწერალო!!

1 ეს სიტყვა ითქვა დავით კასრაძის დაკრძალვაზე ღიღუბის პანთეონში. იქვე ჩემზე ადრე მგზნებარე, შთაგონებული გამოსათხოვარი სიტყვა წარმოთქვა გიორგი ლეონიძემ.

## დავით განჩილაძემ

დავით განჩილაძემ შესანიშნავი ლექსები მიუძღვნა ქვეყნისათვის, ხალხისათვის თავდადებულ გმირებს. მისი „ძახილი უკვდავებისა“ ყოველთვის დარჩება სამშობლოსათვის თავგანწირვის შთაგონებულ სადიდებელ ჰიმნად. პოეზიისა და მაღალი ზნეობის ქომაგნი სხვა პოეტურ ქმნილებებს შორის უეჭველად კარგად გაიხსენებენ ლექსებს: „ბელოიანისის დიმილი“, „იულიუს ფუჩიკი“ და „იქნებ ის იყო გაბრიელ პერი!“, როგორც დიდი სულიერი\_ სილამაზის ადამიანთა პოეტურ სადიდებელს. პოეტს სიბლავდა ამ ადამიანთა დიდი შინაგანი მთლიანობა, უდრეკი ნებისყოფა, თავგამეტება წმინდა იდეალებისათვის და დიდი ადამიანური მასშტაბები. სიბლავდა ის, რომ ისინი არა მარტო უმაღლესი საზოგადოებრივი იდეალებისათვის, არამედ უჭკნობი ადამიანური მშვენიერებისათვის დრტივენასა და ბრძოლას შთაგვაგონებდნენ...

გმირთა და საგმირო საქმეთა მომდერალი პოეტი ამავე დროს პირად განდიდებაზე, ჩემი დაკვირვებით, ძალიან ნაკლებად ფიქრობდა. ჩემი დაკვირვებით, პოეტს სწამდა, რომ ნამდვილად დიდბუნებოვანი ადამიანები დიდებასა და განდიდებაზე არც კი ფიქრობენ. სხვა საქმეა, რომ ისინი განიცდიან უდიდეს კმაყოფილებას მით, რომ თავიანთი საქმით განადიდებენ სამშობლოს, ახარებენ ადამიანებს.

სამუდამოდ წავიდა ჩვენგან კარგი პოეტი, გულალალი კაცი, მაგრამ საქართველოში იცოცხლებს მისი პოეტური სიტყვა!

## მამია ასათიანი

ო, რა კარგი, რა მჩქეფარე სიცოცხლე შეწყდა.

დიდ ავბედობას გამოსტაცა თავი. გული არ გასტეხია, ხელი არ ჩაუქნევია, წმინდა იდეალების ერთგული დარჩა ბოლომდე. მისმა კალამმა ძალა მოიცა, მისი სიტყვა წელში გასწორდა და იმ დროს, როდესაც მისმა მოთხრობებმა, ნოველებმა, ნარკვევებმა, ლეგენდებმა მრავალი გულმსურვალე მკითხველი გაიჩინეს არა მარტო საქართველოში, არამედ მთელ საბჭოეთში, — მას საშინელი სენი წამოეწია.

ადრე თუ გვიან ადამიანის გონება უეჭველად იძიებს შურს ამ სენზე, სიცოცხლის ვერაგ მტერზე... მაგრამ წარტაცებულთ რაღა ეშელებათ. არა, გულსავსე, გულუხვი, სიკეთის სიყვარულით დაუქანცავი მწერალი — მამია ასათიანი მუდამ დარჩება ქართული ლიტერატურის მოყვარულთა ხსოვნაში, იგი იცოცხლებს მეგობრების გულში. მეგობარი კი მამია ასათიანს ძალიან ბევრი ჰყავდა. მას საოცრად ადვილად შეეძლო ადამიანთა გულის გასაღების პოვნა, მათი სულიერი დანათესავება. მუდამ მომხიბვლელი და მიმზიდველი იყო მისი პიროვნება.

მუდამ მოუსვენარი, დაუდგარი, მუდამ ანთებული და მაძიებელი სულის მწერალსა და კაცურ კაცს — მამია ასათიანს შეეძლო ნამდვილად რაინდული, ნამდვილად უანგარო მეგობრობა.

სამშობლო თავის ღირსეულ შვილს არასდროს არ დაივიწყებს!

# გ ა ლ ა კ ტ ი ო ნ ი

## მცირე მოგონება

გალაკტიონი ქართული პოეზიის მთელი ეპოქაა.

ვერ ვეშვები, უკეთ ვთქვათ, ვერ ვკარგავ თითქმის ვერცერთ სტრიქონს, რაც კი მეოცე საუკუნის ამ დიდ ქართველ პოეტზე დამიწერია. ვიცი, ამ სტრიქონებში მეტია ემოციური დამოკიდებულება პოეტის შემოქმედებისადმი, ვიდრე მისი გულდინჯი განხილვა. დე, იყოს ასე. ვფიქრობ, ასეთი ნაგრძნობიც მკითხველს არას დაუშავენს. თვით პოეტის უკეთეს ქმნილებებს კი, მე ასე მწამს, კრიტიკული ანალიზის შეუშველებლადაც შეუძლიათ გაამჟღავნონ თავიანთი მშვენიერება და აკეთონ მშვენიერების გრძნობის აღზრდის საქმე წლებსა თუ საუკუნეებში.

სამწუხაროდ, დაუკარგავი სტრიქონების ბედი ვერ ექნებათ პოეტთან პირადი შეხვედრის წუთებს... მცირე რაიმეს გახსენებას მაინც შევეცდები. ჩემი დაკვირვებით, გალაკტიონი ერთობ რთული და მრავალწახნაგოვანი პიროვნება იყო, ძნელად გამოსაცნობი, ძნელად მისაწვდომი, ხან დიდი ბავშვივით უშუალო, ყურადღების მოყვარული, ხან პირქუში, მეფისტოფელივით სარკასტული, ხან თითქოს ძლიერ გულდია, ხან კი ასკეტად გულჩასვეული; უადრესად განათლებული და უხვად ინფორმირებული ცოდნის ბევრ დარგში, განსაკუთრებით ხელოვნების სხვადასხვა დარგში. ზოგჯერ, ჩემი შეტყობით, პოეტი ჩვეულ ადამიანურ ნიღბად იკეთებდა ხოლმე მოჩვენებით მიამიტობას, მიამიტურ გაცეხას. და ეს თითქოს კიდევაც შეენოდა მას. ერთი სიტყვით, გალაკტიონი, როგორც პიროვნება, მისი უკეთესი ლექსებივით განუმეორებელი იყო.

ერთხელ, ვგონებ, უნებლიეთ ვაწყენინე პოეტს და პოეტმაც მაწყენინა.

1941 წლის ზაფხულში, ომის გაცხარებულ დღეებში, საქართველოს სახელმწიფო გამოცემლობამ, სადაც იმ დროს მეც ვმუშაობდი, გადაწყვიტა ფრონტისათვის დროდადრო გამოეცა ახალი პატრიოტულ-საბრძოლო ლექსების პატარ-პატარა კრებულები. ვთხოვეთ პოეტებს მოეწოდებინათ ახალი ლექსები.

— პირველი კრებული თქვენი ლექსით უნდა გაიხსნას, — ვუთხარი ჩვენ გალაკტიონს. ეს ესია მოგონა პოეტს და მან, მართლაც, თითქმის ყველაზე ადრე დაგვიწერა ლექსი; მესამე თუ მეოთხე დღეს ჩვენ უკვე ხელთ გექონდა საკმაოდ მოზრდილი და შემდეგ უკვე საკმაოდ ცნობილი ლექსი გალაკტიონისა — „სამშობლოსათვის“, რომელშიაც ბევრი ისტორიულ-პოეტური წიაღსვლაა, ვთქვით, ისეთი, როგორცაა:

რა შევთხვა ერთ კართავანს,  
უაღრესად მძლავრს და ზეიადს,  
რომთან ქიშპში მყოფ კართავანს,  
თვით იმ რომხ და ბიზანტიას?

მართალია, ეს ლექსი ერთობ ხშიერი საბრძოლო მოწოდებით მთავრდებოდა, მაგრამ მთლიანად იგი მაინც რთული პოეტური ნაჭედობისა იყო და არცთუ მკვეთრად თვალშისაცემი... გადაწყდა კრებულის ორად გაყოფა, რომ ერთი კრებული დაპირებისამებრ გალაკტიონის ლექსით, ხოლო მეორე უფრო პირდაპირი მოწოდებითი ლექსით გახსნილიყო. მოხდა ისე, რომ ეს მეორე კრებული პირველ კრებულზე რამდენიმე დღით ადრე გამოვიდა. გალაკტიონმა ნახა და სანამ თავისი ლექსის ამბავს იკითხავდა, მე დავასწარი:

— პატივცემულ გალაკტიონ, ხვალ-ზეგ გამოვა ის კრებულიც, რომელიც თქვენი ლექსით იხსნება...

პოეტს არაფერი უთქვამს, იგი ცივად გავიდა გამომცემლობიდან. რამდენიმე დღის შემდეგ მას საგანგებოდ გაუუგზავნეთ კრებული, რომელიც მისი ლექსით იხსნებოდა.

შემდეგი კრებულსათვის ისევე მიემართეთ გალაკტიონს.

— ჰო, ჰო, გასაგებია, — თქვა პოეტმა, — ალბათ, ახლაც პირველ კრებულს სცემთ და ჩემი ლექსით გინდათ გახსნათ! — ჩაიცინა და მერე თითქოს ნერვიულად დაუმატა: — არ მიყვარს ეშმაკობა, არ მიყვარს ყალბაბანდობა... რა იქნება, რომ არ დაგიწეროთ ლექსი?

მეწყინა.

— როგორც გენებოთ, ბატონო გალაკტიონ! თქვენი ლექსები ჩვენ უფრო დიდი მიზნებისა და გრძნობებისათვის გვესაჭიროება, ვიდრე რაიმე წვრილმანი გრძნობაა...

გრძელი დიალოგი არ გამართულა.

მეორე დღეს პოეტმა გამომცემლობაში მოიტანა ხელნაწერი და გამომცემლობის სანდომიან შემანქანეს თვითონ უკარნახა ლექსი „კავშირი გულთა შორის“.

— ამ გოგონას, როგორც ჩანს, ძალიან მოეწონა „კავშირი გულთა შორის, კავშირი გულთა შორის“, — ჩვეული მთრთოლვარებით თქვა პოეტმა და ეშმაკური ღიმილით გადახედა არცთუ მთლად გოგონა გოგონას.

ამრიგად, ორი აღნიშნული ლექსი გალაკტიონმა დაწერა. გამომცემლობის დაკვეთით. ამაში, რასაკვირველია, საჭოჭმანო არაფერია: ხელოვნების ბევრი უკვდავი შედეგები შექმნილია დაკვეთით.

ჩემს სამიმოსილგო წერილში — „სამამულო ომი და ქართული საბჭოთა პოეზია“, რომელიც უურნალ „მნათობის“ 1942 წლის № 2-ში დაიბეჭდა, მიმოსილგვას სწორედ გალაკტიონის აღნიშნული ლექსებით ვიწყებდი. ზარბაზნების ქუხილში უკვე აღარ სდუმან მუშები: ზიზღი და მრისხანება ფაშისტი კანიბალების მიმართ თითქოს ახალ მუქ, დრამატულ საღებავად შეემატა გალაკტიონ ტაბიძის პოეტურ ფერადებს, — ვამბობდი მე, — შთაგონებული ისტორიული წიაღსველებითა და პარალელებით პოეტი მხატვრულად ასაბუთებს საბჭოეთის გამარჯვების გარდუვალობას-თქო; ბრძნულ პოეტურ წინასწარმეტყველებად მივიჩნევდი პოეტის სიტყვებს:

- ჩვენს სამშობლოში  
წყდება ბედი  
კაცობრიობის.

შესხვედრის ძვირფასი წუთების იმ შინაგან ხატთა და მოძრაობათა სათვალავს თუ შეეუდგებით, რომელთაც ვეღარასოდეს ვერ გავაცოცხლებთ, სევდა დაგვასრჩობს. ბევრჯერ წარმომიდგება თვალწინ ცოცხალი პოეტი. მკაფიოდ მახსოვს იგი მოსკოვში, მწერალთა მეორე საკავშირო ყრილობაზე 1954 წელს. აქ პოეტი თითქოს ჩრდილში იყო; ჩრდილში ყოფნას კი ჩრდილების მოტრფიალე მგოსანი ვერ იტანდა (ვინ გაექცევა თავის ადამიანურ სისუსტეს?); ეკლებგამოსხმული ჩანდა; ენაკვიმატობდა ზოგთა და ზოგთა მიმართ. მისი შესაფერი სახელოვნება რომ აკლდა საერთოდ მის სახელს, ამის ერთ-ერთი მიზეზი, ალბათ, ისიც იყო და არის, რომ მისი ლექსები ძნელად ითარგმნება რუსულ თუ სხვა ენებზე. მაგონდება ვიღაცის თქმული: — პოეზია ის არის, რაც თარგმანის დროს იკარგებაო. იქნებ, ამ ნათქვამში რაღაც სიმართლედ იყოს, განსაკუთრებით ენის მუსიკაში ჩაძირული პოეტების მიმართ. გალაკტიონი ხომ ქართული ენის ჯადოქრული ამუსიკებაა.

რატომღაც პოეტისეული კარაღეთის დღეების მოგონებათა შუ-



ქის მოფენას ვგრძნობ, როდესაც ვიგონებ გალაკტიონის მოგზაურობას თავის სამშობლო კუთხეში — ვანის რაიონში, 1955 წლის ივლისის პირველ რიცხვებში. თბილისიდან ამ მოგზაურობაში პოეტს ვახლდით: პოეტი ანდრო თევზაძე — წრფელი კაცი, მთელი არსებით მგრძნობელი პოეტური სიტყვისა, შესანიშნავი დეკლამატორი; მასწავლებელი ფატი ნიშნიანიძე — თავდავიწყებული მოყვარული გალაკტიონის ლექსებისა (ფ. ნიშნიანიძემ კიდევაც გამოსცა მოგონებები გალაკტიონის მოგზაურობაზე); კულტურის სამინისტროს წარმომადგენელი — ვახტანგ გურგენიძე და მე. თბილისის სადგურზე, ღამით ვაგონში რომ მოვიყარეთ თავი, მე მომეჩვენა, რომ მგზაურობის პირობები ვერ იყო მთლად სასურველი და ერთგვარი საყვედური გამოვთქვი მგზაურობის მომწყობთა მისამართით. გალაკტიონმა უმაღლესი მომიჭრა სიტყვა: „რა დააშავა ახლა ასეთი ამ ხალხმა, ჩემო ძამიკო? დაეჩუმდი. მხოლოდ გაეიფიქრე, არ კი მითქვამს: „თქვენზე ვწუხვარ, თორემ მე რა...“

ცოტა ხნის შემდეგ გალაკტიონმა თვალი შეგვაგვლო და თქვა:

— ჩავალთ ახლა ჩვენ იქ, ჩემს სოფელში, და დიდ კოცონს ავაგისგიზებთ, არა?.. ჩვენთან ერთად ჩვენი ბესიაც რომ ყოფილიყო, კარგი იქნებოდა. მაგრამ არა უშავს, ჩვენც სომ ოქროპირები ვართ.

პოეტს მხედველობაში ჰყავდა ბესო ჟღენტი.

იმაზე თუ როგორი აღფრთოვანებით შეხედნენ პოეტს თანამემამულენი, სიტყვას არ გაავარძელებ. მე უფრო პოეტის პიროვნების გამოვლინებას ვიხსენებ.

ჩემი შთაბეჭდილებით, თავის სამშობლო კუთხის მიწაზე რომ დადგა ფეხი, პოეტმა თითქოს მოიწყინა. ვინ იცის, გარდასულ სახეთა და სურათთა რაოდენი ლაშქარი შეესია მის მგრძნობიარე სულს და რანაირი ფიქრები აღუძრა მას. სიტყვაძუნწობდა, იშვიათად თუ გაიღიმებდა. მახსოვს, მხოლოდ რამდენიმე ხანდაზმულ ნაცნობს გაუცინა, ხელი ჩამოართვა და ზოგიერთი, ვგონებ, კიდევაც მოიკითხა. კარგი იყო პოეტის შესვედრა თავის ბიძაშვილთან — სვიმონ ტაბიძესთან — ტიცვიან ტაბიძის ძმასთან. ისინი ერთმანეთს გადაეხვივნენ და მე მომეჩვენა, თუ მართლაც ასე იყო, დაბეჯითებით ვერ ვიტყვი, — ორთავეს თვალებში თითქმის ცრემლამდე მისული სიხარული შევნიშნე.

ვანელებმა რამდენიმე წვეულება მოაწყვეს გალაკტიონის პატივსაცემად. იქ არსად პოეტს წვეთი ღვინო არ დაუღევია. ბინად ვანის-სახტუმროში ვიყავით. ერთი ღამის გათევა პოეტსა და მე ერთ ოთახში მოგვიხდა. რაღაცნაირი იდუმალეობით აღსაესე ეს ღამე ჩემთვის დაუვიწყარია. შუაღამე გადასული იქნებოდა, როდესაც ძილში მძიმე ოხვრა ჩამესმა. გამეღვიძა. თვალი გალაკტიონის საწო-

ლისაკენ გავაპარე. პოეტი თითქოს ღამის ლანდებს ეჩურჩულებოდა, ფანჯარას მისჩერებოდა, თვალები ფოსფორულად უკიაფობდნენ, დროდადრო ოხრავდა. შევეცადე, პოეტს არ გაეგო, რომ მეღვიძა. უეჭველად ფრიად განსხვავებული სულიერი აღნაგობის ადამიანი იყო გალაკტიონი. ჩანს, ზოგჯერ მას ძლიერი დამეული სიღეები ჰქონდა. დილით პოეტს თითქოს სრულიად უადგილოდ და უკავშიროდ ეუთხარი:

— რაშია საქმე, ვერ გამიგია. ასე მეჩვენება, რომ აქაურ დამეში თითქოს შავი გედები დაცურავენ.

პოეტი, მგონი, მიმისვდა, რომ ღამის სიუჟეტის განვითარება მსურდა, რათა მისი შემოქმედებითი ფსიქოლოგია მეგრძნო; შეფარული ირონიით მიპასუსა:

— ნუ გეჩვენება! რა უნდათ შავ გედებს ამ ჩვენს მხარეში!

იმ დღეს რაიონის ცენტრს აუარებელი სალხი მოაწყდა: მოსწავლეები, ინტელიგენცია, კოლმეურნეები. საგანგებოდ გამართულ ტრიბუნაზე მასპინძელთა შორის მტკიცე ბურჯივით იდგა უღალწვიროსანი ჭარმაგი კაცი — გალაკტიონ ტაბიძე. თითოეული ჩვენთაგანი ცდილობდა თავისი საუკეთესო სიტყვა ეთქვა დიდ პოეტზე. მიუსვდა დიდი მონდომებისა, ჩემი სიტყვის კმაყოფილი ვერ დავრჩი. მასსოვს, შეკრებილთ მივმართე: „თქვენი დიდებული თანამემამულე — საქართველოს სახალხო პოეტი — გალაკტიონ ტაბიძე თანამედროვე ქართული პოეზიის დიდი დედაბოძია. იგი ისევე უსწორებს მხარს ჩვენი დროის პოეტური კულტურის მსოფლიო მწვერვალებს, როგორც თავიანთ ეპოქებში მსოფლიო პოეზიის მწვერვალებს მხარს უსწორებდნენ შოთა რუსთაველი, ნიკოლოზ ბარათაშვილი, ვაჟაფშაველა...“

სხვებთან ერთად მეც შევეცადე მსმენელთათვის მეგრძნობინებინა გალაკტიონის შემოქმედების სიდიადე და სიმშვენიერე... მაგრამ, მოგეხსენებათ, მიტინგს თავისი განსხვავებული გარეგანი სმენა აქვს. გალაკტიონის პოეზიაში ჩასაწვდომად კი, ისე როგორც ყოველ დიდ პოეზიაში ჩასაწვდომად, შინაგანი სმენის განსაკუთრებული გამასვილებაა საჭირო...

შესანიშნავი იყო დიდი წვეულება ღამით, ტოტებგაშლილი უსარმაზარი ჭადრის ქვეშ — სოფელ სალხინოში — ლორთქიფანიძის კარმიდამოზე. შესაძლოა, სადღაც აქ გალაკტიონისეული ატმის ყვავილების ან დაბინდული ქლიავის ფერებიც გაგსენებოდათ. გალაკტიონი აქაც რატომღაც მჭმუნვარე და მდუმარე იყო. შედარებით ხალისიანად გამოიყურებოდა იგი ერთ-ერთი საშუალო სკოლის მოსწავლეებთან შეხვედრისას; აქა-იქ მოსწავლეთა ჯგუფებს რამდენჯერმე სელიც გადახვია.

სოფელი ჭყვიში. პოეტის მამაპაპეული კარმიდამო რიონის პირად, მისი მამაპაპეული სახლი-დარბაზი, დაბლა დადგმული, უბოკონო. აქ პოეტი შეუდარებელი იყო. თითქოს მთელი ეს დღეები იგი შინაგანად ემზადებოდა, რომ აქ აფეთქებულიყო, დიდებულად აფეთქებულიყო. თავის ძველ სახლში, ორ მწკრივად გაშლილ სუფრაზე, რომელსაც იქეთ-აქეთ ესხდნენ პოეტის თანასოფლელები, კოლმეურნეები, მასწავლებლები, შინაურნი და გარეშენი, პოეტმა წარმოთქვა შესანიშნავი სიტყვა ფორმიტაც და შინაარსითაც. ეს იყო მხურვალე აღსარება, შთაგონებული მონოლოგი. გულისწარმტაცი ქადაგება. ბევრი კინო და ფოტოაპარატის ნაცვლად საქართველოს კინომუშაკებს ერთი მაგნიტოფონი რომ წამოეღოთ და პოეტის ეს სიტყვა ჩაეწერათ, შთამომავლობას პოეტის ბრწყინვალე ნააზრევს შეუნახავდნენ. მე, რასაკვირველია, არ ძალმიძს იმ სიტყვის მიახლოებითი აღდგენაც კი, მხოლოდ ზოგ რამეს თუ გაეიხსენებ ძლიერ მკრთალად, ძლიერ შორეულად.

— მოკეთებო, მეზობლებო, მეგობრებო! — მიმართა ხალხს პოეტმა. — მე მოვედი აქ, ჩემს ძველ კარმიდამოზე, ჩემი რიონის პირად, მოვედი ჩემი ბავშვობის, ჩემი ყმაწვილკაცობის გადაკარგულ დღეებთან, მოვედი თქვენთან, რომ ერთსეულ კიდეც ვანვიმტკიცო ბედნიერი შეგნება იმისა, რომ მე თქვენი სისხლი და ხორცი ვარ, რომ ჩემი ყოველი ღირსება და ნიჭი თქვენებურია, თქვენი ზიარია, ჩვენებურია... მოვედი თქვენთან, ჩემს მეზობლებთან, ჩემს მოყვრებთან, რათა კვლავ და კვლავ გაეიხსენო, რომ ჩემმა წინაპრებმა, თქვენმა წინაპრებმა, აქაურმა მიწის მუშამ, აქაურმა მეზობელმა — მასწავლეს მე გულისხმიერება ყოველი სულდგმულის მიმართ, ყოველივე იმის მიმართ, რაც კი ქვეყნად არსებობს. გულისხმიერება ნიშნავს იმას, რომ შეგემძლოს ყური დაუგდო მთელი ქვეყნის ხმას, მთელი ქვეყნის ჭირ-ვარამს, ყური დაუგდო ყოველი არსების ხმას, ამ მიწის, ამ ხის ამ მდინარის ხმას და შენი ხმა, შენი გულისცემა შეუწყო ამ ხმებს... მე აქაური მეზობლისაგან გამიგონია, დედაჩემისაგან გამიგონია, რომ არის ერთი მწიგანა ჩიტი, რომელსაც თავისი ხმის გარდა არაფერი არ ესმის. ამიტომაც ამ მწიგანა ჩიტის ხმა შესაზარია. იადონი კი მუდამ ყურს უგდებს ბუნების ხმას, ბუნების გალობას და თავისი ჰანგებით ესმაურება მას. ამიტომაც არის იადონის გალობა ასეთი მშვენიერი და მომსიბვლელი... ასეთი უნდა იყოს პოეტიც...

გალაკტიონმა დიდხანს ილაპარაკა გულისხმიერებაზე, როგორც ყველაზე დიდ სიკეთეზე, რაც კი შეიძლება ჰქონდეს მომადლებული ადამიანს; ილაპარაკა იმაზე, რომ გულისხმიერებით შეიძლება შემუსროთ თვით ბოროტებაც კი; ილაპარაკა შრომის წარმტაც სილაპაზეზე, მის დიდ ზნეობრივ ძალაზე, ილაპარაკა სამშოშლოს სიყვარულზეც...

პოეტის სიტყვას ყურს რომ ეუბნებოდა, გზადაგზა ასოციაციურად მისი ზოგიერთი ლექსის სტრიქონები მახსენებოდა. ბუნების მუსიკისათვის ყურის დაგდებასთან დაკავშირებით გამასხენდა:

მოგონებებმა შენს ჩრდილში ნასა  
მზე გამჭვირვალე, როგორც თიფთიკი.  
ეესაუბრები შენს ჩრდილს — რაა, რომ  
მე პოეტი ვარ, შენ — ექვალბიტი?

ვწუხდი და აქამდე ვწუხვარ, რომ ვერც პოეტის სიცოცხლეში და ვერც მას შემდეგ ვერ მომიხერხდა დამეწერა მისი შემოქმედების შესახებ ვრცელი და საფუძვლიანი რამ, გარდა ორიოდე რეცენზიისა და რამდენიმე სახელდასელო დახასიათებისა, რაც ზოგიერთ წერილსა თუ ზეპირ სიტყვაში გამომოთქვამს.

მცირე წერილი „გალაკტიონი“ დაიწერა და დაიბეჭდა („ლიტერატურული გაზეთი“, 1959 წელი, 21 მარტი, № 12) პოეტის სამგლოვიარო დღეებში, როდესაც ქართველი ხალხისა და ქართული მწერლობის მწუხარება მოულოდნელი დიდი დანაკლისის გამო პირგახსნილ ჭრილობას ჰგავდა, რომლის ტკივილი ჯერ კიდევ ვერ ჩამდგარიყო თავის ფოსოში.

რეცენზიას კი გალაკტიონის რჩეულის გამო, რაც გაზეთ „კომუნისტის“ 1955 წლის 14 აგვისტოს ნომერში დაიბეჭდა საკმაოდ პრეტენზიული სათაურით — „გალაკტიონ ტაბიძის პოეზია“, სულ სხვა „ბიოგრაფია“ აქვს. ეს რეცენზია დაიწერა რედაქციის დაკვეთით და ვიცი, რომ იგი ნამდვილად წაიკითხა პოეტმა. მოხდა ისე, რომ წინააღმდეგობა, ე. ი. 13 აგვისტოს გალაკტიონმა მითანამგზავრა თავის „მობედაში“. იმ დღეს ვაუას საღამოს დავესწარით დუშეთში, მეორე დღეს კი — დიდ შეკრებილობას ჩარგალში — ვაუას კარმიდამოში. გალაკტიონმა, რასაკვირველია, არაფერი იცოდა იმის შესახებ, რომ მისი რჩეულის გამო დაწერილი მქონდა ცოტა რამ და არც მე ველოდი, რომ იგი იმ დღეს დაიბეჭდებოდა. მაგრამ რედაქციის მუშაკისაგან ჩარგალშივე გავიგე, რომ რეცენზია დაბეჭდილიყო. მალე გაზეთებიც მოიტანეს. შევწუხდი, ვაი თუ პოეტმა ჩვეული შემპარავი ირონიით დამსეტყვოს-მეთქი. გაზეთი რომ უჩვენეს, თითქოს გაიკვირვო, თვალეებში რაღაც ძნელადგამოსაცნობი ციაგი ჩაუდგა, ჩათვალეირა გაზეთი, ირიბულად გადმომხედა და წამოიძასა: „აბა ჰე, აბა ჰე... გავახაროთ გავახაროთ...“, მცირე პაუზის შემდეგ დაუმატა: „ხალხი, ძამიკო, ხალხი!.. აბა, ვინ? აბა, ვნასოთ!“ და თითქოს ნაძალადევად გაიცინა. ღმერთმა უწყის რა გაიფიქრა მაშინ პოეტმა.

ჩარგალში მიტინგის დამთავრების შემდეგ, ფშავის არაგვის პირას, მურყნარში, მწვანეზე დიდი სუფრა გაიშალა. ვაუასა და სხვა

დიდი ქართველი კლასიკოსების მოსაგონარის შემდეგ თამადაშ — გიორგი ლეონიძემ გულისხმიერად და ალერსიანად ადღეგრძელა გალაკტიონი, უფროსი ძმა და ამჟამინდელი საქართველოს პირველი პოეტი უწოდა. გალაკტიონი რატომღაც მაინც მოწყენილი გამოიყურებოდა; სუფრაც ადრე დატოვა... თბილისში რომ ვბრუნდებოდით, იგი შოფრის გვერდით იჯდა და ხულ ფიქრებში იყო წასული. მთელ გზაზე, როგორც მახსოვს, მხოლოდ ორჯერ თუ სამჯერ დასძრა სიტყვა და ისიც უფრო თავისთვის ჩაილაპარაკა: „ხალსი, ჩვენი ხალსი...“

სხვა შეხვედრათაგან მეხსიერებაში განსაკუთრებით ცხოვლად ჩამრჩა ერთი შეხვედრა. ეს იყო რამდენიმე თვით ადრე პოეტის დაღუპვამდე. იგი საქართველოს მწერალთა შენობის შესასვლელთან იდგა. იქვე სხეებიც იყვნენ, მათ შორის ნადირობის გატაცებით მოტრფიალე მწერალი — ანდრო ლომიძე. ანდრომ მკითხა, დავდივარ თუ არა სანადიროდ. ამას ყური რომ მოჰკრა, გალაკტიონი მომიბრუნდა და მითხრა:

— თოფ-იარაღი აისხი და ჩემთან ამოდი წყნეთში. პირდაპირ სარაკოდ ვინადირებთ!

— კი, მაგრამ წყნეთში რა არის სანადირო, ბატონო გალაკტიონ?

— ვეფხვი, ძამიკო, ვეფხვი! აბა, ვეფხვზე ნაკლები რა უნდა მოკლან ჩვენისთანა ვეფხვებმა?

ეს იყო ჩემ მიერ გაგონილი უკანასკნელი ხუმრობა გალაკტიონისა.

კარგად ვიცოდი რომ გალაკტიონს ძლიერ უყვარდა აკაკი წერეთელი, იგი მას თავის დიდ შთამაგონებელ წინაპრად მიაჩნდა. ალბათ, ამ გარემოებამ განმაწყო იმისათვის, რომ დამეწერა „აკაკი და გალაკტიონი“, ფრიად მოკრძალებული ცდა ამ ორი მგოსნის პოეტური ნათესაობის გარკვევისა.

1970

## გალაკტიონის ერთი რჩეულის გამო

სიყვარულით ვფურცლავთ წიგნს პოეტისას, რომლის მშვენიერი ლექსები — ლექსები „დაწერილი სისხლის წვეთით, დაწერილი სასოებით“ — ნამდვილად იქცნენ ჩვენი სულიერი ბიოგრაფიის სისხლხორცეულ ნაწილად. იშვიათი დღე იქნება, რომ ქართველმა მკითხველმა თავისი ფიქრებისა და გრძნობების მოძრაობას ერთხელ მაინც არ შეაშველოს გულში ჩამწვდომი მელოდიები, სტროფები, სტრიქონები, პოეტის ძველი თუ ახალი ლექსებიდან. ვინ იცის, სად, რო-

გორ, რა ფიქრებისა და რა გრძნობების გამოსასატყვევად გაიხსენებენ „წინ, მეეტლევ! ეგ ცხენები გააქანე, გააქანე, მსურს რომ ერთსელ კიდევ ენახო გაზაფხულის მთები მწვანე“, ან „თავისუფლება სულს ისე მოსწყურდა, ვით დაჭრილ ირმების გუნდს — წყარო ანკარა... დროები ჩქარა“, — „რად ამრიალდა ჩემი ოცნება, როგორც გაფრენილ არწივის ფრთები“, ან „მშობლიურო ჩემო მიწავ, შენს საყვარელ სასელს ვფიცავ“, „რტობში აფშბს ბებერი ქარი, ყვავილთა ჯარი ფიფქით ბანაობს“, ან „სიცოცხლეო, მამულო, მძაფრი, არა ფარული, შვილთა შენთა ხმამაღლა თქვან შენი სიყვარული“, „ცვრიან ბალახზე თუ ფხვნიშველა არ გავიარე, რაა მამული“, ან „ჯერ ლექსი მწვავედა, მერე მზე, ჯერ მზე და მერე ლექსები“, „შესედეთ, რა ცაა, ესაა რაცაა“, ან „მოათოვოს, მოათოვოს კედელს ფარშავანგები“ და მრავალ სხვასა და სხვას.

და განა ყოველივე ეს ქართული პოეტური კულტურის უკეთეს საუნჯეთა რიცხვში არ შედის?

თუ უკანასკნელი 50 წლის მანძილზე გრძნობათა და ფიქრთა მოძრაობა საქართველოში უძლიერესად აისახა რომელიმე პოეტის შემოქმედებაში, იგი ყველაზე ღრმად, ყველაზე მძაფრად და ყველა თავისი წინააღმდეგობრივი მისხვევ-მოსხვევებით აისახა გალაკტიონ ტაბიძის პოეზიაში. ამ პოეზიას თამამად შეგვიძლია ვუწოდოთ ჩვენი საუკუნის პირველი ნახევრის საქართველოს ლირიკული მატრიანე.

პირველი რევოლუციის რომანტიკა, პოეტის პირველ ლექსებში რომ სსივოსნობდა, შენელდა, მაგრამ არ გამქრალა პოეტის იმ პერიოდის შემოქმედებაშიც, როცა იგი ხარკს უსდიდა უიმედობას, ინდივიდუალისტურ განდგომილებას, იჭვნეულობას, სიმბოლისტურ ბუნდოვანებას. მაგრამ ისე როგორც ყოველი დიდი და ჭკუემართი სელოვანება, გალაკტიონის ამ დროის შემოქმედებაც არ ეტყევა სიმბოლიზმის ვიწრო ჩარჩოებში. საქმე ის კი არ არის, რომ პოეტს მოვარგოთ ამა თუ იმ მიმართულების ყალიბი. მთავარია, გავიგოთ პოეტის შემოქმედება თავისავე განუშორებელ თავისებურებაში და აქ ვიპოვოთ მისი პოეზიის გასაღებიც.

სინამდვილე, რომელიც შეხვდა პოეტური მსოფლმხედველობის ჩამოყალიბებისათვის მომწიფებულ ცნობიერებას პოეტისას, იყო მძიმე და შავბნელი. რეაქციის სუსხი, ძალადობა, არსებული სოციალური უკუღმართობა პოეტის შემეცნებაში ადამიანის ბედის საკითხად გამოინახევა. ქვეყანა ადამიანის შებორკილი და შეკვეცილი ძალების საუფლოდ, ხოლო ადამიანი შინაგანი გათიშულობის, სიკვდილის, წარმავლობის, უერთგულო სიყვარულის, გაცრუებული იმედებისა და განუხორციელებელი ოცნებების წამებულ ტყვედ შეიგრძნო პოეტმა. ეს იყო მიჯაჭული ამირანის სახეება, რომლის ძლიერი

ტრადიცია იმთავითვე მოსდევდა ქართულ ლიტერატურას. ადამიანის აღზევებისა და თავისუფლებისათვის წამებული ამ გოლიათის სული, რასაკვირველია, სხვადასხვა კონკრეტულ-ისტორიული შინაარსით ტრიალებდა ქართული კლასიკური ლიტერატურის თითქმის ყველა დიდ ქმნილებაში: უკედავ „ვეფხისტყაოსანშიც“ გურამიშვილის „დავითიანსა“ და „ქართლის ჭირშიც“, ბარათაშვილის „მერანსა“ და „ბედი ქართლისაშიც“, ილიას „აჩრდილშიც“, აკაკის „თორნიკე ერისთავშიც“, ვაჟას პოემებსა და დაჭრილ „არწივშიც“.

გალაკტიონი თავისებურად აგრძელებს ამ ტრადიციას. მის ლექსებშიც აბორგდა და აკვნესდა თავისი დროის წამებული ადამიანი — მიჯაჭვული ამირანი.

„შესახებია კლდება კლდეებს,  
იქ ვილაც კენესის დიდი ხანია,  
„ამირანია?“ — მიემართავ ტყეებს  
და ტყე გუგუნებს „ამირანია!“  
ეს მძაფრი კენესა მიწამლავს დღეებს,  
ის გული ისევ ჩემი გულია...  
„დაკარგულია?“ — მიემართავ ტყეებს  
და ტყე გუგუნებს „დაკარგულია“.

ისე როგორც თავის დროზე მწარე ხედვითან შეურიგებლობამ ბარათაშვილი მისცა თავისი „მერანის“ თავაწყვეტილ ქროლვას, სხვა სოციალურ ვითარებაში შებორკილი ადამიანის წვალეზამ, „სინამდვილით მოკლულმა გრძნობამ“ გალაკტიონი თითქოს აუსხნელი საიდუმლოების, გამოუცნობი ქიშკრების, დაბინდული ჩრდილების ირეალურ სამყაროში გაინააბირა... საოცრად მგრძნობიარე სულში დაბადა მიდრეკილება შემოდგომის მოწყენილი ფერებისაკენ, სიმარტოვისაკენ. მაგრამ პოეტი არც თავისი სულის წყობით, არც თავისი პოეტური ლექსიკით, არც თავისი განსხვავებული დამოკიდებულებით ქვეყნიერებისადმი არ მოსწყევეტია მშობლიურ ნიადაგს.

მარტო ვარო, როგორც მთის ეკლესია, — ირწმუნებოდა პოეტი; თუგინდ ჯვარს ეცვი, საშველი არ არისო, — ჩიოდა იგი. მისთვის ამირანი მარად წამებულ არსებად რჩებოდა. მაგრამ სამშობლო ქვეყნის უმძაფრესი სიყვარული, სამშობლოს ბუნებას, მისი ფორმებისა, მისი ფერების, მისი სიმღერების უღრმესი განცდა ანელებდა, ზოგჯერ თითქოს კიდევ აქრობდა მოძალებულ სევდასა და ნაღველს. კითხულობთ წარმტაცი მელოდიური პანგებით ხავსებს, ნაზი და სალასი ფერებით შესრულებულს. — „გურიის მთებს“, „მთაწმინდის მთვარეს“, „მე და დამეს“, „ვერხვებს“, „მერის“, „პოეტის ლანდს“, „ავდრის მოლოდინს“.. „თოვლს“, „შემოდგომის ფრაგმენტს“, და მრავალ სხვას. ზედავთ, უსმენთ, განიცდით მთაწმინდის მკრთალ შუქში მსუბუქ სიზ-

მარივით გახვეულ მტკვარსა და მეტეხს, დავიწყებულ ჭიშკრის კარებზე ხავსს, ყავრებს, წვიმის წვეთებს, ბაბურა მურას, ეზოში რომ ყფხ; უირაფივით აჭრელებულ მთებს, ვერსვების მუსიკას, ცვრიან ბალახის ბიბინს ეზოში, სადაც სახსლაევით სელში დადის მოსუცი ქართველი მამა, ნაზ და კდემამოსილ ქართველ ქალებს, ლერწამ-ქალწულებს და თქვენ თითქოს უფრო მეტად ფერთა და ბგერათა მუსიკა გიპყრობთ, მშვენიერების გრძნობა გეუფლებათ, ვიდრე პოეტის დაუინებული სევდა.

პოეტის ლექსებში სწუსდა, გმინავდა, ბობოქრობდა თვისუფლებას, ბედნიერებას, სილამაზეს მოწყურებული ადამიანის სული. მას ზოგჯერ სამყარო სხეულთა, საგანთა, წარმოდგენათა უწესრიგო გროვად ესახებოდა. მაგრამ დროდადრო შევნადვლიანობის ბურუსს პოეტის შემოქმედებაში უღვასავით გაჰკვეთდა სოციალური პროგრესის რწმენა, ოპტიმიზმისა და რევოლუციური სულისკვეთების ეღვარე ნაპერწკალი. 1916 წელს ერთ თავის ლექსში პოეტი წერდა:

„ო, როგორ მინდა, მეგობრებო, თუნდაც ერთი დღით,  
ჩენითვისაც იყოს უმაღლესი თავისუფლება!  
ო, როგორ მინდა უფრო მძლავრად გავშალო ფრთები!  
განა არ არის სამიწელი საცოდლობა,  
ესეთ ქვეყანას, როგორც ჩვენი საქართველოა,  
რევოლუცია არ აძლევდეს სიმშვენიერეს?  
ეულკანური ორკესტრივით უნდა ისმოლეს  
გრძნობათა ჩვენთა და ოცნებათ ძლიერი ქნარი“.

ეს უკვე უადრესად ნათელი სტრიქონებია — ნათელი მისწრაფებებით. დამახასიათებელია, რომ გ. ტაბიძის თვით უადრესად მწუხარე ლექსიც კი სმირად აგებულია ერთ რომელიმე ნათელ აზრსა და გრძნობაზე, ერთ რომელიმე ნათელ და რეალისტურ სტრიქონსა თუ სტროფზე... და ლექსის მთელი პოეტური ქნერგიაც ამ წერტილში იყრის თავს.

თავისი სოციალური მიდრეკილებით, თავისი პოეტური მსოფლმხედველობის რეალისტური ნაკადით გ. ტაბიძე შინაგანად უუჭველად შემზადებული იყო რევოლუციური ქარტახილების პოეზიისათვის, იმისათვის, რომ თვითმპყრობელობის დანგრევისთანავე ემდერა მგზნებარე პიძნი თავისუფლებისა — „დროშები ჩქარა“, რომ დიდი ოქტომბრის სოციალისტური რევოლუციის უშუალოდ დამსწრეს საქართველოში მოეტანა „სიძლერა ქვეყნის გადარჩენისა“, რომ გაბედულად ეთქვა: „ახალ გრიგალებს ვსწირავთ სიცოცხლეს, ჩვენ, პოეტები საქართველოსი“.

და პოეტმა, რომელსაც წინათ ფლობდა გრძნობა ძალთა, საგანთა, ადამიანთა ღრმა გათიშულობისა, სოციალისტური რევოლუცია განი-



ცადა არა მარტო ძველი ქვეყნის რღვევად, არამედ ცხოვრების ახალ, მდიდარ და მთლიან ფორმათა შემოქმედებად, „მსოფლიო ორკესტრად“, მილიონთა კოლექტიური აზრისა და ნებისყოფის დიდებულ მოქმედებად.

ქვეყნის რევოლუციური განახლების პათოსით არის გამსჭვალული პოეტის პოემები და ლექსების ციკლი: „ჯონ რიდი“, „ეპოქა“, „პაციფიზმი“, „პრესა“, „რევოლუციური საქართველო“. ამიერიდან პოეტისათვის ინდივიდუალიზმი შეუთავსებელი ხდება მშვენიერების, როგორც ცხოვრების პარმონიულობის და სისახის მართალ გრძნობასთან.

მოსპო რა ადამიანზე ადამიანის ბატონობის ყველა საფუძველი, რევოლუციამ მოხსნა ადამიანის ბედის ტრაგიკულობა. ჩვენმა პოეტმაც ღრმად შეიცნო ადამიანის ტრაგიკული ბედის საზღვრების გადალასვა, მან რევოლუციაში დაინახა ბორკილახსნილი ამირანი.

„გადაილასა მიუდგომი საზღვრები ბედის,  
კაცობრიობის ცხოვრებაში სიცოცხლე შედის  
ჯანსაღ, მშვენიერ, სრულყოფილი ადამიანის“.

პოეტს უკვე ღრმად სწამს, რომ ახალი ეპოქა აწესრიგებს ადამიანთა მოქმედებას და სწორედ ეს წესრიგი აჩვენებს ადამიანებს იმ ნათელ ურთიერთობასა და დამოკიდებულებას, რომელიც მათ საშუალებას აძლევს თავისუფლად დაამკვიდრონ თავიანთი ჭეშმარიტი ადამიანური ძალები ცხოვრებისა და ბუნების ახალ ფორმებში. და პოეტსაც სამშობლო ქვეყნის ბუნების წიაღში ახლა უკვე მიჯაჭვული ამირანის გოდება კი აღარ ესმის, არამედ ხედავს, რომ აქ „სხივ-მოსხილი და მოლექსე დამკვიდრდა ადამიანი“, რომ მილიონთა შეგნებაში მტკიცედ იკიდებს ფეხს შემოქმედებითი შრომის, სიცოცხლის დამკვიდრებისა და სოციალური ოპტიმიზმის სულისკვეთება.

„გაცოცხლებულა ირველიე უოველი,  
მფეთქაეი ძალა არეს აფენია,  
სულ რომ არ იყო ქვეყნად ღიმილი,  
შეხედე, ასლა რაოღენია!“

პოეტი ადამიანის ტრაგიკული ბედის პოეტური მსოფლშეგრძნებიდან რადიკალურად გადავიდა გამარჯვებული ადამიანის — გათავისუფლებული ამირანის პათოსზე. ეს პათოსი ფეთქავს მის ახალ ლექსებში. ზოგი ფიქრობს, რომ პოეტის ორგანული სამყარო მხოლოდ მის „ატმის ყვაილებსა“ და მის „ვერხვებშია“, მაგრამ ამ შეხედულების სრულ უსაფუძვლოებას ცხადყოფენ გალაკტიონის ახალი ლირიკული შედევრები, სავსენი ჩვენი ეპოქის ძლიერი სუნთქვით.

მაინც რაშია პოეტის ადრინდელი ლექსების ძალა?

წარსულის ყველა საზოგადოებრივი ფორმაცია სოციალურ უთანასწორობაზე იყო დამყარებული. ამიტომ ადამიანის ტრაგიკულ გრძნობებს კაცობრიობის წარსულში განუზომლად უფრო ვრცელი და ხანგრძლივი ისტორია აქვთ, ვიდრე სოციალური ჰარმონიისა და პედნიერების გრძნობებს... და გასაგებია, რომ დიდი ტალანტის პოეტმა ისეთ სოციალ-პოლიტიკური ვითარების დროს, როდესაც ადამიანის ტრაგიკული გრძნობების განსაკუთრებული გამძაფრება მოხდა, დიდი პოეტური ძალით გამოსატა ეს გრძნობები.

იმ ახალი სოციალური გრძნობების სფეროში კი, რომლებიც სოციალისტური საზოგადოებრივი ურთიერთობის პირობებში ვითარდებიან, ადამიანთა გამოცდილებაც და ემოციური შრეებიც საკმაოდ ახალი წარმოშობისანი არიან. მიუხედავად ამისა, გალაკტიონ ტაბიძე უდიდესი პოეტური ძალითა და გულწრფელობით გამოსატავს საბჭოთა პატრიოტიზმის, სოციალისტური ჰუმანიზმისა და კოლექტივიზმის ამაღლებულ გრძნობებს, აქაც სმირად პოეტი გვანცვიფრებს თავისი ვირტუოზული ლექსით, მოულოდნელი და ტევადი პოეტური სახეებით.

გალაკტიონის ლექსებში ყოველ ფრაზას, ყოველ თქმას თავისი განუმეორებელი მელოდია ასახიათებს. ამაშია გრძნობათა და განწყობილებათა გამოსატვის იმ უძლიერესი ოსტატობის ერთი საიდუმლოებაც, რაც გალაკტიონ ტაბიძის ლექსებს უჭკნობი მშვენებით ავსებს. თუ პოეზიას, საერთოდ, კერძოდ კი ლირიკულ პოეზიას, შეგვიძლია ვუწოდოთ გრძნობათა მეცნიერება, გ. ტაბიძის პოეზია ამ მეცნიერების ერთი უბრწყინვალესი მიღწევაა.

ზოგჯერ ჩვენ ვერ გავიზიარებთ პოეტის ადრინდელ გრძნობებსა და განწყობილებებს, კიდევაც უარყოფთ და უკუუვადებთ მათ, მაგრამ შეუძლებელია არ მოგვხიბლოს ამ გრძნობათა გამოსატვის უდიდესმა პოეტურმა ძალამ.

ჩვენ არ შეგვიძლია არ უარყოფთ სევდის, უიმედობის, საზოგადოებრივი აპათიის განწყობილება გამოსატული ლექსში „თოელი“, მაგრამ არ შეგვიძლია არ ვიგროძნოთ პოეტური მუსიკის, პოეტური ფერწერისა და პლასტიკის შესანიშნავი შერწყმა ამ განწყობილების კამოსახატავად:

„ქირუასო! ვხედავ... ვხედავ შენს ხელებს  
უღონოდ დახრილს თოელთა დაუნაში.  
ილეებს, ქრება და კელავ ილეებს  
შენი მანდილი ამ უღაბნოში“.

თითქოს გავყურებთ თოელიან უღაბნოს, რომლის უდაბურებას ძლიერებს საოცარი პოეტური ფაქტურა — მანდილი ხან რომ გამო-

წინდება და ხან რომ ქრება... მწუხარების და მარტოობის რა ღრმა წყდომაა ფუნჯის ამ მოსმაში.

თავისი პოეტიკის მდიდარ არსენალს, ნაცად პოეტურ ხერხებს პოეტი კარგად იყენებს საბჭოთა ადამიანების, გრძნობათა ორგანიზაციისათვის.

რა ღრმად და რა მოულოდნელი პოეტური ხერხებით გადმოგეცა პოეტმა დიდ სამამულო ომში საბჭოთა ხალხის გამარჯვების დიდი სიხარული პატარა ლექსში „ღრუბლები ძაუგთან“.

„მე კავკასიის ქედები მთხოვერ,  
მე მთხოვე მუსიკა თერგის სმურის,  
ეუსმანო ჟაზბეგს, ჰევის ბუხოვენს —  
აგუგუნება კაიშაურის.  
იმ დღეებს ჰეგლი უნდა აეუგო,  
უნდა აღეშარათო წყებათა-წყება,  
ეთ აღიშართა შენთან, ძაუგო,  
გამარჯვებათა ჩვენთა დაწყება“.

აქ თითქოს გამარჯვების ხელთუქმნელი მელოდიაა დაჭერილი. ტალანტის ერთი შესანიშნავი თვისება ისიც არის, რომ იგი უაღრესად ამცირებს მანძილს სათქმელსა და თქმას შორის.

ათასი რიტორიკული მტკიცება სამშობლო კუთხის სიყვარულისა, ათასი პათეტიკური აღწერა სამშობლოს თვალწარმტაც მთებისა და ტყეების, მდინარეებისა და მინდორელების იმ ღრმა ადამიანური გრძნობის შეათახედსაც ვერ დაიტყვედა, რაც გ. ტაბიძის თუნდაც ერთ პატარა, მეტად პოპულარულ ლექსშია გამოხატული:

„წყალტუბოლან ქუთაისში  
მამაჟალო ქარო  
თუ მაისის ქუთაისმა  
გკითხოს, ვინა ხარო.  
უპასუხე, რომ სუნთქვა ხარ,  
არ უთხრა კი — ვისი,  
ისეც იგრძნობს ქუთაისს,  
ჩემი ქუთაისი!“

აქ პოეზია მეტყველებს თავისი საკუთარი ენით, ვითარებად, სურათად, მოქმედებად ქცეულ გრძნობათა ენით. მაგრამ აქ გრძნობა და აზრი გამოსახვის საშუალებებზე კი არ არის მორგებული არამედ გამოსახვის საშუალებები შერწყმულია გრძნობასა და აზრთან.

თითქოს ჩვენი სულის სიღრმიდან ამოუზიდავს პოეტს საბჭოთა პატრიოტიზმის მგზნებარე გრძნობა და მშვენიერ, ნათელ ლექსში გაუმყდვენებია. ამიტომ გვაღელვებს და გვისიბლავს იგი:

„მშობლიურო ჩემო მიწაჲ,  
შენს საყვარელ სახელს ვფიცავ,  
რომ დაეცაჲ შენს მიღწეებს,  
შენი ღროშის ფერს დავიცაჲ“.

მკითხველს სახსებით სამართლიანად სურს, რომ ხელმისაწვდომად ქონდეს გალაკტიონის მშვენიერი ლექსები.

და აი, ჩვენ წინ გვიდევს „გალაკტიონ ტაბიძის რჩეული“, ტექნიკურად საკმაოდ კარგად გამოცემული სახელმწიფო გამომცემლობის მიერ 1954 წელს. ჩანს, შემდგენელს ბ. ჩიქობავას სიყვარულით უშრომია. ეს ძლიერ კარგი საქმეა, რადგან, რა უცნაურიც არ უნდა იყოს პოეტისათვის, რომელიც მტკიცედ მოითხოვს, „ნუ მიატოვებთ ლექსს უთეისტომოდ“, მიაწერეთ ლექსს თარიღიო, — თვით მისი ლექსების დათარიღება არც თუ კარგად არის მოგვარებული. ვიშეორებთ, ამ მხრივ ეს რჩეული გამოირჩევა.

1955

### დიდი პოეტის პატარა კრებული

წიგნების თარო. რა მეტად ჩვეულებრივი და ყოველდღიურია იგი დღეს. ასლა იგი თითქმის ყველა ბინაში, ყველა ოჯახში არის, არსად მას მოულოდნელობის ნატამალიც არ ახასიათებს. მაგრამ რა დიდებული და ძვირფასია იგი სხვა ნივთთა შორის. რამდენი ფიქრისა და აზრის, რამდენი ვნებათაღელვისა და გრძნობათა ფორიაქის, სიცოცხლისა და სიკვდილის, სიხარულისა და მწუხარების, სიყვარულისა და მძულვარების, რამდენი სახისა და ფერის, რამდენი გრიგალისა და მესთატეხის საბუღარია. თითქოს უსულო წიგნების ეს დამტკვერილი ქორედეები, ყოველივე ის, რაც უწვავი, უჭკნობი, უძლეველი და უკვდავია კაცობრიობაში, შეხიზნებია ქაღალდის ამ გახუნებულ ფურცლებს, რომელთაც საკმარისია მცირე ალი წაელამუნოს, რომ ფერფლად იქცეს...

მერე რა საამო სასმენი და წარმტაცია ძახილი თუ ჩურჩული წიგნების თაროდან, ხან ერთი სტრიქონი დაგიძახებს, ხან — მეორე, ხან ერთი გმირი გაგეხმაურება, ხან — მეორე, ხან ლექსი, ხან ნოველა, ხან მოთხრობა, ხან რომანი. და ვინ მოთვლის რამდენი, ვინ და რამდენი რა.

პირადად მე ასე მგონია, არასდროს სულიერად ისე ამაღლებული არა ვარ, როგორც იმ დროს, როდესაც წიგნის თაროს სხვადასხვა კუნჭულიდან მესმის ავთანდილის სიმღერა-ვედრება ან ნესტანის უსტარი, ბედის საზღვარს იქით მისწრაფებული მერანის თქარუნხ ან

ბუნების ტრავიკული მესაიდუმლის — მინდიას ჩივილი, ნადირობის სცენის ხმაური უკვდავი რომანიდან ან დროთა დარღვეული კაეპით-რით შემრწუნებული ჭაბუკის მონოლოგი, დონელი ბობოქარი კაზაკის ომახიანი ხმა ან წყვილიადთან და ქარიშხალთან შელეწილი მფრინაის — ფაბიენის გულისძგერა...

რამდენი ვინ და რამდენი რა!

რა სასიამოვნო და სასიხარულოა, როდესაც ყურით კი არა, სულით ან გულით ისმენთ წიგნების უხმო ძახილს, წიგნების ჩურჩულს. და რა კარგია, როდესაც ამ წიგნებს ემატება ახალი, სასურველი და წარმტაცი წიგნი.

ქართველი მკითხველი გაახარა გალაკტიონის მომცრო კრებულმა, ამას წინათ, „საბლიტგამმა“ რომ გამოსცა და „ასი ლექსი“ ეწოდება. გადაშლით და პირველი გვერდიდანვე რაღაც განუშეორებლად წარმტაცი სიმღერისა და სილამაზის ვერცხლის ძაფს იჭერთ და გინდათ დაუსრულებლივ მიჰყვეთ მას.

კრებული შედგენილია სიყვარულით და იმ მიზნით, რომ მკითხველს შესაძლებლობა ჰქონდეს სახელდახელოდ იპოვოს პოეტის ლირიკული შედევრების ნიმუშები, ისეთები, მაგალითად, როგორიცაა: „მთაწმინდის მთვარე“, „ატმის ყვავილები“, „თოვლი“, „მამული“, „ვერხები“, „მშობლიური ეფემერა“, „ლურჯა ცხენები“, „სილაყვარდე ანუ ვარდი სილაში“, „შემოდგომის ფრაგმენტი“, „ცაპეტი წლის ხარ“, „მე და ღამე“, „მერი“, „გურიის მთები“, „რომელი საათია?“, „დროშები ჩქარა“, „განახლდა გული“, „გემი დაღანდი“, „მშობლიურო ჩემო მიწავ“, „ჩემი ქუთაისი“, „ჩვენ პოეტები საქართველოსი“, „იმ დღეებს ძეგლი უნდა ავეუგო“, „ჩემი სიმღერა“ და სხვა.

მაგრამ კრებული უნაკლოდ შედგენილი როდია. გული გეთანადრებათ, რომ აქ ვერ პოულობთ მთელ რიგ მშვენიერ ლექსებს, გასხივოსნებულთ ნამდვილი დიდი პოეზიით. გაუგებარია, მაგალითად, რატომ არ შევიდა კრებულში ცნობილი ლექსი „აკაკის ლანდი“ ანდა „საღამო“ ან კიდევ საუცხოო ლირიკული ქმნილება „დაბრუნება“, რომლის ცნობილ სტროფში სამშობლო მთების ფერთა ისეთი ჟღერადობაა მიგნებული, რომ სამშობლო ქვეყნის უძმაფრეს გრძნობას აღვიძებს.

საღამოს ლანდები, ეით ბინდი ნიავის,  
მიღამოს სღებია.

გინასაეთ თქვენ ფერი დაბინდულ ქლიავის?  
ეს ჩემი სამშობლოს მთებია.

ასეთი საყვედურები კრებულის მიმართ შეიძლება განვაგრძოთ... და ეს ერთხელ კიდევ ადასტურებს, რომ რიცხვი „ასი“ სრულიადაც

არ არის საკმაო დიდი პოეტის შემეკვიდრეობის ყველა პოეტური თვალმარგალიტის დასატყევა.

საესებით მართალია ირაკლი აბაშიძე, როდესაც კრებულის მოკლე წინასიტყვაობაში წერს: „...გალაკტიონ ტაბიძეს ბევრი რამ ანათესავენს ნიკოლოზ ბარათაშვილთან... თუ ნიკოლოზ ბარათაშვილმა მეცხრამეტე საუკუნეში ქართული პოეზია აღმოსავლური მუსამბაზების გავლენას გამოსტაცა, გალაკტიონ ტაბიძემ მეოცე საუკუნის დასაწყისში იგი პროვინციული შესლუდულობის, დაკნინების, იდეური და ფორმალური დაცემის გზას ააცდინა და მოწინავე ევროპული და რუსული თანამედროვე ახალი პოეზიის სიმაღლეზე ასწია.

მეცხრამეტე საუკუნის ახალ ქართულ პოეზიას სათავე ნიკოლოზ ბარათაშვილმა დაუდო. მეოცე საუკუნის ახალ ქართულ პოეზიას სათავე გალაკტიონ ტაბიძემ დაუდო“.

სხვადასხვა ეპოქის ამ ორ დიდ პოეტს ანათესავენს მძაფრი დრამატიული ვრძნობა სამყაროსადმი დამოკიდებულებაში.

გავიხსენოთ თუნდაც სულ მცირე მაგალითი მათი პოეტური სიახლოვისა.

ორი მთაწმინდის მთვარე, ორი პოეტური ხილვა, რა დიდად განსხვავებული და რა ხაოცრად ნათესაური.

„კინასათ სული, ჯერეთ უმანკო, მხურვალე ლოცვით მიქანცებული?  
მას კგაედა მთვარე, ნახად მოარე, დისკო-გადასრით შუქმიბინდული“.

„ჯერ არასდროს არ შობილა მთვარე ასე წყნარი!  
მღუმარებით შემოსილი შეღამების ქნარი  
ქროლვით იწევეს ცისფერ ლანდებს და ხეებში აქსოეს,  
ასე ჩუმი, ასე ნაზი ჯერ ცა მე არ მასსოეს“.

უდავოა, რომ გალაკტიონ ტაბიძე — უმძაფრესი ვრძნობებისა და უდიდესი, განუმეორებელი ნიჭის პოეტი — ასრულებდა უპირველეს როლს ქართული პოეზიის განვითარებაში საუკუნის დამდეგიდან ჩვენს დღეებამდე. მისი პოეზიის სათავეები დადებულია ქართველი ხალხის 1905—1907 წლების პროგრესულ-რევოლუციურ მოძრაობაში. ამ მსრივ დამახასიათებელია პოეტის განწყობილება, გამოსატყეველი ერთ-ერთ მის ადრინდელ ბრწყინვალე ლექსში — „გურიის მთები“. პოეტი შეჰყურებს ამ მთებს, მათ შორის ცნობილ ნასაკირალს, შეჰყურებს „განახლების თვალთ მსირალ“ სოფლებსა და ისიბლება მათი სიმღერის ძალით, მათი ბრძოლის ჟინით.

„ჩუმად! ვილაც მღერის მთაზე... რა ძალაა ამ ტკბილ ხმაში!  
არსად ისე არ მღერიან, როგორც აქ, ამ ქვეყანაში,

არსად, არსად არ არსებობს ბრძოლის უინი, ბრძოლის  
ქარი,  
არსად ისე არ გადმოხეთქს უკმარობის ნიაღვარი“...

აი, სწორედ ეს უკმარობის გრძნობაა ყველაზე ორგანული პოეტი-  
სათვის. იგი სისავისა და სრულყოფილების მაძიებელი პოეტია  
და იტანჯება ყოველივე ნაკლულობით. ეს გრძნობა განაწყობდა მის  
სულს იმისათვის, რომ განსაკუთრებული სიმძაფრით განეცადა ეპო-  
ქის ტკივილები, პირქუში სინამდვილის ღრმა წინააღმდეგობათა და-  
წოლით პოეტის მგზნებარე სული ეძლეოდა სეედასა და ნადველს  
იმის გამო, რომ უკმარი იყო თავისუფლება, ბედნიერება, მშვენიე-  
რება და ჰარმონია ცხოვრებისა. და იბადება სიმღერები მიჯაჭვული  
ამირანის კენესასა და ტანჯვაზე, მთაწმინდის მთვარისა, სეედიან  
გედსა და ოცნებათა ლურჯ იალქნებზე, ქარით გაწამებულ ატმის  
ყვავილებზე, მამულზე, სადაც წინაპართა აჩრდილები მწუსარებით  
და სინანულით ავსებენ სულს, სატრფოს უბედურ ჯვარისწერაზე,  
მიუწვდომელ სინათლეზე, ვერხვის ფოთოლთა თეთრი ლაშქრის  
უშორეს ზღაპრად შრიალზე, ქარზე, რომელიც არ ჩანს, მაგრამ მაინც  
ედება მწვერეალებს, მუსაზე, რომელიც პირველი სეედა ალიონს,  
ლურჯა ცხენებზე, უსულგულო დღეების ორომტრიალში რომ მიჰ-  
ქრიან უსასრულეთში, ბედთან შეურიგებლობაზე, დამეებთან რჩო-  
ლაზე... იბადებოდა მშფოთვარე და ტკივილებით სავსე სიმღერები,  
ხშირად მეტად სეედიანი და მწუხარენი, მაგრამ მშვენიერნი გრძნო-  
ბათა გამოსატყვის სრულყოფილებით, ემოციური დამაბულობით, წარ-  
მტაცვი შინაგანი მელოდიურობით. ამ მშვენიერი ქმნილებებით პოე-  
ტი თითქოს ახშობდა იმ პირგასხნილ უფსკრულთა შეგრძნებას, რო-  
მელთაც იგი სეედავდა არსებულ სამყაროში.

ეჭვი არ არის, რომ გალაკტიონის ადრინდელ შემოქმედებაში  
საკმაოდ ძლიერი იყო სიმბოლისტური პოეტიკის ნაკადი. მაგრამ.  
როგორც ყოველი დიდი შემოქმედი, გალაკტიონი მიდიოდა თავისი  
საკუთარი და განუმეორებელი გზით. არსებითად მისი შემოქმედება  
იმთავითვე შორს იდგა დეკადანსისათვის დამახასიათებელი საშინე-  
ლი და შემადრწუნებელი ხილვებისაგან, სიმახინჯის პოეზიისაგან,  
დაშლისა და რღვევის გრძნობათაგან, პორნოგრაფიისაგან ...თავისი  
განწყობილებით თვით უადრესად სეედიან და იმედწარკეეითლ ლექ-  
სებშიც კი გალაკტიონი პოეტური ნივთის ისეთ ნათელ ქსოვილებს  
აკეთებს, ფერთა და მელოდიათა ისეთ ნატიფ შესავეებას ქმნის, რომ  
ლექსი მთლიანად, როგორც მშვენიერი ქმნილება, ჩრდილავს თავი-  
სივე განწყობილებას.

„ქვირფასო! ხული მეესება თოელით.  
ღლეები რბიან და მე ებერდები  
ჩემს სამშობლოში მე მოველე მსოლოდ  
უღაბნო ლურჯად ნახვერდები.

ოპ! ასეთია ჩემი ცსოვრება,  
იანვარს მოქმედ არ ვეძნელები,  
მაგრამ მე მუდამ მემასსოვრება  
შენი თოვლივით მკრთალი ხელები.

ძვირფასო! ესედაე.. ესედაე შენს ხელებს,  
უღონოდ დახრილს თოვლთა დაფნაში.  
იელვებს, ქრება და კელაე იელვებს  
შენი მანდილი ამ უღაბნოში...“

სატრფიალო ლირიკაში მთელს ქართულ პოეზიაში ბევრი არ შეიძლება მოიძებნოს ქალისადმი ისეთი რომანტიკულად ამაღლებული, ფაქიზი, წმინდა და კდემამოსილი დამოკიდებულების მაგალითი, როგორცაა გალაკტიონის პოეზიაში. თვით „მესაფლავეში“ — პოეტის ამ ერთ-ერთ ადრინდელ მწუხარე ლირიკულ ამბავში — სიყვარულის წარმატების შესახებ, არაფერია უხეში და ქვეწადიერი, რამაც შეიძლება ჩრდილი მიაყენოს ქალის ადამიანურ ღირსებას.

გალაკტიონი ყოველთვის ისწრაფვის ლექსის ფორმალური სრულყოფისაკენ, მაგრამ ფორმალისტური მის პოეზიაში არაფერია. ხელოვნებაში ყოველგვარი ფორმალიზმი არსებითად ხომ გამოდის არა უშუალო გრძნობათა და აზრთაგან, არამედ რაიმე წინასწარ ადებული ფორმალური სქემისაგან. პოეტი კი, რომელიც წერდა სისსლის წვეთით, წერდა სასოებით, სულ ერთთავად უშუალო, მოულოდნელი და ღრმად ემოციური.

გალაკტიონი შეურიგებელ წინააღმდეგობაში იყო ძველ ქვეყანასთან და ხშირად მას აღმოსდებოდა ხოლმე გარემომცველი წყვედი-ადით გაწამებული ხულის კენესა.

„ღმერთო, როგორ მოხდა, წეიმა მოსისხარი  
თითქოს შუწყვეტი კუპრის ნაკაღია,  
აღარ გათენდება ღამე საზიზღარი!  
რომელი საათია? რომელი საათია?“

მართალია, პოეტს ზოგჯერ ეგონა, რომ „საშველი არ არის“, მაგრამ მას არასდროს არ დაუფლებია იმ სინამდვილესთან შემარიგებელი და დამამშვიდებელი ხულიერი კავშირის გრძნობა. ძველ ქვეყანაში პოეტს არაფერი გააჩნდა ისეთი, რასაც იგი ვერ დასთმობდა და ზურგს ვერ შეაქცევდა და ამიტომაც იგი ასე გაბედულად, ასე უყოყმანოდ — თავისი განსაკუთრებული პოეტური გზით მივიდა ახალ ქვეყანასთან და გახდა მისი მომღერალი. ამ ახალ ქვეყანას პოეტი განი-



ცდის არა მარტო როგორც ადამიანთა საზოგადოების გათავისუფლებას საუკუნებრივ სოციალურ ბოროტებათაგან, არამედ საზოგადოების იმ ძალთა გათავისუფლებაც, რომლებმაც უნდა იმუშაონ საერთოდ ადამიანთა ყოფიერებასა და მთელ სამყაროში არსებულ უსრულობათა ამოსავესებად, გამოსასწორებლად. პოეტი ხარობს მით, რომ სედავს თავისუფალ ადამიანს — აშეებულ, ჯაჭვებ-შემომსხვრეულ ამირანს და სიხარულის ამ გრძნობას ერთგვარი პოეტური ჰიპერბოლითაც გამოხატავს — „სულ რომ არ იყო ქვეყნად ღიმილი, შეხედეთ ახლა რაოდენია“-ო. მაგრამ უკმარისობის გრძნობა პოეტს მუდამ წვაავს. არასდროს არ ნელდება მისი წყურვილი სისხვისა, სრულყოფილებისა.

ცხადია, ბევრი რამ იმ სამყაროდან, იმ განწყობილებიდან, რომლებიც გალაკტიონ ტაბიძის პოეზიაში აისახა, წარსულში გადავიდა და გადავა, მაგრამ ის, რაც პოეტმა შექმნა, საუკუნეებში იცოცხლებს. მარტოდენ პურიტ როდი არსებობს ადამიანი. მის სულს, არა ნაკლებ ვიდრე მის სხეულს, ესაჭიროება საზრდო. მშვენიერების განცდა სულის ერთ-ერთი მთავარი მოთხოვნილებაა.

გალაკტიონის ლექსებში ადამიანის სულის მოძრაობის იმდენი სიმართლე, სილამაზე და სინატიფაა, რომ გჯერათ ამ სიმართლის, სილამაზისა და სინატიფის და არ გჯერათ ადამიანის სიცოცხლის უშიზნობის მოტივისა, რაც აქა-იქ გაისმის სოლჟე პოეტის ადრინდელ ლექსებში; ანდა როგორ უნდა დაოჯეროთ უშიზნობა ადამიანის სიცოცხლისა, რომელსაც ძალუძს შექმნას ისეთი გარდუვალი ღირებულებანი, როგორიცაა თუნდაც თვით პოეტის მშვენიერი ლექსები.

ისევე, როგორც ხელოვნების ყოველი ჰუმანარტი ნაწარმოებზე, გალაკტიონის უკეთესი ლირიკული ქმნილებანი, უკვე იმ მოვლენებისა და განწყობილებებისაგან დამოუკიდებლად, რომლებმაც წარმოშვეს ისინი — იქცნენ წარუხოცველ მხატვრულ-ესთეტიკურ ფაქტებად.

გალაკტიონი არასდროს არ მოწყვეტია მრავალსაუკონოვანი ქართული პოეზიის უკეთეს ტრადიციებს, იგი გაბედულად აგრძელებდა და ავითარებდა მათ. მაგრამ ამავე დროს პოეტი უხვად ამდიდრებდა თავის შემოქმედებას ევროპული და რუსული პოეზიის გამოცდილებით. ეს კი არამც თუ არ ანელებდა მისი პოეზიის ეროვნულობას, არამედ, პირიქით, აღრმავებდა და აფართოებდა მას. ნამდვილად კი სწორედ ეროვნული შეზღუდულობა, რაც კულტურათა ურთიერთგამდიდრებას გამოთიშავს, აღარბეჭდს და ნამდვილ ეროვნულ თვითმყოფობას უკარგავს მხატვრულ შემოქმედებას.

მარტო ის, რომ გალაკტიონი ასე კარგად, ასე ძლიერ გრძნობს ქართული ენის ყველა საუნჯეს, გრძნობს მთელ მის ემოციურ-გამო-

მსახველობით ძალას და შეუძლია ეს ძალა შესანიშნავად გამოიყენოს, — მოწმობს პოეტის მტკიცე ნიადაგობრივობას.

ბევრი რამ არის ნოვატორული გალაკტიონის პოეზიაში, მაგრამ მათი გარკვევა სპეციალური გამოკვლევის საქმეა. საერთოდ პოეტის მდიდარი მემკვიდრეობა მოელის საფუძვლიან, ყოველმხრივ განხილვას, ღრმა იდეურ-ესთეტიკურ ანალიზს. მით უმეტეს, რომ ამ მემკვიდრეობის ღრმა ემოციურობისა და მომხიბვლელი ოსტატურობის გამო ახალგაზრდობა ხალხით სწავლობს საყვარელ პოეტისაგან... დიას, მისგან უნდა ვისწავლოთ, — ეს უეჭველად სასარგებლო იქნება, ვისწავლოთ წერა, სისხლის წვეთით, წერა სასოებით, ვისწავლოთ შექმნის ოსტატობა და ქმნილებაში მთელი გულის ჩადება.

ჩვენს ხალხს უყვარს პოეტის ლექსები. ისინი ახარებენ, ახალი-სებენ და პოეტური შემოქმედების სიმშვენიერეს აზიარებენ მას.

1960

## აკაკი და გალაკტიონი

ეს ასეა ხოლმე:

დიდი ხელოვანები იმდენად სრულყოფენ თავიანთ ხელოვნებას, იმ სიმაღლეზე ასწევენ მას, რომ თითქოს მთელ მის შესაძლებლობას ამოსწურავენ. ასე გგონიათ, რომ მომდევნოებს ხელოვნების ამ დარგში საკეთებელიც აღარაფერი რჩებათ: უკეთეს შემთხვევაში, ნიჭიერ მიმბამველებად უნდა გალიონ თავიანთი დღე და მოსწრება... ან არადა ახალი გზები უნდა გაკვალონ.

აქ ილუზია და ნამდვილობა გადაწულია ერთმანეთში.

მართლაც, უკედავი რუსთველის შემდეგ ხომ ბევრი ნიჭიერი ქართველი შეეჭიდა ქართულ პოეტურ სიტყვას, მაგრამ, არსებითად, ვერც ერთი „ვეფხისტყაოსანის“ დიდ ჩრდილს ვერ გასცდა, სანამ გურამიშვილმა ამ ჩრდილში საჭიატოს არ მიაგნო და ქართულ ლექსს ახალი სასუნთქავი არე არ გაუჩინა. მერე ის იყო, რომ „მერანის“ ჭაბუკმა, მაგრამ ბედუკუდმართმა ავტორმა ქართულ მუზას უძლიერესი და უმშვენიერესი ფრთები შეასხა და ახალ მწვერვალზე ასტყორცნა. ეს მწვერვალი შემდეგ ახალ მწვერვალებად აზიდეს ილიამ, აკაკიმ, ვაჟამ და ქართული ლექსის ნექტარი თითქოს სულ მთლად ამოსწოვეს. იმას, რაც მათ იმღერეს და როგორადაც იმღერეს, უკეთესად ვედარავინ იმღერებდა. საეჭვო იყო, რომ გაუნედლებლად ქართული პოეზიის ხეს კვლავინდებურად მოესხა ნაყოფნი მშვენი-

ერნი. ლექსის დაწერა შეიძლება ყველამ მოახერხოს, მაგრამ ახალი პოლარული სამყაროს აღმოჩენა რჩეულთა ხედვრია.

პირველი კი იმათ შორის, რომელთაც წილად ხედათ ქართული ლექსის განედლება-განახლება, უეჭველად იყო გალაკტიონი. რასაკვირველია, ამისათვის მომწიფებული იყო ობიექტური ნიადაგიც, რომლის გარეშე ვერც ერთი გენიოსი ვერ მოახდენს რაიმე საგულისხმო ძვრას საერთოდ კულტურის, კერძოდ კი პოეტური კულტურის სფეროში.

გალაკტიონმა წინამურის ტრადიციას ქართული პოეზიის ერთი დიდი ეპოქის დასასრული უწოდა:

„წინამურში რომ მოკლეს ილია,  
მაშინ ეპოქა გათავდა დიდი“.

მართალია, ამის შემდეგაც ქართული პოეზიის ორი ტიტანი — აკაკი და ვაჟა რამდენიმე წელს კვლავ ამდიდრებდნენ ერის საგანძურს ძვირფასი თვალმარგალიტებით, მაგრამ მათი პოეზიის მწვერვალი უკვე ადრევე იყო მათ მიერ დაპყრობილი. და სწორედ იმიტომ, რომ ეპოქის ინტელექტუალური და ემოციური შინაარსი მომწიფებული იყო ამისათვის, გალაკტიონმა ქართული პოეტური ხელოვნების საძირე ნერგებს ვეროპულ-რუსული პოეზიის სიახლენი დაამყნა და ქართული ლექსის ჯიში განაახლა: ამ განახლების ერთ-ერთი არსებითი ნიშანი მდგომარეობდა იმაში, რომ, თუ აქამდე ქართული ლექსი დამყარებული იყო სიტყვის, ფრაზის, სახისა და სურათის ზუსტსა და პირდაპირ მნიშვნელობაზე და ამ მნიშვნელობასთან შეთანხმებულ მუსიკალობაზე, გალაკტიონმა სიტყვას, ფრაზას, სახესა და სურათს ერთგვარად მოხსნა ლოგიკური სიმკაცრე და ლექსი უმთავრესად მათს ასოციაციურ-ემოციურ კავშირებზე, მათს მელოდიურ ელერადობაზე დაამყარა. ადრინდელი ლექსისათვის, მაგალითად, სრულიად უცხო იქნებოდა ამგვარი პოეტური ასოციაციები და კავშირები:

„შორეული ქალის ემსი  
მოვა... მაგრამ როდის?  
სიყვარული სიცოცხლეში  
მხოლოდ ერთხელ მოდის“

„ამაღლდი, ხულო, თეთრ აკლდამაზე  
მშენიერების ლექსით მქებელი:  
დღეს ყველგან მზეა და სილამაზე  
სიკედლითან ჩემი შემრიგებელი“

„აყვე კიბეებს — საღაც სფინქსი ქვევს ეფარება  
და შიშში გრძნობდე, რომ ასლო ბედნიერება, —

ო! რამდენია სიცოცხლეში ასეთი წამი!  
სულში გენიით ატესალი რეკავს ლერწამი,  
და ვან-დეიკის ლანდებივით მწვანდება ღამე...  
ო! რამდენია, რამდენია ასეთი რამე“.

„მე ძლიერ მიყვარს იისფერ თოელის  
ქაღწულებივით ხიდიდან ფენა;  
მწუსარე გრძნობა ცივი სისოვლის  
და სიყვარულის ასე მოთმენა“.

რა იყო ეს? ეს სომ არ ნიშნავდა აკაკის პოეზიის რეალისტური ტრადიციების უარყოფას? არავითარ შემთხვევაში! მართალია, გალაკტიონი ნაყოფიერად დაესესხა სიმბოლისტურ პოეტიკას, მაგრამ აკაკის ესთეტიკური პროგრამაც მისთვის ყოველთვის სისხლსორცეული იყო. ამ პოეტური ნაკადების განვითარებით და გაღრმავებით გალაკტიონმა შეჭველად გააფართოვა ქართული ლექსის მელოდიურ-ემოციური საზღვრები, გაამდიდრა პოეტური მეტყველება, გაამდიდრა მოულოდნელობის ელემენტი პოეზიაში.

საერთოდ, ჩემი აზრით, ესა თუ ის ლიტერატურული მიმართულება ერთგვარი პირობითი ჩარჩოა, რომელსაც ძნელად თუ შეუძლია დაიტიოს დიდი პოეტური შემოქმედების მთელი სიმდიდრე.

ქართულ საძირე ნერგთაგან თავის პოეზიაში გალაკტიონს ყველაზე მეტი აკაკის პოეტური ბაღნარიდან აქვს მოტანილი. მის ბევრ მშვენიერ ლექსში ახლებურად ჟღერენ აკაკისეული მელოდიები, რომლებიც თავის მხრივ ქართველი ხალხის საჭირვარამო სიმღერების სულიდან არის ამოტაცებული. გავიხსენოთ თუნდაც, რა თავისებურ პოეტურ ექსპრესიამია გადაყვანილი აკაკის „საიდუმლო ბარათი“-ს რიტმი ისეთ სრულიად განსხვავებულ ლექსში, როგორცაა „ლურჯა ცხენები“.

მაგრამ საკითხი, თუ როგორ განვითარდა გალაკტიონის შემოქმედებაში აკაკის პოეზიის ტრადიციები, სპეციალურ გამოკვლევას მოითხოვს. აქ კი მე მსურს შევეხო მხოლოდ აკაკის თემას გალაკტიონის პოეზიაში.

ეს თემა გალაკტიონისათვის ერთობ ორგანულია. მას უდრმესად და უგულწრფელესად უყვარს აკაკი და განუმეორებელი პოეტური სიმძაფრით განიცდის მის სიდიადეს, მისი პოეზიის ჩაუქრობელ ნათელს. მთაწმინდის სავანეში აღბათ აკაკის სამარის მიწაც კი არ იყო გამშრალი, როდესაც დაახლოებით 23 წლის გალაკტიონმა უძლიერესი პოეტური წარმოსახვით საყვარელი მგოსნის დიდებული ლანდი გამოიწვია და მის უკვდავ სახელს მშვენიერი ლექსი აუნთო. ამ ნაღვლიანი, მაგრამ ამადლებული სულისკვეთებით გამსჭვალულ ლექსს შევყავართ რაღაც მაღალადამიანური განცდების, სისპეტა-

კისა და სიღიადის ხელთუქმნელ სმყაროში. არა მგონია, ვინმეს —  
პოეზიის მოყვარულს — დაჰზარდეს მისი გახსენება.

მღუმარე მხარეს შორი მთებისას  
დასხარის ღამე და ანდამატი,  
იქ, როგორც ლანდი მწუსარებისა,  
გაპონდა მაღალ პოეტის ლანდი  
თეთრი ჭადარით მოხილი თმებო  
ელაედა ელვის ელვა-ციმციმით  
და მოხიბლული იყო მთიები  
დიდებულ ხახის ღეთაებრივ ღიშით.  
მძიმე და დაღლილ ფეხის ხმას გრძნობდა  
ნელი-ნელ მსვლელი ღრუბელი ჩუმი  
და მოძრაობდა ღამის მნათობთა  
აღელვებული ელიზიუმო.

გრძნობდა თანაბარ მოახლოებას  
განციფრებული და დიდი მთები,  
შეუცნობ-ხშირი შრიალით შეერთა  
მშობლიური ტყის მწვანე ზეირთები.  
მაშინ ბავშვივით მიჩუმდა შქერო,  
შეწყდა მდინარეთ ზეირთების მღერა, —  
მხოლოდ გრაალმა გზა მრავალფერი  
ნაპერწყლის დროშით ააღფერა.  
და ხაიდუმლო შუქით შემოსა  
მიწწარებული გზა იშვიათი:  
ჩუმიად, დაღლილი ხანთლებით მოდის  
მწუსარე ლანდი... მაღალი ლანდი.  
ოჰ! ასეთია დღეს განსაცდელი  
და არ დაგტოვებს პოეტი ობლად  
რომ არ ანთოს იხევე ხანთელი  
დავიწყებული ხატის მახლობლად.  
იქნება ჩვენთვის, იქნება ჩვენში,  
იქნება ჩვენთან მარად და მარად —  
ჩვენი სიზმრების სიღიადემი,  
ჩვენი ფიქრების ღურჯ ნიაე-ქარად.  
მადლს არ მოგვაკლებს და შუქს უხიტყვობს  
მისი, პოეტის, მაღლით ანთება.  
კურთხეულ იყოს, კურთხეულ იყოს,  
კურთხეულ იყოს ეს მოღანდება.

დიდი მგონის ხახიერება ერწყმის მშვენიერების გრძნობას, რა-  
საც უეჭველად იწვევს ლექსის უტყუარი შინაგანი მუსიკა და ესო-  
დენ დიდებული, ესოდენ მრავალმეტყველი სანახაობა — საიდუმლო  
შუქით შემოსილი იშვიათი გზით და დაღლილი ხანთლებით რომ  
მოდის მწუსარე ლანდი დიდებული მოხუცისა. ეს თითქმის ილიახ  
აჩრდილის მსგავსად საქართველოს მარად და ყველგან თანამდევნი სუ-

ლის ამადლებული სახეობაა. ეს განცვიფრებული მთებიც, შეუცნობ-  
ხშირი შრიალით შემკრთალი ტყის მწვანე ზვირთებიც, ბაეშვიეთ  
მიჩუმებული შქერიც, მდინარეთა შემწყდარი სიმღერაც და ციაგის  
ნაპერწყლებით აელფერებული გზაც — ბუნების ეს საოცარი განაბვა  
და გულისცემა, როგორც წარმტაცი პოეტური სურათი, განა რო-  
ვორღაც არ გვაგონებს ბუნების იმ დამაბულ მიყუჩებას, როდესაც  
აეთანდილის სიმღერის სმენად მხეცნიც მოვიდნიან და წყალთაგან  
ქვანიც გამოხსდიან?

მე ვიტყოდი: პოეტურ ხედვათა ასეთი ნათესაური თანაზიარობა  
სავსებით ბუნებრივია პოეტისათვის, ვინც ასე ღრმად განიცდის  
მტიციე შემკვიდრეობითს, კავშირს დიად წინაპართაგან:

„გრიგალია თუ სეტყვაა,  
არ მეშინია მე სხვისა.  
ქართულში გამოხედვაა  
იმ ერთი ვინმე შესხისა“.

„აკაკის ლანდი“ — ეს შესანიშნავი პოეტური სიღვა ცივი გონე-  
ბით არ წაიკითხება. იგი გულით უნდა მოისმინოთ და იხილოთ, რომ  
ნამდვილად ჩაწვდეთ იმ პოეტის მაღალი არსების უღრმეს პოეტურ  
განცდას, ვინაც თქვა: — „ჩემი ხატია სამშობლო, სასატე — მთელი  
ქვეყანა“ და ვინც განსაცდელის უამს ობლად არ დავგტოვებს და ყო-  
ველთვის აანთებს თავისი პოეზიის კაშკაშა სანთელს ამ ხატის წი-  
ნაზე. ამიტომაც იგი „იქნება ჩვენთვის, იქნება ჩვენში, იქნება ჩვენ-  
თან მარად და მარად“. ლექსის ამადლებულ სულისკვეთებას კიდევ  
უფრო აძლიერებს. ძველი ქართული სამკვიდრებელი: „კურთხეულ  
იყოს, კურთხეულ იყოს, კურთხეულ იყოს ეს მოლანდება“.

ლექსი „აკაკის ლანდი“ — დიდი მგოსნის ბრწყინვალე პოეტური  
ძეგლია, რომლის ემოციურმა ენერგიამ, შესაძლოა, უფრო მეტად  
გვაგრძნობინოს აკაკის პოეზია, ვიდრე ცივი გონების ბევრმა ნაყოფმა.

ამ ლექსის დაწერის დროიდან დაახლოებით ოცდახუთი წლის  
შემდეგ გალაკტიონი კვლავ დაუბრუნდა აკაკის თემას უფრო ვრცელი  
მასშტაბით.

მართალია, პოემა „აკაკი წერეთელი“ პოეტური ძალით გალაკტიო-  
ნის ლირიკულ შედეგრებთან ვერასგზით ვერ მივა; აქ, როგორც ჩანს,  
ჰარმონიული შერწყმის ნაცვლად, გონებისმიერმა საწყისმა რამდე-  
ნადმე დაჩრდილა გულისმიერი; თანაც, უნდა ვიფიქროთ, უანრიც  
ვერ მოჰყვა კარგად ხელში პოეტს, რადგან გალაკტიონი, უწინარეს  
ყოვლისა, მთის მდინარესავით მოვარდნილი ლირიკოსია. მაგრამ  
პოემა მაინც ფრიად მნიშვნელოვანი ლიტერატურული ფაქტია, რო-  
მელშიაც იგრძნობა უღრმესი სიყვარული დიდი პოეტისადმი. ეს თა-

ვისებური პოეტური მონოგრაფია საკმაოდ ცხოვლად წარმოგვიდგენს აკაკის შემოქმედებითს პორტრეტს და მისი პოეზიის გაგებაში, შეიძლება ითქვას, თამამად დაუდგება წინ სქელტანიან მონოგრაფიებსაც კი. გარდა იმისა, რომ პოემის ცალკეული ადგილები ძლიერი პოეტური შთაგონებით არის შესრულებული, ფრიად საყურადღებოა მისი ისტორიულ-სოციალური და ეთიკურ-ესთეტიკური კონცეფციაც.

პოემის ზნეობრივ-ესთეტიკური საფუძველი შეიძლება ასე გამოითქვას: ისევე, როგორც ადამიანი ზნესრული, სრულფასოვანი და ღირსეული შეიძლება იყოს მხოლოდ მაშინ, როდესაც იგი მთელი არსებით ეძლევა თავის საქმეს, როდესაც მას გააჩნია ისეთი კაცობრიული მიზანი, რაც მთელი მისი ადამიანური ძალების ამოქმედებასა და ხარჯვას მოითხოვს, პოეტიც, შემოქმედიც მხოლოდ მაშინ ქმნის გარდუვალ სულიერ ღირებულებას, როდესაც უანგაროდ და მთლიანად ეწირება შემოქმედებას, როდესაც მისი ფანტაზია, მისი ნიჭიერება, მთელი მისი ადამიანური ძალები მოქმედებაში მოჰყავს დიდ საზოგადოებრივ მიზანს, ნათელ ზნეობრივ და ესთეტიკურ იდეალს. დიდი შემოქმედება დიდი თავდადებაა. ასეთი შემოქმედი იყო აკაკი.

პოემის შესავალში მოცემულია აკაკის ზოგადი პოეტური დახასიათება. მის უმაღლეს იდეალს შეადგენდა მშობელი ქვეყნისა და მშობელი ხალხის თავისუფლება. ამ იდეალმა და მისთვის უანგარო თავდადების გრძნობამ გაანაყოფიერა აკაკის პოეტური გენია. პოეტმა, რომელმაც „მთები დასდგა მარგალიტების“ და რომლის ჰანგებშიაც დრტვინავს „კაცის თრგუნვილი სული“, ადამიანურ უფლებათა ამაყი შეგნება „შურისძიებად გადაქცეული“.

„ხალხი აირჩია წმიდათა-წმიდად,  
მასში წრფელ გრძნობებს აგზნებდა დიდად,  
მან უმაღლესი მისწრაფებანი  
გასდო მომავლის გზადა და ხიდად“.

აკაკის პოეზია მარადისობის თანაზიარია, მის სიმღერებში ჩქეფს „მარადისი ახალგაზრდობა“. ამიტომ ეს სიმღერა უქრობელ შუქივით გაჰყვება ქვეყნისა და ხალხის მომავალს.

„წარვლიან წელნი. მოვა სხვა ხანა  
და იმ სიმღერით, იმ გმირთა თანა  
იბრძვის, წინ იწევს და ძლიერდება  
ზეშთაგონებით სავსე ქვეყანა“.

საკუთრივ პოემა ჩაფიქრებულაა ორიგინალურად. პოეტი ისწრაფვის სურათებით, პოეტური ჩანახატებით, ლირიკული აღსარებებით, პოეტური თსრობით გვიჩვენოს და გვაგრძნობინოს ის გარე თუ შინა

სამყარო, რომელმაც აწრთო და აღზარდა დიდი მგოსნის გული, გონება და ზნეობა, რადგან დიდი პოეზია უწინარეს ყოვლისა, ადამიანის დიდი გონებრივი, ზნეობრივი და ემოციური ძალების ნაყოფია.

და აი, პოემაც „საქართველოს გზათა თანა“ მისდევს ერთ ცხენოსანს, რომელიც ზმანებაში მოევლინა პოეტს. ცხენოსანის კვალდაკვალ ვხედავთ, ვგრძნობთ, განვიცდით საქართველოსა და ქართველი ხალხის ცხოვრების სხვადასხვა მხარეს — ისტორიასა და ბუნებას, ყოფა-ცხოვრებასა და სულიერ განწყობილებას, ხალხის შრომასა და ბრძოლას, მწუხარებასა და სიხარულს, სიყვარულსა და სიძულვილს, ენასა და სიტყვას, როგორც ხულში გადატანილ სამშობლოს, ოცნებებსა და მისწრაფებებს, იმედსა და უიმედობას — და ყოველივე ამას ექსოვება, როგორც სამშობლოს ხორცი ხორცთაგანი და სისხლი სისხლთაგანი, აკაკის მოქალაქეობრივი და შემოქმედებითი ბიოგრაფია. პოეტი იბადება და ცოცხლობს სამშობლო ქვეყნის ჭირსა და ღვინში, მის გულისცემასა და სუნთქვაში. აი, ესეც ხომ ქვეყნის ერთი სუნთქვაა, ფესვმაგარ მუხას რომ მიმართავს ცხენოსანი:

„რადაც ვრცელი, იღუმალი  
შენ გმსახურებს ძალთა-ძალი.  
უხილაი უკედავება,  
მეუფება მრავალთვალის;  
როგორა სცნოს კაცის სისხლმა,  
აქ ქვა-ქვას რომ დაადულა,  
რა დიდება იგულისხმა?  
მითხარ, მუხა, დიდო მუხა!  
მსუღელლობათა დიდთა მჩენი  
მიდიოდნენ დღენი, თვენი,  
უამი გაქრა, კაცნი წაყვენენ...  
სად? ვერა სცნობს დანარჩენი;  
ბეერი მოდგმა გადაშენდა  
დამნგრეველი, გინდა მშენი,  
მაგრამ განა მტერთა შენთა  
საიდუმლო უთხრან შენი:  
შემოსილო ერთდროს დრუბლით,  
გეხვეოდა მარად მუშლი;  
იარებით დაიფარა  
შენი მკერდი, შენი შუბლი.

ქვეყნის. ისტორიის ეს დრამატული განცდა თითქოს ერთგვარი პოეტური ორეულია ხალხური სიმღერისა „მუშლი მუხასა“, რომელშიაც ქართველმა ხალხმა მრავალჭირნაცადი სამშობლოს სული გაამუღავნა.

უამი დიდი ბედუკუდმართობისა სამშობლოს გულმხურვალე



შვილთა გულში მწარე ნაღველს აგუბებს. ესეც ხომ სამშობლოს სუნთქვაა.

„იყო საშინელი წაში,  
გამყინველი როგორც შხამი,  
როცა სული უღაბნოა  
და არა ჩანს ზეცის ნაში.  
არ არსებობს გაღიშება  
არც ჩემდამი, არც თქვენდამი...  
ო, სიმებო! ო, სიმებო!  
ხომ გიგრძენიათ თქვენ ეს წაში?“

მაგრამ პოეზია, რა ნაღველიანი და სევდიანიც უნდა იყოს ის, თუ ეს სევდა და ნაღველი ხალხის ცხოვრების წიაღშია დაბადებული, მაინც ხალხის სიცოცხლისა და მისი სულიერი ხიმშვენიერის მაუწყებელია:

„იგი გზაა და ციმციმი —  
და მის ქნარზე ბერი ხიში  
სიცოცხლეა, თუ არ გაწყდა  
ტლანქი ხელთ დანაშაში“.

ჭეშმარიტი პოეზია აფხიზლებს და აცისკროვნებს ხალხის სულს და ამ სულითვე სულდგმულობს; იგი ტკივილებითვე მკურნალობს ქვეყნის ტკივილებს; იგი სამშობლოს ძველი და ახალი იარების გახსნაცაა და მოშუშებაც.

„მე ვიგონებ გარდამავალს  
ამ ღამეებს მრავალთრავალს,  
როცა მტერი მოგისპობდა  
ყოველნაირ გამოსავალს.  
მაგრამ შენ რას გაყვედრიდნენ,  
ან რა შეეღას, ანუ რა ვალს?  
აკითხე მესხ და აკითხე გრიგალს,  
შენს მწარე თავ-გადახავალს.  
შენ ნუ გინდა, არ გაგონებ  
უგზობას, მწარე დარებს.  
დიდხინდან შენზე ფიქრი  
ამ არეზე დამატარებს.  
მშრომელად მქმნის, მედროშედ მქმნის,  
და შემოქმედს დამადარებს,  
არ გადაშრეხს, არ გადმისერის,  
ბეერჯერ გამიღარისდარებს“.

ამ აღსარებაშიაც იღანდება აკაკის პოეზიის ეროვნული ფესვები. ბუნება? ბუნების მუსიკა, მისი სახე და მისი მოძრაობა ხომ მართლაც დაუღვეველი სუნთქვაა და გულისცემაა ქვეყნისა. ცხენოსანიც : მიიჩქარის და თითქოს მას თან მისდევს საქართველოს ბუნების ფერების, ბგერების, ნაკეთების, სვეულებისა და ხაზების ნიაღვარი.

„და ლითონის ცივი ბზინვით,  
აბრეშუმის ქსოვილივით  
სიერცე გადაჭიმულია  
სახნაჲ-სათეს ველთ ლივლივით  
და გზის ყოფილ ხვეულებით,  
თითქოს რაღაც გრძნეულებით  
შეიტყლება სახეობა  
ხედით, ნაკეთით, ხვეულებით.  
და იცვლება, და იცვლება  
რისი ცელაც კი შეიძლება:  
არე-მარე, გარეგნობა,  
მონათება, შენისლება.  
თეითეული ჯაჭვი მთისა,  
წვეტი ყოველ მწვერვალისა,  
თეითეული გამორჩენა  
ბორცვისა და გორაკისა —  
თვით ხეობა, თვითონ ველი,  
ხე ყოველი, ტყე ყოველი  
აჩვენებს თუ რანაირად  
უსვია და უღვევლი,  
რა ერცვლია და ძლიერი,  
დიდებული, მშვენიერი,  
უბოლოო, მრავალფერი,  
განათება და ელფერი.  
ისინი ხან უზარმაზარს  
მორჩენებით აგეანან ტაძარს;  
როცა მილულებულ შუქში  
მოიკიდებს ცეცხლი ნაცარს:  
ისინი ხან ზეინებია,  
ქარს რომ მიუძინებია,  
ოქროს ნისლში უხვევია  
და ქედს მიუცილებია.  
ისინი მზეს სწყურდებიან,  
ჩუმად გამოცურდებიან,  
შეთბებიან, გზას იცვლიან  
და ქედს დაუბრუნდებიან.  
ზოგი, როცა მზით ღვივდება,  
შორით ამოტივტივდება,  
აენტება, გაბრწყინდება  
და ხადღაც შორს გაცვივდება.  
მრავალნი გზის პირებიან  
ნისლში ჩაიძირებიან,  
ინთქმებიან თითქო სადღაც  
და კვლავ მოიშვირებიან.  
ანდა, ასლა მზად არიან,  
რომ ღველიან-ღალადრიან  
პაეროვან ბურუსებში  
ელვარება გადარიონ;

მზად არიან შუქი ანთონ,  
მიიფანტონ, მოიფანტონ,  
მზის ჩასვლაში შეერიონ,  
მტრედისფერად გაილანდონ.  
ხან იიან-ვარდებიან  
გზებით მიიმართებიან,  
ცალკე კლდოვან მწვერვალებად,  
გლექიერებად მყარდებიან“.

„რა ძვირფასი კერებია,  
რა ნარნარი ჩქერებია,  
მოძრაობენ იმნაირად,  
თითქო სულიერებია“.

„რა სინაზით ელაეს ველად  
ლილისფერი მაჩიტელა,  
დაუხრია კლდისკენ თავი  
და სიზმრებში შედის ნელა“.

„ფოთოლთ უღერა, წამთა ჭერა,  
თითქო სჯერა და არც სჯერა,  
ყვაეილობის აღტაცებას  
მისცემაა ფერა-ფერა“.

იმისათვის, რომ მშვენიერი „ცა-ფირუს, ხმელეთ-ზურმუხტო“ ამომედერა, პოეტის გენიას უნდა შეეწოვა არა მარტო ერის ცხოვრებისა და ერისათვის თავდადებულ ქართველთა გრძელი შატიანე, არამედ მშობელი ქვეყნის ბუნების უღვევი ნაირფერობაც.

ცხენოსანი გადადის დროთა მიჯნებსაც. იგი შემოდის ჩვენს დროშიაც. აქ მან ნახა

„სულ სხვა მხარე, სულ სხვა პუნე,  
სულ სხვაგვარი საუკუნე,  
სულ სხვა ნანა წუთისოფლის,  
ახლის გრძნობით მოღულუნე“.

და განახლებული ქვეყნის სუნთქვასა და გულისცემაშიაც ჩართულია აკაკის დიდი პოეზია. მშვენიერი სიმღერა გადადის ცოცხალი სახის მოძრაობაში. „ვიდაც დადის, თვალს აცეცებს და საყვარლის საფლავს ეძებს“. მართალია, სიმღერაში ისმის „ძველი დარდი და ნადველი“, „გატეხილი გულის ოხვრა“, მაგრამ

„მასში თრთის და ცამდე აღის  
მოწყურება სიღიადის,  
რადაც დიდის და მალღის,  
რადაც კარვის, იშვიათის“.

რა მართლად არის ნაგრძნობი ნამდვილი პოეზია, მუდამ რომ გა-

წყურებს დიადსა და ამაღლებულს, ნათელსა და იშვიათს, რაც ყოველთვის სახელდებული როდია, მაგრამ ადამიანის ზნეობრივ ძალებს ყოველთვის ამაღლებს და აფაქიზებს. ეს ესთეტიკური მრწამსიცაა, — აკაკისაც და გალაკტიონისაც.

სადღაც ჩონგური წკრიალებს... და ჩვენი დროის ადამიანის სულსაც ფრთებს ასხამს მშვენიერი, „თავო ჩემო“, მიუხედავად იმისა, რომ იგი გარდასული დროიდან მოარხევს

„...უსაზღვრო მწუსარებას,  
ულევ ცრემლთა მდუღარებას

ეარამს რასმეს და გულსაკლავს,  
ფერმოდრუბლულ ბედის ვარსკვლავს,  
წუხილს უბედურებისას,  
ნაღველსა და ვაი-ვაგლახს“.

სიმღერა, რომელიც ასე შეიტკბო და შეითვისა ხალხმა,

„მთელი ცაა, მთელი ზღვაა,  
მაგრამ მეტად, მეტისმეტად  
ნაღველიანი სიმღერაა“.

ეს ნაღველი კი დაბადებულია ქართველი ხალხის გულში იმ დროს, როდესაც იგი გმინავდა ეროვნული და სოციალური ჩაგვრის ორმაგი უღლის ქვეშ. ლექსიც „გახდა ხალხის კუთვნილება... რადგან სწორად გამოხატავს მიხი გულის მოძრაობას“. აქ პოეტი იწყებს მსჯელობას. მსჯელობა, რასაკვირველია, არ არის პოეზიის ორგანული თვისება. თუმცა გააჩნია, სად და როგორ. დიდი ოსტატი მას ზოგჯერ შესანიშნავ პოეტურ განათებად აქცევს.

პოეტი აყენებს ფრიად დიდ საკითხს:

„რიხთვის, მაინც, გვჭირდება ჩვენ  
იმ წარსულის მწუსარება!“

და იქვე პასუხობს:

„ის გვჭირდება მის მიხედვით,  
თუ რა გრძნობას გამოხატავს  
თავის დარდით, თავის სევდით.  
მას შეგნება უნდა მტკიცედ  
მომავლის ხმით და ფიცით.  
ფახი თანადროულობის  
ჩვენ წარსულის ცოდნით ფიცით“.

ეჭვი არ არის, რომ ეს მსჯელობაა, მაგრამ ფრიად საგულისხმო. პოეტის აზრიც საკმაოდ ნაყოფიერია. შესაძლოა, მან მიგვიყვანოს ხაინტურესო დასკვნებამდე პოეზიის ისტორიული არსის შესახებ და თვით გალაკტიონის ადრინდელი სევდიანი ლექსების გასაღებიც გვიჩვენოს.

ადამიანებს, თავისთავად, მწუსხარება და ნადველი არც ძველის-ძველი, არც ძველი და არც ახალი არ სჭირდებათ. მაგრამ მათ მუდამ სჭირდებათ ადამიანობა და ადამიანური გრძნობები ანუ ყოველივე ის, რაც ადამიანურია. თავისი კონკრეტულ-ისტორიული შედგენილობით ჩვენი დროის ადამიანისთვის უცხოა, მაგალითად, ბედისწერის მწარე განაჩენიც ოიდიპოსის მიმართ, შუშანიკის წამებაც, ტარიელისა და ავთანდილის დიდი თავგადასავალიც, ჰამლეტისა და ოტელოს ტრაგედიებიც, ანა კარენინას სულიერი დრამაც, მაგრამ ყოველივე ეს ადამიანებისათვის მუდამ საჭირო, ახლობელი და მიმზიდველი იქნება თავისი ადამიანური შინაარსით. ხელოვნებაც, პოეზიაა იგი თუ მხატვრობა, მუსიკა თუ სახიობა, სხვას არაფერს შეიძლება ემყარებოდეს, თუ არა ადამიანურობის მარადიულ საწყისებს. მხოლოდ ხელოვნება ინახავს ყოველივე ადამიანურს თავის განუმეორებელ კონკრეტულ-ინდივიდუალურ სახიერებაში. და სწორედ ადამიანურობის მარადიული საწყისები ანიჭებენ ხელოვნების ჭეშმარიტ ქმნილებებს საუკუნეობრივ სიცოცხლეს. ხელოვნების მშვენიერებაც მარადიულ-ადამიანურის განსახებაა შინაარსისა და ფორმის ერთიანობაში. იგი დამთავრებულიც არის ყოველ ცალკეულ ნაწარმოებში, მაგრამ ამავე დროს მრავალწახნაგოვანი და უწყვეტი ისტორიული პროცესიცაა. ამიტომ ხელოვნების წარსული სრულყოფილებიანად მონაწილეობს მის აწმყოსა და მომავალში. შეიძლება ითქვას, რომ ხელოვნებას აქვს გრძელი ისტორია, მაგრამ არა აქვს წარსული, სამუდამოდ გარდასული და დაკარგული.

დიდი პოეზია, გარდა იმისა, რომ ესთეტიკურ სიამოვნებას გვანიჭებ, თავისი დროის ადამიანური შინაარსის ცოდნასაც გვაძლევს. წარსულის ცოდნა კი, პოეტის ხავსებით მართებული აზრით, აუცილებელია იმისათვის, რომ თანადროულობა გავიგოთ და შევაფასოთ.

აკაკიმ, პოემის მიხედვით, ყველაზე ხავსედ, ყველაზე მრავალმხრივად გამოსატა თავისი დროის საქართველოს ადამიანური შინაარსი, ქართველი ხალხის ეროვნული და ხოციალური ტკივილები, მისი ზნეობრივი იდეალები.

პოემის ავტორის ფართო ისტორიულ ერუდიციას მოწმობს პოემის ის საკმაოდ ვრცელი ნაწილი, რომელშიაც დახასიათებულია საქართველოს მდგომარეობა იმ დროს, როდესაც იგი მეფის რუსეთის კოლონიად ანუ „ერთ საცოდავ პროვინციად გადაიქცა“, როდესაც მეფის მოხელეთა განუკითხავი ძალაღობა, შეერთებული ქართული ფეოდალური არისტოკრატის ასევე განუკითხავ ბატონობასთან, აუტანელი გადასახადები, შიმშილი და სიღატაკე, ეროვნულობის ყოველგვარი გამოვლენისა და „საყვარელი დედაენის“ დევნა იწვევდა ქართველი ხალხის, ქართველი გლეხობის აჯანყებებს, რასაც თვით-

მპყრობელობა სისხლის ტბორში ასრჩობდა. ქართველი ხალხის ბევრი სისხლი, ცრემლი და ენერგია შეიწირა ეროვნული და სოციალური ჩაგვრის ამ დიდი ბედუკუღმართობის დრომ. მაგრამ, ბოლოს, მეფის მთავრობა თითქოს მისვდა, ანუ პოემის სიტყვებით რომ ვთქვათ:

„როგორც იქნა, მიხვდა მპორი,  
რომ კელა, დასჯა და ტერორი  
სასელმწიფოს მართვისათვის  
გზა ვერ არის სწორზე სწორი“.

მიხვდა, რომ

„საჭიროა გზა მელური,  
მგლური, თითქოს მეზობლური“.

და აი, ვორონცოვმა „შეუძახა მისიანებს“... მცირედი დათმობებით, კარიერებითა და ჩინებით დაიწყო ქართველი თავადზანაურობისა და მისი ინტელიგენციის „მოთაფლვა“. და ამათმა უმეტესობამაც ადვილად იცვალა ფერი: ქართველი ხალხის ეროვნული და სოციალური კეთილდღეობისათვის ბრძოლასა და თავდადებას მათ არჩიეს „სატანასთან მეგობრობა“. ეს იყო ჟამი სინიდისის დიდი განსაცდელისა, როცა

„პატიოსან კაცად ყოფნა  
სომ ძნელია და ძნელი.“

ო, რა მწარე განსაცდელია! ეს ხომ საშინელი ტკივილი და წყლულია, ყველა იმ დროისა და ვითარების, როდესაც საზოგადოებრივი ცხოვრების ზნეობრივი საფუძვლები იმდენად მოშლილი და შერყეულია, რომ დიდი სულიერი რაინდობაა საჭირო იმისათვის, რომ ადამიანმა ადამიანობა შეინარჩუნოს. ეს ხომ ადამიანის ამაღლებული სულის კენესაა იმ დროს, როდესაც ზნეობისა და სინიდისის სმას ეგოიზმისა და პირადი განდიდების სახადალებული ვეშაპი ნთქავს.

განა აკაკისა და ილიას არ შეეძლოთ ქედი მოეხარათ გაბატონებულთა წინაშე, ჩინ-მედლები მიეღოთ, გაქსუებულ მოხელეთა სავარძლებში ჩამსხდარიყვნენ და ეცხოვრათ „მხიარულად, თავადურად, ხელგაშლილად“.

მაგრამ არა. სწორედ ამ დროს აკაკი წერეთელი — შვილი „იმერთ მეფის შთამომავლის... ძველისძველი ფეოდალის“, მაგრამ ხალხის წიაღში აღზრდილი გენია —

„ილიასთან ერთად, მსლებლად,  
გამოვიდა თავის კლასის  
ბრალმდებლად და მამხილებლად“.

პოემა უმღერის დიდი მგოსნის ამ სულიერ რაინდობას, მისი

„მოუსყიდველი ჩანგის“ სიწრფელეს, ჩანგისას, რომელიც მხოლოდ სიმართლეს მსახურებდა და სიმართლით იმარჯვებდა.

საყურადღებოა პოემის ერთ-ერთი მოტივიც იმის შესახებ, რომ აკაკი ქართველი ხალხის დემოკრატიული ფენების, კერძოდ კი გლეხობის სულსკვეთების გამომხატველი იყო არა მხოლოდ იდეურად, შეგნებით, არამედ ემოციურადაც, გრძნობათა წყობითაც და სწორედ ამიტომ გახდა იგი მთელი საქართველოს გულის უღრმესი მესაიდუმლე, რომ იგი თანაბრად ახლობელი და გასაგებია ქართველთა ყველა ტომისათვის, რომ მისი პოეზია უაღრესად ხალხურია. შემთხვევითი არ იყო, რომ „ერთ მშვენიერ ხალხურ ლექსზე“, მესტიერე რომ მღეროდა, აკაკიმ თქვა: არამც თუ „მე, უბრალო მოშიარე“, არამედ თვით რუსთველი მოაწერდა ამას ხელსო. ამ დეტალით პოემა გამოსატყვევებს იმას, რომ აკაკის პოეზიის თავანკარა წყაროს ხალხური შემოქმედება, ქართველი ხალხის უმდიდრესი ზეპირსიტყვაობა წარმოადგენდა.

პოემა თავისებურად გადმოსცემს აკაკის მსოფლმხედველობის სათავეებს, მის შინაარსს!

როგორ მოვიქცეთ, რა ვაკეთოთ? — ეს დიდი და მწვავე საკითხი იდგა ილიას, აკაკის და მათი ქართველი თანამოაზრეების წინაშეც ისე, როგორც იგი იდგა ჩერნიშევსკისა და მისი მიმდევრების წინაშე.

„რა ვაკეთოთ? — ეს საკითხი  
აკაკის წინ ბევრჯერ იდგა“.

მაგრამ, თუ რუსი რევოლუციურ-დემოკრატიზმისათვის ამ საკითხს მხოლოდ სოციალური შინაარსი ჰქონდა, ე. ი. საქმე ეხებოდა მოქმედების სოციალ-პოლიტიკურ პროგრამას, აკაკისა და ილიასათვის იგი მწვავე ეროვნული ტკივილების მკურნალობის საკითხიც იყო. ამიტომ იყო, რომ აკაკის მსურველე პატრიოტული გულის ფეთქვას ასე ესალბუნებოდა ბრძოლა დიდი გარიბალდისა, ვინც, „კეთილშობილ ძლიერებას, სამშობლოსათვის თავდადებულ გმირის განსახიერებას“ წარმოადგენდა.

აკაკის მსოფლმხედველობაც ამ ორი ნაკადის — რევოლუციურ-დემოკრატიული იდეებისა და ეროვნულ-გამათავისუფლებელი ბრძოლის პროგრამის სინთეზში, მათს შერწყმაში მდგომარეობდა. აკაკის კარგად ესმოდა, რომ საქართველო თავს ვერ დაიხსნიდა რუსეთის თვითმპყრობელობის — ამ სისხლისმწოვი ურჩხულის ბრწყყალებიდან, თუ ამ ურჩხულს თავს არ მოჰკვეთდა რევოლუციური ძალა. ამიტომ მას საჭიროდ მიაჩნდა ეროვნული თვითშეგნებისა და სოციალური სამართლიანობის გრძნობის გაღვივებით ქართველი ხალხის მთელი

ძაღვების დარაზმვა და მათი მიქცევა დიდი რევოლუციური მოქმედების სადინარში. ამიტომ მოითხოვდა იგი საქართველოს სიმბოლოს — ჩონგურის სიმების შესმატკბილებულ უღერას. საგულისს-  
მოა ის შეფასება, რომელსაც ამასთან დაკავშირებით გალაკტიონი აძლევს აკაკის უკვდავ პოემას — „თორნიკე ერისთავს“.

დიდმა პოეტმა „ფერგადასულ წარსულს“ მიმართა არა იმიტომ, რომ უბრალოდ დამტკბარიყო იმ სურნელებითა და რომანტიკით, რაც ყოველთვის ახლავს სოღმე ძველ ამბავს, არამედ იმიტომ, რომ „მომავლის გზა და ხიდი“ ეჩვენებინა. პოეტმა გამოკვეთა სახე დიდი მამულიშვილისა, როგორც ეროვნული თვითშეგნების, მოქალაქეობრივ-ზნეობრივი მოვალეობის მაგალითი და იდეალი. მან ყოველივე ამქვეყნიური სიტკბოება დასთმო ზეცისადმი სამსახურის გამო, სულის ამ უმაღლესი ნეტარების გამო. მაგრამ სულის ეს უმაღლესი ნეტარებაც უკუაგდო, როდესაც სამშობლოს სამსახური მოსთხოვა.

აღამიანისა და ერის ზნეობის საფუძველთა საფუძველის — სამშობლო ქვეყნისათვის თავდადების გრძნობის აღზრდას ისახავს მიზნად აკაკი თავის „თორნიკე ერისთავში“.

იგი არის მოწოდება,  
ქადაგება უმაღრესი,  
ძახილია პოეტისა,  
ძმებისათვის, სხეებისათვის,  
მთელი საქართველოს მკვიდრთა  
გაერთიანებისათვის“.

არაო, ამბობს გალაკტიონი, აკაკი არ იყო მხოლოდ თანდაყოლილი ინსტინქტებით აგალობებული ბუღბული საქართველოსი, უდარდელი და გულგრილი გენია, რომელმაც უბრალოდ „მიილოცა, მიილოცა“ და მხოლოდ ტკბილი ჰანგები მოფინა ქვეყანას. არა, მისი ანკარა, წკრიალა და ძაღდაუტანებელი ლექსები მშობელი ხალხის ტკივილებით გაწამებული და დიდი ფიქრებით აღსავსე მაღალი სულის მშვენიერი გამოსხივებანია. თუ, ერთი მხრივ, აკაკი თავის ნარნარი და ტკბილი ჰანგებით წარმტაც ადამიანურ სილამაზესა და სიმშვენიერეს, „სულის მაღალ ზნეობას და სისპეტაკეს“ ამკვიდრებდა, მეორე მხრივ, თავისი მწარე და გესლიანი სიტყვით ხალხის მტარვალებს, გადაგვარებულ და ზნეობრივად დაცემულ კაცუნებს ჰკმირავდა. ამ ცის, მიწის, სიყვარულისა და სათნოების, გლეხისა და მუშის შრომის, ქართული აკვნისა და ქართული გაზაფხულის მშვენიერ ხაგალობლებს რომ ამბობდა, იმავე დროს მწარედ დასცინოდა „აპელაციის მცოდნეს“ და, რაც მთავარია, ხანჯლის წვერს მტრის გულთან მოციქულობას შესთხოვდა- გალაკტიონმა კარგად გამოხატა



აკაკის პოეტური გენიის ბუნება, რომ იგი თავის თავში აერთებდა: „მომღერალსა და უარმყოფელს... ორფეოსს და მეფისტოფელს“.

თავისმა დრომ პოეტს გული წვეთ-წვეთად აუვსო ნაღველითა და შხამითა, ისე ვით საუკუნეში სხვადასხვა მრავალ წამითა. მაგრამ ბრძოლის ცეცხლი და უინი მას არასდროს არ განელებია და როდესაც სამშობლოს სული გმინავდა:

/ „წყვდიაღო, ცივა, ბნელა,  
საით უნდა იყოს შეეღა?  
წინათგრძნობამ პოეტისამ  
იგრძნო შორი ცისარტყელა“.

გალაკტიონს აკაკის პოეზია მთლიანად აღებული — გააზრებულად აქვს, როგორც მთელი ქართველი ხალხის გონებრივი და ზნეობრივი ძალების, მისი პროგრესულ-რევოლუციური პოტენციის უღრმეს გამოხატულება.

„მან გულწრფელად, ვაჟაკურად,  
გააღვია ბრძოლის ქურა,  
ძალებს რევოლუციისას  
მკუთრი სიტყვით ემსახურა“.

გალაკტიონს ასე სჯერა: მეცხრამეტე საუკუნემ ბევრი პოეტი მოგვცა, მაგრამ პოეტი, როგორც პოეტი,

„ეინც მთლიანად ასახავდა  
თავისთავს და თავის დროსა,  
ეინც გაფრენა იყო ქნარის...  
ეინმე — მსგავსი აკაკისა  
არ ყოფილა და არ არის“.

დე, მხოლოდ განსაკუთრებული სიყვარულის გამო იყოს თქმული ეს სიტყვები, მაგრამ ეს განსაკუთრებული სიყვარულიც, დაბადებული დიდი პოეტის გულში, სომ სიმართლეა თავისებური.

„კურთხეულ იყოს, კურთხეულ იყოს“... ქნართა უკვდავთა მარადი უღერა!

1960

## წავიდა ჩვენგან

წავიდა ჩვენგან დიდი პოეტი.

ვაუას შემდეგ ესოდენ კაშკაშა მნათობი არ მოსწყვეტია ქართული პოეზიის ცაბ.

იმთავითვე ორ დიდ საგანს ეწირებოდა იგი, როგორც პოეტი, როგორც კაცი.

საქართველო, უწინარეს ყოვლისა;

პოეზია, უწინარეს ყოვლისა.

უცარი ტრაგიკული წერტილი დაესვა მშვენიერ პოეტურ სიცოცხლეს და დამთავრდა ძვირფასი წიგნიც, განუმეორებელი და უკვდავი წიგნი. ამიერიდან სულ მეტი და მეტი ძალით ვიგრძნობთ ამ წიგნის სიმშვენიერეს. ოდითგანვე ასეთი ყოფილა ჭეშმარიტი პოეზიის ბედი.

გალაკტიონი პოეზიისათვის იყო დაბადებული და მისი პოეტური მემკვიდრეობა მართლაც შლის საზღვარს მის სიცოცხლესა და მის უკვდავებას შორის. სიკვდილი აქ სახსენებელი არ არის.

დროშები ჩქარა!

გალაკტიონს თამამად შეიძლება ეწოდოს მეოცე საუკუნის პირველი ნახევრის საქართველოს გრძნობიარე გულის დიდი მესაიდუმლე, მის შემოქმედებას კი — გრძნობათა მშვენიერი მეცნიერება. ყველას რაიმე აქვს სახსოვარი!

ქართველი ხალხიც თავის უძვირფასეს სახსოვართა შორის მუდამ სასოებით შეინახავს გალაკტიონის ბევრ ხელისხელ საგოგმანებელ ლექსს.

„წერ ვინმე მესხი მელექსე,

რაც კი მივლია მე გზებში.

ჯერ ლექსი მწეადა, მერე მზე,

ჯერ მზე და მერე ლექსები“.

ამ დღეებში, ალბათ, ყველას ყურში გვიჟღერს გალაკტიონის ლექსების მუსიკა, დაგვდევნ და ფუტკარივით გვეხვევიან მისი შესანიშნავი სტრიქონები.

ატმის ხე იდგა თაიგულივით...

გალაკტიონის გენია ჩვენი საუკუნის დამდეგის რევოლუციურმა რომანტიკამ გაადვილა. იმ დღიდან პოეტის მშფოთვარე გული ეპოქის ბევრმა ნაპრალმა გაბზარა და მის სულში ბევრი ყრუანტიელი, ბევრი იმედიცა და უიმედობაც, ბევრი ტკივილიცა და სისხარულიც დააგუბა.

გალაკტიონის დიდი პოეზია ორ პოლარულ პათოსს შორის არის გაშლილი: მიჯაჭვული ამირანის მწუხარე და უიმედო გოდებიდან („ადრ გათენდება ღამე საზიზღარი! რომელი საათია?“) ახსნილი და ჯაჭვებდაღწეული ამირანის სისხარულამდე („სულ რომ არ იყო ქვეყნად დიმილი, შეხედე ახლა რაოდენია“, „აგერ მძლავრი და ტიტანი, მოსჩანს კავკასიის ტანი, მიჯაჭვული აქ იყო და აქ აეშვა ამირანი“).

პოეტის მშვენიერი ლექსები მუდამ ფრთას გასხავთ, სასიცოცხლო ენერჯიას გმატებთ, რადგან გრძნობთ უდიდეს პოეტურ ენერჯიას, გრძნობათა დიდ ადამიანურ სიღრმესა და სისავსეს.

„ოჰ! ეს ფოთლები, ფენილი ქარით,  
ეს მწუხარე და ნაზი ზმანება,  
ეს ყვაეილები, ეს ცა მითხარით,  
არავის თქვენგანს არ ენანება?

არა, ასეთი პოეტური ხილვები კი არ შლიან და არღვევენ ჩვენს სულს, არამედ ამთლიანებენ და აფართოებენ ემოციურად, ესთეტიკურად. დეკადანსის საბედისწერო რუბიკონი გალაკტიონმა თითქმის იმთავითვე გადალახა თავისი დიდი პოეტური ტალანტით... გალაკტიონის მთავარი მემკვიდრეობითი ძარღვი ნიკოლოზ ბარათაშვილის, ილიას, აკაკის, და ვაჟას პოეტური სამყაროდან მოდის... და ისიც მათ მწკრივშია ჩამდგარი.

მართალია, გალაკტიონმა თითქოს უცხოური მოტივებიც შემოიტანა ქართულ პოეზიაში, მაგრამ იგი მაინც უაღრესად ქართველი ეროვნული პოეტია, არა იმდენად გარეგნული ნიშნებით, რამდენადაც თავისი სულის თვისებებით, პოეტური აზროვნების ხასიათით. სწორედ იმიტომ შესძლო გალაკტიონმა ქართული ლექსის უღრმესი და უდიდესი განახლება, რომ იგი ყველა ფესვით შეჭრილი იყო დიდ ქართულ პოეტურ მემკვიდრეობაში, რომ უბრწყინვალესად ფლობდა ქართული ენის სტიქიას. პოეტი საოცარი ძალით გრძნობს ქართული სიტყვის სურნელებას, მუსიკას, ფერს, შინაგან ნასატს. იქნებ ამიტომაც ითარგმნება იგი ასე ძნელად სხვა ენებზე.

„მთები აჭრელდა, როგორც ვირაფი,  
მატარებელი მიჰქრის ბინდებად,  
ახლა იწყება წიფის გვირაბი,  
თქვენ ხომ არაფრის შეგეშინდებათ?“

რა შესანიშნავად არის მოქნეული ქართული სიტყვა!

დღეს გალაკტიონის ცხედარს მიიბარებს მთაწმინდა; თბილისს, ქუთაისს, მთელ საქართველოს მოაკლდება პოეტის ცოცხალი სახიერება, მაგრამ ქართველი ხალხი სასოებით მოუვლის მის შესანიშნავ პოეზიას — ახალი ცხოვრების მშენებელი ადამიანის სულისა და ესთეტიკური გრძნობების აღზრდის ამ ანკარა წყაროს.

## იმდენი მიწა სად არის...

(ფიქრები ვაჟაზე)

ამბობენ, ვაჟა მთის მგოსანიაო. მსოლოდ მცირეოდენი სიმართ-  
ლეა ამაში.

ვაჟა, მართლაც, საქართველოს ქედების ძუძუნაწოვია, საქართვე-  
ლოს მთების ღვიძლი შვილია. მაგრამ მთის ყოფით; მთის საკითხებით  
არასდროს არ შემოზღუდულა მისი მოქალაქეობრივი და პოეტური  
თვალსაწიერი.

რასაკვირველია, როგორც ყოველ შემოქმედებას, ვაჟას შემოქმე-  
დებასაც აქვს თავისი გარკვეული ისტორიულ-ყოფითი და ბიოგრა-  
ფიული სათავე. მაგრამ როგორც დიდი, წყალუხვი მდინარე არ არის  
თავისი სათავეს უცვლელი გაგრძელება თუ განმეორება, ვაჟას შე-  
მოქმედებაც ასევე თუ ათასჯერ აჭარბებს თავის სათავეებს.

ფიქრობ, ვაჟას გენიის სიდიადე კარგად და ლამაზად არის ნაგრ-  
ძნობი მისი ვაჟის — ვახტანგის ნათქვამში — იმდენი მიწა სად არის,  
რომ შენი გული დაფაროსო.

მით უკეთესი, რომ ეს ჰიპერბოლა ისევ ვაჟადან მოდის, რომ იგი  
ვაჟას გულისთქმის მონაშუქია. გაიხსენეთ, პოეტის ერთ-ერთი ად-  
რინდელი ლექსი „მწყემსი ქალი“, რომელშიაც მკაფიოდ და შთამბეჭ-  
დავად არის გამოძერწილი სახიერება მკლავზე. თავდადებული,  
უდრტინეულად მძინარე, ლამაზი, სუჭუჭთმიანი ქალისა, ვისაც  
ფეხთ ქალამანი და ტანთ გაცვეთილი კაბა აცვია, ზურგზე გულა ჰკი-  
დია, თავთან კომბალი უძევს. პოეტი მხურვალედ ევედრება ზეცას,  
რომ მან კალთა აფაროს ამ „ტყის ანგელოზს“. ლექსის გარეგნულ  
უბრალოებაში იმალება მშვენიერი შინაგანი ფორმა, სადაც ყოველი  
ნაკვთი, ყოველი კავშირი აცოცხლებს ერთ მთლიან სურათს, რასაც  
ამთავრებს მშვენიერი ლირიკული აღსარება და ვედრება:

თუ მის თვალში გაქრება  
და სხივს არ მომავრიანო,  
გულის წყლულს არ მომირჩენენ,  
ნისლებს არ გადმიყრიანო,  
რაც ქვეყანაზე მიწაა,  
სულამც მე მომავრიანო.  
თქვენც გეხეწებით, ხეებო,  
და შენც, მდინარეე ხმიანო,  
ე გოგო — ჩემი სიცოცხლე —  
არაფრით დამიზიანო!

ამ აღსარება-ვედრებას რაღაც დიდ ადამიანურ განზომილებაში შევყავართ. იმდენად დიდია გრძნობა გულშემატკივრობისა და სიყვარულისა ამ მძინარე გოგონას მიმართ (მაშასადამე, ყოველი ასეთი უმწიკველო არსების მიმართ) და იმდენად დიდი იქნება მისი დაღუპვით გამოწვეული მწუხარება, რომ ამ გრძნობებს ჩვეულებრივი სამარე როდი შეეზომება, — მთელი დედამიწა უნდა შესამაროსო („რაც ქვეყანაზე მიწაა, სულამც მე მომავრიანო“). თავის მხრივ ამ თქმას, ალბათ, კავშირი აქვს ხალხურ ფრაზებთან („დედამიწამ პირი უყოს...“; „მიწავ, გაუღე კარია“ და სხვ.), მაგრამ ვაჟას, როგორც ვხედავთ, პირველადი მასალა გარდაქმნილი აქვს პოეტური სურათის მშვენიერ ლირიკულ ნაკეთად, გრძნობათა დრამატულ ტოლფარდობად, რაშიაც გულშემატკივრობისა და სიყვარულის ღრმა კაცობრიული აზრი იმალება.

თავიდან ამ ლექსს მხოლოდ ერთი მაგალითისთვის მივმართე. მაგრამ, როგორც ვხედავთ, ლექსმა სხვა მხრივაც შემიყოლია; შემეყოლია, რადგან აქ უკვე იგრძნობა პირველი თესლი ვაჟას დიდი ჰუმანიზმისა, რის ქვაკუთხედსაც წარმოადგენს სწორედ უშუალო, შეურყენელი თუ პირველქმნილი ადამიანური საწყისის უღრმესი სიყვარული და ასევე ღრმა გულშემატკივრობა ყოველივე ცოცხალი არსებისადმი, რასაც კი ძალუძს იტანჯოს. კითხვას — „ვინ არის ნიჭიერი მწერალი?“ ვაჟამ შემთხვევით როდი უპასუხა: ის, „ვისაც დიდად უყვარს ადამიანი, დიდად მოწადინებულა გააბედნიეროს იგი, ვისაც დიდად უყვარს ცხოვრება და ენიაზება მისი გაუკეთესება. ამისთვის საჭიროა დიდი გრძნობა, დიდი ცოდნა ადამიანის სულისა და მისი ცხოვრებისა“.

ვაჟამ, როგორც შემოქმედმა, როგორც მხატვარმა, თავის ღრმში წამოიწყო ჰუმანიზმის თავისებური ახალი თავი. ასე რომ არ ყოფილიყო, ვაჟა ვერც ჩადგებოდა დიდ და პირველხარისხოვან შემოქმედთა მწყობრში, ისე, როგორც ნამდვილი დიდი მეცნიერი არ შეიძლება ეწოდოს იმას, ვისაც თავისი დარგის არც ერთი მოვლენის, არც ერთი საგნის რაიმე ასალი კანონი, თუ სულ მცირეოდენი

საიდუმლოებაც კი არ ამოუხსნია, დიდი პოეტი, დიდი შემოქმედი არ შეიძლება ეწოდოს იმას, ვისაც ადამიანის სულიერი ცხოვრების უსასრულოდ მრავალ კუთხეთაგან არც ერთი კუთხე არ გაუნათებია ახალი შუქით.

ვაჟას პუბლიცისტიკა ყოველგვარ ეჭვს გარეშე გვიჩვენებს, რომ თავისი სოციალ-პოლიტიკური შესედულებებით ვაჟა რევოლუციურ-დემოკრატიკა პოზიციასე იდგა. მაგრამ ამ მხრივ იგი არაფრით იყო ორიგინალური და განსხვავებული. საკუთრივ ვაჟა-ფშაველა იწყება და უმაღლეს მწვერვალს აღწევს სწორედ თავის მხატვრულ შემოქმედებაში.

დროთა ვითარებაში ვაჟას მთელი პოეტური სამყარო სულ უფრო და უფრო გამობრწყინდება და საცნაური გახდება, ოღონდ იხაროს და იზარდოს ფესვებმა მისი სიტყვისა.

ვფიქრობ, ქართული ლიტერატურულ-კრიტიკული აზროვნება დღემდე დიდ ვალშია ამ ბუმბერაზი ქართველი შემოქმედის წინაშე. ვაჟა ჯერ კიდევ მოელის თავის ღრმა მკვლევარს. ეს, რასაკვირველია, ოდნავადაც არ ამცირებს იმ ლიტერატორთა დიდ ღვაწლს, ვაჟას სიდიადეს რომ ჩაწვდნენ და ჩვენც გვაგრძნობინეს იგი. საგულისხმოა, რომ ამ მხრივ პირველი ზარის ჩამორეკვა დიდ ილიას მიეწერება.

მართალია, დღეს ჩვენში არავინ ხდის საეჭვოდ ვაჟას გენიოსობასა და მისი შემოქმედების განუმეორებელ მომხიბვლელობას. მაგრამ ზოგიერთი ნარკვევისა თუ მოგონების წყალობით მისი სახელის ირგვლივ მაინც გროვდება ერთგვარი ჯანღი და ნისლი. მათ შორის, ჩემი აზრით, ფრიად ცუდია, როდესაც იმის ცდაში, რომ როგორმე ნათელპყონ ვაჟას შემოქმედების ხალხურობა და გვიჩვენონ მისი ხალხური სათავეები ნებისთ თუ უნებლიეთ გვერდს უვლიან, ან ჩრდილში ტოვებენ საკუთრივ ვაჟას დიდ პოეტურ ხელოვნებას. ამით კი არსებითად ხალხური პოეზიის დონემდე დაჰყავთ მისი შემოქმედება. ზოგჯერ თვით პოეტის პიროვნებასაც მეტისმეტად აეკზოტიურებენ და „ამიწიერებენ“, მას რაღაცნაირ დეეკაცად სახავენ, ვინაცხან კარგ მოკრივესავით ამოქმედებს მუშტებს, ხან ხატობებში ღრეობს, ხმალ-ხანჯალსაც ატრიალებს, დროდადრო კი მხარზე ხურჯინგადაკიდებული მოაბოტებს თბილისისაკენ... ზოგიერთი ასეთი ფაქტი ემპირიულად, შესაძლოა, მართალიც არის, მაგრამ პოეტის ცხოვრების მთლიან სურათში მაინც არის შეპარული ლეგენდა, ლეგენდა, რაც ასე თუ ისე ყოველთვის აედევნება ხოლმე დიდი პიროვნების სახელს, მით უმეტეს, თუ ამას ხელს უწყობს ამ პიროვნების განსხვავებული ბიოგრაფიაც.

მართლაც, ვაჟას ყოფითმა ბიოგრაფიამ, კერძოდ იმან, რომ იგი მეტწილად მთის სოფელ ჩარგალში ცხოვრობდა, მწყემსობდა, გუთ-

ნისდემობდა, ნადირობდა და თანაც მთის ხალხური პოეზიის ანკარა წყაროს ეწაფებოდა, — ზოგიერთი შესანიშნავი მოაზროვნეც კი დააყენა ერთგვარი ბიოგრაფიზმის გზაზე პოეტის შემოქმედების შესახებაში, ვაჟა ჩამორჩენილი და პრიმიტიულად მოაზროვნე პოეტი არისო. სხვათა შორის, ეს ჩვენებური ბიოგრაფიზმი არ იყო მოკლებული კრიტიკის ფრანგული სკოლის, კერძოდ სენტ-ბევის ერთგვარ გავლენას. ერთ დროს ზოგიერთმა ლიტერატორმა ვაჟა თემურ-პატრიარქალური წყობილების იდეოლოგადაც კი დასახა, თემური წყობილებისა, რის გადმონაშთებიც მართლაც დიდხანს იყო შემორჩენილი საქართველოს მთიანეთში. ეჭვი არ არის, რომ პოეტის ბიოგრაფიისა და მისი შემოქმედების სხვადასხვა ფაქტების აღრევამ წარმოშვა ზოგიერთი მცდარი წარმოდგენა. ვაჟას დიდი მხატვრული მემკვიდრეობის — ამ დიდი ეროვნული საუნჯის გაგება, სამწუხაროდ, დღესაც არ არის მთლად თავისუფალი ბიოგრაფიზმის ზოგიერთი დანალექისაგან. ზოგჯერ დღესაც კგონიათ, რომ ვაჟა მხოლოდ მთის მგოსანია ანდა დიდად ნიჭიერი ხალხური პოეტია, რომელმაც მხოლოდ მთის ხალხური პოეზიის მარგალიტები შეკრიბა და მძივებად აასხა. მაგრამ გარეგნულად რა ეფექტურიც შეიძლება იყოს ასეთი წარმოდგენა, არსებითად იგი მცდარი წარმოდგენაა. ეს იმასა კგავს, რაც სხვადასხვა ფორმით კიდევაც თქმულა ხოლმე, — რომ თქვან, რაკი გოეთეს „ფაუსტს“ მრავალი ფოლკლორული წყარო გააჩნია, გოეთე დიდი ხალხური პოეტია, რომელმაც მხოლოდ ხალხური პოეზია აასხა მძივებადო.

უმართებულო იქნებოდა მეორე უკიდურესობაც. შეეცდებოდით, თუ ვიფიქრებდით, თითქოს პოეტის ბიოგრაფიას არ კქონდეს უდიდესი მნიშვნელობა მისი მსოფლმხედველობის ჩამოყალიბებაში. ასევე დაგვაშორებდა სიმართლესა და სინამდვილეს პოეტის შემოქმედების ხალხური წყაროების უგულვებელყოფა.

არსებითად საკითხი ეხება იმას, თუ საიდან დავიწყეთ შემოქმედის ახსნა, შემოქმედის გაგება; რა რით გავანათოთ, ანუ უფრო მართებულად, რა რას ანათებს თავისთავად: ყოფითი ბიოგრაფია შემოქმედებას, თუ შემოქმედება ბიოგრაფიას? კაცმა რომ თქვას, განა თვით შემოქმედება არ არის ყველაზე დიდი და ყველაზე მართალი ბიოგრაფია შემოქმედისა? და ისე, როგორც ყოველი ადამიანი ყველაზე ნათლად და ყველაზე მკაფიოდ თავის საქმეებში მოჩანს, განა პოეტიც ყველაზე მეტად თავის ქმნილებებში არ მუღვენდება?

ბიოგრაფიზმის ცალმხრივობამ თავი იჩინა არა მარტო ვაჟას შემოქმედების, არამედ მისი პიროვნების მიმართაც. მაგალითად, ისიც ხომ ითქვა, რომ თითქოს ვაჟა მოკლებული იყო თავისი დროის ევროპული ფილოსოფიური აზრისა და მხატვრული კულტურის ცოდ-

ნას. ეს ლეგენდა დღეს სრულიად გაფანტულია. ვაჟას მთელი ლიტერატურული მემკვიდრეობა თვალნათლივ მოწმობს, რომ ვაჟა არათუ იცნობდა მსოფლიო ფილოსოფიური და მხატვრული ლიტერატურის ბევრ ნაწარმოებს, არამედ კიდევაც ეკამათებოდა ზოგიერთი მათგანის ამა თუ იმ დებულებას...

ზოგი იმასაც ფიქრობდა, რომ ვაჟა გულგრილად ეკიდებოდა თავისი დროის მწვავე საკითხებს, რომ იგი გვერდს უვლიდა ეპოქის სოციალურ წინააღმდეგობებს და სრულიად განმარტოებულად იდგა მთელს ქართულ ლიტერატურაში. ეს მოსაზრებაც ერთგვარი ლეგენდა იყო.

ერთი შეხედვით ვაჟას ნაწარმოებებს მართლაც არ ახასიათებთ ეპოქის გარეგნული ნიშნები, მისი გმირებიც არ არიან მკაფიოდ გარკვეული სოციალური წრის თვისებათა მატარებელნი; ისინი უბრალოდ თემის წევრები არიან და თითქოს მათ ფსიქოლოგიაშიც არ მოჩანს ეპოქის სულიერი გამოცდილება. მაგრამ ვაჟა წმინდა მხატვრის თვალთ სედავს არსებული სოციალური წყობილების მთელ უკუღმართობას. იგი ძლიერ თავისებურად გამოხატავს თავისი დროის მშრომელი ადამიანის სოციალურ პროტესტსაც და მის მეამბოხე განწყობილებასაც. ბებერი ბერიკაული დიდი ხნის უსმარ და უანგით შეჭმულ ხმალს ლესავს. ახალგაზრდები ეუბნებიან მას, ხმალს რად ლესავ, შენ ცულს ან ცელს უნდა ლესავდეო. ბერიკაული კი მათ ასეთ პასუხს აძლევს:

„კარგახან ვლესე ისინი,  
ვიქნე ცული, ცელია,  
დაედვარე ოფლი მრავალი,  
მით მოერწყე ტყე და ველია;  
მათ სამსახურში დაელიე  
წუთისოფელი მთელია.  
შაინც ვერ ამოვიყვანე  
უბეს ნაჯდომი გველია.  
ქერის პურს დანატრებულსა,  
ვინ მომცა ლუკმა სველია?  
საკმაო ხანი ვითმინე,  
მომთენა გამომელია.  
ახლა ხმალს ელესამ გორდასა,  
გალესვა იმის ჯერია;  
იქნება იმან მიშველოს  
და მომამოროს მტერია“.

აქ პირდაპირ ნახსენები არ არის სოციალურად დაპირისპირებული ძალები, მაგრამ ჩაგრული მშრომელის მეზრძოლი სულისკვეთება მკაფიოდ არის გამოთქმული. რა მძაფრ დრამატულ ენერგიას ანი-



ჭებს ლექსს მითიური სახე — „მაინც ვერ ამოვიყვანე უბეს ნაჯდომი გველია“, თითქოს უღრმესი სოციალური პროტესტის უმძაფრესი პოეტური ელერადობა მიგნებული. საგულისხმოა, რომ ლექსი „ბერიკაული“ დაწერილა ბობოქარ 1905 წელს.

სოციალურ და ეროვნულ უკუღმართობათა წინააღმდეგ მებრძოლი სულისკვეთების გამოხატვის თვალსაზრისით კიდევ უფრო საგულისხმოა პოეტის ერთ-ერთი შედევრი — „კაი ყმა“, დაწერილი 1909 წელს. ლექსის ფაქტურაში აქაც არ ჩანს ეპოქის რაიმე გარეგნული ნიშანი, არც სოციალური და არც ეროვნული ძალების დაპირისპირება. აქ არის მხოლოდ ხალხი — თემ-სოფელი და მისი მტერი, არის დიდებული სურათი ბრძოლისა, რომელშიაც უნდა გამოიცადოს კაი ყმა.

„მიდით, იქ მიდით, სადაცა  
ხალხი ხალხზედა პლეაედეს;  
მტერი ჩვენ გაცემდეს, ჩვენ — მტერსა,  
ხმლები, ხანჯლები ელაედეს.  
სისხლის ტბა მუსლებს სწევებოდეს,  
ცოცხლები მკედრებსა სთელაედეს,  
ფარების დადგეს ჯღრდეები,  
თვალეხი თვალეხს სწველაედეს,  
მოციქულობდნენ ტყვიანი,  
შუბები შუბებს სწვერაედეს;  
ჭიაფრად მუზარაედესა  
სისხლის წვიმაი აფერაედეს  
დაგელობდეს სიკედილი,  
სუდარაედესა კკერაედეს“.

ეს არის დიდი სახალხო ბრძოლის სურათი, გადაყვანილი ისეთ პოეტურ ყოვლადობაში, რაც მას ანიჭებს დიდ განფენილობას დროსა და სივრცეში.

ასეთ ბრძოლაში კაი ყმა რისხევით უნდა ხედებოდეს მტერს, „ტკივილს არ გამოიტყოდეს, თავზარსა სცემდეს სიკედილსა, ზედ ქორებულად ფრინაედეს“, ბრძოლაში პირველი შედიოდეს და ყველაზე ბოლოს გამოდიოდეს.

„დარაჯად ედგეს ლაშქარსა,  
როს ის ღრმა ძილით ხერინაედეს.  
სწორ ფიქრს აძლეედეს თემ-სოფელს,  
ცდუნება არა სძირაედეს.  
იქ იდგეს სმალამოწვილი,  
საც ძალა აღმართს კკეალაედეს,  
გაბეჩაებულს სიმართლეს  
უსამართლობა სძალაედეს.  
სხვისა იუზნოს სახელი,  
თაის გარჯასა კმალაედეს“.

ამრიგად, პოეტის იდეალია ყოველგვარი სოციალური და ეროვნული ჩაგვრის წინააღმდეგ მებრძოლი გმირი. ასეთი გმირი, ვაჟას აზრით, მუდამ ღრმად ნიადაგობრივი და მთელი ერის უკეთესი ზნეობრივი თვისებების გამომსახველია.

ვაჟამ გამოხატა თავისი ეპოქის სული და ამიტომაც შესძლო ერთგვარად კიდევაც გაესწრო თავისი ეპოქისათვის.

მართლაც, შეიძლება ითქვას, რომ თავისი მხატვრული შემოქმედებით ვაჟამ შორს გაუსწრო თავის საუკუნეს და გარკვეული მნიშვნელობით თავისთავსაც გადააჭარბა, თავისთავზე მაღლაც დადგა. ბევრი რამეთი ეხმარება და ეთანაზიარება იგი ჩვენი ეპოქის მოწინავე აზრის მოძრაობას, განსაკუთრებით თავის ჰუმანისტურ, ზნეობრივ და პატრიოტულ იდეალებში. მართო ის რად ღირს, რომ ვაჟამ პირდაპირ გენიალური მხატვრული ინტუიციით იწინასწარმეტყველა, რომ აღამიანთა მოდგმას კარგს არაფერს უქადის ბუნებისადმი შეუბრალებელი, ულმობელი, განურჩეველ-მტაცებლური დამოკიდებულება. დღეს იმ შესაძლებელ საშინელ კატასტროფაზე, რაც შეიძლება მოჰყვეს ასეთ დამოკიდებულებას ბუნებისადმი, მეცნიერება ხომ დაუფარავად სტეხს განგაშს...

განჭვრეტის დიდი ძალით იყო დამუხტული ვაჟას პოეტური სული.

მაგრამ ვაჟას ხმა დიდხანს იყო ჩამწყვდეული ჩვენი მთის ვიწროებში, დიდხანს არ გასცილებია იგი საქართველოს საზღვრებს. ნამდვილად მხოლოდ ჩვენს დღეებში დაიწყო ვაჟა-ფშაველას გასვლა დიდ სამყაროში. მას, როგორც ჩაგრული ხალხის შვილს, ისე როგორც მთელ ქართულ ლიტერატურას, დიდხანს ჰქონდა გადაჭრილი მსოფლიო არენაზე გასასვლელი გზები. დამოუკიდებელი ქვეყნის შვილი რომ ყოფილიყო, განა ასე დიდხანს დარჩებოდა პოეზიის ეს გოლიათი ასე უცნობი მსოფლიოსათვის?

მაგრამ ზოგი ჭირიც მარგებელიაო, უთქვამს ჩვენს ხალხს.

ვაჟა შობილია სწორედ იმ ხალხის მიერ, ვისაც სწყუროდა დამოუკიდებლობა და თავისუფლება, ოცნებობდა თავისუფლებაზე და დღენიდაც იღვწოდა მისთვის. როგორც ჩანს, საჭირო იყო თავისი მგზნებარე გულის მთელი ძალით განეცადა სიმწარე თავისი ქვეყნის, თავისი ხალხის ეროვნული და სოციალური ჩაგვრისა, სიმწარე დაჭრილი არწივის ტრაგიკული ბედისა, საჭირო იყო თავის სამშობლოსთან ერთად, მსგავსად თავისავე მინდიასი, ტყვედ ჰყოლოდა ქაჯებს, რომ სემინარიელი ფშაველი — ლუკა რაზიკაშვილი — პოეტ ვაჟა-ფშაველად ქცეულიყო.

შობილა კი ოდესმე დიადი კაცობრული რამ ფუფუნებისა და უდრ-ტვინველობის წიაღში? შესაძლოა, ჩვენ — აღამიანები იმიტომაც ვი-

წოდებით წამებულებად, რომ ცხოვრებაში ყოველივე დიადსა და მშვენიერს უტკივილოდ და უტანჯველად დაბადება არ უწერია. თავათ ვაჟამ ეს იცოდა ბრწყინვალედ. შეიძლება ითქვას, თუ ფილოსოფიურმა აზრმა სამყაროსა და სიცოცხლის უსასრულო მოძრაობასა და განვითარებაში ნივთიერების მუდმივი შემოქმედებითი ტანჯვა მიაკვლია, ვაჟას პოეტურმა გენიამ ეს შემოქმედებითი ტანჯვა უმშვენიერეს თვალდანახულ სურათებად გადაშალა.

ქართულ ლიტერატურათმცოდნეობაში უკვე ითქვა, რომ ვაჟამ თავისი დიდი ჰუმანიზმის დროსა აღმართა სწორედ იმ დროს, როდესაც მსოფლიოს ბევრი ქვეყნის ლიტერატურაში ფეხს იკიდებდა საწინააღმდეგო ტენდენცია.

რასაკვირველია, ვაჟას ღრმა ჰუმანიზმი არც ციდან ჩამოეარდნილა მეტეორივით და არც მის გენიას მოჰყოლია, როგორც რაღაც თანდაყოლილი თვისება. ეს ჰუმანიზმი ქართველი ხალხის, კერძოდ კი მისი მშრომელი ქვედაფენების ისტორიულად გამოძულებული სულისკვეთების აკუმულირებაა დიდ პოეტურ გენიაში.

ვინ იცის, იქნებ ღრმად კაცთმოყვარული იდეების წარმოშობისა და განვითარების ყველაზე ხელსაყრელ ნიადაგსაც სწორედ იმ ხალხთა ისტორიულ-სოციალური გამოცდილება წარმოადგენდეს, რომელთაც არაერთხელ უტარებიათ ეროვნული და სოციალური ჩაგვრის მძიმე უღელი, დამპყრობთა ბევრი შემოსევა განუცდიათ, თავდასაცავად უბრძოლიათ და ამ ბრძოლაში შეუნარჩუნებიათ სულის მიმხნევე, შეუქმნიათ თავისი თვითმყობადი კულტურა.

ძნელია იმის გარკვევა, როგორი ნიადაგი ჰქონდა და რა პირობებში დაიბადა, ეთქვათ, ისეთი გენიალური კაცთმოყვარული მითი, როგორცაა მითი მიჯაჭველ ამირანზე. მაგრამ ერთი რამ მაინც საგულისხმოა. ამ მითს ძლიერ ღრმად აქვს გადგმული ფესვები კავკასიონისა და მისი შემოგარენის ტომთა შორის, იგი ჩართულია ამ ტომების მსოფლშეგრძნების პირველ სათავეებში. უნდა ვიფიქროთ, იმ ორ ნაკადთაგან, რაც ყოველი ხალხის კულტურაშია, ეს მითი, ალბათ, პროგრესულ ნაკადს ერთვოდა. ბევრი საგულისხმო რამ გაირკვევოდა, თუ ამ კუთხით თვალს გავადევნებდით ქართული ხალხური შემოქმედების ისტორიას.

ვაჟა ქართული მითივით მოდის ქართველი მშრომელი ხალხის ცხოვრების სიღრმეებიდან. მისი ნიჭიერება, მისი აზროვნების წყობა და ხასიათი უადრესად ხალხურია. ხალხური უშუალობისა და ბუნებრიობის ბეჭედი აზის მის სიტყვას, აზრსა და გრძნობას. ვაჟა არ არის

სუბიექტივისტურ-ინდივიდუალისტური ტიპის შემოქმედი. მისთვის უცხოა სხვათათვის გაუგებარი და მიუწვდომელი თავნება ხილვა თუ წარმოსახვა, კარდახშული პიროვნული რეფლექსების ნაკადი. ხალხურად მოქცეული და ბუნებრივია, მისი პოეტური სიტყვის აღნაგობაც და მიმოსხვრაც. გავიხსენოთ შესანიშნავი ლექსი, ვაჟკაცურ სიმღერად გადაქცეული:

„ღამისხი, დამალევინე  
ე ღვინო ოხერ-ტიალი,  
ეგება წაღმა ვიფიქრო  
სოფლის უკუღმა ტრიალი  
ეგება გულის ვარამი  
ჩაეკლა მა ჯიხვის რქამია,  
თვალწინ დამიდგეს ლამაზი,  
ერუოლა მამკიდოს ტანშია,  
ღეზი ვკრა ჩემსა ღურჯახსა,  
გადავერიო ზღვაშია.  
თქვენთან ძაღლურად სიცოცხლეს  
სიკვდილი მიჯობს ცდაშია;  
ვერ მათონებთ კარგ ყმასა,  
რაც არ უჯდება ჭკეპშია“.

ყოველი ფრაზა აქ ისეა ნათქვამი, როგორც ხალხი იტყოდა ხოლმე მთაში. მაგრამ მთლიანად ლექსი აწეულია დიდ პოეტურ სიმადღემდე, მოფიქრებული და განცდილია ბრძნულად, ჩამოსხმულია მთლიან შინაგან ფორმაში. პოეტის ნიჭიერების ძალაც ამ მთლიანობის შექმნაშია. რა მკვეთრად, რა სხარტად არის ნათქვამი გმობა არსებული სინამდვილისა, — ეგება წაღმა ვიფიქრო სოფლის უკუღმა ტრიალიო. ნაგულისხმევში შერწყმულია დრამატიზმი და მწარე ირონია: მხოლოდ მთვრალს შეიძლება მომეჩვენოს წაღმართად ეს უკუღმართი ქვეყანაო. ასევე მკვეთრად არის გამოხატული სულისკვეთება მუამბოხისა უკუღმართი სოფლის მესვეურთა წინააღმდეგ, — თქვენთან ძაღლურად სიცოცხლეს ბრძოლაში, ცდაში სიკვდილი მიჯობსო. უკომპრომისოა პოეტი უსამართლობისა და ბოროტების მიმართ, — ვერ მათონებთ კარგ ყმასა, რაც არ უჯდება ჭკეპშიო. ვაჟა, რასაკვირველია, ცარიზმის შავბნელ სინამდვილეს უმიზნებდა, მაგრამ მისი პოეტური სიტყვა შორს იტყორცნებოდა და ყოველგვარი სოციალური და ეროვნული ჩაგვრის წინააღმდეგ მიმართულ პროტესტად და უჭკნობ ესთეტიკურ ფაქტადაც რჩებოდა.

ვაჟა უღრმესი რეალისტია, მაგრამ განსხვავებული და თავისებური; მისი რეალიზმი ენათესავება ხალხურ რეალიზმს.

ხალხური რეალიზმი! — არის კი ეს ცნება მართებული? შეესაბა-

მება მას გარკვეული სოციალურ-ისტორიული შინაარსი? ჩემი აზრით, უეჭველად შეესაბამება.

ხალხი ასე თუ ისე ყოველთვის რეალისტიან თავის დამოკიდებულებაში გარესამყაროსადმი. იგი სინამდვილეს არ ღალატობს მაშინაც კი, როცა მას ზღაპრულ და მითიურ სამოსელში ხვევს. ხალხის აზრი და გრძნობა, უწინარეს ყოვლისა, მუდამ შეწყვილებული და შეუღლებულია პრომასთან — მის ამ მუდმივ, აუცილებელ წილხვედრთან. პრომა კი, როგორც მიზანშეწონილი ურთიერთობა ბუნებასთან, თავისთავად უკვე რეალისტური დამოკიდებულებაა ქვეყნიერებისადმი, პრომა ცხადყოფს და ამკვიდრებს ცხოვრებას, ბუნებას, სწორედ მით, რომ იმორჩილებს და ითვისებს მის ნივთს, მის საგანს. ხალხის, როგორც მშრომელის, მსოფლშეგრძნების პირველ წყაროს წარმოადგენს პრაქტიკული აღღო იმისა, რომ თავისი სასიცოცხლო მოთხოვნილებებისათვის დაიმორჩილოს ბუნება და მიითვისოს მისი ნივთი. სულიერ ცხოვრებაშიაც ხალხი არსებითად აგრძელებს თავის პრომას, უკეთ ვთქვათ, სულიერ შემოქმედებაშიაც ხალხი უფრო თავის პრომას ბაძავს, ვიდრე ბუნებას. აქაც იგი ამკვიდრებს ცხოვრებასა და ბუნებას სწორედ მით, რომ ცდილობს სახე უცვალოს მათ თავისი მისწრაფებებისა და ინტერესების მიხედვით.

უნდა ვიფიქროთ, რომ ცხოვრებისა და ბუნების ძალთა პირველი სახეცვლა ხალხის სულიერ შემოქმედებაში არის მითი. შეიძლება ითქვას, რომ ხალხი სწორედ მითით იწყებს სამყაროს მხატვრულ ათვისებას. მითი სამყაროს პირველქმნილი მხატვრული სურათია. იგი ასახიერებს ხალხის დამოკიდებულებას ცხოვრებისა და ბუნების პროცესებისადმი, გამოხატავს ხალხის რწმენასა და სულისკვეთებას, ნატურასა და ოცნებას, სიხარულსა და მწუსარებას.

თავის პირველ სათავეებშიც ხალხური რეალიზმი არსებითად მითოლოგიური რეალიზმია. თავის შეუნელებელ სწრაფვაში — შეიცნოს ბუნების ჯერ კიდევ შეუცნობელი საიდუმლოებანი — ხალხი ყოველთვის იშველიებს თავის მძლავრ ფანტაზიას. ფანტაზიით „სწვდება“ და „იმორჩილებს“ იგი იმას, რასაც ჯერ კიდევ ვერ მისწვდენია საქმით, პრაქტიკულად; ფანტაზიით ქმნის იგი ცხოვრების გაუცხოებულ სურათებს, ბუნების იღუმალი ძალების ფანტასტიკურ სახეებსა და სიმბოლოებს, სულს უდგამს უსულო საგნებს, ამეტყველებს უმეტყველო არსებებს, აცოცხლებს მთელ ბუნებას. იქნებ სულიერი შემოქმედების უნარიც შეუცნობელის შეცნობის დაუცხრომელმა წყურვილმა გააღვიძა პირველად ადამიანში.

ვაუა თავის შემოქმედებაში ხალხის პირველ გზაკვალს ადგას. მაგრამ იმ დიდი განსხვავებით, რომ, თუ ხალხური რეალიზმი გულუბრყვილო. გაუცნობიერებელი და სტიქიური რეალიზმია, ვაუას რეა-

ლიზში ღრმად გააზრებული მითოლოგიური რეალიზმია. ვაჟა შეგნებულად მიისწრაფვის შემოქმედების პირველქმნილი ფორმებისაკენ. შემოქმედებაც მისთვის, უწინარეს ყოვლისა, მითის დაბადებაა ადამიანის სულში; მითში ხედავს პოეტი სიტყვიერი ხელოვნების თავანკარა წყაროს. ამიტომაც თითქმის ყოველ მის ნაწარმოებში არის რაღაც მითიური ელემენტი. ვაჟა თავის ნაწარმოებებს ქმნის ცხოვრებისა და ბუნების მასალისაგან, მაგრამ იგი შორს არის ცხოვრებისა და ბუნების ყოველგვარი მიბაძვისაგან. პოეტი ღრმად იხედება სინამდვილის ყოველ მოვლენაში, მაგრამ არა იმისათვის, რომ ფოტოგრაფიულად გადმოიწეროს და გაიმეოროს იგი, არამედ იმისათვის, რომ მისი მასალისაგან შექმნას ასალი პოეტური სინამდვილე, ახალი პოეტური სახეები.

ვაჟა სამშობლოს ბუნების მგზნებარე მომღერალი და გასაოცარი მხატვარია. თუ სინამდვილეში შევხვდავთ იმ მთებს, იმ ტყეებს, იმ მდინარეებს, მთელ იმ ბუნებას, რაც პოეტის ქმნილებებში გვეშლება თვალწინ, უეჭველად გაგვანცვიფრებს საოცარი მსგავსებაც და საოცარი განსხვავებაც ნახატისა და ნატურისა. და ჩვენ ვიგრძნობთ დიდი ხელოვნების სიმართლის ძალას. არსებითად პოეტი ბუნების არა მარტო დიდი მესაიდუმლე და მოამაგეა, არამედ მისი დიდი მეტოქეცაა. ვაჟა ეტოქება ბუნებას, ეტოქება მით, რომ იმ სილამაზისა და სიდიადის კვალდაკვალ, რასაც ბუნება სტიქიურად და ბრმად შობს, პოეტი ქმნის, ხატავს და ძერწავს ბუნების დიდებულ გაუცხოებულ სურათებს.

მართლაც, ვის უნახავს მდინარეზე ხელ-პირის დასაბანად ჩამოსული მთა, სუდარჩაწყულნი მთანი, თვალეზდახუჭული მთები; ვის უნახავს არაგვი, პირი რომ უცინის, ტანიც რომ შეენის ხმლიანი; ვის უნახავს მტკვარი და არაგვი, ერთურთს რომ ხმლებს უქნევენ და ფართი იცავენ თავს... ვაჟა ხედავს მათ ამდაგვარად, უკეთ ვთქვათ, ხატავს, ქმნის მათ ამდაგვარად. ამაში კი არის დიდი სიმართლე პოეტის ხელოვნებისაც და მისი ქვეყნის ბუნებისაც. ვფიქრობ, ვაჟას ეგრეთ წოდებული პანთეიზმიც უმალ მისი პოეტური ხედვის ფენომენალური თავისებურებაა, ვიდრე მსოფლმხედველობა. ვაჟა ბრძენი მგოსანია, მაგრამ განყენებულად მოაზროვნე ფილოსოფოსი არ არის. იგი არასდროს არ ცდილობს გარედან შეღებოს, გარედან დაასურათ-ხატოს რაიმე განყენებული ფილოსოფიური დებულება. ვაჟა ერთი წუთითაც არ არის მხატვარი-ილუსტრატორი. იგი ქმნის მშვენიერ, განუმეორებელ პოეტურ სამყაროს, რაშიაც მხოლოდ შემდეგ შევიძლიათ ამოიკითხოთ ფილოსოფიური აზრი.

• თავისი უჭკნობი ნაწარმოებების შესაქმნელად ვაჟამ შეგნებულად

გადაადნო და გარდაქმნა თავისი მდიდარი ფანტაზიით ქართული მი-  
თები, ქართული თქმულებანი — ხალხის გენიის ეს შესანიშნავი ქმნი-  
ლებანი. ამავე დროს, პოეტი ძლიერ შორს არის იმისაგან, რომ სქონ-  
დეს მითიური სამყაროს რაიმე გულუბრყვილო რწმენა. მითი მის-  
თვის, როგორც უკვე ითქვა, შემოქმედების პირველადი აქტია, ცხოვრებისა და ბუნების მოვლენათა პირველშობილი პოეტური სა-  
ხეცვლა და გაუცხოებაა. სწორედ ცხოვრებისა და ბუნების ძალთა  
ასეთი წარმოსახვაა მთელი ვაჟასეული ფორმები და სახეები, ეს  
დეცები და ქაჯები, ეს ძლიერი ვნებებით შეპყრობილი გმირები,  
მთელი ეს გაადამიანებული და ამეტყველებული ბუნება, კიდევაც  
რომ იტანჯება და კიდევაც რომ ხარობს. ვაჟა ყველაფერს სულს  
უდგამს, ყველაფერს აცოცხლებს, რადგან მისთვის ხელოვნებაში,  
ისევე როგორც ცხოვრებაში, მშვენიერი და წარმტაცია მხოლოდ ის,  
რაც ცოცხლობს, მგრძნობიარობს, ფიქრობს და აზროვნებს. მშვენიე-  
რია შვლის ნუკრი, რომელიც ადამიანივით მოგვითხრობს თავის  
მწარე თავგადასავალს; მშვენიერია დაჭრილი არწივი, რომელიც მა-  
მაცი მეომარივით წამოდგომას ღამობს, რათა ეკვეთოს მტრებს;  
მშვენიერია უსაზღვროდ მომლოდინე მთები, რომელთა გულში სან-  
თლები აინთებიან, როდესაც მათ არწივი გადაუფრენს თავზე; მშვე-  
ნიერია ნისლი, რადგან იგი ფიქრია მთებისა...



ვაჟა შეტრფის და შეჰხარის ყოფიერების თავანკარა სათავეებს,  
ბუნების პირველადს ფორმებს, არსთა და საგანთა პირველქმნილო-  
ბას.

პირველქმნილობა, რასაკვირველია, პირველყოფილობა და ველუ-  
რობა არ არის. იგი ყველაზე წმინდა, ყველაზე ხალასი ბუნებრივი  
ბუნებაა ყოველივესი, რაც კი იბადება, არსებობს და ვითარდება.

ვაჟა ანსხვავებს და ერთმანეთს უპირისპირებს არსთა და საგან-  
თა ორ ბუნებას: პირველადს და მეორადს, ბუნებრივ ბუნებას და გა-  
რეშე პირობებით დანაშრევ ბუნებას. ადამიანი, როგორც ასეთი, რო-  
გორც გონიერი არსება, ჭეშმარიტად ადამიანურია მხოლოდ თავის  
პირველქმნილ არსებაში, თავის წმინდა, უზადო ადამიანურ დამოკი-  
დებულებაში სამყაროსადმი. მაგრამ არსებობისათვის იგი აუცილებ-  
ლად უნდა ჩაერთოს მრავალნაირ კავშირურთიერთობათა ერთობ დახ-  
ლართულ ქსელში. ეს კავშირურთიერთობანი მთელი ბუნების, მთე-  
ლი საზოგადოების ის სასიცოცხლო არტერიებია, რომელთა მეშვეო-  
ბით ხდება ყოფიერების „ნივთიერებათა“ განუწყვეტელი გაცვლა-  
გამოცვლა, განუწყვეტელი მოძრაობა და განვითარება. ამ მოძრაო-

ბასა და განვითარებაში კი ყოველ პირველქმნილებას, ყოველ წმინდა ბუნებრივ ბუნებას, მათ შორის ადამიანის წმინდა ადამიანურ დედა-არსს ფენა-ფენად ედება ყოფიერების „ნივთიერებათა“ სხვადასხვა დანალექები. ამ დანალექთაგან ჩნდება ადამიანის მეორადი ბუნება, ჩნდება არსებობის პირობებით ნაკარნახევი და განსაზღვრული დამოკიდებულება სამყაროსადმი. მეორადი ბუნება კი ბოჭავს, ავიწროებს და ზოგჯერ კიდევაც აქრობს პირველადს; მაგალითად, ცხოვრების დანალექთაგან წარმოშობილი და აღზრდილი სული მომხვეჭელისა თუ მტაცებლისა ყოველთვის ლამობს ჩაკლას ადამიანში წმინდა ადამიანური თვისებები. მაგრამ ყოველი ბუნებრივი ბუნება ცდილობს შეინარჩუნოს თავისი დედაარსი. მსგავსად ატომგულში დამწყვედული ენერჯიისა, ბუნებრივი ბუნება ილტვის გაუსხლტეს გარეშე პირობების მარწუხებს, გაარღვიოს, გახლიჩოს არსებობის შემონაგარსი და დიცვას თავისი სიწმინდე, თავისი პირველქმნილობა. არსებითად ეს არის, თუ შეიძლება ასე ითქვას, წინააღმდეგობა და ბრძოლა არსსა და მისი არსებობის ფორმებს შორის...

ვაჟა არა განყენებულად, არა გონებრივი მჭვრეტელობით, არამედ საგნობრივად, გრძნობად-პოეტური უშუალოებით ხედავს და განიცდის ამ ბრძოლას. და არა მარტო ადამიანი, არამედ ყოველი საგანი, ბუნების ყოველი ქმნილება ჩართულია ამ მწვავე ბრძოლაში. თვით მთაც, ხეიც, მდინარეც, ნისლიც, ხეც, ყვავილიც, ბალახიც, ხმელი წიფელიცა და ქუჩიც, პირიმზეცა და იაც იღვწის, თავისი ბუნებრივი ბუნების შესანარჩუნებლად, ყოველი სულიერი და უსულო ილტვის, იბრძვის თავისი პირველქმნილი დედაარსის გამოსახსნელად გარეშე პირობების დანალექთაგან, კავშირ-ურთიერთობათა რთული ხლართებისაგან.

არსებობის უმაღლეს აზრს ვაჟა ხედავს ყოველი არსების განუწყვეტელ ლტოლვაში სრულყოფისაკენ. სრულყოფილი კი არსება იმდენად ხდება, რამდენადაც თავის მოძრაობასა და განვითარებაში იგი აღწევს თავისი ბუნებრივი ბუნების სისხავესა და სიწმინდეს.

პირველქმნილობის გაიდვალეების ღრმა გრძნობაში სადღაც ერთმანეთს ხედებიან დიდი ვაჟა და მისი დიდი წინაპარი — ნიკოლოზ ბარათაშვილი. ბარათაშვილიც შესტრფის „ცისა ფერს, ლურჯსა ფერს, პირველად ქმნილსა ფერს“, როგორც სამყაროს უხრწნელი საწყისის გამოკრთომას. მაგრამ გენიოსი რომანტიკოსისათვის ეს პირველად ქმნილი ფერი ბუნების მიღმისეულია, არაამქვეყნიურია. ვაჟასათვის კი ბუნების მიღმა არა არის რა, ბუნება ყოველისმომცველია, იგი თვით არის თავისავე აზრი, თავისავე მიზეზიცა და შედეგიც, ხოლო ადამიანი, როგორც ბუნების უმაღლესი ქმნილება, რო-



გორც გონიერი არსება, ჭეშმარიტი ადამიანია არა თავის ხორციელ, ბიოლოგიურ, არამედ თავის სულიერ პირველქმნილობაში.

ადამიანისა და ადამიანობის საკითხის პოეტური გადაწყვეტის თვალსაზრისით განსაკუთრებით შინაარსეულია ვაჟას უკედავი პოემა „გველის მჭამელი“.

მინდიას სიბრძნე — ადამიანის გონების ეს უდიდესი ზეიმი და ძლევამოსილება — ბუნების უწმინდესი ნაჟურია. ეს სიბრძნე დიდი ტანჯვითა და წვალებით იბადება ბუნების იდუმალ ძალთაგან. მინდიას ხომ „გულის ხედვა და თვლების, როგორც ბრძას და ყრუს, გაეხსნა“ მხოლოდ იმის შემდეგ, როდესაც ქაჯების ტყვეობაში გაწამებულმა თავის მოკვლა გადაწყვიტა და გველი შეჭამა. და სანამ მინდია ერთგული რჩება თავისი წმინდა ადამიანური არსებისა, სანამ მისი კავშირი ბუნებასთან გონიერულ-სულიერი კავშირია, სანამ მისი დამოკიდებულება სამყაროსადმი ყოველგვარი გარეშე მინარევისა და დანაშრევებისაგან თავისუფალი დამოკიდებულებაა, გამომდინარე მისი ბუნებრივი ადამიანური ბუნებისაგან, — იგი ბრძენი კაცია, მას ესმის ბუნების ენა, გაგებული აქვს ბუნების ბევრი საიდუმლო, უძლეველი მეომარია, ადამიანთა მკურნალი და მასწავლებელია, ხალხის უცდომელი ბელადია, ქვეყნიერების ყველა სილაშაზის, ყველა ადამიანური ღირებულების ნამდვილი მცოდნე და დამფასებელია. ქაჯებთან გადატანილი ტანჯვით მინდიამ თავისი პირველქმნილი ადამიანური ბუნება, თავისი სულიერი არსება გამოიხსნა თავისავე ხორციელი არსების ტყვეობისაგან. იმ დღიდან მის სიცოცხლეს დიდი სულიერ-ზნეობრივი აზრი მიეცა; მან შეიძინა დიდი შინაგანი თავისუფლება; იგი უადრესად თავისუფალი გახდა თავის არჩევანსა, მოქმედებასა და საქციელში: გულმოწყალებს და სიბრალულს იჩენს იქ, სადაც ეს საჭიროა; შრომობს და ბუნების იმ დოვლათს ითვისებს, რის მითვისებაც ცოდვა-ბრალი არ არის; ებრძვის და ამარცხებს სამშობლოს მტრებს, რის გამოც „ვედარავინ ბედავს რჩოლასა, მყურდობაა ყველგანა...“ და მინდიასაც „მადლიერი ჰყავს ქვეყანა“. ასეც კი ჰგონიათ, რომ მინდია ღმერთთან ლაპარაკობს: — „ჩვენა გეწამ, შენაც ხომ იცი, რომ ჯლაპარაკობ ღმერთთანა“ — ეუბნება მას ხევისბერი ბერდია. მინდიას მართლაც აქვს კავშირი ღმერთთან. მაგრამ ეს ღმერთია ქვეყნიერების საფუძველში მდებარე სიბრძნე, ცოდვა-მადლის დიდი გამკითხავი აზრი. მინდიამ აუცილებლად თავისი ბუნებრივი ადამიანური ბუნების გზით უნდა იაროს, რათა შეინარჩუნოს თავისი სულიერი არსების მთლიანობა და შინაგანი თავისუფლება. მაგრამ მას წინ ეღობება ცხოვრების მეტად მკაცრი, შესაძლოა, უფრო უღმობელი აუცილებლობა — აუცილებლობა ხორციელ მოთხოვნილებათა დაკმაყოფილებისა. მინდიას

ცოლი — მზია ქმრისაგან მოითხოვს კარგი საარსებო პირობების შექმნას, მოითხოვს შეშას, რომ ზამთარში ბავშვები არ დაუცივდეს, მოითხოვს ნანადირევს, რომ ბავშვებს მსუყე და ჯანისიმამცემი საჭმელი ჰქონდეთ. თავისთავად ეს მოთხოვნა თითქოს ბუნებრივიცაა და კანონიერიც. მზია არც შედის და არც შეუძლია შევიდეს ამქვეყნიური ცოდვა-მადლის გარჩევაში; იგი მომხმარებლის თვალთშეპყრებას ბუნებას და მოითხოვს მთელი მისი დოვლათის გამოყენებას სორციელ-საარსებო მოთხოვნებთან დასაკმაყოფილებლად. მზიას კიდევაც უკვირს, რატომ მიაჩნია მის ქმარს ცოდვად და ბრალად სეების მოჭრა, ნადირთა სოცვა. მინდია კი სწორედ მომხმარებლის ამ სულისკვეთებას უთვლის ბრალად და სულიერ მანკიერებად თავის უდანაშაულოდ „დამნაშავე“ ცოლს:

„არ იცო, არა, ჭკვა-თხელი,  
ებელქ, ზეზერე მგრძნობარე,  
თავისა ხასიამოვნოდ  
წუთისოფლისა მცნობარე!“

გზათა ვახაყარიც აქ არის. მინდიასათვის მთავარია ქვეყნიერების გაგება სიყვარულისა და სიბრალულის, ბოროტების წინააღმდეგ ბრძოლისა და სიკეთის გამრავლების თვალსაზრისით. მისი ცხოვრების დიდი მიზანია ქვეყნისათვის ხასარკებლო საქმის კეთება. ბოლოს, მისი სატანჯველიც სომ ის არის: „რითიღა ვარგო ქვეყანას“ ან „ვეღარას ვარგებ ქვეყანას“. მზიას კი წუთისოფელი მხოლოდ თავის ხასიამოვნო სამყოფელად მიაჩნია; მისი დამოკიდებულება ბუნებისადმი მომხმარებლის დამოკიდებულებაა; მას მხოლოდ მომხმარებლის თვალსაზრისით შეუძლია შეაფასოს ყველა და ყოველგვარი ღირებულება ამქვეყნად. ამიტომაც არქმევს მას მინდია „ზეზერე მგრძნობარეს“.

ამრიგად, ერთმანეთს ეჯახება: ორი აუცილებლობა, ორი გზა ცხოვრებისა, ორი სულისკვეთება — სულისკვეთება წმინდა ადამიანური სულიერობისა და სულისკვეთება ხორციელობისა. ამ შეჯახებაში, როგორც ვიცით სორციელ-ცხოველური სძალავს სულიერგონიერულს. მართალია, პირველადი ანუ მთავარი თვისობრივი განმსაზღვრელი ადამიანში წმინდა ადამიანური სულიერობაა, წინააღმდეგ შემთხვევაში ადამიანი ცხოველი იქნებოდა და არა ადამიანი. მაგრამ ვაჟა რეალისტია და იგი ხედავს, რომ ადამიანებში ჯერ კიდევ უფრო ძალმოციემულია მომხმარებლის ანუ სორციელ-ცხოველური სულისკვეთება, ვიდრე სულიერ-ზნეობრივი სულისკვეთება. ხეკუსურთა კრებამაც ჩაღსიას მეთაურობით შემთხვევით როდი უარყო მინდიას გულმოწყალება ბუნებისადმი. ბოლოს, ოჯახის დაჟინე-

ბული მოთხოვნით თვით მინდიაშიც ხომ ბუნების მომხმარებელი სჯაბნის ბუნების დიდ მესაიდუმლეს. მინდიას პირველქმნილ წმინდა ადამიანურ არსებას თანდათან ედება წერილმან სურვილთა და ვნებათა უანგი, მისი სულიერ-გონიერული დამოკიდებულება ბუნებისადმი თანდათან იცვლება მომხმარებლის სორციელ-ცხოველური დამოკიდებულებით. ამიტომ ქრება, ისპობა მისი პარმონიული კავშირი ბუნებასთან, იგი ყრუ და ბრმა ხდება ბუნების მიმართ, იფერფლება და იშრიტება მისი სიბრძნე. ასე იბადება მინდიას დიდი ტრაგედია — ტრაგედია ადამიანის ჭეშმარიტი სულიერი არსის რღვევისა და შინაგანი თავისუფლების დაკარგვისა. თვითმკაცვლელობა კი ამ ტრაგედის ბუნებრივი დასასრულია.

რა ბრძნული და პოეტურად რა უღერადია სურათი იმისა, რომ ბუნება ერთობ გულგრილია მინდიას მწარე ბედის მიმართ.

„ნიაეც მად-მოდოდა  
უღარდოდ, ნელის მღერითა...  
ურთა გაკერის წვერსა ხმლისასა  
ამოღერებულს ენითა,  
მადლებილს კიაფერადა  
კაცის გულ-მკერდის წვენითა,  
და ვათამაშდის მწენანსე  
ლაღად, მოლსენათ, სტვენითა.

თითქოს ამ უმონაწილეობასა და კულგრილობაში არეკლილად მოჩანს და იკითხება:

ის, ვინც თავისი კაცობრიული სულიერობის სიმადლიდან ეშვება ცხოველურ-მომხმარებლურ თავკერძობამდე, დალატობს თავის ჭეშმარიტ კაცურ არსს და ამით აუფასურებს თავისთავს ბუნების წინაშე, ქვეყნის წინაშე...

სიტყვას თუ გავათანამედროვებთ, შეგვიძლია ვთქვათ, რომ მომხვეჭელ-მომხმარებლის დამოკიდებულება ქვეყნისადმი, მეშჩანური და ინდივიდუალისტურ-ეგოისტური მისწრაფებები ადამიანებს ნამდვილად უკარგავს ქვეყნიერების ყველა ძვირფასი ღირებულების, ბუნებისა და სელოენების ყველა სიმშვენიერის ჭეშმარიტ-ადამიანური აღქმის უნარს. სორცისა და ნიეთის მონას სულიერ სილამაზეთა კარები დახშული აქვს.

ვაუა თავის მგზნებარე ლირიკაშიაც აგრძელებს „გველის მჭამელის“ იდეურ მოტივს. თავის „კაფიებს“, დაწერილს 1903 წელს, პოეტი ასე იწყებს:

„ჩონგურს სიმები მოეუწყე  
და ზედ დავმღერი ამასა:  
როგორ მივენდოთ ცხოველებს  
მართო სმასა და ჳამასა?“

ხოლო თავის შესანიშნავ „კაი ყმას“ (1909), ამაღლებული ზნეობრივობით გამსჭვალულს, ვაჟა ამთავრებს თავკერძა ადამიანების მინდიასტური გმობით:

„თავის ჯამს ჩასცქერო, საქევენოდ  
არც როს არ გამასდგებითა;  
თავისად სცოცხლოთ, მცონარედ  
ლემი ალალოთ, კკეებდითა;  
გაიგებთ კარგის გარჯასა,  
გწყინსთ და შურითა ხდებითა;  
უქმად ჩამალეთ სიცოცხლეს,  
უქმად საფლავში ხწეებითა.  
დაკარგავთ სააქოსა,  
ვერც საიქიოს სწედებითა,  
არც იცით, დახნდით რისადა,  
ან რისათვისა კედეებითა“.

უფრო ადრე კი, ჯერ კიდევ „გველის მჭამელის“ დაწერამდე, პოეტმა თქვა ადამიანის ამაღლებული სულიერი არსების სადიდებელი ლირიკული სიმღერა — „ხორცო, დაჰნელდი“ (1896).

„ხორცო, დაჰნელდი, დაჰქლევდი,  
სულო, იხარე, პლაღობდე,  
ღმერთმა დამკარგოს, თუ ამას  
სიტყვის შნოსათვის ვამბობდე.  
ხორცი რახ მიშველს მართოკა,  
თუ სულით არა ეგალობდე.  
სულო, აყვავიდი, ამაღლდი,  
დაე, ლემითა ვწვალობდე“.

ბოროტების წყაროდ ადამიანთა ცხოვრებაში ვაჟას ესახება ის ძალები — იქნება ეს სოციალური თუ ეროვნული უთანასწორობანი, ბნელი ადათები თუ ზნე-ჩვეულებანი, ცხოველური ინსტინქტები თუ ცრუ წარმოდგენები, — რომლებიც ბორკავენ და არღვევენ ადამიანთა ბუნებრივ ბუნებას, მათ პირველქმნილ სულიერ არსებას. არსებითად სწორედ ამ ბნელი ძალების წინააღმდეგ ილაშქრებენ ვაჟას ვაჟკაცური და მთლიანი ხასიათის გმირები. მათ თავდავიწყებით უყვართ სამშობლო, უყვართ თვისტომნი და ყოველ წუთს მზად არიან შეეწირონ მათ. მაგრამ ისინი ამავე დროს შორს არიან ყოველგვარი ტომობრივ-ეროვნული შეზღუდულობისაგან, ყალბი ტომობრივი წარმოდგენებისაგან, რაც აფერხებს და არღვევს სხვადასხვა ტომის ადამიანთა ბუნებრივ კავშირს. ეს გმირები თავდადებით იბრძვიან თავი-

ანთი შინაგანი თავისუფლებისათვის, იბრძვიან იმისათვის, რათა გულსა და გონებას აპყარონ ველურ ენებათა, ბნელ ზნე-ჩვეულებათა და სხვადასხვა ცრუ წარმოდგენათა ბორკილები. ეს ბრძოლა მკაფიოდ და ცხოვლად არის წარმოსახული ისეთ დიდებულ ეპიკურ ქმნილებებში, როგორიცაა „გოგოთურ და აფშინა“, „ალუდა ქეთელაური“, „სტუმარ-მასპინძელი“ და სხვ.

გოგოთურსაც, ალუდა ქეთელაურსაც, ჯოყოლასაც, აღაზასაც, ზვიადაურსაც და პოეტის ბევრ სხვა გმირს სწეურია ენდოს და ყური მიუგდოს მსოლოდ თავისი წმინდა ადამიანური არსების, თავისი გულისა და გონების სმას, იმოქმედოს მათი უშუალო კარნახით. ამ გმირებს სძულთ თავისი ქვეყნის, თავისი ხალხის მტრები და მუდამ შემართული არიან, რათა უკანასკნელ ამოსუნთქვამდე ებრძოლონ მტრებს, მოჰკლან, მოსპონ, გაანადგურონ ისინი. მაგრამ მათ უყვართ ადამიანი, როგორც ბუნების უღიადესი და უგონიერესი შვილი, უყვართ და ამის გამო თვით მტერშიაც კი აფასებენ და პატივს სდებენ ადამიანს, მის კაცურ ღირსებებს. ისინი თითქოს გუმანით, იღუმალი შინაგანი გრძნობითა და პირველქმნილი სულიერი არსებით იმეცნებენ, რომ თავიანთ წმინდა კაცურ გამოვლინებაში ადამიანები არ უნდა იყვნენ ერთმანეთის მტრები, არ უნდა სჩაგრავდნენ ერთმანეთს. სწორედ ამ გუმანს, ამ შინაგან გრძნობას მიჰყვება ჯოყოლაც და აღაზაც სხვა ტომის ვაჟკაცთან — ზვიადაურთან დამოკიდებულებაში. მაგრამ ამ წმინდა, თავისუფალი ადამიანური სულის-კვეთების გამოვლენისათვის მათ თავს ატყდებთ სხვადასხვა ცრუ წარმოდგენებითა და ადათებით შეპყრობილი თემის რისხევა. ეს წარმოდგენები და ადათები კი, რაც წლობით გამომუშავებული და შთანერგილია ადამიანებში ცხოვრების პირობებით, საზოგადოებრივი ყოფით, შეადგენენ ადამიანთა არა პირველადსა და უშუალო, არამედ მეორად ბუნებას, სხვადასხვა ურთიერთობათა დანაშრევებსა თუ შემონაგარსს.

გმირები იღუპებიან ერთი მხრივ — თავისუფალი სულისკვეთებით გამსჭვალულ ადამიანებსა და მეორე მხრივ ადათების დამცველ თემს შორის ატეხილ ბრძოლაში, რის სიღრმეშიც არსებითად ჩამალულია წინააღმდეგობა ადამიანთა პირველადს ბუნებასა და მეორად ბუნებას შორის; იღუპებიან, მაგრამ თავიანთი სიკვდილითაც ეს გმირები ამკიდრებენ ამაღლებული რაინდული ზნეობის, მამაცობისა და შეუდრეკელობის იდეალს, როგორც ადამიანის თავისუფალი სულის უმაღლეს გამოსატყლებას.

ვაჟა ბუნებასთან უშუალო სიახლოვის, მასთან პარმონიული შეწყობისა და შეგუების მგზნებარე ქომაგია. ბუნებრივი ყოფა, ლაღი და თავისუფალი ცხოვრება ბუნების წიაღში მას არსებობის ყველაზე

სახეს და შინაარსეულ ფორმად ესახება. ვაჟა ვერ პგუობს ვერაფერს ნამძალაღებსა და ხელოვნურს, არაბუნებრივსა და შერყვნილს. ჯერ კიდევ თავის „მესტიერის ანდერძში“, რომელიც 1890 წელს არის დაწერილი, ვაჟა გადმოსცემდა თავის ზნეობრივსა და ესთეტიკურ მრწამსს, თავის მსოფლმხედველობას. ამ ლექსში პოეტი პირდაპირ იმბობს: ტანჯვა-ვაება ჩემს წადილს გზას ვერ აურევს და ქვეყნის ზომონის წინაშე ქედს ვერ მომასრევენებსო; ზოგმა თუ პირადი ბედნიერება არ დაესთმეთ, სოფელს ბნელი დაფარავს და არსებობა გაუჭირდებაო; კარგების ხედრია, რომ ცხოვრების გაუკეთესებისათვის თვითონ შეება და სიამე მოიკლონო; ნუგეშად მეკმარვის ჩემი სტიერი, რომლის უღერა, ვგონებ, ამოდ არ ჩაივლისო; თუმცა ზოგს არ მოსწონს „ჩემი სტიერის ველური უღერა“, მაგრამ ჩემი ანდერძი ბევრის გულს დაეწერაო. ამ ზნეობრივ მოტივებს ლექსში მოსდევს პოეტის ესთეტიკური კრედო: ვარდი ვარდია, მაგრამ იმას მაინც ტყეში მოსული ია მირჩვენია, ალვას — წალკოტის მეფეს — კლდეზე გაბარდნილი ღვია მიჯობს და თავმომწონე ეიფელის კოშკს — შავი ლოდები მირჩვენია, კლდეთა ძირს რომ ვრიანო. პოეტი ასკვნის:

„ყველა ის მიყვარს, სადაც სიბრიყვემ  
სწავლის სახელით არ მიაღწია  
და ბუნებრივი წმინდა ქმნილება  
ცოდვილის ხელით არ მიაღწია“.

აი, სწორედ ამ „ბუნებრივი წმინდა ქმნილების“ იდეაა ვაჟას მსოფლმხედველობის შუაგული.

ეჭვი არ არის, ვაჟა იცნობდა რუსოს მოძღვრებას და ზოგიერთი თავისი შეხედულებით კიდევაც უახლოვდებოდა მას. მაგრამ არავითარი საფუძველი არა გვაქვს ვიფიქროთ, რომ ვაჟა რასმეს პირდაპირ დაესესხა რუსოს მოძღვრებას. ვაჟა უადრესად თვითმყოზადია. მისი მსოფლმხედველობა, უწინარეს ყოვლისა, ქართველი ხალხის საუკუნეობრივი სულიერი გამოცდილების სიღრმიდან ამოდის, იგი მინდიას ფიქრებიდან არის გამოდნობილი და წარმოშობილი.

რაც შეეხება ხელთქმნილისა და ხელთუქმნილის, ხელოვნურისა და ბუნებრივის, ეიფელის კოშკისა და კლდეთა შავი ლოდების ვაჟას ხეულ დაპირისპირებას, იგი მეტად ღრმაშინაარსიანი დაპირისპირებაა. ამ დაპირისპირებაში ერთი წამითაც არ შეიძლება დავინახოთ ცივილიზაციისა და ისტორიულ-კულტურული პროგრესის უარყოფის იოტისოდენა ნიშანიც კი. პირიქით, ვაჟა მთელი თავისი შემოქმედებით ამკვიდრებს ცივილიზაციისა და პროგრესის იდეალს, პროგრესისას, არა როგორც რღვევასა და შერყვნას „ბუნებრივი წმინდა ქმნილებისა“, არამედ როგორც მის გამოხსნას გარემო დანა-

შრევეებისაგან; მის აღდგენას, განმტკიცებას და განვითარებას ადამიანის სულშიც და მთელ ნივთიერ გარემოშიც. განვითარებისა და წინსვლის გზა, ვაჟას ვაგებით, სწორედ „ბუნებრივი წმინდა ქმნილები-საკენ“ მიმავალი გზაა.

პოეტი ჰგმობს და უარყოფს არა კულტურასა და პროგრესს, არამედ კულტურითა და სწავლით შენიღბულ სიბრწყევს, ისე როგორც ჰგმობს კაცთმოყვარეობით შენიღბულ კაცთმოძულეობას, უანგარობით შენიღბულ ანგარებას...

შეიძლება ითქვას, რომ ვაჟა თავისი შემოქმედებით თავისებურად ესმაურება და უსიარღება თანამედროვე იდეას ადამიანის სულიერი გაწმენდის, განახლებისა და გაადამიანების პროცესის შესახებ, რაც უნდა მოჰყვეს ღრმა სოციალურ პროგრესს, საზოგადოების ასვლას განვითარების ახალ უმაღლეს საფეხურზე.

შეგნებული სწრაფვა ცხოვრებისა და ბუნების ისეთი სახეებისა და ფორმებისაკენ, რომელთაც შენარჩუნებული აქვთ პირველქმნილი სასიცოცხლო ძალა და სურნელება, ვაჟამ გამოსატა იმდენად არა მით, რომ მეტწილად მთაში ცხოვრობდა და უკანასკნელი სულის-სდომის დროსაც მთიდან მოტანილი ფოთლები და ყვავილები დაიყარა გულზე, რამდენადაც მით, რომ მან, ქართული სალიტერატურო ენის ბრწყინვალე მცოდნემ, თავისი პოემებისა და ლექსებისათვის აირჩია დედაენის ფშავ-სევესურული კილოკაეი. ამან კი, როგორც ვიცით, მის პოეტურ შემოქმედებას მიანიჭა გამოუმსახველობის უჩვეულო ძალა, განუმეორებელი თავისებურება და მომხიბვლელობა, განსაკუთრებული სიცხოველე და სურნელება.

ვაჟა ღრმად ინტელექტუალური შემოქმედი. მისი ესთეტიკა არა მარტო უღრმეს გრძნობათა, არამედ აზრისა და სიბრძნის ესთეტიკაცაა. ამ მხრივ იგი დიდი რუსთველის პირდაპირი მემკვიდრეა.

ვაჟას შემოქმედება არ არის მოკლებული შეხანიშნავ ფერწერულ სურათებს, მაგრამ იგი უმაღლ პოეტი-მოქანდაკე, პოეტი-ხუროთ-მოძღვარია. იგი არა მარტო ფერებში ხედავს, არამედ უფრო მეტად ძერწავს და ჰკვეთს გასაოცარ მონუმენტურ სკულპტურულ ფორმებს. გაიხსენეთ, მაგალითად, უდიდესი მხატვრული ძალით შესრულებული დიდებული მონუმენტური სურათი „ბახტრიონის“ ბოლო თავიდან — დაჭრილ ლუსუშს უღრან ტყეში ჯაგარ-აშლილი გველი რომ მკურნალობს. განა ეს არ არის ხელოვნების მარადიული ძალითა და მომხიბვლელობით აღბეჭდილი სკულპტურული სურათი? თანაც სამშობლოს ისტორიული ბედის რა ღრმა პოეტური წარმოსახვაა ამ სურათში! თქმულება — მითი ღრმა რეალისტური შინაარსით ივსება.

გაიხსენეთ, ტრაგიზმით აღსავსე ჯგუფური სკულპტურული სურა-

თი პოემა „სტუმარ-მასპინძლის“ ფინალიდან... ო, რამდენის გახსენება შეიძლება!

მართალი იყო ტიციან ტაბიძე, ვინაც ვაჟას შემოქმედებაში მისი მშობელი ხალხის სულის სიჭაბუკის გამჟღავნება დაინახა.

ვაჟას მთელი შემოქმედება უცილობელი პოეტური გამართლებაა საქართველოსი, ხელოვნებისა, ადამიანისა.

ვაჟას მიმართ თამამად შეგვიძლია ვთქვათ ის, რაც ცნობილმა რუსმა მწერალმა — ლეონიდ ლეონოვმა თქვა ტოლსტოის შესახებ: „ასეთი ადამიანების დგომა ეროვნული აზრის კაპიტანის ბოგირზე თანამედროვეებს უნერგავს ნდობას აწმყოსადმი და უშიშროებას მომავლისადმი“.

ვაჟას მხატვრული მემკვიდრეობა გვინერგავს ნდობას ქართველი ხალხის წარსულისა და აწმყოსადმი რწმენას მისი მომავლისადმი.



## ბელთან მებრძოლი ტიტანი

რა ნაღვლიანიც უნდა იყოს გზა საფლავიდან საფლავამდე, ეს მაინც ასეა: დიდი ქართველი პოეტის — ნიკოლოზ ბარათაშვილის აღიარების, დიდების და უკვდავების გზამ სამ საფლავში გაიარა, პოეტის ნეშტი სამჯერ დაიკრძალა.

იგი გარდაიცვალა 28 წლისა, 1845 წელს, სამშობლოსა და მშობელთაგან მოშორებით, უცხო მხარეში (განჯაში, ასლანდელ კიროვობადში), თითქმის სრულ ხიმარტოვეში. იქვე, უცხო მიწაზე მიიბარა პირველად მისი ნეშტი. მართლაც წინასწარმეტყველური აღმოჩნდა პოეტის უმშვენიერესი ლექსის — „მერანის“ სიტყვები:

„ნუ დაეიპარხო ჩემსა მამულში, ჩემთა წინაპართ საფლავებს შორის,  
ნუ დამიტეროს სატრფომ გულისა, ნულა დამეცეს ცრემლი მწუხარის.

მაშინ მშობელი ხალხი. მას არც კი იცნობდა. იგი ისე გარდაიცვალა, რომ თავისი არც ერთი სტრიქონი დაბეჭდილი არ უნახავს. მის ლექსებს მხოლოდ ხელნაწერებში თუ იცნობდნენ მისი ახლო მეგობრები და ნათესაეები. გარდაცვალებიდან მხოლოდ რამდენიმე ათეული წლის შემდეგ გამოიცა პირველად პოეტის კრებული. და მხოლოდ ამის შემდეგ შეიცნო ხალხმა თავისი დიდებული მგოსანი და მისი გარდაცვალებიდან 48 წლის შემდეგ, 1893 წელს, შესძლო განჯიდან თბილისში გადმოსვენებინა და თავის მოღვაწეთა დიდუბის პანთეონში დაეკრძალა მეორეჯერ პოეტის ნეშტი. ისეთი „მიუკერძოებელი“ მეთვალყურეც კი, როგორიც იყო თბილისის უანდარპთა სამმართველოს უფროსი, ამ გადმოსვენების შესახებ ატყობინებდა პოლიციის დეპარტამენტს 1894 წლის 7 მარტს:

„ქართველებმა ხელახლა წამოაყენეს მივიწყებული საკითხი ამ საუკუნის დასაწყისში გარდაცვლილი ქართველი პოეტის — ბარათაშვილის ნეშტის გადმოსვენების შესახებ განჯიდან თბილისში.

განსაკუთრებული მიზნით ამოთხარეს მიწიდან რაღაც ძვლები და ეროვნული პოეტის ნეშტის სახით გადმოსვენეს თბილისში, სადაც

ამ ნეშტს მიეგება მრავალათასიანი სასოგადოება. ნეშტი დიდის პატი-  
ვით და მოწიწებით მიაბარეს მიწას.

კუბო ხელიდან ხელში გადადიოდა და არამცთუ ყველა წოდების  
მამაკაცები ეცილებოდნენ ერთმანეთს მის წაღებაში, არამედ ქალე-  
ბიც კი ცდილობდნენ როგორმე მონაწილეობა მიეღოთ კუბოს ტარე-  
ბაში, თუნდაც რამდენიმე ნაბიჯზე. დედებს, მოყვანათ თავიანთი პა-  
ტარა შვილები, აჩოქებდნენ კუბოს წინ და თაყვანს სცემდნენ კუბოს,  
როგორც წმინდანის ნეშტს“.

გავიდა კიდევ 45 წელი და უკვე ასალმა, საბჭოთა საქართველომ  
პოეტის ნეშტი 1938 წელს დიდუბის პანთეონიდან გადაასვენა მთა-  
წმინდის პანთეონში, სადაც ეროვნული კულტურის მსოლოდ პირვე-  
ლი სიდიდის ვარსკვლავები უნდა პოულობდნენ სამუდამო საფანეს.  
ნიკოლოზ ბარათაშვილმა სამართლიანად დაიმკვიდრა იქ თავისი  
ადგილი.

თუ საერთოდ ყოველი დიდი შემოქმედი და ყოველი დიდი შემო-  
ქმედება თავისი ეპოქისა და თავისი ხალხის სულიერი ცხოვრების  
დიდი კონდენსაციაა, ქართული ლიტერატურის ისტორიაში ამისი  
ერთ-ერთი ყველაზე მკაფიო მაგალითი ნიკოლოზ ბარათაშვილიცაა.  
შეიძლება ითქვას, რომ პოეტის სამშობლოს ისტორიული ბედი —  
ბედი ქართლისა აისახა არა მარტო მის შემოქმედებაში, არამედ ერთ-  
გვარი სიმბოლური მნიშვნელობით აისახა მის ბიოგრაფიაშიც.

ნიკოლოზ ბარათაშვილი დაიბადა 1817 წელს, თბილისში, დიდ-  
გვაროვანი ქართველი თავადის ოჯახში. დედის მსრივ იგი შთამომავა-  
ლი იყო ქართლ-კახეთის განთქმული მეფის — ერეკლე მეორესი,  
რომელმაც თავისი ქვეყნის დამოუკიდებლობის შესანარჩუნებლად  
თითქმის ასამდე ომი გადაიხადა, მაგრამ ალა-მაჰმად-ხანის ურდოე-  
ბის შემოსევის შედეგად მაინც იძულებული გახდა საბოლოოდ გადა-  
ეწყვიტა საქართველოს ისტორიული ბედი და ექცია იგი ერთმორწ-  
მუნე რუსეთის ქვეშევრდომად.

დედის მსრიდანვე პოეტის მკვიდრი ბიძა — გამოჩენილი ქართვე-  
ლი პოეტი — გრიგოლ ორბელიანი — რუსეთის არმიის გენერალი,  
ერთ დროს რუსეთის მეფისნაცვალის ამიერკავკასიაში და ამავე დროს  
საქართველოს დამოუკიდებლობაზე მეოცნებე მამულიშვილი — იყო  
პოეტის უფროსი თანამედროვე და მეგობარი. გიმნაზიაში კი პოეტის  
მასწავლებელი იყო იმ დროის ქართული მოწინავე პროგრესულ-  
დემოკრატიული აზრის ყველაზე თვალსაჩინო წარმომადგენელი,  
ლოგიკის ერთ-ერთი პირველი რუსული სახელმძღვანელოს ავტო-  
რი — სოლომონ დოდაშვილი. ერთი სიტყვით, ნიკოლოზ ბარათაშვი-  
ლის ოჯახური და სასოგადოებრივი წრე, რომელშიაც ყალიბდებოდა  
პოეტის პიროვნება, შედგებოდა თავისი დროის მოწინავე და ევრო-

პულად განათლებული ძალადი წრის ადამიანებისაგან... ისინი არ იყვნენ მოკლებული ცნობებს მაშინდელი მსოფლიო სოციალ-პოლიტიკურ მოვლენათა და პროგრესულ მოძრაობათა შესახებ. არც ფრანგ განმანათლებელთა და არც რუს დეკაბრისტთა იდეები იყო მათთვის უცხო. მათს სულიერ ინტერესებსა, წარმოდგენებსა და ილუზიებში ერთგვარად შეზავებული იყო ფიქრებიც საქართველოს მომავალზე, სურვილიც რუსეთის მმართველობასთან შეგუებისა, დიდი სევდაც ეროვნული დამოუკიდებლობის დაკარგვის გამო, მოგონებანიც ძველი დიდებისა და წინათგრძნობაც ბატონყმობის ნიადაგის რყევისა.

ამ ფიქრებისა და განწყობილებების თანამოზიარე უეჭველია ახალგაზრდა ნიკოლოზ ბარათაშვილიც იყო. მაგრამ, როგორც საერთოდ ყოველ ყრმობას სჩვევია, პირველად იგი აღსაესე იყო იმედებითა და წარმტაც იოცნებებით. ეს იყო პოეტის ცხოვრების ის ხანა, როდესაც, მისივე სიტყვებით, „წრფელი რბიოდა ნათლად დრო ყმაწვილობის სწორთა, თანზრდილთა, მეგობართ შორის“, როდესაც შინაგანი ხმა მოუწოდებდა პოეტს მაღალი მისიისაკენ სამშობლოს სამხაზურისათვის. შემდეგშიაც პოეტი ამ თავისი შინაგანი მოწოდების შესახებ სწერდა ბიძას — გრიგოლ ორბელიანს: „ახლა იმას ვამბობ, რომ მე შინაგანი ხმა მიწევებს საუკეთესოს ხედრისაკენ, გული მეუბნება, რომ შენ არა ხარ ახლანდელის მდგომარეობისათვის დაბადებულიო! ნუ გძინავსო! მე არ მძინავს, მაგრამ კაცი მინდა, რომ ამ პატარა ღრე-კლდეს გამიყვანოს და დავდგი გამლილს ადგილს. პო, რა თავისუფლად ამოვისუნთქაე მაშინ“.

მაგრამ პოეტის ხელისგამწოდებელი არაფერს აღმოჩნდა. უნდა ვიფიქროთ, რომ თავგერძობისა და გულგრილობის შსამით იმდენად იყო გაყდენთილი მაშინდელი მაღალი წრეების სულიერი ატმოსფერო, რომ — პირდაპირ უნდა ითქვას — თვით ისეთი მძაფრი გრძნობებით პოეტმაც კი, როგორიც იყო გრიგოლ ორბელიანი, ვერ იგრძნო მკაფი სიღრმით მაღალი ნიჭით დაჯილდოებული დისშეილი მას შემდეგაც კი, როდესაც უკვე ხელთ ჰქონდა მისი უკვდავი შედეგები.

ცხოვრებაში ნიკოლოზ ბარათაშვილს არც ერთი ხანუკვარი ოცნება არ აღსრულებია. მოწაფეობის დროს უბედური შემთსვეყვით ორივე ფესი მოიტყუა და სამუდამოდ დაკოჭლდა. ამის გამო მას ხელი ააღბანეს სამხედრო სამსასურში შესვლის იმედზე, რაზედაც იგი ვატაცკებით ოცნებობდა. მერე რუსეთში გამეზავრება და უნივერსიტეტში სწავლა სურდა, მაგრამ ამამიაც ხელი მოეცარა: მამის ხელგამლილობისა და თანაც მამისავე აეადმყოფობის გამო ვალეებში ჩავარდნილმა ოჯახმა არამცთუ ხელი ვერ გაუპართა ჭაბუკს, არამედ, პირიქით. მისგან მოითსოვა ზრუნეა და თავდადება. იგი იძულებული გასდა მოსელედ დაე-

წყობის სამსახური სასამართლოსა და განწინების ექსპედიციაში, მიუხედავად იმისა, რომ მისივე თქმით, კარგად იცოდა «Круг чиновников не выгоден для образования нравственности».

პოეტს, როგორც ჩანს, სიყვარულშიაც ვერ ასცდა სიმუსთღე სოფლისა, სიმწარე იმის განცდისა, რომ საყვარელი არსების სულში ანგარებამ, სოციალური კიბის მაღალ საფესურზე ასვლის წყურვილმა გადასძალა უშუალობასა და უმწიკვლო გრძნობას.

იმედების რაოდენი მსხვერვეა, კაცისა და ბედის რაოდენი სიმუსთღე უნდა განეცადა ჭაბუკ პოეტს, რომ ნათესავ-მეგობარ ქალისადმი გაგზავნილ წერილში შემდეგი აღსარება ეთქვა: „ვისაც საგანი აქვს, ჯერ იმის სიაშოვნება რა არის ამ საძაგელ ქვეყანაში, რომ ჩემი რა იყოს, რომელიც, შენც იცი, დიდი ხანია ობოლი ვარ... სიცოცხლე მამძულეებია ამდენის მარტოობით. შენ წარმოიდგინე, მაიკო, სიმწარე იმ კაცის მდგომარეობისა, რომელსაც მამაცა ჰყავს, დედაც, ღებიც: მრავალნი მონათესავენი და მაინც კიდევ ვერავის მიჰკარებია, მაინც კიდევ ობოლია ამ სავსე და ვრცელ სოფელში! ვინც მაღალის გრძნობის მქონე მეგონა, იგი ვნახე უგულო, ვისიც სული განვითარებული მეგონა, მას სული არა ჰქონია, ვისიც გონება მრწამდა ზეგარდმო ნიჭად, მას არცა თუ განსჯა ჰქონია, ვისიცა ცრემლნი მეგონებოდნენ ცრემლად სიბრაულისა, გამომეტყველად მშვენიერის სულისა, თურმე ყოფილან ნიშანნი ცბიერებისა, წვეთნი საშინელის საწამლავისა! სად განისვენოს სულმა, სად მიიდრიკო თავი?“

როგორც ვხედავთ, დიდი ტალანტის ეს მწეავე სულიერი განხეთქილება თავის დროსა და თავის წრესთან ნაკარნახევი იყო, უწინარეს ყოვლისა, მაშინდელი მაღალი საზოგადოების საკმაოდ ღრმა ზნეობრივი კრიზისის შეგნებით. პოეტი ხშირად ჩიოდა ირგვლივ გამეფებულ გულგრილობაზე, ადამიანთა შორის მაღალ სულიერ კავშირთა მოშლაზე.

პოეტის პირადი ნაცნობების მოგონებებიდან ჩანს, რომ იგი მეტად აქტიური ბუნების, მახვილი და ფხიზელი გონების, მსიარული ხასიათისა და ფრიად გულკეთილი, ფრიად კაცთმოყვარე ადამიანი ყოფილა... და ამ სიცოცხლით სავსე ახალგაზრდა კაცს ჯერ კიდევ არც კი მიეღწია თავისი დიდი ნიჭის სრული სიმწიფისათვის, რომ ბედმა სამშობლოს მოსწყვიტა და ავთვისებიანი ციებ-ცხელებით მოუღო ბოლო. ერთობ ცხადად აღსრულდა ნიკოლოზ ბარათაშვილის მიმართ შოთას თქმული სამდურავი სოფლისადმი:

„ვამ, სოფელო, რამიგან ხარ, რას გვაბრუნებ, რა ზნე გჭირსა!“

„სადაურსა სად წაიყვან სად აღუფხვრი სადით ძირსა?!“

პოეტის პირადი ცხოვრების მრავალ სიღუბსჭირეს, რასაკვირველია, არ შეიძლება მკვეთრი დადი არ დაესვა მთელი მისი შემოქმედებისათვის, კერძოდ, ის უმძაფრესი გრძნობა ტრაგიზმისა, რაც თავიდან ბოლომდე გასდევს მის პოეზიას, ცხადია, უპირველეს ყოვლისა, მისი პირადი ბედის პოეტური გამოსხივება.

მაგრამ ნიკოლოზ ბარათაშვილის სიღიადე მის პირად ტრაგიკულ ბედში როდია.

შოთა რუსთაველის შემდეგ — თითქმის ექვსასი წლის განმავლობაში — ქართული პოეზია არავის არ აუყვანია ისეთ დიდ ეროვნულ და ამდენადვე ისეთ დიდ ზოგადსაკაცობრიო მნიშვნელობის სიმალემდე, როგორზედაც იგი აიყვანა ნიკოლოზ ბარათაშვილმა. დროის ამ მანძილზე, გენიალური ეპიკური პოემა-რომანის „ვეფხისტყაოსანის“ შემდეგ სხვა ისეთი დიდი პოეტური მწვერვალი არ აზიდულა, როგორცაა ნიკოლოზ ბარათაშვილის შემოქმედების გვირგვინი, მშვენიერი რომანტიკული ლექსი „მერანი“.

რასაკვირველია, ეს იმას არ ნიშნავს, რომ ქართველი ხალხის ცხოვრების ეს გრძელი შუალედი ამ ორ მწვერვალს შორის პოეტურად აუთვისებელი და დაუსახლებელი იყო. მართალია, მეცამეტე საუკუნიდან. მონგოლთა შემოსევებმა პირდაპირ კატასტროფულად შეაფერხეს ქართული კულტურის განვითარება, მაგრამ განვითარება მაინც არ შეწყვეტილა. მის შეუწყვეტლობას მოწმობდა მომდევნო საუკუნეების არა მარტო მრავალრიცხოვანი ეპიკონები რუსთაველისა ან აღმოსავლური ლიტერატურის დიდი გავლენით შექმნილი ქართული ნაწარმოებები, არამედ ფრიად თვალსაჩინო თვითმყოფადი ქართველი შემოქმედნიც, როგორც იყვნენ, მაგალითად, შესანიშნავი მოიგავარაკე და მეცნიერი-ლექსიკოლოგი სულხან-საბა ორბელიანი, სიყვარულის მგზნებარე მომღერალი, ორიგინალური ფორმის პოეტი — ბესიკი, ქართლის ჭირის მჭმუნვარე პოეტი მქმატიანი, ხალხური ინტონაციებით ქართული ლექსის გამაუხვებელი — დავით გურამიშვილი, თავისებური არტისტიზმით აღბეჭდილი რომანტიკოსი პოეტი ალექსანდრე ჭავჭავაძე, ქართული რომანტიზმის ერთ-ერთი უბრწყინვალესი წარმომადგენელი — გრიგოლ ორბელიანი და სხვები.

ბარათაშვილმა კი, შეიძლება ითქვას, ახალი სული შთაბერა ქართულ პოეზიას.

ამ დიდი პოეტის მემკვიდრეობა მოცულობით დიდი არ არის: სულ 37 ლექსი, ერთი მცირე პოემა და ოციოდე პირადი წერილი. მაგრამ ამ მცირე მოცულობაში გამჟღავნებულია დიდი და მშვენიერი პოეტური სამყარო.

მიო, რომ უმძაფრესად და უგულწრფელესად გამოსატა თავისი სულიერი მღელვარება, თავისი ფიქრები და მისწრაფებები, ნიკოლოზ ბარათაშვილი ყველაზე ღრმად ჩაწვდა პოეტურად თავისი დროის შეჭირვებული, ჩაფიქრებული და დაღონებული საქართველოს სულს, მისი ისტორიის ერთ-ერთი ყველაზე მწვავე მწვანე მწვანე მწვანე — ალა-მაჰმად-სანის ურდოების შემოსევის მძიმე შედეგები პირვასსნილ ჭრილობად აჩნდა ქვეყანას. მართალია, რუსეთთან შეერთებით საქართველო სრულ ფიზიკურ განადგურებას გადაურჩა, მაგრამ ეროვნული დამოუკიდებლობა დაჰკარგა და არსებითად კოლონიური ჩაგვრის უღელქვეშ მოექცა. ქართველი ხალხის ორმაგი ჩაგვრის — სოციალური და ეროვნული ჩაგვრის პირობებში წინააღმდეგობათა გამძაფრებას მოჰყვა გლეხთა გასპირებული აჯანყებები, რომლებსაც ხელისუფალნი მთელი სიმკაცრით ასშობდნენ. 1832 წელს მოეწყო ქართველი მაღალი წრეების მოწინავე წარმომადგენელთა შეთქმულებაც რუსეთის თვითმპყრობელობის წინააღმდეგ ეროვნული დამოუკიდებლობის მოსაპოვებლად. შეთქმულთა შორის იყვნენ როგორც ეროვნული მონარქიული წყობილების აღდგენის მომხრენი, ისე რესპუბლიკური მიდრეკილების მოღვაწენიც. შეთქმულება არსებითად მოკლებული იყო ღრმა შინაგან მთლიანობასაც და რეალურ დასაყრდენ ძალებსაც. ამიტომ იგი, როგორც მოსალოდნელი იყო, მარცხით დამთავრდა. ამ დროს ნიკოლოზ ბარათაშვილი 15 წლისა იყო და იგი, რასაკვირველია, შეთქმულების მონაწილე ვერ იქნებოდა. მაგრამ თავისი განწყობილებით იგი უეჭველად შეთქმულთა პროგრესული ნაწილის თანამოაზრე იყო. შეთქმულების დამარცხებით დაიმსხვრა ბევრი ილუზია, დაიშალა ბევრი კავშირი.

თუმცა დიდად დაუძლურებული, შევიწროებული და შებოროტილი, მაგრამ მაინც მრავალსაუკუნოვანი ისტორიულ-კულტურული ტრადიციების მქონე ქვეყანა, ბუნებრივია, ვერ ურიგდებოდა თავის მწარე ხვედრს, იგი ეძებდა გამოსავალს, ეძებდა სახელმძღვანელო აზრს. ასეთ ვითარებაში, როგორც წესი, ქვეყანა მძიმე ფიქრებს ეძლევა. და საქართველოც მტანჯველი ფიქრებით იყო შეპყრობილი... ქართული სინამდვილე ეროვნულ სულიერ ენერჯიას წარმართაედა მაძიებელი აზრისაკენ, მშფოთვარე და გაღრმავებული ფიქრებისაკენ. მაშინდელი მაღალი წრეების განათლებული წარმომადგენლები, რომელთა რიცხვს ეკუთვნოდა ბარათაშვილი, მოკლებული არ იყვნენ ცნობებს მსოფლიო სოციალ-პოლიტიკურ მოვლენათა და პროგრესულ მოძრაობათა შესახებ. მათთვის უცხო არ იყო არც ფრანგ განმანათლებელთა და არც რუს დეკაბრისტთა იდეები. მათ სულიერ წყობაში, ერთგვარად, ზოგჯერ ძალიან წინააღმდეგობრივადაც, შეზავებული

იყო რუსეთის მართველობასთან შეგუების სურვილიც, ფიქრებიც საქართველოს მომავალზე, მის თავისუფლებაზე, დიდი სევდაც ეროვნული დამოუკიდებლობის დაკარგვის გამო, მოგონებანიც ძველი დიდებისა და ერთგვარი წინათგრძნობაც ფეოდალური ურთიერთობის ნიადაგის რყევისა. თვით ეპოქაც ხომ საერთოდ გარკვეულ სოციალურ-ისტორიულ ძვრათა გამო ამახვილებდა ისტორიული პროცესის სუბიექტურ მხარეს, ამწვავებდა წინააღმდეგობას პიროვნებასა და გარემომცველ სამყაროს შორის.

ნიკოლოზ ბარათაშვილი სწორედ თავისი დროის მოაზროვნე და მოფიქრალი, საქართველოს ყველაზე ღრმა და ყველაზე დიდი პოეტური მესიტყვეა. შემთხვევითი როდია, რომ მთელი მისი შემოქმედება გამსჭვალულია ფიქრებით, მღელვარე ფიქრებით ქვეყნისა და კაცთა ბედის, სიკვდილ-სიცოცხლის, ადამიანისა და ქვეყნიერების დამოკიდებულების, სიყვარულისა და ზნეობის, საქვეყნო მოვალეობისა და პირადი თავისუფლების მწვავე საკითხებზე.

პოეტი უარყოფს ცრუ და მუხთალ სოფელს მაგრამ არსებული სამყაროს გარდაქმნის შეუძლებლობის შეგნება პოეტში ბადებს მისწრაფებას, რომ მიეცეს მხოლოდ თავის ფიქრებსა და განცდებს, ეძებოს თავისი ამბავებული პოეტური იდეალი არა მისთვის მტრულ და საზიზღარ გარემომცველ სინამდვილეში, არამედ თავისი სულის დაუცხრომელ სწრაფვაში. შებორკილი არსება ადამიანისა ელტივს შეუზღუდავ თავისუფლებას, მწვავე განხეთქილება არსებულ სინამდვილესთან ამბაფრებს სულიერი სიმარტოვისა და განკერძოების გრძნობას; პიროვნული, სუბიექტური ლამობს განმტკიცდეს გარემოში.

ბარათაშვილი პოეზიიდან გამორიცხავს ყოველივე შემთხვევითს. მას არ იტაცებს არც შემთხვევითი აღტაცება, არც შემთხვევითი წუხილი. პოეზია მისთვის იმ სიღრმისეულ გრძნობათა სიბრძნეა, რომლებიც მოიცავენ ქვეყნიერების არსებით კავშირებს... ამ მსრივ იგი თავის იმ დიდი წინაპრის კვალს ადგას, ვინც თქვა: „შიაირობა პირველადვე სიბრძნისაა ერთი დარგი“.

ბარათაშვილი დიდი აზრისა და ღრმა დაფიქრების პოეტია. იგი დაფიქრებული მიდის სამყაროსთან და თავისი ფიქრების მეშვეობით აღიქვამს მას. მისი პოეტური ხილვები მისივე ფიქრებით დატვირთული და გაშინაარსიანებული ხილვებია, მისი კონტაქტი გარემოსთან — მისი უშუალო გრძნობები ყოველთვის შერწყმული თუ გადაწნულია შემსვედრ შინაგან გრძნობებთან და აზრებთან. ბუნებაშიც პოეტი, უპირველეს ყოვლისა, თავის სულს კითხულობს, თავის ფიქრებსა და განცდებს იკვლევს. შემოქმედებაშიც პოეტს იმდენად ბუნებისა და გარემომცველი ქვეყნიერების ხაღებაეები როდი გადმო-

აქვს, რამდენადაც იგი თვით ბუნებას და გარესამყაროს აფერადებს თავისი სულის ფერებით, ასურათებს თავისი ფიქრების მოძრაობით.

აი ჩვენ წინ არის 19—20 წლის ჭაბუკი პოეტის შესანიშნავი ქმნილებანი — „შემოღამება მთაწმინდაზე“ და „ფიქრნი მტკერის პირას“, უკვე აღბეჭდილნი თავისებური პოეტური სიბრძნითა და შთაგონებული პოეზიით. მთაწმინდა გულდასურულთა მეგობრად მიაჩნია პოეტს. მის დამაფიქრებელ, ვერან და უღაბურ ადგილებში, ბუნდოვანი კლდის არემარეზე დასადგურებულ იდუმალებში, ნაპრაღთა მღუმარებით აღსავსე მაისის მწუხრში პოეტი ყურს უგდებს თავისი გულისა და სულის მოძრაობას, კითხულობს თავის ფიქრებს, ფიქრებს, რომლებიც ცისკენ მიისწრაფიან, მაგრამ ცამდე ვერ აღწევენ და შაერშივე განიბნევიან. გულისთქმა პოეტისა ცის იქით ეძიებს სადგურს — ზენაართ სამყოფს, რათა გაეცალოს ამქვეყნიურ ამაოებას, მაგრამ მოკვდავთ არ ძალუძთ მისწვდნენ სამყაროს დაფარულ აზრს. აქ კი, ამ დიდებულ და ტრაგიკული გზებით სავსე შემოღამებაში, რაც ლექსის არა მხოლოდ სიტყვიერ მასალაში, არამედ მის მღელვარე რიტმსა და მუსიკაშიც შეიგრძნობა, ღრმად ინაკეთება პოეტის დიდ სევდად ქცეული ტკივილები დროისა, ტკივილები სამშობლოსი. მწუხარე და სევდიანია პოეტი, მაგრამ მას მაინც აქვს ნუგეში იმისა, „რომ გათენდება დილა მზიანი და ყოველს ბინდსა ის განანათლებს“.

მტკერის პირადაც პოეტი თავის ნაღვლიან ფიქრებს ეძლევა. თვით მტკვარს კი იგი მსოლოდ ფუნჯის ერთი მოსმით ხატავს:

„ნელად მოღელავს მოღუღუნე მტკეარი ანკარა  
და მის ზვირთებში ერთის ლაჟვარდი ცისა კაპარა“.

პოეტმა არ იცის, რას ბუტბუტებს, ვისთვის რას იტყვის მრავალი დროების მოწამე, მაგრამ უტყვი მტკეარი. მაგრამ რაზედაც უნდა ბუტბუტებდეს, მას მსოლოდ ის ძალუძს, რომ თავშესაფარი მისცეს სევდას პოეტისას, ვისაც ცსოვრება ფუჭად და ამაოებად ესახება; კაცთა ყოფნა და წუთისოფელი კი — აღუვსებელ საწყაულად. თვით უძლიერესნიც და უკეთილესნიც ამ ქვეყნად ამაოების ტყვენი არიან. მაგრამ პოეტი ცსოვრების სრულ უარყოფამდე მაინც არ მიდის, მაინც პოულობს ცსოვრების ერთადერთ უმადლეს აზრსა და უხრწნელ ადამიანურ ღირებულებას — ქვეყნისათვის მოღვაწეობასა და ზრუნვაში:

„არც კაცი ვარგა, რომ ცოცხალი მეკდარსა ემსგავსოს,  
იყოს სოფელში და სოფლისთვის არა იზრუნოს!“

ასეთია „ფიქრნი მტკერის პირას“.

პოეტისთვის, როგორც ვხედავთ, ბუნება, უწინარეს ყოვლისა, გან-



ცდებისა და გრძნობების საყუდარია, ფიქრების საფანეა და არა მხოლოდ აღსაწერი თუ გამოსახატავი გარეგანი საგანი. პოეტს უმალ ბუნებასთან შეზიარება, მის საიდუმლოებაში შეჭრა სწყურია, ვიდრე მისი გარეგნული სახიერების ჭერეტა. იგი იმდენად ბუნების სურათების წარმოსახვას როდი ესწრაფვის, რამდენადაც თავისი შინაგანი სამყაროს გადატანას სამშობლოს ბუნებაში, სულის შეზიარებას მასთან. აქაც კი, სადაც პოეტი ბუნების სილვად სურათებს წარმოსახავს, არსებითად იგი თავის განცდას, თავის სულისკვეთებას ხატავს. ასე, მაგალითად, პოეტური სახე — „გინახავთ სული, ჯერეთ უმანკო, მხურვალე ლოცვით მიქანცებული? მას ჰგავდა მთვარე, ნაზად მოარე, დისკო-გადახრით შუქმიბინდული“, უმალ პოეტის სულიერი განწყობილების, მისი განცდის ნახატია, ვიდრე უშუალოდ მთვარის მოვანებისა შემოღამებისას. ასევე პოეტის პატრიოტული სულისკვეთების, მისი შინაგანი მღელვარების ბუნებაში გადატანის ნიშნით არის აღბეჭდილი შესანიშნავი პეიზაჟური ჩანახატი პოემაში „ბედი ქართლისა“:

„მორბის არაგვი არაგვიანი,  
 თან მოსძახიან მთანი ტყიანი,  
 და შეუპოვრად მოუთამაშებს  
 გარემო აუვისსა ატეხილ ჭალებს.  
 პოი, ნაპირნო, არაგვის პირნო,  
 მობიბინენო, შეებით მომზირნო,  
 ქართელსა გულმან როგორ გაუძლოს,  
 ოღეს შეენება თქვენა იხილოს“...

პოეტის მსოფლშეგრძნებაში, მის დამოკიდებულებაში ბუნებისადმი უეჭველად არის რაღაც პანთეისტური. იგულისხმება პოეტური პანთეისტური მსოფლშეგრძნება და არა ფილოსოფიურად ჩამოყალიბებული პანთეიზმი.

ლექსში „ჩინარი“, სადაც პოეტი განმარტოებულ ფრიალო კლდეზე აღმართულ ალვის ხისა და მის ძირას მიმდინარე მტკვრის ნაირფერ იდუმალ კაეპირში ტრფიალების მშვენიერ დრამას სჭერეტს, პირდაპირ ამბობს:

„მრწამს, რომ არს ენა რამ საიდუმლო უასაკოთ და  
 უსულოთ შორის,  
 და უცხოველეს სხვათა ენათა არს მნიშვნელობა მათის  
 საუბრისი“

ამრიგად, პოეტს სწამს, რომ ბუნებაში განფენილია რაღაც გონიერებისა და გრძნობელობის მაგვარი, რომ თვით უსულონი და უასაკონიც კი შეტყვევებენ თავიანთი საიდუმლო ენით და, მაშასადამე, მათ შორის არსებობს იდუმალი სულიერი კაეპირი. ადამიანი კი თა-

ვის წმინდა ჭეშმარიტ არსში, პოეტის აზრით, ღვთაებრივობის კერძობაა და სწორედ ამიტომ ადამიანში შეიძლება სუფევდეს საუკუნო მადლი ტრფობისა. „და კაცთა შორის, ვით კერძოსა ღვთაებობისა, რად გწამს არ იყოს საუკუნო მადლი ტრფობისა?“ — ამბობს პოეტი ლექსში — „რად მყვედრი კაცსა, ბანოვანო, პირუმტიკობას?“, რომელიც მშვენიერ სულთა კავშირზე დამყარებული სიყვარულის პოეტური მტკიცებაა. აქ პოეტი განასხვავებს ყოველი არსების ორ საწყისს: სორციელსა, როგორც წარმავალს, ცვალებადს, და სულიერს, როგორც მყარსა და უსრწნელს. მათს შესაბამისად ერთმანეთისგან განსხვავდება სილამაზე და მშვენიერება. სილამაზე სორციელების ნიჭია მსოლოდ, იგი წარმავალია და ყვაელივით ძალე დაჭკნება. გულიც, მსოლოდ სილამაზით გატაცებული, არამტიკე და ცვალებადია. მშვენიერება ნათელია, ზეცით მოსული, იგი უსრწნელი საწყისია არსისა, უზადო სიწმინდეა ბუნებისა, უცვლელი და უკადავი.

„თვით უკვლავება მშვენიერსა სულში მღვთარებს,  
მას ვერც შემთხვევა და ვერც ხანი ვერ დააბერებს.  
მსოლოდ კავშირი ესრეთ სულთა შობს სიყვარულსა,  
ზეგარდმო მადლით დაუსნელად დამტიკებულსა“.

პოეტი პეტრფის ყოველივე სიწმინდესა და სიანკარეს, როგორც მარადი სულისა და მშვენიერების გამოსხივებას. იგი ეტრფის „ცისა ფერს, ლურჯსა ფერს, პირველად ქმნილსა ფერს“, რადგან ცისფერი სამყაროს უსრწნელი საწყისის გამოკრთობაა, ბუნების უსრწნელი სიწმინდის განფენილობაა. პოეტისათვის არც მიწიერია გამორიცხული ამ სიწმინდიდან. მას ეს მშვენიერი ფერი სიბლავს ქალის თვლებშიაც. ამ მოხიბლულობას კი უეჭველად დაჰკრავს უფაქიზესი ეროტიკული გრძნობის ელფერიც.

პოეტს სწყურია, რომ თავის სიცოცხლითაც და სიკვდილითაც შეერთოს და შეერწყოს ამ პირველადქმნილსა ფერს:

„ფიქრი მე სანატრი  
მიმიწევს ცისა ქელს,  
რომ ემხით დამდნარი  
შეერთო ლურჯსა ფერს“.

ყოველივე ეს არსებითად მოასწავებდა პოეტის რომანტიკულ დამოკიდებულებას სამყაროსადმი — მისწრაფებას, რომ თავისი მღელვარე სული, თავისი სულიერი განცდები გაეშალა გარე სამყაროში, სუბიექტური განემტიკებინა ობიექტურში.

ასეთი მისწრაფება, პირდაპირ თუ არაპირდაპირ, უეჭველად შესაბამებოდა საერთოდ ეპოქის რომანტიკულ სულისკვეთებას. ბარა-

თაშვილისათვის არ იყო უცხო არც პუშკინისა და არც მიტკევიჩის, არც ბაირონისა და არც ლერმონტოვის რომანტიკული მოტივები. მაგრამ მთელი მისი შემოქმედების პირველსა და უშუალო წყაროს, რასაკვირველია, თვით მისი ქვეყნის, თვით მისი მშობელი ხალხის ცხოვრების კონკრეტულ-ისტორიული შინაარსი და ქართული მხატვრული აზროვნების, პირველ ყოვლისა კი, რუსთაველის შემოქმედებითი ტრადიციები წარმოადგენდა.

ბედი ბარათაშვილის საქართველოსი, როგორც უკვე აღვნიშნეთ, მწარე და მძიმე იყო. ქართველი ხალხის შებორკილი ინდივიდუალობა დიდი საფრთხის წინაშე იდგა, მას წარხოცვა ეშუქებოდა. ბარათაშვილის საქართველოს არ შეეძლო მიედო არსებული სინამდვილე, არ შეეძლო შერიგებოდა თავის ბედს, მაგრამ ბედის შეტრიალების ძალა მას არ შესწევდა. თავისუფლების მოპოვებისა და ეროვნული მეობის განმტკიცების წყურვილი სულიერ მისწრაფებებსა და ოცნებებში გადაქონდა. სწორედ ეს იყო ნიადაგი ბარათაშვილის რომანტიზმისა. შებორკილი ინდივიდუალობა ელტვოდა შეუზღუდავ, თავისუფლებას, მწვავე განსეთიქილება არსებულ სინამდვილესთან ამძაფრებდა სულიერი განკერძოების გრძნობას, სუბიექტური ლამობდა ობიექტურში განმტკიცებას. რომანტიზმის ერთ-ერთი არსებითი ნიშანიც ეს არის — განსხვავებით რეალიზმისა, რაც, პირიქით, ელტვის სწორედ ობიექტურის გადმოღებასა და განმტკიცებას სუბიექტურში, გარე სამყაროს ყველა თვისების, ყველა საღებავის ათვისებასა და გამოსატყვას.

ბარათაშვილი პოეზიიდან გამორიცხავეს ყოველივე შემთხვევითს. მას არ იტაცებდნენ უეცარი სულიერი რეფლექსი — შემთხვევითი აღტაცება ან შემთხვევითი წუხილი. პოეზია მისთვის ისეთ სიღრმისეულ გრძნობათა სიბრძნეა, რომლებიც მოიცავენ არა შემთხვევითს, არამედ გარდუეალ ადამიანურ კავშირებს. ბარათაშვილი არსებითად აგრძელებს და ავითარებს თავისი დიდი წინაპრის — რუსთაველის პოეტიკას, რომლის მიხედვით „შაირობა პირველადე სიბრძნისაა ერთი დარგი“.

პოეტის სულიერი მღვდლვარება თუ სევდა, გაცხადებული მის პოეზიაში, ქვეყნიერებასთან დამოკიდებულების შემთხვევითი ვითარების ნაყოფი როდია. არა, მას ღრმა მიზეზები აქვს. პოეტი ხედავს, რომ ქვეყანა ერთობ მკაცრი და უღმობელია ადამიანების მიმართ, იგი მეტწილად ტკივილებს აყენებს მათ. ამიტომაც პოეტი მღერის არა სიამეთა, არამედ ტკივილთა გამო. მისი ჩონგურის მწუსარე ხმები „წარსულთა“ დროთა მოგონებითა სულს აფიქრებენ“. პოეტი კიდევაც ნატრობს, ოდესმე მაინც გამოსცეს მხიარული სმა მისმა ჩონგურმა, რომ სევდიანმა უუყაროს „გულისა სენი“. მაგრამ თავისი ჩონგური-

საგან პოეტს მხოლოდ „მოკლეულის გულის... ჩივილი“ ესმის. პოეტის სულით ობლობა არ ჰგავს იმ ობლობას, რაც, ჩვეულებრივ უბედურ შემთხვევას — მშობლის, ნათესავის, მეგობრის ან თვისტომის დაკარგვას მოჰყვება ხოლმე. მისი სულით ობლობა მაღალი ვონების, მგრძნობიარე გულისა და წმინდა სინდისის შეურიგებლობაა ქვეყნის სიმუხთლესა და უკულმართობასთან.

„მეგობართა, ნათესავთ მოკლებული,  
ისევ ჩქარად პოეებს სანაცვლოს გული,  
მგარამ ერთხელ დაობლებული სული  
მარად ითმენს უნუგეშობას კრული!“

დაობლებულ სულს იპყრობს სკეპსისი, მას აღარ აქვს ნდობა ამ ქვეყნის. პოეტი შენატრის ჩვილი ყრმის უღრუბლო დღეებს, მის უზადო თავისუფლებას, სანამ მას არ უცვნია „სოფელი მომდერალი“, არ უცვნია ქვეყნის სიმკაცრე და გულცივობა.

ნიკოლოზ ბარათაშვილის ფიქრები და საკითხები, უწინარეს ყოვლისა, მისი დროის ქართველი კაცის ფიქრები და საკითხებია. მისი სეედაც, მისი სულიერი სიმარტოვეც, მისი ურჩობაც ბედის წინაშე ამოზრდილი და ამორეკლილია თვით საქართველოს ისტორიული ყოფიერების წიაღიდან, საქართველოს შემფოთებული გულიდან.

პოეტის სულიერი განწყობილების, მისი ფიქრებისა და მისწრაფებების მთავარ სათავესა თუ მიზეზთა მიზეზს კარგად გამოსატაქვს პოემა „ბედი ქართლისა“.

სახელწოდება პოემისა არ არის შემთხვევითი. ბედის საკითხი საერთოდ პოეტის მთელი შემოქმედების ერთ-ერთი ძირითადი და მტანჯველი საკითხია. ბედი ქართლისა კი მთელი იმდროინდელი მოაზროვნე საქართველოს უმთავრესი და უმწვავესი საკითხი იყო, საკითხი ერის ყოფნა-არყოფნისა, საკითხი იმის შესახებ, თუ რას უქადდა ქვეყნის მომავალს დიდი რუსეთის მფარველობის ქვეშ შესვლა.

პოემა ავებულია კრწანისის ბრძოლისა და მისი შედეგების ამბავზე. ეს იყო დამოუკიდებელი საქართველოს უკანასკნელი დიდი ბრძოლა აღა-მაჰმად-ხანის ურდოების წინააღმდეგ თბილისის გარეუბანში. დამარცხებამ ამ ბრძოლაში შეატრიალა საქართველოს ისტორიული ბედი.

პოემა „ბედი ქართლისა“ არ შეიცავს ისტორიული მოვლენებისა და ხალხის ცხოვრების ფართო ეპიკურ სურათებს. არსებითად იგი ერთგვარი ლირიკულ-რომანტიკული გააზრებაა სამშობლოს ტრაგიკული ბედისა. ამიტომაც ეპიკურ ნაკადს მის კომპოზიციაში თითქოს მხოლოდ დამხმარე პოეტური ფუნქცია აკისრია. ეს ნაკადი ხშირად გადადის შთაგონებულ ლირიკულ აღსარებებში, რომლებშიაც მკა-

ყოფილ შეღავნდება პოეტის სულისკვეთება, მისი იდეები და მისწრაფებანი.

პოემის ტრაგიკული სუნთქვა უკვე მის დასაწყისშივე იგრძნობა იმ მსურველ ლოცვაში, რომლითაც ბრძოლის წინ მეფე ერეკლე შესთხოვს კეთილ მწყემსს სამშობლოს სხნას. მტრის შობალების, ჭირთა მოახლოებისა და ბედის მუქარის წინაშე დაუცვაობის გაუმხელელი გრძნობით ეს მოკლე ლოცვა ჭეშმარიტ ადამიანურ ტრაგიზმამდე აღის. ქვეყნის საბედისწერო წუთის დრმა განცდაა გამოსატული მიფისავე მიმართვაშიც ქართველი ჯარისადმი:

„სედავო, ვითარის კანდიერები  
შეკრების ჩვენზედ უსჯულობა!  
საქართველოს დღეს გარდაუწყდება  
თავისი ბედი და უბედობა!“

თვით კრწანისის ბრძოლის სურათი კი ესკიზურია. იგი თითქოს ერთგვარი დრამატული შემზადებაა იმისათვის, რომ შთაგონებული მწუსარე სადიდებელი ითქვას იმ ქართველ ვაჟკაცთა, ნუგეშთა ქართლის, რომელთაც თავი დასდეს მამულისათვის, დღეს კი მათი საფლავიც არსად ჩანს,

„იერში განქრა მათი სახელი  
და არსად უამისა მოწამე ძეგლი  
არ გვიქადაგებს მათთა საქმეთა.  
დუმალნი ფარეენ ერთგულთა ძეგლი!“

მაგრამ პოეტს სწამს, რომ ერის უკვდავი გული — უკეთეს სულიერ ღირებულებათა ეს დიდი საგანძური — არ წაშლის მათ ღვაწლს. პოეტი ასე მიმართავს გმირთა აჩრდილებს:

„მაგრამ, .იო ვმირნო, ნუ შეშოთდებით,  
თქვენ სასსოვარი გაქვთ თვით განგებით:  
რაც ერთხელ ცხოვლად სულს დააჩრდების,  
საშეილიშეილოდ გარდაეცემის!“

შემდგომმა დრომ კიდევ უფრო ცხადყო პოეტური სიბრძნე ამ სიტყვებისა. კრწანისის გმირები, მათ შორის სამასი არაგველიც, ქართული ეროვნული თვითშემეცნების ნაწილად იქცნენ.

პოემის მთავარი კვანძი ანუ მისი თემატიკური შუაგული იწყება შესანიშნავი პიმნით სამშობლოს ბუნებისადმი და ქართველი კაცის ღასიათის ჩვენებით. თავისი ქვეყნის ბუნების უსაშველო რომანტიკოსი, ყოველი სილამაზის მგზნებარე მოთაყვანე ქართველი გულგრილად ვერ ჩაუვლის ბუნების წარმტაც სურათებს. მის სულში ყველაფერს სჭარბობს სილალისა და გატაცების ძალა. იგი უმაღ შეიძლება სილამაზემ შებორკოს და დაატყვევოს, ვიდრე სხვადასხვა სა-

სიცოცხლო მოთხოვნებივითაა. სულიერი აღტაცებისა და სილაშა-  
ზის განცდისათვის მას შეუძლია გაფლანგოს თავისთავი, გაფლან-  
გოს დროც, გაუსხლტეს საყოფაცხოვრებო პირობითობებს, ადვილად  
მიეცეს თავდავიწყებას. არაგვის ნაპირების მშვენებას რომ ისილავს,  
ქართულს გული ვერ გაუძლებს, რომ მის ბუჩქებში არ ჩამოსდეს,  
რაგინდ გზასაც უნდა ეშურებოდეს.

„როგორ იქნება არ განისვენოს?  
სამჯერ ხომ მაინც გადაკერავს ღვინოს,  
ცხენს მოაძოვებს, თვალს მოატყუებს,  
ვაშილიძეებს — შუბლს განიგრილებს,  
ერთს ქართველურად კიდევ შესახებებს,  
„არაგვო, მაგ შენს ამწვანებულ მთებს!“  
და შერმე თუნდაც დაუგვიანდეს,  
იგი იმისთვის აღარ ღაღონდეს!“

თუ ამ ხასიათის სათავეებისაკენ წავალთ, შესაძლოა, სადღაც რუს-  
თაველის გმირებთანაც კი მივიდეთ, ხოლო თუ ბარათაშვილის მომ-  
დევნო ქართულ ლიტერატურას გაეადევენებთ თვალს, ამ ხასიათის  
უფრო მკაფიო ნიშნებსაც დავინახავთ.

პოემის თემატური შუაგული კი ორი აზრის, ორი სულისკვეთე-  
ბის — ბედთან შერიგებისა და ბედთან შეურიგებლობის სულისკვეთე-  
ბის დრამატული დაპირისპირებაა.

მთიულეთში, არაგვის ნაპირზე გადმომდგარ ძველ ჩარდახში გა-  
სიზნული მეფე ერეკლე და მისი მრჩეველი — სოლომონი ბჭობენ და  
კამათობენ, თუ რა გზა უნდა აირჩიოს მტრისაგან დარბეულმა და შე-  
ვიწროებულმა საქართველომ — ერთმორწმუნე რუსეთის მფარველო-  
ბის ქვეშ შესვლისა თუ დამოუკიდებელი არსებობისათვის ბრძოლის  
გაგრძელებისა.

პირველი გზა ბედთან შერიგებას მოასწავებდა, მეორე კი — „ბედ-  
თან შეურიგებლობის გზა იყო.

მეფე ერეკლე ტრაგიკული პიროვნებაა. სწორედ იგი — ბედის  
ურჩი, უშიშარი მეომარი და სარდალი, ვინაც ქვეყნის დამოუკიდებ-  
ლობის შენარჩუნებისათვის თითქმის ასამდე ომი გადაისადა, იძულე-  
ბულია ბედთან შერიგების გზა აირჩიოს. ეს სტანჯავს მას, მაგრამ  
იგი მაინც რეალისტურად აზროვნებს, იცის, რომ გათამამებული მო-  
სისხლე მტერი — ალა-მაჰმად-ხანი ამიერიდან საქართველოს აღარ მო-  
ასვენებს, ამით ლეკებიც ისარგებლებენ, ოსმალოც დროს ისელებს  
და ქვეყანას ყოველი მხრიდან მოესხვიან მტრები, მით უმეტეს, რომ  
შიგნითაც მოძმენი „ურთიერთს ბპარვენ“. ამიტომაც მეფე ფიქრობს,  
რომ ერთმორწმუნე რუსთა ხელმწიფეს მისცეს მემკვიდრეობა, რა-  
თა „მან მოსცეს ქართლს კეთილდღეობა“.

მეფის მტრეველი — სოლომონი კი სრულიად საწინააღმდეგო პო-  
ზიციაზე დგას. იგი სწორედ ბედთან შეურიგებლობის სულისკვეთებას  
ასახიერებს. მას ღრმად აშფოთებს მეფის განზრახვა. მისი აზრით,  
სჯულის ერთობა არას არგებს ქვეყანას, „ოდეს თვისება ერთა მის  
შორის სხვადასხვაობდეს“, რუსთა მეფობა ვერც გაიგებს, ვერც შეი-  
წყნარებს ქართველობის ხასიათს, სურვილებსა და მისწრაფებებს,  
უცხოთა მფარველობის ქვეშ მოქცეულ ქართველ კაცს გულს მოუკ-  
ლავს იდუმალი ტანჯვა. სოლომონი უდრეკი ხასიათია, იგი უფრო  
თავის გულის ხმას უგდებს ყურს, ვიდრე გარეშე მოელენებს. ეროფ-  
ნული დამოუკიდებლობისა და თავისუფლების დაკარგვა მას ყველაზე  
დიდ უბედურებად მიაჩნია, მას სწამს, რომ ქართველებს „არად მი-  
აჩნიათ უბედურება, თუ აქვთ თვისთ ჳერთ ქვეშ თავისუფლება“. თავის  
უდრეკობაში მეფის ეს ერთგული ყმა მეფის განუსაზღვრელი  
ძალაუფლების გმობამდეც კი მიდის: მას უკვირს და ეჩოთიერება,  
რომ ერთი კაცი ისე განაგებს ქვეყნის ბედს, „ვითა ამღერდეს იგი  
კამათლებს“ და თავის ფიქრებში მკაცრადაც კი მიმართავს მეფეს:

„მეარამ შენ, მეფეე, ვინ მოგცა ნება,  
სხეას ვანუბოპო შენთ ყმათ ცხოვრება,  
მისდედე შენსა გულისკვეთებას  
და უთრგუნვიდე თავისუფლებას?“

ეს არ ნიშნავდა, რასაკვირველია, რესპუბლიკელობას, მაგრამ თა-  
ვისი გვირის ამ განწყობილებაში პოეტი მაინც ამულავენებდა გარკვე-  
ულ დემოკრატიულ მიდრეკილებას.

სოლომონის სრული თანამოაზრე აღმოჩნდა მისი მეუღლე სო-  
ფიოც. შეიძლება ითქვას, სწორედ ეს ქართველი ქალი გამოხატავს  
პოემის ძირითად აზრს, მის ფილოსოფიას. მეფის განზრახვას რომ  
შეიტყობს, იგი შემოფოთებული ამბობს, რა პატივიც არ უნდა დასდონ  
ადამიანს, სხვათა ქვეშეყრდომობაში, მისი სული მაინც დაჩაგრული,  
უთვისო და დაობლებულიაო.

„რა ხელ-პერის პატიეს ნაზი ბულბული,  
გალიაშია დატყვევებული?  
და ველად იგი, ამსანაგთ შორის,  
კირსაც, ვით ღხინსა, ერთგვარ დამღერის!  
ესრეთ რას არგებს კაცსა დიდება,  
თუ მოაკლდება თავისუფლება?“

უწინდელი ქართველი ქალის ამ უღრმესი პატრიოტიზმითა და  
შეუდრეკელი ბუნებით აღფრთოვანებული პოეტი კვლავ ერევა პოე-  
მის ამბის მდინარებაში, იგი ასე მიმართავს გარდასულ დედათა აჩრ-  
დილებს:

„აი, დედანო, მარად ნეტარნო,  
კურიხევა თქვენდა, ტკბილხასსოკარნო!  
რა იქნებოდა, რომ ჩვენთა დედანო  
სულაც თქვენი გამოყოლოდათ?  
ვინდა აჟაჲს გულის შემატკივარი  
მამულს ასული ასლა თქვენგვარი?“

როგორც ესედავთ, პოეტი გულდაკოდილია ზნეთა დაცემით, პატრიოტული შეგნების მოღუნებით, რაც ეროვნული დამოუკიდებლობის დაკარგვას მოჰყვა. უნდა ვიფიქროთ, რომ ეს იყო ერთ-ერთი იმ იდუმალ ტანჯვათაგან, რასაც სოლომონი წინასწარმეტყველებდა.

იგივე იდუმალი ტანჯვა იგრძნობა პოემის ფინალის ნაღვლიან ინტონაციაშიც. აოსრებულ თბილისში დაბრუნებულმა ერეკლემ რამდენჯერმე წარმატებით გაიბრძოლა მტერთა წინააღმდეგ.

მაგრამ ამაო იყო ყოველი:  
დიდხანია გულს ირაკლისა  
გარდუწყეტი ბედი ქართლისა!“

ეს იყო ბედი ბედის მორჩილებისა.

ნიკოლოზ ბარათაშვილი კი ბედის ურჩობის პოეტია, მისთვის მიუღებელია ბედთან შერიგების ფილოსოფია. პოემაშიაც შემთხვევით როდი გამოხატავს თავის აღფრთოვანებას სოლომონისა და სოფიოს ქედუხრელობით. და მიუხედავად ამისა, პოეტი მაინც ამართლებს მეფე ერეკლეს მიერ გადადგმულ ისტორიულ ნაბიჯს — საქართველოს რუსეთთან შეერთებას. ამ შეერთების დადებითი მნიშვნელობა პოეტმა მკაფიოდ გამოხატა ლექსში — „საფლავი მეფის ირაკლისა“. პოეტი აღიღებს მეფის ნაანდერძებს, რომლის აღსრულებამაც კეთილი ნაყოფი გამოიღო: უამთავითარებით გარდახვეწილ ქართველთ, ჩრდილოეთიდან მამულში მოაქვთ განათლება, საქართველომ მოიპოვა მშვიდობა, აწ მას წალეკვით აღარ ემუქრება კასპიის დღევა, შავი ზღვის ზვირთებსაც, ნაცვლად მოსისსლე მტერთა, ამიერიდან მოჰყვებიან მოძმენი ყოველი მხრიდან:

მაგრამ ეს არავითარ შემთხვევაში არ ნიშნავდა იმას, რომ პოეტი ურიგდებოდა ეროვნული დამოუკიდებლობისა და თავისუფლების დაკარგვას, ურიგდებოდა არსებულ სინამდვილეს. არც გაორებული იყო პოეტი თავის ამ თითქოს წინააღმდეგობრივ დამოუკიდებულებაში ქვეყნის ბედისადმი, როგორც ზოგჯერ ფიქრობენ ხოლმე. არა, იგი სჭერეტდა ერთგვარ წინააღმდეგობრივ სიბრძნეს და ერის ცსოვრების გარკვეულ ვითარებაში არ გამორიცხავდა ბედთან შეგუებას, როგორც ბედის წინააღმდეგ ბრძოლის ერთ-ერთ გზას.

„ბედი ქართლისა“, როგორც უკვე ითქვა, პოეტის მთელი შემოქმედების გასაღებს წარმოადგენს.



ერის ბედის საკითხი კაცთა ბედის საკითხში ჩაინასკვა. პოეტური აზრის ხვეული ახალ რკალს ქმნის და იბადება „მერანი“ — მთელი მრავალსაუკუნოვანი ქართული პოეზიის ეს მარადგაუხუნარი მშვენება.

ცდებოდნენ და ცდებიან ისინი, ვინაც ბარათაშვილის „მერანის“ მხოლოდ ლიტერატურულ ანალოგიებს ან მის ლიტერატურულ წყაროებს ეძებენ და სრულებით ვერ ამჩნევენ ან გვერდს უვლიან იმას, რომ ეს ლექსი, როგორც მთა დედამიწის გულიდან, ამოზრდილი და ამოზიდულია პოეტის მთელი შემოქმედებიდან, რომ იგი არსებითად აგრძელებს და აღრმავებს პოეტის ადრინდელი ლექსებისა და, კერძოდ კი, პოემის „ბედი ბართლისა“ მხატვრულ-იდეურ მოტივებს.

„მერანი“ ბედთან ბრძოლის წარმტაცი პოეტური სიმფონიაა. იგი სულიერ მისწრაფებათა, მღელვარებათა და ტანჯვათა ბევრი ადამიანური გამოცდილების გონებრივ და ემოციურ ნაჟურს იტევს. იშვიათია, რომ გამოთქმულში ისეთი ძალით იგრძნობოდეს გამოთქმულიც და გამოუთქმელიც, როგორი ძალითაც ეს იგრძნობა „მერანში“.

ლექსში „მოქმედებს“ სამი ძალა, სამი ხატი: მხედარი, მერანი, ყორანი. მხედარი თვით პოეტის მეამბოხე სულია და ლექსიც მისი შეძახილი და მიმართვაა მერანისადმი. მერანი ეს ფეხმარდი მქროლავი ცხენი — ადამიანის მშველელი კეთილშობილი არსება — ქართული მითოლოგიიდან წამოსული სახეა. იგი „ვეფხისტყაოსანშიაც“ დაქროლებს ველად გაჭრილ ტარიელს. ყორანი კი, შავი და თვალბედითი, მაუწყებელი საშინელებათა, ხომ საყოველთაოდ გავრცელებული სიმბოლოა ბედისწერისა.

ლექსის დრამატულ ექსპრესიაში იკითხება მისწრაფება მეამბოხე სულისა — გასწყვიტოს ყველა კავშირი. რითაც არსებული სინამდვილის — ამ სიავით სავსე საწუთროს ბნელ ძალებს შეუბოჭავს ადამიანი. ქვეყნის ბედიც და ადამიანის ბედიც ხომ ამ ბნელი ძალების საოცარი სლართებია. ბედი ის არის, რასაც თავიდან ვერ აიცილებ, ხოლო ბედის შიგნით პოეტისათვის არ არსებობს არც ბედნიერება, არც თავისუფლება. თითქოს გამოსავალი არ ჩანს და პოეტიც თითქოს სრულ უიმედობას ეძლევა. მაგრამ არა, შეიძლება ბედთან ბრძოლა სწრაფივით, ქროლვით, მოძრაობით, მოქმედებით, შეიძლება გარდუვალობის ზღუდეთა გარღვევა მაღალი აზრით, შეურიგებელი სულისცემებით, სულის სინათლემ უნდა შემუსროს გარდუვალობის წყვედიადი. პოეტი უნდოა არსებული ქვეყნის მიმართ, იგი ბედის მიღმა სჭვრეტს სხვა პარმონიულ სამყაროს. თითქოს პოეზია — ამ შემთხვევაში კი „მერანი“ — ჯერ კიდევ ერთი საუკუნით აღრე, ვიდრე მეცნიერები ახსენებდნენ ანტიმატერიას, ანტისამყაროს, ბუნდოვნად ისე დებოდა ამ შორეთში. ქვეყნისადმი უნდობლობასა და ბედის ურჩო-

ბას კი პოეტს აღმათ დიდი წინაპარიც — რუსთაველიც შთააგონებდა. „იგი მიენდოს სოფელსა, ვინცა თავისა მტერია“ — ამბობდა რუსთაველი და მისი ტარიელიც საწუთროს, ანუ ბედის ურჩი გონების კებას ამბობდა:

„მიმნდონი ხაწუთროსანი მისთა ნიეთაგან რჩებიან,  
იშეებენ, მაკრამ უმუსილოდ ბოლოდ ვერ მოურჩიებიან;  
ვაქებ ჭკუასა ბრძენთასა, რომელნიც ეურჩიებიან“.

პართაშვილის „მერანიც“ სწორედ ადამიანის ურჩი და უღრეკი სულის დიდებული რომანტიკული განსახებაა. პოეტ-მხედარს, ვისაც უგზო-უკვლოდ მიაქროლებს თავისი მერანი, „უკან მისჩხავის თვალბედითი შავი ყორანი“. ეს ფანტასტიკურ-დრამატული სურათი, რაც ლექსის პირველივე სტრიქონებით იქმნება, ლექსის შემდგომი ზეაღმაველი ტალღოვანი მოძრაობით ივსება: ღრმა შინარსით: ბედთან ბრძოლის გზა უიმედობის; დაქანცულობის, სიკედილის შიშის დაძლევის, ეროვნულიდან საკაცობრიომდე, პიროვნულიდან საზოგადოებრივამდე ამადლები გზაა. ეს ბუნებრივად მოჰყვება ლექსის დიდებულ რიტმულ მოძრაობას, მის ღრმა პოეტურ სუნთქვას, ყოველგვარი რიტორიკის გარეშე. მერანმა უნდა გაკვეთოს ქარი, გააპოს წყალი, გარდაიაროს კლდენი და ღრენი, გაჰქროლდეს ისე, რომ მოუთმენელ მხედარს შეუმოკლოს სავალნი დღენი, არ დაერიდოს არც სიცხეს, არც ავდარს და არც მხედარი შეიბრალოს დაქანცულობით. ამ დაქანცულობიდან ძაფი ხომ ქვეყნის იმ დიდი დაქანცულობისაკენ მიდის, რასაც პოემაში „ბედი ქართლისა“ მეფე ერეკლე ასახიერებს. განა მრავალ ჭირგადახდილი ქვეყნისა და მისი მეთაურის დიდი მოღლილობა არ იგრძნობა მის სიტყვებში: „შენი ირაკლის აღარა ვარ, პატარა კახად რომ გინახვივარ“. „ასლა კი დროა, სოლომონ, რომა მშვიდობა ნასოს საქართველომა“. შემდეგ პოეტმა ადამიანური მოქანცულობის ეს მოტივი კიდევ უფრო დიდი ლირიკული ძალით გამოხატა მშვენიერ ლექსში — „ჩემი ლოცვა“. შესთხოვს რა ღმერთს, მოასვენოს ვნებათაგან ბოროტლელვილი და თვით დუმილიც მისდამი ლოცვად ჩაუთვალოს, პოეტი ეძებს მყუდრო სადგურს:

„ცხოვრების წყაროვ, მასე წმინდათა წყალთაგან შენთა,  
ღამინთქე მათში საღმობანი გულისა სენთა!  
არა დაჰქროლონ ნაფსა ჩემსა ქართა ენებისა,  
არამედ-მიეც მას სადგური მყუდროებისა!“

„მერანში“ კი დაქანცულობის მოტივი ღრმავდება მის უარყოფამდე. მისი გარდუვალი შედეგი — წყურვილი მოსვენებისა და მყუდრო სადგურისა — უკუგდებუღია მოუსვენრობით, მერანის უსასღვრო ქროლვით. ამ ქროლვამ, ამ ძლიერმა სულიერმა სწრაფვამ უნდა

გაფანტოს პოეტის შავად მღვლვარი ფიქრები, გააცალოს მის სულ-  
 ხა და გულს დროის სიავეთა მტვერი და ლაქები, ბოროტი და ბიწიე-  
 რი ვნებანი, რადგან, როგორც „მერანის“ შექმნის 1842 წელსავე  
 სწერდა ხოლმე პოეტი თავის მეგობარსა და ნათესავ ქალს — მაიკო  
 ორბელიანს, „... ჭეშმარიტი ბედნიერება, უმაღლესი სიამე, რომელ-  
 საც კი კაცი წაიღებს ამ სოფლისაგან“, არის მხოლოდ „...მშვენიერება  
 სულისა, უმანკოება გულისა“, „სხვათა ბედნიერებათა სოფლისათა  
 უყურე გულგრილად, ამაყად და გწამდეს, რომ იგინი შეურჩენელნი  
 არიან!“

მხოლოდ დროის ბნელ დანალექთაგან განწმენდილ სულსა და  
 გულს შეუძლია ეხიაროს უმაღლეს პარმონიას — გაანდოს თავისი  
 საიდუმლო თანამავალ ვარსკვლავებს. ამ პარმონიისაკენ მიმავალ  
 გზაზე არ არის დასანანი არც მამულის, არც სწორებისა და მეგობრე-  
 ბის, არც მშობელთა და არც ტკბილძმობარი სატრფოს მოშორება.  
 სამშობლოს მოთაყვანე, მისი ბედით გულდაისრული პოეტი თავის  
 მძაფრ სულიერ ექსპრესიაში ეროვნულის მიღმაც სჭვრეტს ვრცელ  
 ადამიანურ არეებს:

„საც ღამიღამდეს, იქ გამითენდეს, იქ იყოს ჩემი მიწა  
 სამშობლო,  
 მხოლოდ ეარსკვლავთა, თანამავალთა, ეამცნო გულისა  
 მე საიდუმლო!“

პოეტს სურს, რომ თავისი მერანის მშვენიერს, აღტაცებულს და  
 გიჟურ ლტოლვას მისცეს კენესაც გულისა — ნაშთი ტრფობისა. და  
 ესეც დროის სიავის უკუგდება, რადგან ტრფობამ, რამაც პოეტს  
 შთააგონა თავისი სატრფიალო ღირიკის ისეთი მშვენიერი ქმნილე-  
 ბანი, როგორცაა „თაყადის ჭ...ძის ასულს ეკ...ნას“, „საყურე“,  
 „სატრფოე, მასხოვს თვალნი შენნი“, „არ უკიჟინო, სატრფოო...“,  
 „...ნა ფორტეპიანოზედ მოძღერალი“, „მიყვარს თვალეები მიბწედი-  
 ლები“, „შენნი დალალნი ყრილობენ გველად“, „შევიშრობ ცრემლსა...“  
 და სხვ., მართლაც დაუტოვა კენესა გულისა, როგორც გაწბილებულ  
 გრძნობათა სიმწარე. ცნობილია, რომ ჭაბუკ პოეტს თავდავიწყებით  
 უყვარდა პოეტ ალექსანდრე ჭავჭავაძის ასული — ეკატერინე. ჩვენ არ  
 ვიცით ამ სიყვარულის პერეპეტიები და შინაგანი დრამატიზმი, ეი-  
 ცით მხოლოდ პოეტისა და მისი სატრფოს ცხოვრების გზათა მკვეთ-  
 რი გაყრა. იმ დროს, როდესაც ცხოვრების სიდუხჭირემ პოეტი იძუ-  
 ლებული გახადა უბრალო მოხელის სამსახურს შესდგომოდა, მისი  
 სათაყვანო ეკატერინე სამეგრელოს მთავრის — დადიანის მეუღლე  
 გახდა. და ვინ იცის, ბედნიერ განცხრობაში იყო თუ გული რაღაც  
 ნაღვლიანს მაინც უგრძნობდა სამეგრელოს დედოფლად წოდებულ  
 ლამაზ ბანოვანს იმ დროს, როდესაც მისი მიჯნური პოეტი, რომლის

მშვენიერ ლექსთა სელნაწერი კრებული უკვე თავის საქალწულო სახსოვართა ყუთში ედო, სადღაც შორს, მიწურ სახლში სიკვდილს ებრძოდა და საყურის ჩრდილში სუნთქვის მობრუნების აუხდენელ ოცნებას ბოდავდა...

თუმცა ერთი უიღბლო სიყვარულის ამბავი რა იქნებოდა, რომ მას არ წარმოეშვა სევდიანი სიმღერა გაწვილებული სიყვარულისა, რაც ყოველთვის შესძრავს ხოლმე ადამიანთა გულს... უნდა ვიფიქროთ, რომ იმ ღრმა ადამიანურ სევდას, იმ ამაღლეკებელ ადამიანურ ტრაგიზმს, რაც პოეტმა გამოსატა ლექსში — „ეპოვე ტაძარი, შესაფერი, უდაბნოდ მდგარი“, საფუძვლად ედო პირადი გრძნობის დიდი ტრაგედიაც. ეს ჩანს ლექსის ფინალშიც:

„ვერღა აღმიგო სიყვარულმა კვალად ტაძარი  
ვერსად აღენათე დამთოილი მისი ლამპარი  
ესრეთ დამიხშო უკუღმართმა ნუგეშის კარი,  
და დავალ ობლად, ისე მწირი, მიუსაფარი!“

სევდისა და მარტოობის ეს გრძნობა პირდაპირ ენაკადება პოეტის სულიერ სწრაფვას, გაცხადებულს მერანის ქროლვაში, როგორც მისი შინაგანი იმპულსი, „მერანში“ პოეტი თითქოს კიდევ უფრო აღრმავებს მიუსაფრობის მოტივს: ნუ დავიმარხოო ჩემს სამშობლოში, წინაპართა საფლავებს შორის, ნუ დამიტიროსო სატრფომ, შავი ყორანის გამითხრისო საფლავს სადღაც ტიალ მინდორზე, ძელებად ქცეულს ქარიშხალი მომაყრისო მიწას, სატრფოს ცრემლების ნაცვლად დამეცემიან ცვარნი ციურნი, ნათესავთა გლოვისა ნაცვლად მივალალებენო სვანი მყივარნი... და ასე გამძაფრებული გრძნობა ტრაგიზმისა პოეტური აზრის მშვენიერი მოძრაობით განიმუსტება თავის სრულ წინააღმდეგობაში — ბედის მარწუსებიდან თავდაღწევის ბედნიერ გრძნობაში, მებრძოლი სულისკვეთების მაჟორულ უღერაში:

„გასწი, გაფრინდი, ჩემო მერანო, გარდამატარე ბედის  
სამძლეარი,  
თუ აქამომდე არ ემონა მას, არც აწ ემონოს შენი  
მხედარი“.

ეს სომ უკვე უარყოფა და უკუგდებაა ბედისწერის გარდუვალობისა. ადამიანს დაუცხრომელი სულიერი სწრაფვით ძალუძს გავიდეს გარდუვალობის წყვედიადიდან, რადგან თვით სწრაფვა, მოქმედება და მოძრაობა არის განუწყვეტელი; ყოველწუთიერი გასხლტომა ბედის ბრჭყალებიდან. და პოეტ-მხედარს — ბედის მოსისხლე მტერს, ვინაც ჩაწვდა სწრაფვის ამ ცხოველმყოფელ აზრს, არ აშინებს ბედის მასვილი:

„დაე მოეკედე მე უპატრონოდ მისვან ოსენი!  
ვერ შემამინოს მისმა ბასრმა მოსისხლე მტერი!“

მაგრამ პოეტის აზრი აქ არ ჩერდება, იგი სხვა უფრო სიღრმისეული კავშირებისაკენ მიიწევს: წარმავალი, ფუჭი და უმიზნო იქნება ბედის ძღვევის მთელი ეს ტრაგიკული ეპოპეა, თუ იგი მხოლოდ ქვეყნის ჭირვარამთაგან განკერძოებული ერთი მოკვდავი ადამიანის სულიერ ლტოლვად დარჩება და ადამიანთა მთელი მოდგმის ისეთ სულიერ გამოცდილებად არ იქცევა, რაც მათ წინ სავალი გზის სიძნელეს გაუადვილებს. პოეტური აზრი პიროვნულიდან ადის საზოგადოებრივამდე, სწრაფვის პოეზია ივსება მოქალაქეობრივი შინაარსით:

„ცულად ხომ მაინც არ ჩაივლის ეს განწირული სულისკვეთება,  
და გზა უვალი, შენგან თელილი, მერანო ჩემო, მაინც დარჩება;  
და ჩემს შემდგომად მოძმესა ჩემსა სიძნელე გზისა გაუადვილდეს,  
და შეუპოვრად მას პუნე თვისი შაის ბედის წინ გამოუქროლდეს!“

ეს იყო არსებითად განვითარება და გაღრმავება იმ მოტივისა, რაც პოეტმა აღძრა ჯერ კიდევ თავის ფიქრებში მტკერის პირას და რაც შემდეგ ერთგვარ პანთეისტურ სამოსელში გახვეულ რომანტიკულ ოცნებად დასახა ლექსში „არ უკიფინო, სატრფო“:

„მინდა მზე ვიყო, რომ ხსიენი ჩემთ დღეთა გარსამოვავლო,  
საღამოს მისთვის შთაიდე, რომ დილა უფრო ეაცხოვლო.  
მინდა რომ ვიყო ვარსკვლავი, განთიადისა მორბედი,  
რომ ჩემს აღმოსვლას ელოდნენ ტყუთა ფრინველნი და ვარდი.  
მინდა შენ იყო, სატრფო, მშვენიერისა ცის ცვარი,  
რომ ვანაცოცხლო, შავარნო, მღვლო, სიციხითა და მკჷნარი,  
რომ მხოლოდ მზისა ციავი მას დილის ნაშა იმრობდეს,  
და, ერთად შესხიებულნი, შეებას მოაფენდნენ სიცოცხლეს!“

ამრიგად, შეიძლება ითქვას, რომ „მერანი“ ერთგვარი სინთეზია ბარათაშვილის პოეზიისა. მერანის სრბოლას, მართალია, საბოლოოდ არ გადაულახავს ყველა წინააღმდეგობა პოეტის მსოფლშეგრძნებისა, საბოლოოდ არ დაუძლევია მისი ინდივიდუალისტური და პესიმიზმ-ტური განწყობილებანი. „მერანის“ შემდეგაც თავის უძლიერეს „სულ ბოროტოში“ პოეტმა უძმაფრესი სულიერი მღვლევარებით გამოსახა უშუალო, ყმაწვილურ ოცნებათა ჩაკვლა ინდივიდუალისტურ-სკეპტიკური სულისკვეთებით და მით წარმოშობილი გრძნობა სიმარტოვისა და უიმედობისა. არსებითად ეს იყო „მერანის“ პოეტური ექსპრესიის ერთ-ერთი ახალი რკალი, რაც ახალ სიღრმეებში შეჭრას მოასწავებდა.

მაგრამ ჯერ კიდევ სრულიად ახალგაზრდა პოეტი ტიტანური ძალით მიიწევდა თავისი მებრძოლი, მუამბოხე სულიკვეთების გამძაფრებისაკენ, თავისი შემოქმედების ახალი მწვერვალებისაკენ. ამიტომაც უწოდა ილია ჭავჭავაძემ მის უდროო სიკვდილს უღეთო.

მართლაც რომ უღეთო იყო მისი სიკვდილი.

# ს ხ ვ ა დ ა ს ხ ე ა

## ქართული პოეზიის შრთა

ჰაუ, რამხელა სამოქალაქო ამოცანების, რამხელა ესთეტიკურ-ზნეობრივი მოვალეობის ტვირთი აწევს დღეს ქართულ მსატერულ სიტყვას, კერძოდ — ქართულ პოეზიას; თუმცა მას, რასაკვირველია, იმთავითვე მოსდგამდა დიდი სულიერ-ზნეობრივი, სოციალურ-ეროვნული ჭაპანის ზიდვა. ქართულ ლექსს, ქართულ მსატერულ სიტყვას ბევრი წმინდა და ამაღლებული რამ დაუცავს, გადაურჩენია და შეუნახავს ჩვენი ხალხის ისტორიულ ყოფიერებაში, მის სულიერ საუნჯეთა საგანძურში. მით უმეტეს დღეს, უღრმესი მეცნიერულ-ტექნიკური განვითარებისა და ხალხთა უდიდესი ნივთიერ-კულტურულ დაახლოება-შემჭიდროების პირობებში, განუზომლად დიდია ქართული მსატერული სიტყვის, ქართული პოეტური ნაფიქრ-ნააზრევის როლი კაცობრიულ მსატერულ-პოეტურ ფაქტთა ტოლფასოვან ღირებულებათა შექმნაში, თავისებურ და თვითმყოფ მსატერულ ფორმათა შექმნა-შენარჩუნებაში.

ეჭვი არ არის, ჩვენს ხალხს ყოველთვის დიდად უყვარდა (გავის-სენოთ ჩვენი დიდი პოეტური საუნჯის მზითვად გატანების ჩვეულება) და უყვარს მსატერული სიტყვა, გულის შემძვრელი ლექსი, შთაგონებული და ქვეყნის ჭირ-ვარამით გულაძგერებული შემოქმედი. ხალხი ყოველთვის გულმსურვალედ ენდობა თავის მწერალს, თავის გულისა და სულის მესაიდუმლეს... ქართულ პოეტურ სიტყვასაც ოდით-განვე მოსდგამს, გაამართლოს ხალხის ნდობა და სიყვარული...

დღეს ჩვენ შეგვიძლია არ ვიყოთ გულნაკლული ჩვენი პოეტური ძალების სიმრავლითაც და სიძლიერითაც... საგულისხმოა დღეს ქართული პოეზიის მრავალფეროვნებაც, პოლიფონიურობაც... რასაკვირველია, ქართული პოეტური სიტყვის უღერადობა და სიუხვე დღეს,

რომელიდაც ძაფით, რომელიდაც ძარღვით უეჭველად არის დაკავ-  
შირებული დღევანდელ საერთო სოციალურ-პოლიტიკურ, სულიერ-  
ზნეობრივ შინაარსთან, თუმცა არც ის შეიძლება დაივიწყოთ, რომ  
მსატერულ-ესთეტიკური ფენომენის მოძრაობა და განვითარება ყო-  
ველთვის როდია სრულ შესატყვისობაში საზოგადოების სოციალ-  
ეკონომიურ და ტექნიკურ-მეცნიერულ განვითარებასთან... მაგრამ  
შორს.ნუ წავალთ... ის კი უნდა გვახსოვდეს, რომ ხელოვნების,  
მსატერული შემოქმედების, მათ შორის პოეზიის სუფთა პაერის  
ქროლვა ყოველთვის აფაქიზებს, ამალღებს, ასპეტაკებს და აუხვებს  
ადამიანთა სულიერ სამყაროს... არ ეეკრძალები ამ უამრავჯერ გან-  
მეორებული აზრის განმეორებას.

დღევანდელი ქართული პოეზიის (თუმცა არამარტო ქართული  
პოეზიის) ერთი არსებითი თვისება მინდა აღვნიშნო. ეს არის პოეტ  
ქალთა სიმრავლე, მაგრამ საქმე არა მარტო რაოდენობრივ მხარეს  
ეხება, არამედ ფრიად საგულისხმო თვისობრივ მოვლენას. დღეს ჩვე-  
ნი პოეტი ქალების შემოქმედება თამამად და ლაღად უსწორებს მხარს  
ქართული პოეზიის საერთო ღონეს...

ეს არის, ჩემი აზრით, თვისობრივი სიახლე პოეზიის განვითარე-  
ბაში და იგი საგულდაგულო შესწავლასა და გაშუქებას მოითხოვს...

ახლა კი, ქალთა საერთაშორისო წელთან დაკავშირებით, მხოლოდ  
გაეხსენოთ ჩვენი ზოგიერთი პოეტი ქალის სახელი...

უხუცესი მათ შორის, ჩვენი საყვარელი მარიჯანი, დროდადრო  
გვახსენებს თავს ფაქიზი, გრძნობით აღსავსე, ნაცადი ხელწერის  
ლექსებით.

ამას წინათ სამახსოვროდ მივიღე ლექსთა კრებული, უწინარეს  
ყოვლისა, პოეტის, გულში ჩამწვდომი სასიმღერო ლექსის „საპონენ-  
ლას“ შემქმნელის, ლირიკული მგზნებარებით შესრულებული დრა-  
მატული ნაწარმოებების ავტორის, საზოგადო მოღვაწე ქალის —  
მარიკა ბარათაშვილისა. ამ კრებულის ზოგიერთმა ლექსმა უკომპრო-  
მისოდ, უშედავთოდ მომანიჭა ესთეტიკური სიამოვნება...

რა სამართლიანად მიანიჭეს რუსთაველის სახელობის პრემია  
ფრიად თავისებური შთაგონებისა და ხელწერის პოეტს — მაყვალა  
მრეელიშვილს... მინდა არ დავრჩე მისსა და მის მკითხველთა ვალში...

ცხრაკლიტულითაც რომ ჩაკეტოთ გული პოეტური გრძნობისა-  
თვის, შიგ საიდანღაც მაინც შეადწევს ურყოლა თავისებური თქმისა:

„უხასო კმნილხარ, მშვენეირება,  
ღიღება შენი ქართაგან შლილა...  
აყვავლებოდი ადრე გაზაფხულს  
ქვეყანას ზედა და ცათა შინა...“

იყო მაღალი შენი ციციმი  
იყო ნათელი წიაღთა შენთა...  
უსასო ქმნილსარ, მშვენიერებაჲ,  
ცათა შინა და ქვეყანას ზედა“.

ნუ შეეცდებით ლექსი პწკარედ-პწკარედ თარგმნოთ თქვენთვის; შეეცადეთ იგი გაიგოთ მის რაობასა თუ არსებაში; მსოლოდ მაშინ შეიგრძნობთ მის სილამაზეს... მსხედველობაში მაქვს ანა კალანდაძის არამართო ეს სტრიქონები...

აბა, რომელ ღონიერნაკეთებიან მამაკაცურ ლექსებს დაუდებს ტოლს ნაზი კილასონიას ნაზი, მაგრამ საკმაოდ ძარღვიანი ლექსები — შინაარსითაც და ფორმითაც...

ქართული პოეტური სიტყვის რაღაც ნიადაგობრივი ნოყიერებითა და პოეტურ წარმოდგენათა დედობრივი გზნებით იზყრობს მკითხველთა ყურადღებას მედეა კახიძე.

თავისი განსხვავებული პოეტური ხმით გამოირჩევიან ქართულ პოეზიაში იზა ორჯონიკიძე, ლია სტურუა და პოეტი ქალების ახალგაზრდა თაობის ბევრი სხვა წარმომადგენელი...

ქართული პოეტური კულტურის ამადლები დარგში უეჭველად ფრიად მნიშვნელოვანი როლი ეკუთვნის ინგლისური პოეზიის ნიმუშების შესანიშნავ მთარგმნელსა და საგულისხმო ორიგინალური ლექსების ავტორს — თამარ ერისთავს.

დღევანდელი ქართული პოეზიის სრული სურათის წარმოდგენა შეუძლებელი იქნება პოეტი ქალების საკმაოდ ძლიერი რაზმის შემოქმედების გარეშე.

ქართული პოეტური კულტურის ზრდასა და განვითარებაში დიდი ქართველი პოეტი ქალების როლი. მათი შემოქმედება ქართული პოეზიის ძლიერი ფრთა არის.



## გულითადობა კოეტიისა

უნდა ვადიარო: აქ, უწინარეს ყოვლისა, კალამი ხელში ამაღ-  
ბინა პოეტის კაცურმა კაცობამაც.

რა თქმა უნდა, დიდად სასიამოვნოა, როცა მგოსნობა და კაიკა-  
ცობა ერთმანეთს ერწყმის ერთ შემოქმედში. იგულისხმება, რასა-  
კვირეელია, შერწყმა არა მხოლოდ აღსარებითი, არა მხოლოდ სი-  
ტყვისმიერი, არამედ საქმისმიერი, დეაწლისმიერი. თვალშისაცემია  
მისი კეთილმოსურნეობა როგორც პოეტისა და ადამიანისა. სიკეთი-  
სა და სიყვარულისათვის გახსნილი გული ცხადად იგრძნობა მის  
ბეერ ლექსში. სამართლიანად არის ატაცებული ხასიძღეროდ მისი  
ერთი უახლოესი დროის ლირიკული ამოძახილი:

„ღმერთი სიყვარულისა  
თუ გულით არ იწამე,  
მამ სიცოცხლე რად გინდა  
ამ დალოცვილ მიწაზე!  
გული შენთან ზღვად დეღაეს,  
შენთვის ლოცვებს ვდიდინებ...  
აბა ის დღე რა დღეა,  
თუ შენ ვერსად გიხილე.  
ღმერთი სიყვარულისა  
თუ გულით არ იწამე.  
მამ ამ ქვეყნად რად მოხველ,  
თავი რად გაიწამე“.

დიახაც რომ უსიყვარულოდ, უსიკეთოდ გაწამებაა წუთისოფელი.  
სიყვარული და სიკეთე დიდი პასუხისმგებლობაცაა შენი დროის წი-  
ნაშე, შენი ქვეყნის წინაშე, თავისთავის წინაშე. ამ მხრივ მართალი  
გრძნობა და მართალი პოეტური სიტყვა არც შეიძლება უნათესავო და  
უწინაპრო იყოს. სადღაც და როგორღაც გალაკტიონთან ინტონაციური  
დანათესავება კიდევაც აუხვევებს ლირიკულ ნაკადს. ვერ იქნებოდა სა-  
ქართველოს ასახლი გაზაფხული განსხვავებული და სასალბუნო, თუ  
ყოვლისმომცველი სიყვარულის ნიავს არ მოჰპერავდა.

„ხე ცხოვრებისა  
სულში ხმაურობს  
და გულის სწორის



ლოში პოეტი — ტრიბუნი, ერთ-ერთ პირველთაგანს შეიძლება ეწოდოს იოსებ ნონეშვილს. თავის ხმეირ, უღერად ლექსებს პოეტი მგზნებარედ კითხულობს ზეპირად საჯაროდ. პოეტი სამართლიანად იმკის მრავალრიცხოვან მსმენელთა აღტაცებასა და ნდობას.

ჩვენი ქვეყნის ბევრ სხვა სახელოვან მგოსნებთან მხარდამხარ იოსებ ნონეშვილმაც გაბედულად გააბათილა ცნობილი ანდაზური გამონათქვამი: „როცა ზარბაზნები ჰქუსან, მუხები სდუმან“. სწორედ ომის წლებში შექმნა მან არამართო თავისი საბრძოლო-პატრიოტული და სამოქალაქო ლირიკის საგულისხმო ნიმუშები, არამედ ხატრფიალო პოეზიის გაუხუნარი ნაწარმოებნიც. სიკეთისა და სიყვარულისათვის გახსნილი გული მტრის მძულვარებითაც აივსო. მტერთან შერკინებული ოთხი ძმა ლესელიძის სადიდებელ სტრიქონებს ენაცვლება მთრთოლვარე სატრფიალო ამომღერება.

დიდი სიყვარულისა და დიდი სიძულვილის შერკინება სულში, სულიდან კი პოეზიაში — წუთისოფლის დრამატული ანარეკლია ყოფიერების დიდ ეკრანზე.

პოეტს ახასიათებს თავისი სიღრმისეული გრძნობის უმძაფრესი ერთგულება. დიდი ომის თემა პოეტის შემოქმედებაში ნაცად გრძნობათა უღრმეს ერთგულებაში სახიერდებოდა.

სიყვარულის ერთი წარმტაცი თანამოსაგრისა თუ თანამდგომის — სილამაზის მოტივი ჯერ კიდევ აღრევე — თავისი შემოქმედებითი გზის დასაწყისში ამოიძღერა პოეტმა თავისებურად, განსხვავებულად. კისკას ბალადაში — „გამიგონია მთვარიან ღამეს“ — მან ერთმანეთს დაუპირისპირა თავისთავში ჩაძირული, ცივი, უმონაწილეო სილამაზე და მოქმედებით, მოძრაობით ნაწრთობი სილამაზე. რა გასაკვირია, რომ დიდი უპირატესობა აქტიურმა სილამაზემ დაისაკუთრა. წინააღმდეგ ყველა ამქვეყნიური სიდუხჭირისა და ბედუკუღმართობისა სიყვარულსა და სილამაზეს თავისი გააქვს. მშვენიერება ყველა ამქვეყნიურ ბედუკუღმართობაზე მაღლა დგება. წინააღმდეგ ომის ყველა შავი დღისა, სილამაზე თავის გარდუვალ უფლებებს ამკვიდრებს. იგი საოცარი ჰიპერბოლის წყაროს მოაჩქეფებს. ტრფიალებისა და სილამაზის გრძნობა სტიქიური და თავნება გრძნობაა, მოულოდნელად წამოგვეპარება და მოულოდნელობის ფრთებით გაეიტაცებს. თავნებაა სილამაზეც და თავნებაა მისი სადიდებელი ლექსიც:

შენ საქართველოს დელოფლობა დაგშვენდებოდა...

ეს ლექსი თავისი ნივთიერი გარსითაც და თემატიკურადაც საკმაოდ ნაცადი აღნაგობისაა, სულით კი ცინცხალი და ახალია. არ შეიძლება არ გვატკბობდეს სილამაზის განსხვავებულად თქმული ქებათაქება.

პოეტი მარჯვედ მიიკვლევს გზას სინათლისაკენ ფორმის მხრი-  
ვაც, შინაარსის მხრივაც. ლექსის გასაგებობა პოეტის გააზრებული  
ამოცანაა. ყველაფერს და ყოველივეს მის პოეზიაში ჭარბობს სამოქა-  
ლაქო მიდრეკილება. მისი შემოქმედებითი განვითარება ნაცადი მო-  
ტივებისა და განწყობილებების გაღრმავება-გაუსხვების გზით მიიმარ-  
თება; იგი მოკლებულია რაიმე პოლარულ შებრუნებასა თუ წინააღმ-  
დეგობრიობას.

თავის სასიმღეროს პოეტი მღერის ლაღად, გატაცებით, თავი-  
სუფლად...

ამავე დროს ნიშნულია, საგულისხმოა, დამაფიქრებელია გრძნო-  
ბისა და აზრის საოცრად დიდი ამპლიტუდა, დიდი გასაქან-გამოსა-  
ქანი პოეტის დამოკიდებულებაში ქვეყნიერებისადმი. ქვეყნიერების  
უდიდესი ტრაგედიის განცდით დამუსტულ სტროფებს, სტრიქონებს  
ენაცვლება ანკარა ნაკადივით მჩქეფარე სატრფიალო ლექსი... და ბუ-  
ნებრივობის ძაფი არსად არ წყდება.

აი, სუნთქვა დიდი ტრაგიზმისა, შეზავებული წარსულისა და აწმ-  
ყოს სისხლიანი ამბებით. სათაურშივე ვგრძნობთ ამ სუნთქვას —  
„არწივო, წაიღე გული სისხლიანი“. და აქვე იმავე დროის მსუბუქ-  
ფრთიანი სატრფიალო:

„შენს სიყვარულს დაიფიცებ,  
დაიჯერო იქნება,  
ცისფერ კაბას ნუ ჩაიცმევ,  
თეთრი უფრო გიხდება“.

ომის მწვავე სუნთქვის განცდას ზოგჯერ საოცარი სიმძაფრით  
ენაკადება ამურის ფრთების შრიალი.

„წამით, როცა მიწყნარდება  
ზეცა ნაგრიგალევი.  
ხანგარს შუქად დაადგება  
შენი წყნარი თვალები“.

პოეტი შეგნებულად არ ირჩევს რთული პოეტური წარმოსახვების  
გზას. მას არ მიაჩნია სირთულე პოეტური აზროვნების ხელსაყრელ  
თვისებად.

თავისი შემოქმედებითი მრწამსი პოეტმა ჯერ ადრევე გააცხადა  
ცნობილ ლექსში „ჩუქურთმისმჭრელის ეპიტაფია“ — შემოქმედება  
როგორც მღელვარე სულის ჩუქურთმა, რაც იდეალურისა და გრძნო-  
ბის შესაყარზე იბადება. საკუთარი განცდა ანუ სულიერი გამოცდი-  
ლება სტიქიურად, ქვეშეცნეულად შედის შემოქმედებით წარმოსახ-  
ვებში (მეჩუქურთმე ღვთისმშობლის ხატებას აჩუქურთმებს, მაგრამ  
საკუთარი სატრფოს ხატება გამოდის).

განსაკუთრებული სიცხადით თავისი პოეტური მრწამსი პოეტმა გამოთქვა ლექსში „ასე სტიროდა ერთი დიდილო“. 1947 წელს დაწერილი ეს ლექსი პოლემიკური ხასიათისაა. პოეტი არსებითად ედავება სხვადასხვა გულგრილ მიდრეკილებებს. პოეზიაში და ასკენის:

„კმარა... ასეთ ლექსს, ასეთ მომღერალს  
შეხოლავს ვაში ვანგით და მტვერით.  
ის, რაც ხალხის გულს შუქად მოხედება,  
ლამაზიც არის და მიმზიდველიც“.

მიუხედავად პოეზიის, ბუნების ერთგვარი გაიოლებული გაშუქებისა, პოეტის ესთეტიკური მრწამსი შთამბეჭდავია თავისი უშუალობით, გულწრფელობით და მიზანმისწრაფებით.

საოცრად ვრცელია პოეტის შემოქმედების გეოგრაფია, მეტად მდიდარია მისი შემოქმედების თემატიკური ნაირფერობაც, მაგრამ მის პოეტურ წარმოსახვათა მთავარი ეპიცენტრი მაინც მის სამშობლო მხარეში მდებარეობს.

„ციე-გომბორიდან სიმღერით  
დილის მზის გადასახედი,  
მოსჩანს იისფერ ნისლებში  
კახეთი, ჩემი კახეთი“.

პატრიოტული ღირიკის ერთ უბრწყინვალეს ნიმუშს ჩვენი დროის მთელ ქართულ პოეზიაში უეჭველად წარმოადგენს ლექსი „არის ახეთი ქვეყანა“. წარმტაცია ამ ლექსის გონივრული უბრალოება, ხალასი უშუალოება და გრძნობის უაღრესი სიწრფელე. აი, ორიოდე ტაეპი ამ ლექსიდან:

„ეაზის ძირში დარწეული აკვანი,  
სალამურის საამური კენესა,  
გმირობის და უკედავების ზღაპარი,  
ხალხში თქმული რუსთაეელის ლექსად,  
მამა-პაპის წმინდა სიხსლით ნაბანი,  
მზის ხსიეებით ანთებული მარად,  
უფსკრულებში ჩანჩქერების ჩქაფანი,  
მთებზე თოელი, ბულბულები — ბარად.“

ზოგან ირმების ჯოგია,  
ზოგან არწიენი პქრიან  
არის ახეთი ქვეყანა, —  
მას საქართველო პქეია!“

ერთი ფრიად ნიშანდობლივი თვისება პოეტისა ნაცად გრძნობათა განსაკუთრებული ერთგულებაა. მათ შორის ერთ-ერთი უძლიერესი ნიდაგთხ გრძნობაა.

„სად არ ვიყავ, სად არა,  
 ცხრა მთა გაღამატარა  
 ეტლმა წუთისოფლისამ...  
 მაგრამ, კარგო, იცი რა?  
 გულმა ვერ მოიცილა  
 ნატერა შენთან ყოფნისა.  
 უცხო ცაზეც მნათობნი  
 კიაფობენ ათობით,  
 მზესაც ოქროს ფერი სძევს...  
 მაგრამ სულ სხვა რამ არის  
 სხივებნათამაშარი  
 საქართველოს ცხელი მზე“.

ჯერ კიდევ ადრევე ნიადაგის მოტივის პოეტის წარმოსახვებში და-  
 უკავშირდა სამშობლოს სახელოვან პიროვნებათა მოტივი. ეს მოტივი  
 ფრიად საგულდისხმო განათებაშია წარმოდგენილი პოეტის შემოქმე-  
 დებაში. პოეტი ერთგული რჩება იმთავითვე დაბადებულ და მრავალ-  
 გზის ნაწრთობი გრძნობისა.

ყურადღებას იქცევს პოეტის მხატვრული ოსტატობის განვითა-  
 რება პოეტურ წარმოსახვათა არა გართულების, არამედ გონივრული,  
 დახვეწილი სისადავის მიმართულებით. აკაკისა და ილიას შემოქმე-  
 დებითი გამოცდილების კვალობაზე პოეტისათვის არ არის უცხო და-  
 უქვემდებაროს თავისი მუშა ქვეყნის მიზნებსა და ამოცანებს, აზრსა  
 და გრძნობას ზოგჯერ ზვარაკად მიუტანოს ფერი და ბგერა. ამავ  
 დროს პოეტის მუსიკალური და ფერწერული პალიტრა საკმაოდ მდი-  
 დარი და უხვია. კერძოდ, ყურადღებას იქცევს საოცრად მრავალსა-  
 ხოვანი, უაღრესად ბუნებრივი, ფრიად გაუცვეთელი და ხშირად მო-  
 ულოდნელი ასონანსური რითმები. ეს რითმები იმდენად უწვალბე-  
 ლია, რომ ლექსის მდინარებაში ვერც კი გამოყოფთ მათ ხმოვანებას.

ცნობილია, რომ პოეტის შემოქმედებაში ძალიან დიდი ადგილი  
 უჭირავს მსოფლიოს სხვადასხვა ქვეყნებში მოგზაურობის თემატი-  
 კას. დაბეჯითებით შეიძლება ითქვას, რომ მოგზაურობის მასშტაბე-  
 ბით და სივრცეებით იოსებ ნონეშვილს ჩვენი საუკუნის 60-იან,  
 70-იან წლების ქართველ მწერალთა შორის ჯერჯერობით ბადალი  
 არ ჰყავს. მოგზაურობათა დიდი შთაბეჭდილებანი არ შეიძლება  
 გარკვეულ გავლენას არ ახდენდეს პოეტის სულიერ გამოცდილებასა  
 და მისი მხატვრული პალიტრის გაუხვევაზე. მიუხედავად იმისა,  
 რომ მოგზაურობათა წარმოსახვა თუ ანარეკლი ზოგჯერ არ არის  
 მოკლებული ერთგვარ ზოგადობას, მათი უმთავრესი ძარღვი მაინც  
 ქვეყნიერების საკმაოდ მძაფრი პოეტური წვდომა და კონტრასტული  
 ფერადების შეგრძნებაა. მაგალითად, მოგზაურობის კარგ პოეტურ  
 ნაყოფად შეგვიძლია მივიჩნიოთ ისეთი ლექსები, როგორიცაა:

„ოჯახი, დროშა, ჭეშმარიტება“, „ბიჭო, იქნებ პაპა იყო შენი“, „ყიზი ყუუ! დაეწიე ქალიშვილს“, „ვიყოთ გულღია“, „შორეულ გზებზე“ და ბევრი სხვა. პოეტს შეუძლია საგულისხმო პოეტურ ფაქტად აქციოს სრულიად განსაკუთრებული ხასიათის შემთხვევა. ასე, მაგალითად, საკმაოდ მდიდარი ემოციური გაერცობა და უჩვეულო პოეტური სხივოსნობა ახასიათებს ლექსს „მაგრამ რა გიყო... მე რა გიშველო“. ეს ლექსი ეხება ოდესღაც აბისინიაში მოხვედრილ და იქ გადაკარგულ ქართველი კაცის ბედს. განსაკუთრებულ შემთხვევაში როდია ან ლექსის ძალა, არამედ იმ რთულ ასოციაციურ კავშირებში, რასაც იგი ბადებს მგრძნობიარე მკითხველის სულში.

რა შორიდან შორსაც უნდა განიტყვორცნოს პოეტის ფანტაზია და მისი პოეტური თვალსაწიერი, მის სიღრმისეულ გრძნობათა გარდუვალ ამოფრქვევას მაინც სამშობლო ქვეყნის სულიერი წიაღის სიღრმეები იწვევს. პოეზიის მჩქეფარე ნაკადი თავის ლიეღლივა მდინარეებაში დაუკარგავად გაიყოლიებს ისეთ ლამაზ სასიმღეროს, როგორიცაა

„ეაზო,  
 ლამაზო  
 ფესვო ნაკურთხო,  
 ეაზო,  
 ქართული კაცის დიდება,  
 ფერით ზურმუხტო,  
 ბარაქით უხვო,  
 შენი სამშობლო ხარობს, ირთება.  
 ნაზო  
 ქალწულო,  
 დაღაღაწულო,  
 ეაზო,  
 შენს გამო არ ვართ მოცლილი...  
 შემოდგომაზე  
 გეითხარ, ასულო,  
 რთველი არის თუ შენი ქორწილი“

ამ კასკასა სასიმღეროს დიდხანს, დიდხანს იმღერებენ საქართველოს ხმაწკრიალა მომღერლები. პოეტური შუქიც ამ სტრიქონებისა, მე მწამს, ჩაუქრობელი იქნება.

იოსებ ნონეშვილის რამდენიმე ათიოდე ლექსი უეჭველად დამკვიდრდება ქართული პოეზიის ძვირფას საგანძურში. ეს კი ცოტა განძი როდია!

## პოეტი თვალის ერთი ჰეველით

მარია ბარათაშვილი საკმაოდ ფართო დიაპაზონის შემოქმედი და საზოგადო მოღვაწეა. მის უკეთეს ქმნილებებში უეჭველად იგრძნობთ წყაროსთვალის სიანკარეს და სინედლეს. ამ ქმნილებებს, როგორც ყოველ ჭეშმარიტ მხატვრულ ფაქტს, ძალუძთ გადმოგცენ არა მარტო თავიანთი უშუალო შინაარსი — თავიანთი გრძნობები, ემოციები, აზრები, არამედ აღძრან და შეინაკადონ ჩვენი ფიქრებიც, წარმოდგენებიც, სახეებიც. მაგალითად, მისი ცნობილი ღიმილმორეული პიესის „ჭრიჭინას“ მთავარი პერსონაჟი უამრავ ნაცნობ სახეს დაგვიყენებს თვალწინ. ბევრ ხასიათს გამოგვახსობინებს ხსოვნის წიაღიდან. მისი „საპოვნელა“ კი მრავალი ნაცნობი სოფლის ველმინდვრებს გადაგვიშლის თვალწინ, ათას ველურ ყვავილს და ბალახბულახს მოგვაგონებს, სამშობლოს წარმტაცი სანახებით აგვიძვრებს გულს, ჩვენს საკუთარ ფიქრებსა და განცდებში გადაგვიყვანს.

მარია ბარათაშვილის ლექსები არც მეტისმეტად ბრჭყვიალაა, არც მეტისმეტად ხმაურიანი. ამავე დროს მათ საკმაო სითბოც, სინათლეც და ფერადოვნებაც ახასიათებთ. პოეტი თითქოს არასდროს არ ცდილობს გაგვაოცოს რაიმე უცნაურობით, თუმცა კარგად იცის, რომ მოულოდნელობა, განუმეორებლობა პოეზიის აუცილებელი თვისებაა. უპირველეს ყოვლისა, პოეტი ელტვის იმას, რომ ცხოველად, განსხვავებულად გვიჩვენოს კეთილი გული, გაგვიზიაროს კეთილი ფიქრი, გაგვიმხილოს ყოვლისმომცველი და უზადო სიყვარული.

„მე სიყვარულით დამდინდა ცრემლი  
და მისი ძალით დავექვ გალობად,  
კეთილ ბუნებას მაღლობა ჩემი,  
ასეთი ჯიღლო რომ მიწყალობა“.

შეუფარავი, პირდაპირი და თავგამეტებულაა პოეტი თავის უმაღლეს და უპირველეს გრძნობაში.

„მე გულის კარი გაეხსენი ფართოდ,  
სიყვარულისთვის დავტოვე ღიად...  
მე გულის კარი გაეუხსენ ფართოდ  
ყველაფერს, რასაც მშვენება უქვია,



თუ ეს მშენება ვეღარ დამათრობს,  
თუ სიყვარული ვეღარ გამათბობს,  
ნუშე მიცოცხლით!

ამიტომაც ახასიათებს პოეტს რაღაც განსაკუთრებული და განუმეორებლად თავისებური ალერსიანი, გულმხურვალე დამოკიდებულება ქვეყნიერებისადმი, ადამიანებისადმი. ამიტომაც არის, რომ პოეტის გრძნობის, ფიქრის, განწყობილების ნახაზი მკვეთრად, მკაფიოდ, ზუსტად ემთხვევა მისი ლექსის პოეტურ აღნაგობას. პოეტს ხიბლავს „ველის ყვავილთა უმანკო სუნთქვა, ნაკადულების ჭორიკანობა“. და ამ მოხიბლულობით ჩვენც „გვავადებს“. პოეტის მთელ შემოქმედებაში რაღაც განსაკუთრებული ძალით ფეთქავს ადამიანის შეუმუსრავი ძალის რწმენა; მას სჯერა ადამიანის გატოლება მისმიერვე გამოგონილ ღმერთთან, სჯერა ადამიანის უსაზღვრო შესაძლებლობა სიკეთის ქმნისა, სიყვარულის თესვისა, სიყვარულის ჩაუქრობელი ცეცხლის აგზნებისა. თავისი ჰუმანისტური იდეალისა და ადამიანის ძალთა სადიდებლად პოეტი არ ეკრძალება დამრიგებლის, მრჩეველის, მომწოდებლის კილოხაც კი:

„შე შენ მოგიხმობ. შენ, ადამიანს,  
შენ, ბეკაცს, ვისაც ღმერთაცო გქვია;  
შენ უნდა ხძლიო ბოროტს ბოლომდე!  
ხნული გეძახის სიკეთის მთესავს.  
შენ შეგიძლია აჯობო ღმერთსაც,  
შენც უნდა შენი ხძლიო ბოროტი, —  
შენ შეგიძლია!“

არა, არ ემიჯნება პოეზიას ეს მომწოდებელი კილო, იგი არსებითად აგრძელებს იმ პოეტურ თრთოლევას, იმ წუხილსა და სევდას, რასაც გაზაფხულის სუნთქვა აღვიძებს ჩვენს სულიერ არსებაში და რასაც პოეტი ასე გამოხატავდა ადრე:

„გამოზაფხულზე მუდამ  
მოდის სევდები გუნდად...  
თვალი სევდით მაქვს სველი —  
ო, რა კარგია ცრემლი —  
წმინდა, ხატაკო ცრემლი!“

შესაძლოა რამდენადმე გაიოლებულად, მაგრამ უძრახავი გულმინდობით ვუზიარდებით პოეტის ფიქრებს, გულისნაღებს, წრფელად განცდილს:

„დადგენილია საწუთროს ხელით  
წარმავლობის გარდუვალობა.  
ჩემია მხოლოდ დღე დღევანდელი,  
უნდა მოვასწრო ჩემი გალობა!“

მსურს ჩემი ქვეყნის ცას, ველს და ბუჩქებს  
მიეცე ეს თრთოლვა და აღტაცება...  
ჩვენ ქვეყნად თითო სიცოცხლე გვერგო,  
იოლად როგორ დაიხარჯება!

კარგად აქვს პოეტს გათავისებული არაერთხელ გამოთქმული აზ-  
რი და გრძნობა.

პოეტ ქალს ძალუძს რაღაცნაირი განსაკუთრებული თრთოლვით  
და სიცოცხლის განმამტკიცებელი სევდიანი მღელვარებით აავსოს  
სიღრმისეული პოეტური წარმოსახვა. კარგი, ლამაზი და მოულოდ-  
ნელი ნახაზებით გადმოსცემს პოეტი მიტოვებული ეზო-მიდამოს  
სურათს. არის ამ სურათში ზოგი ძლიერი პოეტური ნაკეთი, ღონიე-  
რი ადამიანური ფიქრი, კარგად მიგნებული მღელვარება. აქ თით-  
ქოს მარტოობა და სევდა სიცოცხლის ძალებს უხმობს. ლექსი ჩვენს  
ფიქრებს ძალუძად ამოძრავებს და ამრავლებს.

„გულის ტკივილით და ვარინდებით  
ჩამწყრივებულან კართან შინდები,  
აშრიალებენ ფიქრებს ალგები,  
შორეულ გზისკენ რჩებათ თვალები.  
მიუჩრებულა ბედელ-მარანი,  
ოროფესებზე თელემს სასიძინდე.  
დადის სიჩუმე გულმეშზარაეი  
და ძნელ საფიქრალს ჩამოგვირიგებს:  
ვინ გვიპატრონოს, ვინ გვიეკიმოს,  
შეგვიყურო სენმა დავიწყებისა...  
გულის ფიცარი მაქვს ჩაზნექილი  
ჩემი ჩვილების აკენის რწვეითა.  
მე რომ გულსაესე კერა მქონოდა  
პაპა ომობდა, მამა ომობდა...  
ახლა კუთხეში ზის მარტოობა  
და იმის სათქმელს ქსელავს ობობა“.

განსხვავებული გულმსურვალე ინტონაციით აღინიშნებოდა პოეტი  
ქალის პატრიოტული ღირიკა ომის მძიმე წლებში. მაგრამ მისი სევ-  
დიანი ხმა და დრამატიული კილო არასდროს არ გადადიოდა სასო-  
წარკვეთილებისა და უიმედობის განწყობილებაში. თავდადებული  
ქართველი პატრიოტი ქალის — დედის, დის, მეუღლის ლამაზ გულის-  
ძგერას შეიცნობდით პოეტის იმდროინდელ მხატვრულ სიტყვებში.  
საერთოდ, მარიკა ბარათაშვილის ღირიკა ემკვიდრება ქართული  
კლასიკური პოეზიის სათავეებსა და მდინარებს. ლამაზად, შთაგონე-  
ბულად არის გამოთქმული მემკვიდრეობის ნათელი გრძნობა ჯერ  
კიდევ 1944 წელს დაწერილ ლექსში „მერცხლები აკაკის აივანზე“.  
აი, მერცხლები.

„ხმატკბილ სიმღერას მოხვევებიან გოგელი დილით  
და თუმც მის ძილში უკვე დიდი ხანი გავიდა,  
მჯერა მარადის მოგვესმება პანგები ტკბილი,  
დიდი აკაკის დანატოვარ აივანიდან“.

ასევე ბუნებრივია პოეტი ქალის წრფელი გულმხურვალება ჩვენი ეპოქის უდიდესი პოეტის — გალაკტიონ ტაბიძის სახიერებისადმი, რაც ასე შთაგონებულად არის გაღმოცემული 1954 წელს დაწერილ ლექსში — „წყალტუბოდან ქუთაისში მიმავალო ქარო“.

საერთოდ მარიკა ბარათაშვილის მთელ შემოქმედებაში იგრძნობა რაღაც კარგი, რაღაც ნათელი წუხილი ადამიანის, სამშობლოს ბედის გამო. პოეტს ძალუმს თავისი შთაგონებული სიტყვით ყოველდღიური, ჩვეულებრივი აქციოს უჩვეულოდ, ნაცადი თუ ნაცნობი პოეტურად გააუცხოვოს.

პოეტის უხვი, უშურველი გული და ნაზი, ქალური მომხიბვლელი უშუალობა კარგად გამომჟღავნდა იმ მცირე პროზაულ ჩანახატში, რაც მან ანა კალანდაძის 50 წლის შესრულების გამო გამოაქვეყნა. ამ ჩანახატს ასე ამთავრებს კარგი მარიკა: „და კიდევ იმითაც გვხიბლავს ეს განუმეორებელი ხმის პოეტი ქალი, რომ მასში პარმონიულად შერწყმულა ქართული ლექსის დიდებული ოსტატი, მოქალაქე და ადამიანი“.

მარიკა ბარათაშვილის სრული შემოქმედებითი პორტრეტი მომავალ მონოგრაფიულ ნარკვევს უნდა დაეელოს. ასლა კი ხანგრძლივი სიცოცხლე და ჩაუქრობელი შემოქმედებითი მგზნებარება ვუსურვოთ მას.

## სიტყვა მემოზარს

თუ გონების თვალს მოვაგლებთ ბევრ მის წიგნს, გავისხენებთ რამდენადაც შეიძლება მის მრავალრიცხოვან ლიტერატურულ ნარკვევებს, წერილებს, რეცენზიებს, რაც მას 50 წლის მანძილზე დაუწერია, თვალწინ გადაგვეშლება საკმაოდ ვრცელი და შინაარსიანი ლიტერატურული ცხოვრება, მხატვრულ-იდეურ ინტერესთა საკმაოდ ფართო წრე: ლიტერატურა და თეატრი, კლასიკა და თანამედროვეობა, ქართული, რუსული და სხვა მომძე ხალხთა სხვადასხვა ლიტერატურული მოვლენა, თანამედროვეობის ცოცხალი ლიტერატურული პროცესის სხვადასხვა საჭირობო საკითხი. უმცდარობა და უდავობა, რასაკვირველია, გაცილებით უფრო მცირე დიაპაზონშიც კი გამოირიცხულია სრულიად. მაგრამ ერთი რამ უდავოა: კომუნისტი ლიტერატორის — ერემია ქარელიშვილის მთელ ნაღვაწს თავიდან ბოლომდე მაცოცხლებელ ძარდად გასდევს მტკიცე, პრინციპული პარტიული თვალსაზრისი, მხურვალე დაინტერესება საბჭოთა მხატვრული კულტურის ამდღებით, მკაფიო პუბლიცისტური პათოსი. ამ პათოსში იგულისხმება მისწრაფება, რომ მხატვრული ფაქტიდან შეიჭრას თვით ცხოვრებისა და სინამდვილის იმ მოვლენებში, რომლებიც ამ ფაქტს განაპირობებენ და მის უკან იმალებიან, განიხილოს და გააშუქოს ეს მოვლენები.

სანამ ამ სტრიქონების წერას შევეუდგებოდი, ვრთხელ კიდევ ჩავიხედე ზოგიერთ მის წიგნში, კერძოდ გადავფურცლე მისი მომცრო მონოგრაფია იროდიონ ევდოშვილზე. რაოდენი ერთგულება და სიყვარულია აქ მწერლისადმი, რაოდენ გულისხმიერი, სადი და პრინციპული დამოკიდებულებაა მისი შემოქმედების ზოგიერთი წინააღმდეგობისადმი.

ერემია ქარელიშვილი ქართული ლიტერატურის, ქართული მწერლების გულწრფელი მოყვარული და მოამაგეა. მე ახე მგონია, მას უსიყვარულოდ წერა არ შეუძლია. უყვარს მაშინაც კი, როცა აკრიტიკებს, როცა რაიმეს უწუნებს. ეს სიყვარული, ალბათ, ბევრ მწერალს უგრძვნია მის წერილებსა და რეცენზიებში. აი, თუნდაც: განა უსიყვარულოდ შეეძლო ერთ-ერთ პირველთაგანს მიეგნო და

ეთქვა, კონსტანტინე გამსახურდიამ ქართული პროზის ინტელექტუალური საზღვრები დიდად გააფართოვაო?

გარდა კრიტიკოსის საკმაოდ მძიმე ტვირთისა, ერემია ქარელი-შვილი ქართული პრესის, ქართული გამოცემლობის, ქართული თეატრის ჩუმი, უხმაურო, უპრეტენზიო, მაგრამ ფრიად აქტიური, ფრიად პრინციპული და ენერგიული მოღვაწის ტვირთის მზიდველიცაა იმ თავიდანვე დღემდე.

ახლა ის ხანდაზმული გახდა.

ეჰ, ჩემო ძმაო, რა უღმობელია წუთისოფელი, რა დაუნდობელი ხისწრაფით გარბის დრო! თითქოს სულ ახლახან იყო, როცა გაზეთ და ჟურნალ „განათლების მუშაკის“ რედაქციის კარები შემოაღე და თავზე ჯილასავით გედგა მუღლუფა შავი ქოჩორი, ხოლო შენი დიდრონი, ცოტათი ნაღვლიანი თვალები სიჭაბუკის ნაპერწკლებს აკვესებდნენ! რა გაეწყობა!

მაგრამ არა. წინ გიდევეს კიდეც მეორე სიჭაბუკის, ხანდაზმული სიჭაბუკის გზა. ახალ-ახალი წარმატებებით გველოს ამ გზაზეც!

## მისი ტრუიალო

ერთობ თავისებურად, ერთობ განსხვავებულად იგრძნობა და იმის მის სტრიქონებში იმერეთის სოფლების ორღობეთა დილა-საღამოს ჟრიაშული, სიმინდის ყანების მოლივლივე დაღანი. უკვე ამ ლივლივა დაღანში გამოსჭვავივის ის პირველადი გაუცხოება, ურომლისოდაც სიტყვა ძნელად გადადის ნამდვილ პოეტურ სურათსა თუ ყდე-რაში.

ჩემი აზრით, სადღაც აქ არის პირველი სათავე გიორგი კაჭახიძის შემოქმედების მთელი შემდგომი გზისა. იგი იმ თავიდან აქამდე ერთგულია ლექსის ნაცადი რეალისტური ფორმისა, მაგრამ უეჭველად მოძებნილი აქვს საკმაოდ განსხვავებული პიროვნული კილო, თავისებური ინტონაცია.

გიორგი კაჭახიძეს 70 წელი შეუსრულდა.

სულის სახარბიელო სიმხნევეს მოწმობს, რომ იგი ჯერ კიდევ არ ამბობს, სადილო პოეზიაში მე უკვე ჩემი ყანა ნამუსიანად გავლენე, საბავშვო ლიტერატურაშიც ჩემი კვალი მონდომებით-მაქვს გატანილი. ნამდვილად კი ეს ასეა. შემდგომში მას ძალუძს გაუხეება უკვე ნახევარსაუკუნოვანი ნაჭირნახულევისა. თავისი ადგილი უკვე მტკიცედ აქვს დამკვიდრებული ჩვენი ეპოქის ქართულ ლიტერატურაში.

ამას ხელს უწყობს ისიც, რომ პოეტს ახასიათებს მშობლიური ნიადაგის მძაფრი შეგრძნება, მიწის უღრმესი განცდა:

„ნუ იტყვი, მიწა ცივიაო და უგრძნობელი.

აბა, თბილ კერად როგორ ექცა ფიქრს და ოცნებას!

აღალ დედობას როგორ გვიწევს ყოელის მშობელი,

საქმეს რად გვიჩენს, ყვავილებით რად იმოსება!“

მიწა და ყანა პოეტის ტრფიალი!

იცოცხლე, იდეგრძელე, ჩვენო გიორგი!

1977

## ალ. ქუთათელი

(პორტრეტული ჩანახატი)

გულმოდულელ, ფიქრმოდულელ კაცად ითქმის ალექსანდრე ქუთათელი. კლასიკისა და თანამედროვე ლიტერატურის საფუძვლიანი მცოდნე ანტიკურ ლიტერატურაშიც კარგად ერკვევა. ფრიად ენაწყლიანი მოსაუბრეა ინტიმურ წრეში, მაგრამ საჯარო ენამჭევრობას არ ეტანება, ყოველთვის ყურადღებას იქცევს აზრის განსხვავებულად გაბედული მოძრაობით, ზოგჯერ თავისებური პარადოქსებითაც კი.

უურნალ „მნათობის“ 1878 წლის სექტემბრის (№ 9) ნომერში წავიკითხეთ მისი მოგონება — „ძმობის მადლი“ ცნობილ გმირთან — დავით ბაქრაძესთან დამგზავრების, საგზაო შთაბეჭდილებების, კარლოვივარში ჩასვლისა და იქაურ კეთილ ადამიანებთან შეხვედრების გამო. საგულისხმო დღიურებია. მწერლის სიტყვა და კალამი არცთუ მოღლილად გამოიყურება. დრო და დრო „მნათობის“ ფურცლებზე მისი ლექსებიც გამოჩნდება. ეტყობა, ვამთასვლას ებრძვის გულიდან დაძრული სიტყვით, ლექსის მახვილითაც. თითქოს ბუნებრივითაც: ალექსანდრე ქუთათელი გიორგი ლეონიძეს ხომ უგულითადაცად მეგობრობდა და რა გასაკვირია, რომ ლექსი მასაც სიჭაბუკის სინონიმად მიაჩნდეს.

„პირისპირის“ ავტორი ფრიად განსხვავებული ხასიათის პიროვნება და შემოქმედია. ასედაც უნდა იყოს. შემოქმედი მეტად თუ ნაკლებად ყოველთვის განსხვავებული და განუშეორებელია.

არ შეიძლება ითქვას, რომ ალექსანდრე ქუთათელს არ იტაცებდეს წმინდა, ნათელი, სასხასა ფერადები, არ ხიბლავდეს ადამიანის სულისა და გულის სუფთა, წმინდა, უზადო, კეთილშობილი თვისებები. მაგრამ იმავე დროს მას აქვს სრულიად პოლარული მიდრეკილებაც, მის თვალს იშვიათად ეპარება თუ ემალება ადამიანთა ესა თუ ის ხინჯი და ზადი, სულიერ-ზნეობრივი ხეიბრობა და სიმასხინჯე. ზოგჯერ კაცს ეგონება, მწერალს ადამიანის ჩრდილოვანი მხარეების დანახვა უფრო ემარჯვებაო. მაგრამ არსებითად ეს ასე არ არის. ჩაიხედეთ მის უმთავრეს ქმნილებებში, რამდენ ნათელ ფერადებს, რამდენ სიანკარეს, რამდენ წარმტაც სიწმინდესა და სილამაზეს შე-

ამჩნევთ. ოღონდ მწერალს ლამაზი და მშვენიერი, ვაუკაცური და მაღალზნეობრივი ზედაპირულ მოვლენებად და თვისებებად როდი მიაჩნია. ისინი სიღრმისეული მოვლენებია, აღმოსაჩენიც, ჩამოსაძერწიც. ყოველივე დიადი დიდი გარჯითა და ტკივილებით იბადებო.

ხანდახან ქუთათელს გარეგნულად მოვლენებისადმი, ადამიანებისადმი და თავისთავისადმიც კი საკმაოდ კრიტიკული, კუმორული და სარკასტული დამოკიდებულებაც კი ახასიათებს. მაგრამ ასეთი დამოკიდებულების სიღრმეში თუ საფარველქვეშ არსებითად გულუხვი კაცთმოყვარეობის ნაღვერდალი ღვივის. ამას ცხადად დავინახავთ და ვიგრძნობთ თუ თვალს გავადევნებთ მისი მხატვრული ქმნილებების სულისკვეთებასა და მიდრეკილებას. ამ მხრივ ბევრ საგულლისხმოს შევამჩნევთ მწერლის ადამიანურ ხასიათსაც. აი, თუნდაც არცთუ ისე თვალში საცემი, მაგრამ ფრიად ნიშანდობლივი თვისება მწერლისა. მისი საოცრად გულმხურვალე დამოკიდებულება ბავშვებისადმი. ამ თემაზე მას ერთი შთაგონებული მოთხრობაც კი აქვს. მომისმენია მწერლის გრძნობიერი აღსარებაც ამის გამო:

— ბავშვი ყველაზე და ყველაფერზე უძვირფასესი არსებაა, — მოთხრა ერთხელ მან, — ყოველგვარ ტანჯვას ავიტან, მაგრამ ბავშვის შეწუხებას ვერ ეუძლებ. ბავშვი რომ ტირის, ასე მგონია ქვეყნიერების განსჯა-განკითხვის დღე დგება. არ არსებობს ბავშვების მოვლასა და დაცვაზე უფრო დიდი სიკეთე. ბავშვი ჩემთვის უმშვენიერეს და უმძაფრეს მუსიკაზე უმძაფრესი განცდაა. კაცობრიობას უფრო დიდი საქმე და დიდი ნეტარება არა აქვს, ვიდრე ბავშვების მოვლა და აღზრდაა...

ეს ასე იყო. და საოცრება ის არის, რომ ბავშვებზე ასე გრძნობიერად „გულაჩუყებული“ კაცი, ზრდადასრულებულ ადამიანთა მიმართ საკმაოდ მკაცრი, კრიტიკული და ირონიულიც კია. რა გაეწყობა: თუ ის ითქმის, კაცია და გუნებაო, მით უმეტეს ისიც ითქმის, მწერალია და ბევრი უცნაურობაო.

მრავალ თვალსაჩინო ნაწარმოებთა შორის ალექსანდრე ქუთათელის ცხოვრებისა და შემოქმედების უმთავრესი მონაგარი მაინც ცნობილი დიდი ისტორიული რომანი „პირისპირია“. მრავალმხრივი და მრავალფეროვანია ამ რომანში წარმოსახული ისტორიულ-სოციალური, ფსიქოლოგიურ-ზნეობრივი და ეროვნულ-ყოფითი პანორამა. მთავარი პერსონაჟის მდიდარ სულიერსა და ყოფითს მოძრაობა-განვითარებაში ირეკლება მეოცე საუკუნის პირველი მესამედის საქართველოს ინტელექტუალური ცხოვრების ბევრი არსებითი თვისება. კორნელი მხეიძე მეოცე საუკუნის ოციანი წლების ქართველი ინტელიგენციის ერთ-ერთი ფრიად ღირსსახსოვარი წარმომადგენე-



ლია. იგი თავისი დროის ინტელექტუალური ცხოვრების მრავალ ღირსსახსოვარ ნიშანს ასახიერებს. მაგრამ რომანის მთავარი გმირის გვერდით მკითხველი ხედავს იმ დროის თითქმის ყველა სოციალური ფენის მკაფიოდ გამოკვეთილ და ინდივიდუალიზირებულ წარმომადგენლებს. რომანი „პირისპირ“ ასახავს არა მარტო ცალკეული სოციალური ფენების წარმომადგენელთა ყოფა-ცხოვრებას, არამედ მთელი საზოგადოების, მთელი ერის სულიერ მოძრაობას, მის ისტორიულ გზასა და ბედს.

ამ დიდი ისტორიულ-რევოლუციური ეპოქების შექმნის პროცესში საგულისხმოა არა მხოლოდ ის, თუ რაგვარ სულიერ მღელვარებას განიცდიდა თვითონ შემოქმედი, არამედ უმთავრესად ის, თუ რაგვარი ისტორიული შენობა აღიმართა ამ მღელვარების შედეგად. აღიმართა კი შენობა დიდი, გამძლე, თვალსაჩინო. რომანის მთავარი პერსონაჟი, შეიძლება ითქვას, მთელი სისრულით ასახიერებს გარკვეული პერიოდის ქართველი ინტელიგენციის დამასახიათებელ თვისებებსა და ისტორიულ ბედს; რომანის მხატვრულ სახეთა განვითარებასა და ცხოვრების მოძრაობაში თავს იჩენს არა მარტო მწერლის სუბიექტური მიდრეკილება, მისი მხატვრულ-იდეური მრწამსი, არამედ ისტორიულ მოვლენათა გარდუვალი ობიექტური ლოგიკაც. დაკვირვებული მკითხველი ნათლად ხედავს და გრძნობს, თუ როგორი მკაცრი შინაგანი კანონზომიერებით ხდება რთული ფსიქოლოგიური ფორმირება ახალგაზრდა ქართველი ინტელიგენტისა ახალი სოციალური მოვლენების პირობებში. საკმაოდ მწვავე და მტკივნეულია რომანის სხვა მრავალრიცხოვანი პერსონაჟის რთული სოციალურ-ფსიქოლოგიური ცხოვრებისა და მოძრაობის გზა. რომანში ვხვდებით იმ დროის თითქმის ყველა საზოგადოებრივი წრის წარმომადგენელს. მწერალს ყოველი მათგანისათვის გამოძებნილი აქვს უაღრესად ინდივიდუალიზირებული და ნიშანდობლივი თვისებები, საღებავები. მიუხედავად თავისი მხატვრული პალიტრის სიუხვისა, მწერალს არასდროს არ ახასიათებდა და არ ახასიათებს მოჭარბებული ფერადებითა და საღებავებით გატაცება. იგი სადა, მშვიდი და დინჯი მთხრობელია. მისი სურათები და ნახატები დაწყნარებული ელფერით კაპიორჩევიან. მამაკაცთა მრავალრიცხოვან პერსონაჟთა გვერდით მკითხველთა გულისყურს იპყრობს ქალთა ცოცხლად, შთაგონებულად და წარმტაცად დახატული და გამოძერწილი სახეები, ხასიათები. რომანში გამოგონილ პერსონაჟთა გვერდით წარმოდგენილია ცნობილი ისტორიული პიროვნებებიც. საგულისხმო მხატვრულ-ეპოციურ ღირსებებთან ერთად რომანს ახასიათებს მნიშვნელოვანი შემეცნებითი ღირსებაც. რომანი დამუხტულია უღრმესი ისტორიული დრამატიზმით.

„პირისპირს“ — ამ მრავალკარიან რომანს მკითხველი საიდან სად არ გადაჰყავს ემოციურადაც, აზრობრივადაც, გეოგრაფიულადაც, ყოფიერების არეებითაც, ფსიქოლოგიური ნიშან-თვისებებითაც. საქართველოს სოფლებისა და ქალაქების, მთებისა და ველების თვალწარმტაცი სანახებიდან გადავდივართ სხვადასხვა დარბაზებში, მტკიცედ ნაგები შენობებიდან უბადრუკ ქოხებში, თვალწარმტაცი ველმინდვრებიდან ასევე თვალწარმტაც ქედებსა და მთის თხემებზე. ბატალური სურათების კარგი ოსტატი იგრძნობა რომანში გამოსახულ ბრძოლის ეპიზოდებში.

„პირისპირ“ დიდი ისტორიული უღელტეხილისა და ისტორიული მოვლენების შთაგონებული მხატვრული უკუფენაა. იგი დიადი ვარდაქმნის დრამატული ეპოპეაა. თანაც ამ რომანს ახასიათებს ერთგვარი ტრაგიკული სუნთქვაც, რაც ალ. ქუთათელის მთელი შემოქმედებისთვისაც არ არის უცხო.

„პირისპირის“ ავტორის თემატიკური დიაპაზონი საკმაოდ ფართოა. რომ არაფერი ვთქვათ მის სულ ადრინდელ მითოლოგიურ დრამაზე („ქრისე“), ა. ქუთათელი მრავალი პოეტური და პროზაული ქმნილების ავტორია. ლიტერატურის მოყვარული უეჭველად საამოდ გაიხსენებს ლექსებს — „ჩაღვადრები“, „ალისმერეთი“, „შემოდგომა“, „ნაცნობი ბაღი“ და სხვას. აგრეთვე მრავალ პროზაულ ქმნილებას. მათ შორის ისეთს, როგორცაა: „აბესალომ და ეთერი“, „იონა და მავრა“, რომანი „სათვალთვალო“ და მრავალი სხვა.

ალ. ქუთათელმა 80 წელს გადააბიჯა. წლებს ამშვენებს მონაგარი. თავისთავად ხანდაზმულობა კი არცთუ საამო რამ არის. საამო ყოფილყოფს დონე სულისა სახელოვანი მწერლისა.

## სიცოცხლის წყურვილი – შემოქმედების ღვრიტა

(ა. ლომიძის 70 წლისთავის გამო)

უხმაურო მწერალია, მოკრძალებული და ჩაფიქრებული, თითქოს მოულოდნელად და ჩუმად მოვიდა მისი ხანდაზმულობა. ხმაური და ზარზეიმი არ არის მისი სტიქია. დინჯად, ჩაფიქრებულად ადევნებს იგი თვალ-ყურს უბრალო მშრომელთა, განსაკუთრებით ზღვაოსან მაშერალთა, სულის სიღრმისეულ მოძრაობას. ვერ ვიტყვი, რომ მკითხველთა გულის მონადირება არ სწადდეს კეთილი გრძნობით, გულში ჩამწედომი ნაამბობით, მაგრამ სიტყვიერი ზიზილიპილები-საგან, ენობრივი ჭრელაჭრულობისაგან შორს არის. იგი მოკლე მოთხრობების და ჩანახატების ოსტატია, უადრესად მოკლე და ტევადია მისი ფრაზა.

ამბობენ, ანდრო ლომიძემ თანამედროვე ქართულ პროზაში თავისებურად შემოიტანა ზღვის, ნაოსნობის და ნადირობის თემაო. ეს მართალია, მაგრამ მთავარი მაინც მის შემოქმედებაში თანამედროვე ქართველი მშრომელი კაცის სულის მოძრაობის თავისებური გამოსახვაა.

თავის მოთხრობებსა, ნოველებსა და ესკიზებში მწერალი შთაგონებულად ეჭიდება ჩვენი დროის ბევრ საჭირბოროტო სოციალურ-ზნეობრივ, საყოფაცხოვრებო, ესთეტიკურ-ფილოსოფიურ და, თუ გნებავთ, ყოფნა-არყოფნის მწვავე საკითხებს.

მწერალს, რასაკვირველია, არც თუ ძალუძს, არც თუ მკაცრად პოეტოვება და არც თუ ისე მოვალეა იგი გადაწყვიტოს ყველა წამოჭრილი პრობლემა, მაგრამ მოწოდებულია გვიჩვენოს მოვლენები თვალსაჩინო ცხოვრებისეულ მიმართებებსა და კავშირებში.

ანდრო ლომიძეს ძალუძს მისწვდეს ცხოვრებისეულ მოვლენათა იღუმალ კვანძებსა და კავშირებს. მისი მოთხრობები და ჩანახატები ყურადღებას იქცევენ არა იმდენად რთული და წარმტაცო ფაბულითა და სიუჟეტით, რამდენადაც სულიერი, ზნეობრივი სილამაზისა და სიფაქიზის, გულითადობისა და კაცთმოყვარეობის იდეალის უკუფენით.

შეიძლება ითქვას, რომ ანდრო ლომიძე ყველაზე მეტად ესწრაფ-

ვის ზღვაოსნობისა და ნადირობის მასალაზე გამოიკვლიოს ერთ-ერთი ყველაზე მძაფრი ადამიანური ენება თუ გრძნობა, სახელდობრ, ყოვლისმომცველხ გრძნობა — გრძნობა სიცოცხლის წყურვილისა. შემთხვევით როდი ეწოდება ერთ მის მოთხრობას — „ადამიანს სიცოცხლე სწყურია“. აქ მოთხრობილია ხანში შესული კაპიტნის — აეთანდილ თოლორაიას ახალგაზრდობაში განცდილი დრამატული, თანაც ეფემერული ანუ ადრე გაწყვეტილი სიყვარულის ამბავი. შემდეგ გადმოცემულია ძველი სომალდის ჩაძირვის, მარტოხელა მოხუცი კაპიტნის და მასთან ერთად სომალდზე მომუშავე ბოცმანის ზღვის აბობოქრებულ ტალღებში დაღუპვის ამბავი. და, ამ ტრაგიკულ ამბავში მთავარი მაინც სიცოცხლის შეუმუსრავი წყურვილია. სიცოცხლის ამ დიდი წყურვილის გარეშე არავითარი ნამდვილი ადამიანური ღირებულება ამქვეყნად არ შეიქმნება. ამ აზრს მწერალი არაერთ თავის ნაწარმოებში ასსამს სორცს... მთელი შემოქმედება მწერლისა გამსჭვალულია ნათელი და მგზნებარე სიცოცხლისმოყვარეობით. ამავე დროს მწერლის მსოფლშეგრძნება არ არის მოკლებული ერთგვარ შეშფოთებას იმის გამო, რომ ადამიანთა ყოფა არ არის დაზღვეული ბოროტებისა და ბნელეთის ძალების შემოტევისაგან, მაგრამ მწერალი ადიდებს სიცოცხლის დაუცხრომელ სიყვარულს, რასაც ერთადერთს ძალუძს ადამიანში შემოქმედებითი ძალების აღგზნება და გამრავლება.

შემთხვევითი არ არის, რომ ბევრ მოთხრობასა და ნოველაში მწერალი თავის გმირებს ხშირად წარმოათქმევენებს „სიცოცხლის საგალობელს“.

მწერლის ერთ-ერთი პერსონაჟი მოგვითხრობს თავის სამონადირეო თავგადასავალს და სიცოცხლის საგალობელით ამთავრებს ამბავს. იგი ბოლოს ასკენის: შეიძლება ყველაფრისგან დაეიქანცო, მაგრამ არასდროს არ დაეიღლები სიცოცხლითა და სიცოცხლის სიყვარულით.

ამ აღსარებაში არის სიცოცხლის სიყვარულის, თუ შეიძლება ასე ითქვას, მიამიტური სიბრძნე. მწერლის აზრით კი, სწორედ სიცოცხლის წყურვილია სათავე ნამდვილი შემოქმედებისა. სიცოცხლის დიდი წყურვილის გარეშე არ იქმნება არავითარი დიდი ადამიანური ღირებულებანი ამქვეყნად. ამ იდეის მხატვრულ სორცშესსმას ეძღვნება ანდრო ლომიძის ბევრი მოთხრობა...

უესურვოთ ჩვენს 70 წელს გადაცილებულ მწერალს სიცოცხლის წყურვილის — შემოქმედების ამ მთავარი დერიტის — კიდევ უფრო გაძლიერება.

## რბ არის ბედნიერება?!

ამ კითხვაზე პასუხი თითქოს ადვილიც არის, რადგან ბედნიერებას, გამოუკლებლივ, ხომ ყველა ელტვის და, ალბათ, თავისებურად ყველა ადამიანმა იცის, რა არის მისთვის ბედნიერება, მაგრამ პასუხი ფრიად ძნელიც არის, რადგან არის კი ნამდვილი ბედნიერება, რასაც თითოეული ჩვენთაგანი ელტვის? აბა, კარგად დაუკვირდით: ის, რაც თქვენ ბედნიერებად გესახებათ, სხვისთვის, შესაძლოა, სრულიადაც არ იყოს ბედნიერება. ან კიდევ მეტი — ხვალ-ზევ თვითონ თქვენთვისაც აღარ იყოს იგი ბედნიერება.

უზომოდ მშვიერ კაცს, როგორც წესი, ლუკმა.პურის შოვნაც კი ბედნიერებად მოეჩვენება. გაიხსენეთ, ჯექ ლონდონის მოთხრობა „სიცოცხლის სიყვარული“. ამ მოთხრობის პერსონაჟი — შიმშილისაგან არაქათგამოცლილი და სიკვდილის პირას მისული, ალბათ, თავს ბედნიერად ჩათვლიდა, რომ ერთი თეთრი გნოლი ან ერთი ჭიჭყინა თევზი დაეჭირა და უმალ შეეჭამა.

ღარიბისათვის მცირეოდენი ნივთიერი მონაპოვარიც კი შეიძლება ბედნიერება იქნეს. ეგნატე ნინოშვილის ივანე ერთი დღით მაინც ჩათვლიდა თავს ბედნიერად, რომ თავისი ტივი უხიფათოდ ჩაეცურებინა ფოთში... ჰემინგუეის მოხუცი სანტიაგოც ბედნიერი იქნებოდა, რომ ოკეანეში დაჭერილი ვეებერთელა თევზი ნაპირამდე მიეტანა და ბაზარზე გაეყიდა, როგორც ოცნებობდა.

პატიმრისათვის განთავისუფლება, როგორც წესი, ბედნიერებაა. გამონაკლისი მხედველობაში არ არის მისაღები. გამონაკლისი, როგორც ცნობილია, წესს ადასტურებს; მაგალითად, ბაირონის შილიონის ტყვე, ვინაც რამდენიმე ათეულ წელს ბნელ დილეგში სვეტზე იყო მიჯაჭვული, იმდენად „შეეზარდა“ ტყვეობას, რომ განთავისუფლების შემდეგ ისევ დილეგში დაბრუნება ირჩია. ცხადია, აქ საქმე განსაკუთრებულ ფსიქოლოგიურ კომპლექსს ესება.

უნდა ვიფიქროთ, ბედნიერება იქნებოდა შეყვარებულისათვის —

<sup>1</sup> ეს პატარა წერილი დაიწერა ჟურნალ „საქართველოს ქალის“ დაკვეთით და დაბეჭდა იმავე ჟურნალში. არსებითად ეს იყო პასუხი ზოგიერთი მკითხველის შეკითხვაზე.

საპასუხო სიყვარული, დავრდომილისათვის — გამოჯანმრთელება, შურისმაძიებლისათვის — შურისძიება, კარიერისტიკისათვის — სანუკვარი თანამდებობის დაკავება... ერთი სიტყვით, დასახული მიზნის მიღწევა ყოველ კაცს, ალბათ, ბედნიერებად ესახება, დამოუკიდებლად იმისა, თუ რა შინაარსისაა თვით მიზანი. და ასე რომ მივეყვით, სათვალავს ვერ მოუძებნით ბედნიერების სუბიექტურ გაგებას (მეტწილად შემთხვევითსა და წარმავალს), ანუ პიროვნულ წარმოდგენებს ბედნიერებაზე. თანაც დავინახავთ, რომ ყოველი პირადი ბედნიერების, ანუ, უკეთ ვთქვათ, ყოველი წუთიერი პირადი ბედნიერების შინაარსი ყოველთვის დამოკიდებულია დროსა, გარემოსა და თვით ადამიანის საზოგადოებრივ მდგომარეობაზე.

მაშასადამე, თუ საკითხს ცალკეულ ადამიანთა წარმოდგენების თვალსაზრისით მივუდგებით, იმდენად სხვადასხვა, სმირად იმდენად ერთმანეთის საწინააღმდეგო, იმდენად მერყევი და ზოგჯერ საზოგადოებრივად იმდენად საშიში იქნება ამ წარმოდგენათა შინაარსი, რომ კითხვაზე რაიმე გარკვეული პასუხის გაცემას ვერასოდეს ვერ შევძლებთ და კვლავ აღმოვჩნდებით უმწეავესი საკითხის წინაშე: — არის თუ არა საერთოდ შესაძლებელი ადამიანის სრული ბედნიერება ჩვენს ცოდვილ დედამიწაზე? შეიძლება თუ არა მოიძებნოს ბედნიერების ცნების ისეთი ობიექტური შინაარსი, რასაც ასე თუ ისე მყარი და საყოველთაო მნიშვნელობა ექნება?

მოდით, ერთად ვიმტკრიოთ თავი ამ საკითხებზე!

ერთ რამეში, ალბათ, წინასწარ უნდა შევთანხმდეთ: ადამიანის შესაძლებელი ბედნიერება არ შეიძლება არსებობის ცალფა, უკავშირო ძაფი იყოს. იგი შესაძლებელია; ალბათ, როგორც უამრავ ბუნებრივ და ადამიანურ კავშირთა რთული ქსელი. ერთ-ერთი პრსებითი ნიშანი ადამიანის ბედნიერებისა არის ის, რომ იგი უეჭველად დაკავშირებულია სიხარულთან, ადამიანის სასიცოცხლო ძალების აღზნებასა, ზრდასა და განვითარებასთან. ჰოდა, არ ვიცო, თქვენ რას ფიქრობთ, მაგრამ ჩემი აზრით, სიხარულისა და სასიცოცხლო ძალების აღზნების, ზრდისა და განვითარების უპირველესი და უმთავრესი წყარო უეჭველად შრომა და სიყვარულია. რასაკვირველია, იგულისხმება არა მონური, არა ნაძალადევი და მტანჯველი შრომა, არამედ შრომა, როგორც სასიცოცხლო მოქმედება, შრომა, რომელიც გიზინდავთ, გიტაცებთ, გიყვართ და ამიტომაც თქვენს აუცილებელ შინაგან მოთხოვნილებად არის ქცეული. ასეთი შრომა არსებითად თავისუფალი შემოქმედებითი შრომაა. სიყვარული? გიყვარდეს და უყვარდე, რა თქმა უნდა, ბედნიერებაა. სიყვარული აგვამაღლებსო, ამბობს ბრძენი შოთა. მაგრამ სიყვარული არა ვიწრო გაგებით, არამედ სიყვარული ყოველისმომცველი, წრფელი და უანგარო სიყვარული ადა-

მიანთა, სიყვარული ამ ცის, ამ მიწის, ამ ქვეყნის. სულმნათმა აკაკი-  
მაც ხომ გვიანდერძა: „გიყვარდეთ თქვენი სამშობლო... თქვენი ერი,  
როგორც პირველი საფეხური კაცობრიობის მისწრაფებისა, რადგან-  
ნაც სიყვარულშია ადამიანის ბედნიერება, მაგრამ მისთანა სიყვა-  
რულში კი, რომელსაც სარჩულად სიმართლედ და გულწრფელობა  
უძევს“.

ამრიგად, შეგვიძლია თუ არა ვთქვათ, რომ ბედნიერება არის  
შრომითა და სიყვარულით მონიჭებული სიხარული, შრომითა და  
სიყვარულით გაღვიძებული სასიცოცხლო ძალები? ვფიქრობ, შეგვი-  
ძლია ასე ვთქვათ, მაგრამ ეს მაინც უკმარი და არასრული წარმო-  
დგენა იქნება ბედნიერებაზე.

ადამიანი საზოგადოებრივი არსებაა და კვლავ უნდა შეეთანხმდეთ,  
რომ იგი არ შეიძლება ბედნიერი იყოს, თუ მის ირგვლივ მყოფნი  
(ვთქვათ, დედა, მამა, ძმები, დები, შვილები და სხვა მრავალნი) უბე-  
დურები იქნებიან; შეუძლებელია ბედნიერი იყოს ადამიანი, თუ ის  
საზოგადოებრივი წრე, რომელსაც იგი ეკუთვნის, დაჩაგრული და და-  
მცირებულია, თუ ის ქვეყანა და საზოგადოება, რომელშიაც ის ცხოვ-  
რობს, დაპყრობილი, დამონებული და უკუღმართად არის აგებული.  
მაშასადამე, ადამიანის ბედნიერება საზოგადოებრივი ხასიათისაა. ყო-  
ველი პირადი ბედნიერება ყოველთვის დამოკიდებულია გარკვეული  
საზოგადოებისა თუ საზოგადოებრივი წრის კეთილდღეობაზე.

არ შეიძლება ბედნიერი იყოს ადამიანი, რომლის შრომის ნაყოფს  
სხვა ითვისებს. არ შეიძლება ბედნიერი იყოს უსახსრო და მშიერ-  
მწყურვალნი ადამიანი. ამიტომ ვიცრუებდით თუ ვიტყოდით, რომ ნიე-  
თიერი კეთილდღეობა არ არის ადამიანის ბედნიერების ერთ-ერთი  
არსებითი ნიშანი. მაგრამ ცნობილია, რომ კაცობრიობის ისტორიაში  
სუფევდა და მსოფლიოს უმეტეს ნაწილში ახლაც სუფევს უთანას-  
წორობა და უსამართლობა საზოგადოების ნიეთიერი დოვლათის  
განაწილებაში. როგორც წესი, ნიეთიერ კეთილდღეობას მოკლებულ-  
ნი იყვნენ სწორედ ის ფენები, რომელთა შრომით იქმნებოდა და იქმ-  
ნება საზოგადოების მთელი სიმდიდრე. ამიტომ ბუნებრივია, რომ  
ამ მშრომელი ფენების საერთო წარმოდგენა ბედნიერებაზე, უწი-  
ნარეს ყოვლისა, დაკავშირებულია ბრძოლასთან უკუღმართი საზო-  
გადოებრივი წყობილების დანგრევისათვის და საზოგადოების ისე  
მოწყობისათვის, რომ ადამიანმა ადამიანი ვერ დაიმონოს, სხვამ სხვი-  
სი შრომა ვერ მიითვისოს და ყველას თავისი ადამიანური ძალების  
თავისუფალი გამოვლენისა და განვითარების საშუალება ექნეს.

ჩვენ ჩვენი საბჭოთა ქვეყნის გამოცდილებით ვიცით, რომ ძველი  
ექსპლოატატორული წყობილების დანგრევა საზოგადოების უდიდესი  
ძალების ხარჯვასა და უდიდეს მსხვერპლს მოითხოვს. მაგრამ, რო-

გორც ჩანს, არანაკლებ სიძნელებთან არის დაკავშირებული და უფრო ხანგრძლივი, უფრო რთული პროცესიცაა ახალი საზოგადოების ისე მოწყობა, რომ ადამიანთა კეთილდღეობა სრული და საყოველთაო იყოს.

ერთ თავის ლექსში მაიაკოვსკი ამბობს, რომ სიხარულისა და ბედნიერებისათვის ჩვენი პლანეტა ჯერ კიდევ ნაკლებად არის მოწყობილი. ვფიქრობ, ეს აზრი დიდხანს დარჩება ძალაში. მართლაც, ადამიანთა დღევანდელი სამყარო არამც თუ სრულყოფილი არ არის, არამედ საკმაოდ მანკიანიცა და ნაკიანიცაა. ბევრ, ჯერ კიდევ დაუმარცხებელ ჭირსა და უკუღმართობაზე რომ არაფერი ვთქვათ, იმის საბუთად, თუ რაოდენ არამტკიცე და საჭოჭმანოა ადამიანის ბედი თანამედროვე მსოფლიოში, ისიც კმარა, რომ კაცობრიობამ ჯერ კიდევ ვერ გამოთიშა ადამიანების, სხვადასხვა წრეებისა და ქვეყნების ურთიერთობაში ომი, მკვლელობა, სისხლისღვრა, დაპყრობა და დამონება. არიან კი ისეთები, რომლებიც ფიქრობენ, მიდრეკილება ომისა და მკვლელობისაკენ ადამიანის ბუნების უკურნებელი თანდაყოლილი თვისებააო. ასე რომ იყოს, ადამიანის საშველი მართლაც არ იქნებოდა. მაგრამ, საბედნიეროდ, ეს ასე არ არის. ადამიანი და მისი ბუნებაც ისტორიული განვითარების ნაყოფია. იყო ცხოველური წინაპარი ადამიანისა და მისგან განვითარდა ადამიანი. გარემო პირობების ცვლა-განვითარებასთან ერთად იცვლება და ვითარდება ადამიანიც, მისი ბუნებაც. ადამიანს უეჭველად ძალუძს გარემოს გარდაქმნა-გაუკეთესება და თავისთავის გაუკეთესებაც.

სხვაფრივ კი, ჩემი აზრით, ომის, მკვლელობის, დამონების წყურვილი, მართლაც, დიდად არ არის გაცილებული კაციჭამიობის დღეს.

ეჭვი არ არის, რომ დღეს ყველაზე პროგრესულად მოაზროვნე და ყველაზე ჰუმანური ნაწილი კაცობრიობისა ამდღებულია იმის შეგნებამდე, რომ არ არსებობს უფრო დიდი, კეთილშობილი დანიშნულება და, მაშასადამე, უფრო დიდი ბედნიერება ადამიანისა, ვიდრე ბრძოლა და შრომა იმისათვის, რომ ცხოვრება დედამიწაზე მოეწყოს ადამიანთა საკეთილდღეოდ.

ასე მგონია, ბედნიერების დაახლოებით ასეთ გაგებას გულისხმობდა კარლ მარქსი, როდესაც მის დროს გავრცელებული ანკეტის ერთ-ერთ კითხვაზე — „თქვენი წარმოდგენა ბედნიერებაზე“ — უპასუხა — „ბრძოლა“.

მაგრამ ბრძოლა დედამიწაზე ცხოვრების უკეთ მოსაწყობად — საოცრად დიდი მასშტაბია, არა? იქნებ თქვათ, ამისთვის მხოლოდ გენიოსები არიან მოწოდებული, ჩვეულებრივი ადამიანები კი სად გაწვდებიან ასეთ დიდ ამოცანებსო.



არა, საქმეც ის არის, რომ ამ დიდი მასშტაბიდან ყოველმა ჩვენ-  
თაგანმა იწილადოს თავისი ნაკვეთი, რომ თავის უბანზე იბრძოლოს,  
იშრომოს ქვეყნის გაუკეთესებისათვის, ანუ, როგორც იტყვიან სოლ-  
მე, თუ ერთი აგური არა, ერთი კენჭი მაინც მიიტანოს ადამიანთა  
კეთილდღეობის საშენებლად. მით უმეტეს, აკი ამბობენ და, ვფიქრობ,  
სამართლიანადაც ამბობენ, ყოველი ადამიანი მთელი პატარა სამყა-  
როაო. არ შეიძლება დაევიწყოთ, რომ პირადი კეთილდღეობა არსე-  
ბითად ნაწილია ქვეყნის, საზოგადოების კეთილდღეობისა. მხოლოდ  
სულიერი სიყრუით დაავადებულ და ერთობ გადამძლარ მემჩანს  
პგონია, რომ მისი კეთილდღეობა საიმედოდ არის ჩაკეტილი მის გან-  
კერძოებულ ნამცეცა სამყაროში, მის ზიზილ-პიპილებიან ოთახებსა,  
კარადებსა და ყუთებში. მაგრამ უშინაარსო და მოჩვენებითია ასეთი  
ბედნიერება.

მხოლოდ უანგარო. შრომა და ბრძოლა ქვეყნის გაუკეთესებისა-  
თვის არის აუცილებელი პირობა იმისათვის, რომ თვითონ თქვენ  
უკეთესდებოდეთ, როგორც საზოგადოებრივი არსება, უკეთესდებო-  
დეთ შრომასა და სიყვარულში, ზნეობრივად, გონებრივად, ფიზიკუ-  
რად, უკეთესდებოდეთ მაღალი ადამიანური იდეალებით. ასეთი თვით-  
გაუკეთესება კი არ შეიძლება არ იყოს უდიდესი სიხარულისა და  
ნეტარების მომნიჭებელი. იქნებ, ამქვეყნად შესაძლებელი უმაღლესი  
ბედნიერებაც ეს იყოს, როცა ადამიანთა სასიხარულოდ და საკეთილ-  
დღეოდ აუკეთესებ, ალამაზებ, ამშვენებენ გარემოს, აუკეთესებ ქვე-  
ყანას; ეჭვს გარეშეა, ამით თავსაც აუკეთესებ. თუ მებაღე მშვენებ  
ბაღს აშენებს, იგი თავის სულშიც ზრდის მშვენებების გრძნობას.

ეს არის და ეს, რაც შეეძელი მეთქვა ბედნიერებაზე.

თქვენ რას იტყვით?

# მ ე ე ლ ი რ ვ ე უ ლ ი დ ა ნ

## ბრძოლათა გამო

### პირველი

ეს მოხდა ნადირობის დროს. ხუთნი ვიყავით. ვისვენებდით მდინარის პირას. ერთმა თქვა: „მირჩევნია ერთი დღე მეტი ვიცოცხლო, ვიდრე სიკვდილის შემდეგ ასი ძეგლი დამედგასო.“

ოთხივენი შევედავეთ, ცხოველური, ეგოისტური მორალია-თქო, ვუმტკიცებდით; ასეთი მორალის კაცი ცხოვრებაში ვერ გამოიჩენს ვერაფერს ზნეობრივ სისპეტაკეს, ვერც რაიმე გმირობასა და თავდადებას. მაგრამ მოხდა საოცრება. სწორედ ეს კაცი გამოგვეყო ელვის სისწრაფით და თავგანწირულად გადაეშვა გადარეულ მდინარეში, რომელსაც სახედაკაწრული დედაკაცი მოჰკიოდა. ჩვენმა თანამონადირემ დახრჩობას გადაარჩინა ბავშვი, ვისაც მაღალ ნაპირთან თვალი აჭრელებოდა და წყალში გადავარდნილიყო.

რთულია ადამიანი, მაგრამ ერთი რამ ცხადია: ადამიანი, უწინარეს ყოვლისა, საქმეა და არა სიტყვა.

უნდა გამოგიტყდეთ: გამიძნელდა იმ საკითხების მისადგომის მოძებნა, რომელზედაც მინდა გასაგონად ვიფიქრო. ამიტომაც გავიხსენე ეს ამბავი და ავირჩიე საყოველთაო მისადგომი — სიცოცხლე. სიცოცხლე, მართლაც, მშვენიერებაა, თუ ვინმე ან რამე არ გიმწარებს ან თვითონ შენ არ აფუჭებ მას...

ცოცხლობდე — ეს იმას ნიშნავს, რომ ჰქმნიდე რაიმე საზოგადოებრივ ღირებულებას, ჰქმნიდე კი იმას ნიშნავს, რომ არ კვდებოდე. ილტვოდე უკვდავებისაკენ.

მაგრამ, ვთქვი თუ არა ეს, უმაღვე გამახსენდა: ვაითუ ვინმე წამომიხტეს და წინ წამომიდოს ერთი დიდი მოაზროვნის ნათქვამი:

ცოცხლობდე — ეს იმას ნიშნავს, რომ კედებოდეთ. მაშასადამე, გამოდის, რომ სიცოცხლე არ არის მხოლოდ სიცოცხლე, იგი სიკვდილიცაა, სიკვდილიც არ არის მხოლოდ სიკვდილი, იგი სიცოცხლევცაა.

რას იზამ! დიალექტიკაა. დიალექტიკა ხომ სამყაროს შეუვალე კანონზომიერებაა. არ ერწმუნო ამ კანონზომიერებას, ეს იმას ნიშნავს, არ ერწმუნო მეცნიერებას. მეცნიერების შემეცნებითი შესაძლებლობა კი განუსაზღვრელია. თუმცა არის დარგი, სადაც მეცნიერული შემეცნება არცთუ ისე უფლებამოსილია. ეს არის შემოქმედების მხატვრული აზროვნების დარგი. ყოველგვარი გაუგებრობის თავიდან ასაცილებლად ვიჩქარი ვთქვა: რასაკვირველია, მეცნიერებას შეუძლია შეისწავლოს და მისხლით-მისხლამდე გამოარკვიოს მხატვრული შემოქმედების ყოველი მხარე, ყოველი კანონზომიერება. მაგრამ მას არ შეუძლია არ იყოს ის, რაც არის, ე. ი. სანამ მეცნიერება მეცნიერულ შემეცნებად რჩება, მას არ ძალუძს შეიმეცნოს და აითვისოს სამყარო მხატვრულად, პოეტურად, მუსიკალურად. ეს მხოლოდ ხელოვნებისა და შემოქმედების საქმეა. მეცნიერება ეძებს საგანთა და მოვლენათა საერთო და საყოველთაო სათავეს, იგი საგანთა სტიქიას იმორჩილებს მათ ერთიანობაში, მათ არსში. ამიტომ მეცნიერება რამდენადმე გულგრილია საგანთა განუმეორებელი პიროვნული ნიშნების მიმართ, მხატვრული შემოქმედება კი სწორედ მათს განუმეორებელ პიროვნულობაში შეიმეცნებს ხოლმე საგნებსა და მოვლენებს. მეცნიერება ზეიმობს იქ, სადაც საგანთა პიროვნული ნიშნები ითქვიფება და ინთქება საგანთა საწყისში, მათ არსში. ხელოვნება კი ცოცხლობს საგანთა მრავალსახოვნებით და კვდება იქ, სადაც ქრება და იკარგება საგანთა განუმეორებელი პიროვნული ნიშნები.

რა ცვლილებაც არ უნდა გამოიწვიოს ადამიანთა ტვინში კაცობრიობის შემდგომმა პროგრესმა, მეცნიერებისა და ტექნიკის განვითარებამ, მათ შორის, თუ გნებავთ, ახალ სამყაროთა აღმოჩენამ მომავალ კოსმოსურ მფრინავთა მიერ, სამყაროს მხატვრული ათვისება — იქნება ის პოეზია, მუსიკა თუ მხატვრობა — მეცნიერული შემეცნების გვერდით — მუდამ დარჩება ადამიანის სულიერი ცხოვრების სრულუფლებიან წევრად. ფიზიკასა და ლირიკას სადავო არაფერი აქვთ და ერთი მეორეს ვერც წაშლის, ვერც გააბათილებს. პირიქით, ვფიქრობ, ერთი უმეოროდ ვერ იქნება, რადგან აულესავი გონება ბუნების ვერც ერთ საიდუმლოებას ვერ ამოხსნის. და მათ სხვა დანიშნულებაზე რომ არაფერი ვთქვათ, არ არსებობს გონების იმაზე უკეთ ამლესავი, ვიდრე პოეზია, მუსიკა და მხატვრობა. მე ასე მგონია: პოეზიის გრძნობის უქონლობა ისეთივე დიდი ადამიანური ნაკლია, როგორც მუსიკის გრძნობის ან ფერების, ხაზების, პლასტიკური ფორმების გრძნობათა უქონლობა.

ყოველივე ეს, რასაკვირველია, სიტყვამ შოიტახა, თორემ მე იმის თქმა მონდოდა, რომ შემოქმედება ბრძოლაა უკვდავებისათვის. შემოქმედება ებრძვის ფორმულას: ცოცხლობდე — ეს ნიშნავს რომ კვდებოდეთ. შემოქმედება ყოველთვის ცდილობს წარმავლობას გამოსტაცოს საგანი, დაიჭიროს დროის სული, დროის რიტმი, შეაჩეროს თვით დრო და ყოველივე ეს ჩაქეტოს თავის ქმნილებაში.

ვთქვათ, იყო თუ არ იყო, მაინც იყო იმ დროის ადამიანურ შინაარსში რაღაც, რაც შეიძლებოდა ასე დასახულიყო: ოდესღაც ვიღაც დაკარგულ სატრფოს დაექებდა, იტანჯებოდა (ეს შეიძლება ცხოვრების ვითარებათა ათასნაირ ხლართებად წარმოვიდგინოთ), გავიდოდა დრო, იპოვიდა თუ ვერ იპოვიდა სანატრელს, ადრე თუ გვიან მაინც მოკვდებოდა ის ვიღაც, მოკვდებოდა მისი სატრფოც, ბოლო მოედებოდა მათ ტანჯვასა და სიხარულს, მათ ვნებასა და ფიქრებს. ყველაფერი გადავიდოდა უსახარულო სიცარიელეში. მაგრამ შემოქმედმა დროს გამოსტაცა ეს კონკრეტული ადამიანური შინაარსი და თავის უკვდავ ქმნილებაში — „ვეფხისტყაოსანში“ გაამარადისა.

გამარადიულება არის შემოქმედების დაუცხრომელი წყურვილი. წიგნს „მანონ ლესკო“ გალაკტიონმა წააწერა მშვენიერი ლექსი, რომელშიც არის ასეთი სტროფები:

„ყველაფერი იგი გაქრა,  
ვით სიზმარი გვიანი,  
დრომ ახალი ძალით დაქრა;  
სხვა ადამიანი.

მაგრამ წიგნი შაინც დარჩა  
ვაეისა და ასულის,  
როგორც სარკე, როგორც ფარჩა  
დროის ფერგადასულის“.

შემოქმედება არის ერთადერთი თავშესაფარი; სადაც ადამიანი ემალება მადეარ სიკვდილს. პატარა თუ დიდი შემოქმედი ყოველ ადამიანში ზის. შემოქმედება მომავლის დაპყრობის, მომავალში დამკვიდრებისა და განმტკიცების მუდმივი ჟინი და წყურვილია.

„ხელოვნება თავათ უკვდავებაა.

მხოლოდ ოსტატს ვერ ეწევა სიკვდილი.“

ათასეული წლები წალეკავენ ირგვლივ ყოველივეს. მხოლოდ სვეტიცხოველი დარჩება როგორც ღმერთთან და სიკვდილთან მებრძოლი იაკობი“. ასე ფიქრობს ერთგან ხუროთმოძღვარი არსაკიძე, კონსტანტინე გამსახურდიას ცნობილი გმირი. შემდეგ იგი ასე ავითარებს ამ აზრს: „მართლაც და სხვა რა ევალება ოსტატს, თუ არ წამიერის მარადუამულად ქცევა? სხვა რა ევალება ამ ქვეყნად ოსტატს, თუ არ ჭიდილი წარმავლობის ნისლთან?“

ჩემი აზრით, ამ სიტყვებში არის შემოქმედების ბუნების, მისი უცვლელი ფსიქოლოგიური საფუძვლის ღრმა გაგება, გაგება იმისა, რომ შემოქმედი თავის ქმნილებაში ყოველთვის აქსოვს უკედავებისა და მარადისობის გრძნობას.

პირადად მე მართებულად არ მიმაჩნია ქართულ კრიტიკაში გამოთქმული მოსაზრება იმის შესახებ, თითქოს მწერალმა შორეული წარსულის შემოქმედს გადასცა ჩვენი დროის მხატვრული აზროვნების დონე და ამით გმირი რამდენადმე მოსწყვეტა თავის ეპოქას. არა, ქართული ხუროთმოძღვრული ხელოვნების ისეთი ძეგლის შემქმნელს, როგორცაა სვეტიცხოველი, უეჭველად შეიძლებოდა ჰქონოდა შემოქმედების ბუნების ამგვარი გაგება. საერთოდ კი, რომანში, ცხადია, თანამედროვეობიდან დანახული წარსულია წარმოდგენილი, სხვაფრივ არც შეიძლება იყოს. „დიდოსტატის კონსტანტინეს მარჯვენა“ ძველი საქართველოს დირსსახსოვარი სახეა, ჩვენი დროის შემოქმედის მიერ ამოტაცებული წარმავლობისა და გარდასულობის უკუნეთიდან. ქართული საბჭოთა ლიტერატურის ეს ქმნილება მთელი ქართული ლიტერატურის იმ დიდ წრეში შედის, რომელიც ჰქმნის ჩვენი ეროვნული მხატვრული კულტურის სახეს და ამკვიდრებს მის საფუძვლებს. მიუხედავად იმისა, რომ რომანის უდიდესი ნაწილი გიორგი მეფის ცხოვრებასა და თავგადასავალს უჭირავს, მისი მთავარი მხატვრული ძარღვი და მთავარი იდეა ობიექტურად მაინც ქართული ხელოვნების შესანიშნავი ქმნილების — სვეტიცხოველის, დიდი ქართველი ხელოვანის — კონსტანტინე არსაკიძისა და მშვენიერი ქართველი ქალიშვილის — შორენას ბედშია გამოხატული.

გვიდავია და, შესაძლოა, კვლავაც ვედავოთ ზოგ რამეში მწერლის ენობრივ პოზიციასაც, მის ისტორიულ თვალსაზრისსაც. მაგრამ ერთი რამ უდავოა: რომანის მთელი მხატვრულ-ენობრივი სისხლ-ხორცი კარგად ამჟღავნებს ქართული ენის ჯაყარიანობასა და მის განუსაზღვრელ გამომსახველობით შესაძლებლობას. გვახარებს, რომ ქართულმა სიტყვამ ძღვეამოსილად გააჩერა სიკვდილ-სიცოცხლის გასაყართან მცხეთის ლაჟვარდში შეცურებული სვეტიცხოველი. მკლავმოკვეთილი ქართველი ხელოვანის ბორცვა და ქარაფიდან უფსკრულში გადაფრენილი ქართველი ქალის ტრაგიკული სახიერება. „დიდოსტატის მარჯვენა“ ძველი საქართველოს თვალსაჩინო მონუმენტია, ახალ საქართველოში გამოძერწილი მარადისობისა და უკედავების გრძნობით.

ჰაუ, რა შორიდან გუვლი.

აი, კვლავ ამოცურდა მესხიერებაში ჩვენი დროის დიდი ქართველი პოეტის — გალაკტიონის ერთი ლექსიც:

„პირიმზე, რისთვის ჩაფიქრებულხარ,  
 პირიმზე, ჩრდილი რაზე გფენია?  
 მტკვარო, შენ მაინც შითხარ, რას სწუხარ.  
 შენ მაინც რაზე მოგიწყენია?  
 ნუთუ აგონია, რომ ჩემი გული  
 ასლა საესეა მწამელელ გრძნობებით,  
 რომ ეერასდროს კელაჲ ველარ გიხილავთ  
 და სამუდამოდ გემშვიდობებით?  
 დამშვიდდით! მუდამ თქვენთან იქნება  
 ჩემი სიმღერა და წრფელი ნანა,  
 შემოგწირავდით ერთად ყველაფერს,  
 მაგრამ სხვა რაა სიმღერისთანა?“

არა, ვერ ვიტყვი, რომ ეს ლექსი გალაკტიონის საუკეთესო ქმნი-  
 ლებებს უტოლდებოდეს. მაგრამ იგი მაინც მაღელვებს, მაღელვებს  
 მისი პოეტური სიბრძნე. შესაძლოა, ლექსის უშუალო საბაზი სრუ-  
 ლიად შემთხვევითი რამ იყო. იქნებ ლექსი, მით უმეტეს, ლირიკული  
 ლექსი მეტწილად სწორედ შემთხვევით იბადება. მაგრამ დაბადება  
 უკვე შემთხვევითობისაგან თავდახსნაა: და ლექსიც მხოლოდ მაშინ  
 იქცევა ნამდვილ პოეზიად, როდესაც იგი შემთხვევითის მიჯნებს გა-  
 არდევებს და წარმოსახვის უამრავი მოულოდნელი ძაფით დაგვაკაჲში-  
 რებს ქვეყნიერებასთან, მანამდე უცნობ კუთხეშიაც შეგვაჭვრეტინებს.  
 კაცმა რომ თქვას, პოეზია და ხელოვნება საერთოდ საგანთა ერთგვა-  
 რი გამოხსნაც არის შემთხვევითობათა დაბურღული აბლაბუდისაგან.

პოეზია რომ მხოლოდ თავისთავის გამოსახვა იყოს პოეტის მიერ,  
 როგორც ამას ზოგი ფიქრობს ხოლმე, მაშინ იგი სხვებისათვის  
 სრულიად გაუგებარი იქნებოდა, რადგან მას არ ექნებოდა საგანი თა-  
 ვის გარეშე. უსაგნოდ კი არც გრძნობაა და არც აზრი. ერთი ადამიანი  
 მეორე ადამიანის აზრებსა და გრძნობებს მხოლოდ იმ საგნების მეშვე-  
 ნობით ხვდება, რომელთა გამოხატულებასაც წარმოადგენენ ეს აზ-  
 რები და გრძნობები. ყოველი შემოქმედი, რასაკვირველია, გამოხა-  
 ტავს თავის დამოკიდებულებას საგნებისადმი. მაგრამ შემოქმედს მხო-  
 ლოდ იმ შემთხვევაში შეუძლია გადაგვდოს თავისი განცდა და მღელ-  
 ვარება, თუ მისი დამოკიდებულების საგანი ჩვენი დამოკიდებულების  
 საგანიც არის და თუ ამ საგანს ახალი სიღრმით გვიჩვენებს, ახალი  
 ძალით განგვაცდევინებს.

მიუზბრუნდეთ გალაკტიონის ლექსს. ვის ან რას შეარქვა ჩვენმა  
 პოეტმა ეს ლამაზი სახელი — პირიმზე? პირიმზე ქალის სახელია,  
 პირიმზე მთის ყვავილიცაა: ამ ორფესვიან ქართულ სიტყვას თითქოს  
 განსაკუთრებული პოეტური ბიოგრაფიაც და რაღაც განსაკუთრებუ-  
 ლი პოეტური სახოვნებაც გააჩნია. იქნებ ამის გამოც შეიყვარა პო-  
 ეტმა ეს სიტყვა იმდენად, რომ ბევრ თავის ლექსში გაახშიანა. იქნებ,

აკაკის „სულიკოს“ დარად ამ სიტყვაშიაც დიდი და მრავალმეტყველი სიყვარულის საგანია ნაგულისხმევი? იქნებ პირდაპირი მისამართიც აქვს ვინმე გულმომტაცი არსებისა? იქნებ სხვა სახელია მერისა, ვისი ტრფიალების ტრაგიკული ამბავი ასე მწუსარედ ამომღერა პოეტმა? იქნებ, ის ტყისპირელი დებია, პოეტს რომ ვარდებს სთავაზობდნენ და ეუბნებოდნენ: „თქვენ ისეთი კარგი ხართ, თქვენ პოეტი ბრძანდებით“? იქნებ... იქნებ... მაგრამ განა მართო ქალია, განა მართო სიყვარულია? „პირიმზე“ ჰქვია პოეტის მეორე ცნობილ ლექსსაც. მართალია, ამ ლექსშიაც გაივლევებენ ქალები — „ამოდის მთვარე და სამაიით ფერმკრთალ ქალების მიმოდის წყება“, მაგრამ აქაც პირიმზე უპირატესად სხვა ფერებსა და სახეებშია გამუღავენებული: „ღაეიწყებული ჭიშკრის კარებზე ხავსი, ყაერები და წვიმის წვეთი“ (საიდნხნად არ გატყორცნის ფიქრსა და გრძნობას ეს საოცრად მშობლიური და საოცრად მეტყველი ნახატი), უამთავლით გამქრალი „ათასი ოთერი დარბაზი“, ბედად გადარჩენილი „ცამეტი სვეტი“, „მოხუცობალი“, ძმებმა რომ გაიყვეს, სამშობლო ქვეყნის წარმტაცი ზღაპრები, „მთები, სიზმრები და წინაპრები“, სადაც დიდ სიმშვიდეში რომ უხმობენ ათრთოლებულ სულს (ლექსი პირთამდეა დამუხტულ უმძაფრეს პოეტურ შეცნაურებაში გარდამავალი განწყობილებით)... და რატომაც არ უნდა ვიგრძნოთ, რომ პირიმზედ შეიძლება ჩათქმული იყოს ბევრი, ძალიან ბევრი რამ, რაც პოეტის გულში სიმღერად და სილამაზედ აფეთქებულა თუ აფეთქდება. ვთქვათ, მამული, სადაც უღრმეს პოეტურ განცდად არის შენივთებული ცვრიან ბალახზე ფეხშიშველი გაელა, წინაპართა აჩრდილები, სხვა ხალხის ურიაშული, მოგონება მოხუცი მამისა, რომელიც აქ ოდესღაც სასხლავით ხელში დადიოდა ვენახში, და საოცრად ღრმა, საოცრად მართალი ადამიანური სინანული და წუხილი; ან გმინვა ამირანისა, ერთმანეთთან შესაესებულ კლდეებთან რომ გაისმის... და ტყეც რომ გუგუნებს „ამირანია“; ან თავისუფლება, სულს ისე რომ მოსწყურდა, „ეით დაჭრილი ირმების გუნდს — წყარო ანკარა“; ან საქართველოში მოტანილი „სიმღერა ქვეყნის გადარჩენისა“; ან განახლებული მშობლიური მიწა, რასაც ურღვევი ფიცით ეკვრის ხოლმე პოეტი; ან ტიტანი კაეკასიონი, სადაც მიჯაჭვული იყო და სადაც აეშვა ამირანი; ან ნიკორწმინდა, რომელიც „ნეტავ ვინ მოჰქარგა, და როცა მოჰქარგა, შიგ მიჰქარგ-მოჰქარგა გზნება — ნიკორწმიდა“; ან კიდეე თუნდაც სრულიად უბრალო რამ: ყვავის ბახალა, ქარმა რომ ხეებს გადაახალა, ეზოში რომ ჰყეფს „ბამბურა მურა“... და ვინ მოთვლის, რამდენი რა — სამშობლოს მუსიკიდან, სამშობლოს ფერებიდან. ერთი სიტყვით, პირიმზე პოეტის შთაგონების დიდი წყაროა, თავანკარა წყარო უმძაფრეს გრძნობათა, რასაც ეს ცა, ეს მიწა, ეს ხალხი, ეს ცხოვრება და ეს ენა

ბადებს. არა, პირიმზე არ არის სამშობლოს უბრალო, პირდაპირი სიმბოლო. იგი სამშობლოა, მაგრამ ტანკენარი და სახემზიური ქალიც არის, ვნებათა დიდი შედუღებაა. მერე, როგორ ჰგავს ერთმანეთს სამშობლოს სიყვარული და ქალ-ვაჟის სიყვარული (ალექსანდრე ბლოკმაც იმდენა ეს ერთხელ სულ სხვანაირად); ისინი ერთნაირ სიტბოსა და სიტკბოს, სიხარულსა და ნაღველს, შეებასა და ტკივილს აგუბებენ გულში. თუ ოდნავ მაინც არ გიგრძენია მსგავსი რამ, გაგიძნელებათ პოეტის გრძნობის გაგება. საერთოდ პოეზიის სულს მაშინ ჩაწვდებით მხოლოდ, თუ მსგავს რამეს, უმცირეს ნახსად მაინც, საკუთარ სულიერ გამოცდილებამაც პოულობთ ხოლმე.

მაინც რისთვის ჩაფიქრებულა პირიმზე? ან მტკვარს რაზედ მოუწყენია? მეტისმეტად კადნიერი ხომ არ არის პოეტი, მათი დარდისა და წუხილის მიზეზს იმაში რომ ხედავს, თითქოს ჰგონიათ, რომ პოეტი მათ ვედარასოდეს ვედარ იხილავს და სამუდამოდ ემშვიდობება? იქნებ, მართლაც, გაგვიეღვოს კითხვამ, ერთი კაცისთვის, თუნდაც დიდი პოეტისათვის, ასე მწარედ რად უნდა დანადგლიანდესო მთელი სამშობლო? მაგრამ არა, არავითარი კადნიერება აქ არ არის, ჰარმონიის დიდი გრძნობაა, სიბრძნეში გარდამავალი. რატომაც არ უნდა ედარდოს და ენაღვლოს სამშობლოს არამცთუ დიდი პოეტის, არამედ თუნდაც ერთი პატარა და უბრალო შვილის დაკარგვა: გულქვაობა და გულგრილობა ყოველთვის არღვევს სანატრელ ჰარმონიას. არა, არამც თუ სამშობლოს, როგორც ცოცხალ საზოგადოებრივ ორგანიზმს, რასაც გულიც აქვს და სულიც, არამედ მთასაც, მთასაც კი, რომელიც მე შემეყვარებია და შემეიტკბია და რომლის ხატებაც გულით მიტარებია, უნდა ენაღვლოს ჩემი ნაღველი, უნდა ემწუხროს ჩემი სიკვდილი. მთას, ცხადია, არ შეუძლია იცოდეს, მაგრამ პირიმზემ, ჩემმა სანუკვარმა პირიმზემ უნდა იცოდეს, რომ ჩემსა და ჩემისთანების გარეშე მისი პირიმზეობა უაზრო, უმეტყველო მდუმარება იქნება; პირიმზემ უნდა იცოდეს, რომ მისი მომხიბვლელობა მხოლოდ იმიტომ არის მომხიბვლელობა, რომ მე მხიბლავს, რომ ჩემს სიყვარულში შეღაენდება. და თუნდაც მხოლოდ იმიტომ, რომ ყოველი ადამიანი თავისი განუმეორებელი პიროვნებით, თავისი განუმეორებელი ემოციური კუთხით განიცდის და ანამდვილებს ქვეყნის აკარგს, მის ჩრდილსა და ნათელს, მის სილამაზეს, ქვეყანას უნდა სტკიოდეს ყოველი ადამიანის ტკივილი. საქმე ესეა არა მარტო მუშანაზმის ღრმა გრძნობას, არამედ სიცოცხლის დიდ მთლიანობასაც, ურომლისოდაც სიცოცხლეს აზრი არა აქვს.

განა მხოლოდ პოეტს? განა მხოლოდ ეგრეთწოდებულ რჩეულებს? ყველას, ყველას აქვს (თუ უნდა ჰქონდეს!) უფლება უთხრას სამშობლოს: — მე, როგორც შვილი შენი, მოვალე ვარ მიყვარდე უმ-



ხურვალესად, მაგრამ შენც მოვალე ხარ გიყვარდე, თუნდაც მარტო ამისთვის, რომ შემემძლოს შენი სიყვარული, შემემძლოს შენთვის თავდადება!

არ იფიქროთ, რომ რაიმე ზნეობრივ ნორმებს ექადაგებდეთ მხოლოდ ეცდილობ, გამოვარკვიო პოეტის გრძნობათა ანატომია, მიყვებ მათ ასოციაციურ ქსელებს. და თუ სადმე პოეზია და ზნეობა, სილამაზე და სიკეთე ერთმანეთში გადადის, ეს მათი ბუნების საქმეა და არა ჩემი ცდისა.

მე მესმის და მაფრთოვანებს სილამაზე, სიღრმე და სიბრძნე პოეტის გრძნობისა, რადგან პირადადაც ასე მგონია, ასე მჯერა: თუ მე ვედარასოდეს კვლავ ვედარ ვნახავ, ვთქვათ, ჩემთვის ბავშვობიდანვე საყვარელ გიჟმაჟ მდინარეს — გუბაზოულს, რომლის ჩქერებიდან მე კალმასების გალობაც კი შემომსმენია, მას — ამ მდინარეს უეჭველად მოაკლდება რაღაც, ჩაუქრება ერთი პაწაწა შუქი, უმეტყველო გახდება მისი სილამაზის ის ნაწილი, თუნდაც ერთი ნამცეცი, რაც მე მივაკვლიე და რასაც ჩემი პიროვნების განუმეორებელი დაღი დავასები.

არა, ნურავინ წაეტანება აქ სუბიექტივიზმს! იგი აქ არ არის! აქ გააზრებული გრძნობაა სიცოცხლისა და ქვეყნიერების ერთიანობისა.

განა თქვენ არ დაფიქრებულხართ: ქვეყნის რამდენი უთქმელი სილამაზე თან წაუღიათ ადამიანთა გარდასულ თაობებს და ამის გამო რამდენი სილამაზე დაკლებია თვით ქვეყანას? ან რამდენი სილამაზე დააკლდებოდა, ვთქვათ, საქართველოს (და არა მარტო საქართველოს), რომ თუნდაც მარტო ეაუა-ფშაველას ვერ ეთქვა თავისი სათქმელი? ეს ხომ შესაძლებელი იყო? და როგორ არ უნდა გვაფრთოვანებდეს და გვახარებდეს სიბრძნე იმ ეპოქისა, რომელიც ყველა პირობას შეუქმნის ადამიანს, რათა მათ უთქმელი არ დარჩეთ თავისი სათქმელი და ქვეყანას თავისი წილი სილამაზე შექმატონ, რათა ყოველმა ხალხმა, ყოველმა ერმა თავისუფლად ამოიმღეროს თავისი სიმღერა.

დიდ პოეზიას დიდი ასოციაციური არე აქვს — მონათესავე ფიქრთა, აზრთა და გრძნობათა გამოწვევის თვალსაზრისით. და მე არ გამკვირვებია, როდესაც ჩემმა ერთმა მეგობარმა გალაკტიონის ლექსზე საუბრის დროს ასეთი პათეტიკური მონოლოგი წარმოსთქვა: — მართალია, ადამიანთა გამთიშავ ძალებს — მტრობასა და ბოროტებას — ქვეყანა ბევრი სიხსლითა და ცრემლით, ჭუჭყითა და ტალახით გაუსვრია, მაგრამ ქვეყანა მაინც უფრო მეტად მშვენიერებათა უსასრულო მუზეუმი, ვიდრე სიხამაგლეათა და საშინელებათა ბნელი საწყობი. ადამიანები სიკედილს დასძლევენ, როდესაც ცხოვრება ისე მოეწყობა, რომ ყოველი კაცი თავს მოვალედ ჩათვლის, სუფთა გულით შემოვიდეს ამ მუზეუმში, ჭუჭყი და ტალახი კი არ შემოიტანოს,

არამედ სადმე მის ერთ წერტილს მაინც თავისი სუფთა საღებავი დაადოს. გალაკტიონმა ხომ კარგად მოხატა თავისი კუთხე?

როგორც ვთქვი, ამ სენტენციას ძველებური, პათეტიკური მონოლოგის ელფერი დაჰკრავს, მაგრამ მე იგი მაინც მომეწონა, და აი, რატომ:

იჭვი არ არის, რომ პოეტს თავის ზემოთ მოტანილ ლექსში გამოხატული აქვს მტკივნეული გრძნობა პირიმზესთან სამუდამოდ განშორებისა. ლექსს შემთხვევით არ ეწოდება „გამოსაღმება“. და დღეს, როდესაც ვიცით პოეტის ტრაგიკული ნახტომი, შესაძლოა, უფრო მეტი ძალით განვიცდიდეთ ამ გრძნობის მთელ სიწრფელესაც და იმ სრული პოეტური თავგამეტების ძალასაც, რაც ყოველ დიდ მსატერულ ქმნილებაში სუფევს. ეს რთული გრძნობა პოეტმა კიდევ უფრო ღრმად და რელიეფურად გამოსატა თავის ერთ-ერთ ბოლოდროინდელ ლექსში:

„მიღისარ...

იხე მიგაქვს წვალება  
თითქოს ზღვის კარად თივას თიბაედე,  
ვინა თქვა შენი გარდაცვალება?  
არა; სწორედ დღეს შენ დაიბადე.  
მიღისარ... აღარ დაგემდურება.  
არც მიწიერი, არც სეციერი,  
ვინა თქვა შენი უბედურება?  
არა, სწორედ დღეს ხარ ბედნიერი..  
მიღისარ... ტკბილი გქონდეს მგზავრობა  
სხვა ბინა მარად იყო ზღაპარი,  
ვინა თქვა შენი მიუსაფრობა?  
არა, შენ ასოვე თავშესაფარი.  
მიღისარ... შენს ბედს ბეერი ინატრებს,  
მშვენიერს, ბედი სხვა არსად არი,  
შენ სიერცეებმა დაგაბინადრეს —  
შენ უკვდავების ხარ ბინადარი.

მე ასე ვფიქრობ: შეცდება ის, ვინც ამ ლექსში სიცოცხლის უარყოფისა და განწირულების პოეზიას ამოიკითხავს. პირიქით, აქ არის სიკვდილის საზღვრებს იქით სიცოცხლისა და უკვდავების ძიების, სიკვდილის უარყოფისა და მისი დათრგუნვის საოცარი გრძნობა. ეს გრძნობა კი იმდენად ღრმა, იმდენად ძლიერი და იმდენად გავარეარებულა, რომ, როგორც ყოველი უადრესი გაეარეარება, სადღაც, რაიმე უეცარი წუთის გამო კატასტროფული აფეთქების შესაძლებლობასაც შეიცავს. მაგრამ შესაძლებლობა შესაძლებლობაა, იგი შეიძლება მსოფლოდ ლექსის გარეთ და ლექსის მიღმა აღსრულდეს, ან არ აღსრულდეს. ლექსში კი, როგორც უძლიერეს პოეტურ ნაწარმოებ-

ში, რჩება მხოლოდ ეს დიდი, ცეცხლოვანი გრძნობა — ადამიანის სულის შემმართებელი ძალოვნების მაჩვენებელი. და ამიტომაც პირადად მე, როდესაც ამ ლექსის სიღრმეში ვიხედები, ახჯერ და ათახჯერ მეტად მინდა ვიცოცხლო და ვიმოქმედო, ვიდრე მაშინ, როდესაც სიცოცხლის პირდაპირ გართომულ ქებათა ქებას ვისმენ.

სიკვდილის გრძნობით არაფერი არ იქმნება. მხოლოდ სიცოცხლისა და უკვდავების დიდი წყურვილი ბადებს ყოველ დიდ ქმნილებას. გალაკტიონის მოტანილი ლექსებიც სწორედ სამშობლოს უზომო სიყვარულისა და უკვდავების ძალუმი გრძნობით არის ნაშობი და ნაწრთობი. ამის პირდაპირი დადასტურებაც გვაქვს პირველ ლექსში: მე არ ვიქნებო (იგულისხმება), — მიმართავს პოეტი პირიმზესა და მის მტკეარს, — მაგრამ

„ღამეიდლით! მუღამ თქვენთან იქნება  
ჩემი სიმღერა და წრფელი ნანა,  
შემოგწირაყდით ერთად ყველაფერს,  
მაგრამ სხვა რაა სიმღერისთანა?“

ამრიგად, პოეტს სწამს უკვდავება თავისი უსაყვარლესი პირიმზესი და თავისი სიმღერისაც, პირიმზეს რომ სძღვნის სამარადისოდ. და უკვდავებაც სწორედ უკვდავების ამ გრძნობაშია.

ვითომ ილუზიაა? ვითომ ეს გრძნობაც, ეს რწმენაც თავის მოტყუებაა, რადგან ჟამთა ვითარებაში შეიძლება პირიმზეც მოკვდეს, სიმღერაც გაქრეს? არა, არ არის ილუზია. ხალხი უკვდავია, ქვეყანა უკვდავია და შენ, როგორც, მათ ნაწილს, წილი გიღევს მათ უკვდავებაში, შენშიც არის თესლი მარადისობისა, მით უმეტეს, თუ შენი ადამიანური არსება გააზრებული გაქვს ხალხთან, ქვეყანასთან განუყრელ ერთიანობაში.

მაგრამ, ვთქვათ, რომ ყოველივე ეს მართლაც ილუზია და ცდუნებაა. მერე რა? სხვა რაღა გვრჩება? მაშასადამე, ცდუნებაც რომ იყოს ეს გრძნობა, ეს რწმენა ადამიანისათვის აუცილებელია, რადგან უმისოდ არც არაფერი შეიქმნებოდა კაცთა მიერ. არსებითი სწორედ ის არის, რომ ქმნა, კეთება, ამღერება მუღამ სიცოცხლისა და უკვდავების გრძნობასთან არის დაკავშირებული. შეცნობილად თუ შეუცნობლად ამ გრძნობით რომ არ ხელმძღვანელობდეს, ეს გრძნობა რომ არ შეუქონდეს თავის ქმნილებაში, ადამიანი ხელსაც ვერ გაანძრევდა, ვერაფერს ვერ შექმნიდა. თვით უკიდურესი პესიმისტიებიც კი, როდესაც ხელოვნების რაიმე ნაწარმოებს ქმნიან, თუნდაც ისეთს, რომელშიაც უღრმეს უიმედობასა და სასოწარკვეთილებას გამოხატავენ, ქმნიან მხოლოდ და მხოლოდ სიცოცხლისა და მარადისობის შეცნო-

ბილი თუ შეუცნობელი გრძნობით, და ამის გამო ღრმა წინააღმდეგობაშია ვარდებიან თავისსავე მსოფლმხედველობასთან.

კეთება მარადისობისათვის — ეს ყოველთვის ყოფილა ყველა დიდბუნებოვანი ადამიანის უმაღლესი მისწრაფება. გაიხსენეთ გერცენიდან უკეთილშობილესი წუხილი ჭაბუკისა: — უკვე ოცდაოთხი წლისა ვარ და მარადისობისათვის ჯერ კიდევ არაფერი გამიკეთებიაო.

ყოველივე შემოთქმულით მე ჩემებურად უკვე შევამზადე სარბიელი იმისათვის, რომ შემემლოს განვაგრძო სმამაღალი ფიქრი სსგა სასიცოცხლო გრძნობებზეც, კერძოდ, ენის გრძნობაზეც.

### გუბაუბრის მტკვარი

ტრიბუნაზე იდგა ახალგაზრდა ქალი. ფიზიკას ასწავლის საშუალო სკოლაშიო, მითხრეს. ლაპარაკობდა შთაგონებულად, თავისუფლად, ენაწყლიანად და, რაც მთავარია, შესანიშნავი ქართულით. ჩემს გვერდით იჯდა დარბაისელი კაცი, იმ რაიონის ერთ-ერთი დიდი საწარმოს მთავარი ინჟინერი. მასწავლებელმა ქალმა სიტყვა რომ დაამთავრა, ინჟინერი მოშიბრუნდა და მითხრა:

— რაცა ვართ, დედაენითა ვართ! ვენაცვალე ქართულ ენას! რა სილამაზეა, რა მშვენიერება! — წამით სიტყვა გაწყვიტა და უმაღლე დაუმატა: — რასაკვირველია, მარტო ქართული კი არა, ყველა ენა მშვენიერია.

ისე გულწრფელი აღტაცებით იყო ეს ნათქვამი, რომ გულში ღრმად ჩამეჭრა. თუმცა დამატება ზედმეტად მომეჩვენა. გუნებაში გავივლე, რად იფიქრა, რომ ცალკერძობას შეეწამებდი, ან უშუალო კანცდა რად გაბზარა თითქოსდა სავალდებულო დასკვნით, განა შეიძლება ვინმეს ცოდვად ჩაეთვალოს თავისი ენის განსაკუთრებული სიყვარული?

ასე იყო თუ ისე, იმ საღამოს რაღაც არაჩვეულებრივად ძლიერი სინათლე მოეფინა ჩემს შეგნებაში აზრს იმის შესახებ, რომ ენა არა მარტო ადამიანთა ურთიერთობის საშუალებაა, არამედ მშვენიერებაცაა, სასიამოვნო განცდის საგანიც არის, ანუ, უფრო სწავლულად რომ ვთქვათ, ენა ესთეტიკური ფენომენიცაა.

მე არც ენათმეცნიერი და არც ფილოსოფოს-ესთეტიკოსი ვაზლავართ, მაგრამ მაინც მსურს გამოვთქვა სმამაღლა ზოგიერთი ჩემი ფიქრი ენის ბუნებაზე საერთოდ, კერძოდ კი ქართულ ენაზე. ასლა ამის პირდაპირი საბაბიც არსებობს. რა გასაკვირია, რომ ჩვენი დიდა ეროვნული დღესასწაულის დღეებში — საქართველოში საბჭოთა სკლისუფლების დამყარების დღეებში — ქართველ კაცს გულისყური თავისი ენისაკენაც გაექცეს. მით უმეტეს, რომ სწორედ ამ ენამ მიი-

ტანა და შიაქვს ქართველი ხალხის გულთან ჩვენი ეპოქის ყველაზე მაღალი იდეები.

მართლაც, საოცარი რამ არის სიტყვა. რომ უკვირდები, მას თითქოს განსაკუთრებული ფერიც აქვს, განსაკუთრებული სურნელებაც, სოლო განსაკუთრებული ჟღერადობა ხომ აქვს და აქვს. სიტყვა საოცრად ერთადერთი და განუმეორებელია, როგორც ფორმა, და საოცრად ზოგადია, როგორც ცნება, როგორც შინაარსი. აიღეთ რამელიც გნებავთ სიტყვა, მაგალითად, „ლაჟვარდი“. როგორც სიტყვა, იგი ერთადერთია მოიღ ქვეყანაზე და, შესაძლოა, სწორედ ამ ერთადერთობაშია მისი სიმშვენიერეც, მაგრამ როგორც ცნება, იგი ამავე დროს ფრიად ზოგადია და ზოგადს კი სახე არა აქვს. უნდა ვიფიქროთ, რომ სიტყვის განცდა, როგორც მშვენიერებისა, ანუ სიტყვის ესთეტიკური განცდა, დაკავშირებულია, უწინარეს ყოვლისა, მის განუმეორებელ ფორმასთან.

„იონ იცის, მტკვარი, რას ბუტბუტებს, ეისთან რას იტყვი, შრაველ დროების მოწამე ხარ, მაგრამ ხარ უტყვი“.

ჩვენ გვსიბლავს ამ პოეტური განცდის სიღრმე და სიწრფელე მთლიანად, მაგრამ აქ ყოველ სიტყვას თავისი საკუთარი ესთეტიკური გამოსხივებაც აქვს. ბუტბუტებს მტკვარი და ეს „ბუტბუტიც“, ეს „მტკვარიც“ რაღაც შეუნაცვლებელ შუქსაც გამოსცემს.

საგულისხმოა სიტყვის სსჯა განზომილებაც.

აბა, ჩაისეღეთ თუნდაც ერთი ქართული სიტყვის — „წუთისოფლის“ სიღრმეში და ქართველი ხალხის რა გრძელ თავგადასავალს, მის რაოდენ ფიქრსა და განცდას ამოიკითხავთ შიგ. რა მართალი იყო ანატოლ ფრანსი, როცა ამბობდა, გარკვეული ცოდნის მეშვეობით ფრანგული ენის სიტყვარში შეიძლება საფრანგეთის მთელი ისტორია წაიკითხოთ.

ენა რომ მსოლიდ და მხოლოდ უბრალო ურთიერთობის საშუალება იყოს და სხვა არაფერი, მაშინ ყოველ ასოკირკიტა დოგმატიკოსს მართლაც ექნებოდა გზა ხსნილი ენათა სანგრევად. მაგრამ, საბედნიეროდ, ენა ვაცილებით უფრო დიდი რამ არის, ვიდრე უბრალო საკომუნიკაციო საშუალება. ენა უმაღლესი ესთეტიკური ფენომენიცაა, ესთეტიკური განცდის საგანიცაა, როგორც ვთქვით, და ადამიანის სულიერ არსებაში გადატანილი სამშობლოც არის. გავისსენოთ მისეილ ჯავახიშვილის მოთხრობა „მიწის ძახილი“, რომელიც მწერლის გარდაცვალებიდან რამდენიმე წლის შემდეგ გამოქვეყნდა.

მოთხრობის გმირი — ანდრო კაიშაური ცხრა-ათი წლისა იქნებოდა, როდესაც მისი მშობლები ანანურიდან მოზდოკში გადასახლდნენ. ანდრო რუსეთში დაეაჯაცდა და იქვე ჩაება ნაროდნიკულ-

რევოლუციურ მოძრაობაში. ძალე იძულებული გახდა უცხოეთში გადასეწილიყო. დაძვინდრდა საფრანგეთის ერთ-ერთ პატარა ქალაქში. კოსმოპოლიტურად განწყობილ ასალგაზრდას სრულებით გადავიწყდა ქართული ენაც, საქართველოც, მთელი თავისი წარსული, დედისა და მამის სახელებიც კი. ფრანგული ენა იქცა მის დედენად. თვითონაც ანდრე კაპორი გახდა, ფრანგული ოჯახი შექმნა, ფრანგი შეილები და შეილიშვილები დაზარდა. და აი, იითქმის ოთხმოცდაათ წელს მიღწეულ ღრმა მოხუცს შემოსევევით ქაროველი კაცი გადაეყარა, რაღაც-რაღაცეები შეასხენა. მოხუცის ჩამრეტილ მესხიერებაში პირველი დედაენის ბგერები გაკრთნენ, ამას დაკარგული სამშობლოს ლანდებიც მოჰყვა. შერე უეცარი გარდაქმნა: კაიშაური წმინდა ქართულ ენაზე ამეტყველდა; დედაენის ბგერებმა ბავშვობაში დანახული საქართველოს სურათებიც აღუდგინეს. კაცს სამშობლომ დაუძახა და იგი სამშობლოში დაბრუნების დაუცხრომელმა სურვილმა შეიპყრო. პირველმა დედაენამ შეპყრა და შეაღულა კაცის სიცოცხლის დასაბამი და დასასრული.

მე არ ვიცი, დაადასტურებს თუ არა მეცნიერება მესხიერების ასეთი მიმოქცევის შესაძლებლობას. მაგრამ მთავარი და არსებითი აქ იმდენად ფაქტის სისწორე როდია, რამდენადაც თვით მწერლის, თვით, შემოქმედის გრძნობისა და განცდის სიმართლე. მწერალი დედაენას განიცდის, როგორც ადამიანს სულიერ არსებაში ჩაწნულ სამშობლოს. მთავარი სწორედ ეს არის.

მართლაც, დიდი მტკიცება ხომ არ სჭირდება იმას, რომ დედაენის გრძნობა მხატვრული შემოქმედების ერთ-ერთი მუდმივ მოქმედი საფუძველია. მწერლისათვის, მაგალითად, ენა არა მარტო მასალაა, ეთქვამთ, ისეთივე მასალა, როგორც ქვა მოქანდაკისათვის (სამწუხაროდ, სოვ ვინმეს მართლაც აქვს წარმოდგენილი ენა ასე მკვდარ მასალად), და არა მარტო ის სიტყვიერი მადანია, რომელიც ტონობით უნდა გადაამუშაოს, რომ რამდენიმე გრამი ძვირფასი პოეტური კრისტალი მიიღოს, არამედ შთაგონებისა და შემოქმედებითი ფანტაზიის წყაროც არის, როგორც სულში ჩახატული სამშობლო.

მე ვერას ვიტყვი იმის შესახებ, თუ როგორია ენის როლი მხატვრული შემოქმედების ისეთ „უსიტყვო“ დარგებში, როგორიცაა მუსიკა, მხატვრობა, ქანდაკება და სურათმომღერება. მაგრამ თუ ეგრეთ წოდებული „უსიტყვო“ ხელოვანი — ადამიანი, მართლაც, იმით განსხვავდება ისეთი „ხელოვანებისაგან“, როგორიცაა ბულბული, ფუტკარი, ობობა და სხვა ამისთანანი, რომ მისი შემოქმედება აზროვნებითი შემოქმედებაა, მაშინ შეუძლებელია რაღაცნაირად მაინც არ გადაეცეს მის შემოქმედებას იმ ენის გრძნობა; რომლის მეშვეო-

ბითაც იგი აზროვნებს. მაგრამ ეს ალბათ შემოქმედების ფსიქოლო-  
გიის ისეთი თვალწარმოდენელი სიღრმის მოვლენაა, რომ განსაკუ-  
თრებულ რთულ გამოკვლევას მოითხოვს.

ყოველ შემთხვევაში, ერთი რამ ცხადია:

მწერალი და მწერლობა იწყება დედაენის გრძნობით. დედაენის  
გრძნობისა და პოეტური აზროვნების განუყრელობაზე ჯერ კიდევ  
დიდი შოთა უბნობდა:

„მაშინღა ნახეთ მელექსე და მისი მოშაირობა,  
რომ ევლარ მიხედეს ქართულსა, და უწყოს ლექსმან ძეირობა,  
არ შეამოკლოს ქართული, არა ქმნას სიტყვა მცირობა,  
სელმარჯვედ სცემდეს ჩოგანსა, იხმაროს დაღი გპირობა“.

ყოველი ნამდვილი შემოქმედი, მათ შორის მთელი ხალხიც,  
როგორც დიდი ერთობლივი შემოქმედი, არ შეიძლება გულგრილი  
იყოს თავისი ენის ისტორიული ბედის მიმართ. მას არ შეუძლია  
შეურიგდეს აზრს დედაენის შესაძლებელი სიკვდილის შესახებ,  
რადგან სიკვდილის გრძნობით არაფერიც არ შეიძლება შეიქმნას.

მაგრამ ცხოვრებაში ბევრი უცნაური რამ ხდება.

ამ რამდენიმე ხნის წინათ „ლიტერატურნაია გაზეტაში“ წერდა  
ერთი კრიტიკოსი ოსეთიდან, მე სრულიადაც არ მანწუსებს, თუ რა  
ბედი ეწევა მომავალში ჩემს ენასო. ცნობილი საბჭოთა პოეტი —  
დადესტინელი რასულ გამშათოვი კი, პირიქით, თავის ერთ-ერთ  
მგზნებარე ლექსში ამბობს: თუ ჩემს ენას სკალ სიკვდილი მოეღის,  
მე მზად ვარ, დღეს სული ამომხდესო.

ძნელია ედავო ან ერთს, ან მეორეს. რადგან ორივე გრძნობათა  
სფეროში რჩება. პირველის აღიარება იმასა კვაცს, რომ კაცი ამ-  
ბობდეს, მე დედა არ მიყვარს და ფესებზე მკიღია მოკვდება თუ არაო,  
მეორესი კი — იმას, რომ კაცი ამბობდეს, მე დედა მიყვარს და მინდა  
მუდამ იცოცხლოსო. რას იზამთ, ერთს დედა არ უყვარს, მეორეს კი  
უყვარს. პირადად მე, რასაკვირველია, სიყვარულს ვემზრობი, სიყვა-  
რულში მეტ სიმართლეს ვხედავ, ვიდრე უსიყვარულობაში, თუნდაც  
მხოლოდ იმიტომ, რომ ჩემი ხალხი მდერის: „წუთისოფელი ასეა,  
ღამე დღეს უთენებია, რაც მტრობას დაუნგრევია — სიყვარულს უშე-  
ნებია“.

მაგრამ ამ შემთხვევაში საქმე სიყვარულსა თუ უსიყვარულობაში  
როდია. მთავარია, გავითვალისწინოთ დედაენის როლი ხალხის სუ-  
ლიერ ცხოვრებაში, ხალხის კულტურის, კერძოდ, მხატვრული შემო-  
ქმედების განვითარებაში.

„ენა — კულტურის საფუძველია“ — წერდა ამას წინათ იგივე „ლი-  
ტერატურნაია გაზეტა“. რასაკვირველია, ეს დებულება არავითარ

ახალ აღმოჩენას არ შეიცავს. მაგრამ იგი მიუთითებს მუდმივმოქმედ ძალასა და კანონს და, ამდენად, მუდმივი მნიშვნელობის დებულებაა. ენა — კულტურის საფუძველია. ცხადია, იგულისხმება არა რომელიმე ერთი ხალხის ენა, არამედ ყველა ენა საერთოდ. აბა, ხომ სისულელე იქნება, მაგალითად, სიცოცხლის ნიშნად რომ მსოლოდ ერთი ვინმეს სუნთქვა ვიგულისხმოთ და სხვებისა კი არა. სუნთქვა სუნთქვაა, ვინც უნდა სუნთქავდეს. ხალხის ენაც ხალხის სასიცოცხლო სუნთქვაა. ამის შესახებ ძალიან კარგად თქვა ჯერ კიდევ ასი წლის წინათ დიდმა რუსმა პედაგოგმა კ. დ. უშინსკიმ თავის შესანიშნავ წერილში — „დედაენა“: „ხალხის ენა არის მთელი მისი სულიერი ცხოვრების საუკეთესო, მარად უჭკნობი ყვაილი, მუდამ ახლად რომ იფურჩქნება, ყვაილი იმ სულიერი ცხოვრებისა, რაც შორს, ისტორიის საზღვრებს იქით იწყება. ენაში სახიერდება მთელი ხალხი და მთელი მისი სამშობლო; ენაში ხალხის სულის შემოქმედის ძალით აზრად, სურათად და ბგერად აისახება სამშობლოს ცა, მისი ჰაერი, ფიზიკური მოვლენები, მისი ჰავა, მისი ველები, მთები და ხეობები, მიმისი ტყეები და მდინარეები, მისი ქარიშხლები და ჭექა-ქუხილი — მშობლიური ბუნების მთელი ის ღრმა აზრითა და გრძნობით აღსავსე ხმა, რომელიც ასე ძალუმად მეტყველებს იმ სიყვარულზე, რაც ადამიანს აქვს თავისი ზოგჯერ მკაცრი სამშობლოსადმი, ხმა, რომელიც ასე ნათლად გამოითქმის მშობლიურ სიმღერაში, მშობლიურ ჰანგებში და სახალხო პოეტების ლექსებში. მაგრამ ხალხის ენის ნათელ და გამჭვირვალე სიღრმეში აირეკლება არა მარტო ბუნება სამშობლო ქვეყნისა, არამედ ხალხის სულიერი ცხოვრების მთელი ისტორიაც. ხალხის თაობანი ერთმანეთს ცვლიან, მაგრამ თითოეული თაობის ცხოვრების შედეგები რჩება ენაში შთამომავლობათა მემკვიდრეობად. დედაენის საგანძურში თაობანი ერთმანეთზე ალაგებენ ღრმა გულისძგერის ნაყოფთ, ისტორიულ მოვლენათა, რწმენათა და შესდულებათა ნაყოფთ, განცდილი ჭირისა და ღზინის კვალს; ერთი სიტყვით, მთელი თავისი სულიერი ცხოვრების კვალს ხალხი გულმოდგინედ ინახავს ხალხის სიტყვაში. ენა არის ყველაზე ცოცხალი, ყველაზე უხვი და მტიკიცე კავშირი, რაც ერთ დიად ისტორიულ ცოცხალ მთლიანობად აერთიანებს ხალხის გარდასულ, ცოცხალ და მომავალ თაობებს. ენა არა მარტო გამოხატავს ხალხის სიცოცხლის ძალას, არამედ იგი თვით არის ეს სიცოცხლე. როდესაც ქრება ხალხის ენა, თვით ხალხიც აღარ არსებობს! აი, რატომაა, მაგალითად, რომ ჩვენმა დასავლეთელმა ძმებმა გადაიტანეს უცხო ტომთა ყველა შესაძლებელი ძალადობა, მაგრამ როდესაც ეს ძალადობა ენას შეეხო, მაშინ მათ გაიგეს, რომ ახლა უკვე საქმე ეხებოდა თვით ხალხის სიცოცხლისა და სიკვდილის საკითხს. სანამ ცოცხლობს ხალხის ენა ხალხის ბაგეზე, მანამ



ცოცხლობს თვით ხალხიც. და არ არსებობს უფრო აუტანელი ძალადობა, ვიდრე ის, როდესაც სურთ ხალხს წაართვან გარდასულ წინაპართა უამრავი თაობების მიერ შექმნილი შემკვიდრეობა. წაართვით ხალხს ყველაფერი და მას შეუძლია კვლავ დაიბრუნოს იგი. მაგრამ წაართვით ხალხს ენა და ის ვერასოდეს ვეღარ შექმნის მას; ხალხს შეუძლია თვით ახალი სამშობლოს შექმნა, მაგრამ ენისა კი — არასოდეს; მოკვდა ენა ხალხის ბაგეზე და მოკვდა თვით ხალხიც. მაგრამ თუ ადამიანის სული შეძრწუნდება ერთი მომაკვდავი ადამიანის მკვლელობის გამო, რაღა უნდა იგრძნოს ადამიანის სულმა მაშინ, როდესაც ხელყოფენ ხალხის მრავალსაუკუნოვანი ისტორიული პიროვნების სიცოცხლეს“.

კარგად ვიცი, გრძელი ამონაწერი ზოგჯერ საკუთარ აზრში ეაკუუმის ამოსავსებად ხდება საჭირო. მაგრამ, კადნიერებად ნუ ჩამოწართმევთ და, ამ შემთხვევაში ამას ვერ დაეწამებ ჩემს თავს.

განა განსაკუთრებული მნიშვნელობა არა აქვს იმას, რომ ზემოთ მოტანილი სიტყვები ეკუთვნის დიდი რუსი ხალხის ჭკვიან შვილს, ხალხისა, რომლის ენას თითქმის არასოდეს არ შექმნია ისეთი საფრთხე, როგორც ექმნება ხოლმე მცირერიცხოვანი ერების ენებს. და ამიტომ ეს სიტყვები იმას მოწმობენ, რომ თვით რუსი ხალხი (ვისთანაც საუკუნეების მანძილზე ერთად უფიქრია და უოცნებია ქართველ ხალხს მომავალზე, თავისუფლებაზე, სიკეთეზე და სილამაზეზე) და მისი საუკეთესო შვილები ყოველთვის ჩაგრულ ერთა ქომაგნი ყოფილან.

ცხადია, ენა, როგორც იტყვიან, ისტორიული მოვლენაა, ისტორიული განვითარების შედეგია. მაგრამ მას სიცოცხლისა და განვითარების თავისი განსხვავებული შინაგანი კანონიც აქვს. თუ საერთოდ მართალია პეგელის დებულება, რომ რაკი მოვლენა წარმოიშვა, მას განვითარების თავისი განსხვავებული შინაგანი კანონიც უნდა ექნება, მაშინ ეს დებულება ორმაგად მართალია ენის მიმართ..

ენის სიცოცხლე და ისტორიული განვითარება, რა თქმა უნდა, სისხლხორცეულად არის გადაწული ხალხის ცხოვრებასა და ისტორიულ განვითარებასთან, მაგრამ, როგორც ჩანს, თავის განვითარებაში ენა არ განიცდის ისეთ გარდატეხასა და ნასტომებს, როგორც ხდება ხოლმე ხალხის სოციალურ-ისტორიულ განვითარებაში. ენის განვითარება უწყვეტი ნაკადია. თუ, რასაკვირველია, რაიმე გარეშე ძალა ძალადობით არ შესწყვეტს მის დინებას.

ენა ხალხის დაუცხრომელი შემოქმედების უდიდესი და უმშვენიერესი ნაყოფია. ხალხი — სელოვანი მთელი თავისი სიცოცხლის მანძილზე ქმნის თავის ენასა და მის ყოველ სიტყვას, როგორც თა-

კისებური სელოვნების ნაწარმოებს, რათა რაც შეიძლება ცხოვლად, საგნობრივად, შთამბეჭდავად და ლამაზად გამოხატოს ყველაფერი ის, რასაც ხედავს და განიცდის, ქმნის სილამაზის კანონის მიხედვითაც, სიტყვა სელოვნების ნაწარმოებიცაა ერთგვარად. რით არ არის, ვთქვათ, სიტყვა სისარული ან სევედა, ყვავილი ან ფიქრი — ხელოვნებით შესრულებული სურათი ან სასე იმისა, რასაც გამოხატავს, ყოველი სიტყვიდან ხალხის გენია იცქირება.

გვაქვს ჩვენ ქართული სელოვნებისა და ლიტერატურის უჭკნობი ქმნილებანი, მაგრამ მათ შორის ყველაზე დიდი და ყველაზე მშვენიერი ქმნილებაა თვით ქართული ენა.

ყველაზე მეტად სწორედ ენაში ინახება და იკვერება ფენა-ფენად ხალხის მთელი ისტორიული ცხოვრების ყველა მხარე, ყველა საფეხური. ენაა სიცოცხლისა და უკვდავების გრძნობის ყველაზე დიდი და მტკიცე საბუდარი. მხოლოდ ენის მეშვეობით იღებს ხალხი სულიერ მემკვიდრეობას წარსულიდან და ენის მეშვეობითვე გადასცემს მომავალ თაობებს გაზრდილ და გამრავლებულ სულიერ საუნჯეებს. ენა უწყვეტი ცოცხალი ნერვიზ, ხალხის ყველა თაობის სულიერ ორგანიზმში გაქსელილი და გატარებული. ზოგჯერ ასე გგონია, სიტყვას რომ ამბობ, მიხი თრთოლვა მთელ ნერვს გადაეცემა და შორეულ წინაპართა გულისფეთქვასაც კი აღვიძებს.

აი, ახლაც მახსენდება სტრიქონები სიმონ ჩიქოვანის ლექსიდან „სერაფიტას გამოხმობა“:

„ასლა შეგსვდი, მოშირიალდი კალომდი,  
კელაე მიმღერე, რასაც ძველად გალობდი.  
უხსოვარ დროს რომ ვგალობდით მე და შენ,  
ორ მდინარედ შემოსული მცხეთაში.

შენი ხმები შენასულა პაერში,  
გარინდული, შესუდრული კაეშნით!  
მე შევარსეე. შენი ტკბილი ღულუნის  
განმეორდეს, გაარღვიოს უკუნი“.

აბა, თვალი გააყოლეთ: თითქოს ჰაერში მართლაც შეირხა გარინდული ხმა და ქართულმა სიტყვამ გაარღვია უკუნი. იმ დროს, იმ უხსოვარ დროში გალობდა ის მშვენიერი ქალიშვილი. ვინ იცის, რას გალობდა. გალობდა ალბათ სიყვარულზე, თავის ქალურ სევდასა თუ სიხარულზე, ცასა და ვარსკვლავებზე, მტკვარსა და არაგვზე. გალობდა ქართულს, ძველქართულს, და იყრ იმ გალობაში ქართული ბგერები, ქართული სიტყვები: სიყვარული თუ აბეღობა, გვემა თუ ნეტარება, წამი თუ წამწამი, ვედრება თუ ზვარაკი, მუხჭაბუკი თუ ირემი. ცრემლი თუ ვაზი, არაგვი თუ არმაზი... და ქართულმა სიტყვებმა

წამოიღეს მომავლისაკენ იმ გალობაში გახვეული გულისცემა, მოიტანეს ჩვენამდე. აბა, რა საშინელი ამოუვსებელი სიცარიელე, რა სულშემსუთავი წყვედიადი იქნებოდა იქიდან აქამდე, სერაფიტადან — ნატო ვაჩნაძემდე, ნატო ვაჩნაძიდან — პატარა ცირამდე, თამრიკომდე, ნანამდე და ამის გამო, რა საშინელი სიცარიელე იქნებოდა ჩვენს სულშიაც, რომ ენას (ამ შემთხვევაში, ქართულ ენას) არ გაება ცოცხალი, უწყვეტი კავშირი ჩვენს წარსულსა და მომავალს შორის. თუ ეს კავშირი არა, განა შესძლებდა პოეტი ისე მიახლოებოდა უუშორეს, უუწინაპრეს, არმაზისდროინდელ თვისტომ ქალიშვილს, რომ საოცარი გრძნობით ეთქვა, „უხსოვარ დროს რომ ვგალობდით მე და შენო“?

ენა აზრის სინამდვილეა. ეს მეტად ღრმა და მართალი ჩაწვდომაა ენის ბუნებისა. მართლაც, არაფერშიც არ შეიძლება იყოს ისე განამდვილებული ხალხის აზრი და გრძნობა, ხალხის მთელი სულიერი ცხოვრება, როგორც ენაში.

რა თქმა უნდა, წარმოშობის, აღზრდის, წრისა და ცხოვრების სხვა პირობების შესაბამისად ყოველ ადამიანს ენიჭება ბუნებრივი არჩევანი დედაენისა. მაგრამ დედაენის გრძნობა ერთ-ერთი ყველაზე ძლიერი სასიცოცხლო გრძნობაა ადამიანისა. და იგი, ვისაც ეს გრძნობა დაჩლუნგებული აქვს, მე ასე ფიქრობ, მეტი რომ არ ეთქვათ, სულდაშრეტილი კაცია.

გადავაჩვიოთ ფიქრი ჩონჩხებს, ჩარჩოებს!

მოდე, ამიტომ აქ ფიქრს ცოტათი შევეუნთოთ ქართული სიტყვით დაკვეხილი ცეცხლი, თორემ შეიძლება გაცივდეს იგი.

„...ქვე წვა, ვით კლდისა ნაპრალსა ვეფხი პირ-გაშეხებულმა,  
არცა მზე პკეანდა, არც მთვარე, ხე ალგა ედემს ხებული,  
ასმათმან დამხვა შორს-გვარად გულსა მე ლახვარ-სებული,  
მერე წამოჲდა წარბშერკმით, გამწყრაღა, გარისხებული“.

„ეიოა დავღამდი, ისე ვავთენდი“.

„სამარეს ჩემსა როს  
ვარს ნისლი მოეცვას,  
იგოცა შესწიროს  
ციაგმან ლურჯსა ცას“.

„აუვაეებულა მდელი, აუვაეებულა მიეზა,  
მამულო საყვარელო, შენ როსღა აუვაელები“.

„ცა-ფირუზ, ხმელეთ-ზურმუხტო,  
ჩემო სამშობლო მსარეო,  
ხნეული დაებრუნებულეარ,  
მკურნალად შემეყარეო“

„ნასლი ფაქრია მთებისა,  
მათი კაცობის ვვირგვანნი“.

„რა ამოძრავებს კიპარისის ტანს?  
ჩუმი შრიალი საიდან არი?  
ქარი არა ჩანს, ქარი არა ჩანს,  
მიანც მწვერვალებს ედება ქარი“.

დათბა. განვაგრძოთ.

მაგრამ ვგრძნობ, ვიღაც მიბღვერს. სჯობს კი, ნუ მიბღვერს, თორემ იმ ორივე ფესით კოჭლ სარაზს მოვაგონებ, რომელიც შეიღს ჩასჩიჩინებდა, ბიჭო, ჩემსავით სწორედ გაიარეო.

ჰოდა... არსებობს ყოველი ენის არსებობის ერთადერთი უმაღლესი ბუნებრივი კანონი — სიცოცხლე ხალხისა. ხალხი ცოცხლობს და სანამ ცოცხლობს, მას არ შეიძლება არ სწყუროდეს, უზომოდ არ სწყუროდეს სიცოცხლე იმ ენისა, რომლითაც აზროვნებს, მეტყველებს და რომელიც თავის უმშვენიერეს ქმნილებად მიაჩნია.

ცოცხლობს ხალხი, ცოცხლობს მისი ენაც. ენათა ისტორიული ბედი განუყრელია ხალხთა ისტორიულ ბედთან.

ხალხები კი ერთმანეთს უახლოვდებიან. ჩვენს თვალწინ ინგრევა და იშლება ადამიანთა და ხალხთა გამთიშავი ზღუდეები, მიჯნები, ნაპრალები. ადამიანთა და ხალხთა ძმობის სულისკვეთება დღეს ღრმად იდგამს ფესვებს კაცობრიობაში. ეს არის ჩვენი დროის უდიდესი მოძრაობაც, უღრმესი სიბრძნეც. ეს არის ყველაზე დიდი სიკეთე, რაც ისტორიულ პროგრესს მოაქვს ადამიანებისათვის, რადგან ყოველი საზოგადოებრივი თუ პიროვნული უბედურების სათავე არსებითად ყოველთვის იმ მიზეზებში დადებულა, რომლებიც იწვევენ ადამიანების, ხალხების, ქვეყნების გათიშვასა და დაპირისპირებას.

და რა ძლიერი გრძნობაც არ უნდა გვიდუღდეს გულში, ნუ შევდრკებიტ, პირდაპირ დავაყენოთ საკითხი: სომ არ ეკუთვნის ენათა სხვადასხვაობა ადამიანთა და ხალხთა გამთიშავი მიზეზების რიცხვს?

ცალკეულ ენათა არსებობა დაასლოებით ისეთივე მოვლენაა, როგორც, მაგალითად, სხვადასხვა ცალკეულ ხალხთა და ცალკეულ პიროვნებათა არსებობაა. მაგრამ თავისთავად ეს სხვადასხვაობა რომ იწვევდეს ადამიანთა და ხალხთა გათიშულობას, მაშინ საერთოდ გათიშულობის მოსპობა შეუძლებელი იქნებოდა ან, ყოველ შემთხვევაში, მის აღმოსაფხვრელად საჭირო იქნებოდა ენათა, ხალხთა პიროვნებათა სრული წაშლა და გადაშენება, მათი დაყვანა ერთ სახემდე, რაც წარმოდგენაშიაც კი შემზარავია.

მტრობასა და გათიშულობას ბედებს არა ენათა, ადამიანთა და ხალხთა სხვადასხვაობა, არამედ უსამართლო სოციალური წყობილებანი, ის ქვეყანა და ის საზოგადოება, სადაც არსებობენ გაბატონებული და დაჩაგრული კლასები, გაბატონებული და ჩაგრული ერები.

შორს წასვლა არ გეჭირდება.

მართალია, რუსული ენა და რუსული კულტურა უდიდეს ცხოველმყოფელ გაელენას ახდენდა რუსეთის ყოფილ იმპერიაში მოსახლე დაჩაგრული ერების სულიერი კულტურის განვითარებაზე, მაგრამ ეს ხდებოდა გაბატონებული კლასებისა და მმართველი რეაქციული წრეების მიღმა და მათი სურვილების წინააღმდეგ. თვით ეს გაბატონებული წრეები კი მაინცდამაინც საიდუმლოდ არ ინახავდნენ იმას, რომ მათ ხელში რუსული ენა წარმოადგენდა არარუსი ხალხების ჩაგვრის ერთ-ერთ იარაღს, რეაქციული კოლონიზატორული პოლიტიკის იარაღს; თვით ენათა და ხალხთა სხვადასხვაობას ისინი იყენებდნენ იმისათვის, რომ ეროვნული შუღლი და დაქსაქსულობა შეეტანათ იმ ძალებში, რომლებიც არსებული უკუღმართი წყობილების დასანგრევად ირაზმებოდნენ.

მხოლოდ ოქტომბრის რევოლუციამ ამოკვეთა ძირშივე ხალხთა და ენათა ჩაგვრის, მათი გათიშულობისა და გადაშენების ყველა მიზეზი, ყველა ტენდენცია. პირველად კაცობრიობის მთელ ისტორიაში პრაქტიკულად დამტკიცდა, რომ ხალხთა და ენათა სხვადასხვაობა არამცთუ ხელს არ უშლის ადამიანებისა და ხალხების ძმური ინტერნაციონალური კავშირის გაძლიერებას და გაღრმავებას, არამედ, პირიქით, სწორედ ეს სხვადასხვაობა აძლევს დიდ აზრსა და დიდ შინაარსს ამ კავშირს.

ხალხებს, ადამიანებს აახლოებს და ამშობილებს საერთო სასიცოცხლო ინტერესები, თავისუფლების, დამოუკიდებლობის, თანასწორობის, მშვიდობისა და მეგობრობის იდეალები. ამაზე კარგად ამბობს ირაკლი აბაშიძე აღმოსავლეთის პოეტებისადმი მიმართულ ლექსში:

„ასი ენა გვაქვს სატად, საფიცრად  
სულში, სხეულში ფესვებგაღმული,  
\თავისუფლება მკერდით ღავიცვათ —  
ას ენაზე გვაქვს ერთად დათქმული“.

დიას, საერთო საკაცობრიო მიზნებსა და იდეალებს ყოველი ხალხი, ყოველი პიროვნება ყველაზე უკეთ და ღრმად სწორედ თავისი ისტორიულად ჩამოყალიბებული პიროვნული არსების და, უწინარეს ყოვლისა, თავისი დედაენის მეშვეობით ითვისებს. თუ მე მოკლებული ვიქნები ჩემს განსხვავებულ ადამიანურ შინაარსს, ჩემს პიროვნულობას, ჩემს განსხვავებულ ემოციურ სამყაროს, მაშინ მე ისეთივე გულგრილი, უმეტყველო, უსახო და უმოქმედო ამრეკლავი ვიქნები პროგრესის და პუმანიზმის იდეებისა, როგორც ლოდია ხოლმე მზის სსივების უგონო ამრეკლავი.

სწორედ დედაენას და, უწინარეს ყოვლისა, დედაენას მიაქვს ყოველი ხალხის გულთან ის იდეები, რომლებიც საფუძვლად ედებიან ხალხთა ძმობასა და მეგობრობას.

თავისუფალი, უკლასო სოციალისტური საზოგადოების ბუნებისათვის უცხოა, სრულიად უცხოა ერთი ენის მიერ მეორე ენის ჩაგვრა, ერთის მიერ მეორეს მოკვლა და საერთოდ ყოველგვარი ძალადობა ენათა მიმართ, ძალადობა, რაც არსებითად უდრის ძალადობას ხალხთა მიმართ.

რასაკვირველია, ხალხის ენა, ისე როგორც ხალხის ყოველი განმასხვავებელი თვისება, განვითარების შედეგია, ისტორიული მოვლენაა და, როგორც ასეთი, განუწყვეტლივ ვითარდება და იცვლება. მაგრამ თავისუფალ და ბუნებრივ განვითარებას არავითარ შემთხვევაში არ მივყავართ გათქვეფისა და გაუსახურებისაკენ.

კიდევ ერთი გრძელი ამონაწერი.

1960 წლის 17 ნოემბერს, უკრაინული ხელოვნებისა და ლიტერატურის დეკადის დღეებში — მოსკოვში, „ლიტერატურნაია გაზეტამ“ დაბეჭდა ცნობილი უკრაინელი პოეტის — ვლადიმერ სოსიურას წერილი, სადაც ნათქვამია:

„მთელი ქვეყნიერებისათვის ცნობილია გიგანტური როლი დედაენის პოპულარიზაციაში, მისი ძალისა და სილამაზის დამკვიდრებაში ისეთი ჭეშმარიტი ეროვნული პოეტებისა, როგორცაა პუშკინი, შევჩენკო, მიცკევიჩი. მათ ხალხისაგან შეიწოვეს დიდებული, ბარაქიანი ენა და დაუბრუნეს იგი ხალხს კიდევ უფრო დახვეწილი, გამდიდრებული. მათი შემოქმედების მეოხებით დედამიწის ზურგზე მოსახლე ხალხებმა ისწავლეს ერთმანეთის უკეთ გაგება, ერთმანეთის პატივისცემა და დაფასება.

მაგრამ მხოლოდ ოქტომბრის რევოლუციამ მისცა უკრაინელ ხალხს იმის შესაძლებლობა, რომ მთელი ხმით ამეტყველებულიყო თავის დედაენაზე. და მას შემდეგ უკრაინული ენა განუწყვეტლივ ძლიერდება და მდიდრდება. მილიონების ნებისყოფის ამსახველ და გამომხატველ პოეტებზე, მათ აქტივობაზე დიდად არის დამოკიდებული ის, რომ თავიანთი ეროვნული ენა აამაღლონ ზოგადკაცობრიულის მოელვარე მწვერულებამდე. მე ენების ბუნებრივი ურთიერთგამსჭვალვისა და ურთიერთგამდიდრების მომხრე ვარ. აქ კი საქმე ეხება არა ცალკე სიტყვებისა და სპეციფიკური გამოთქმების უბრალოდ სესხებას. მე ვფიქრობ, რომ შორეულ და ბრწყინვალე მომავალში ყველა ეროვნული ენისაგან მათი თანასწორობისა და ძმობის საფუძველზე წარმოიშვება ახალი, საერთო, საკაცობრიო ენა, რომელზედაც ილაპარაკებენ ჩვენი შთამომავალნი — კომუნისტური საზოგადოების ადამიანები. მაგრამ ეს მოხდება არა ენების ნიველირების

გზით, არა ერთი ენის მეორე ენისადმი დამორჩილების გზით. ეს შე-  
საძლებელი გახდება მხოლოდ თვითეული ეროვნული ენის სრული  
და ყოველმხრივი განვითარების პირობებში. პოეტ რასულ გამზათო-  
ვის ლექსის ცნობილი სტრიქონები:

„და თუ ხვალ ჩემი ენა მოისპობა,  
მაშინ მე მზად ვარ დღესვე მოეკვდე. —

წარმოდგენენ პოეტურ პიპერბოლას, დედაენის სიყვარულის უდი-  
დესი ძალის გამომხატველს, სიყვარულისა, რაც ასე გვესაღბუნება  
ჩვენ, ყველას“. პოეტის ამ სიტყვებში გამოსატული აზრიც, გრძნობაც  
საგულისხმო და ნაყოფიერია. ჩვენ — საბჭოთა ადამიანებს — არ შეიძ-  
ლება უმსურვალესად არ გვიყვარდეს დედაენა. მაგრამ ეს სიყვარუ-  
ლი სრულიად გამორიცხავს არამცთუ მტრულ, არამედ უბრალო,  
გულგრილ დამოკიდებულებასაც კი სხვა ენებისადმი. ჩვენი უზომო  
სიყვარული დედაენისა გაციხკროვნებულია ყველა ენის თანასწორო-  
ბისა და ძმობის სულისკვეთებით.

შორეული მომავალი კი იქნება, ცხადია, უფრო ბრწყინვალე, უფ-  
რო მშვენიერი, ვიდრე ჩვენ შეგვიძლია დღეს წარმოვიდგინოთ ან  
ვიწინასწარმეტყველოთ. ეინ იცის, რა ცვლილებებსა და კორექტი-  
ვებს შეიტანს განვითარება ყოველ ჩვენს წინასწარმეტყველებაში —  
მათი სრულყოფისა და გამშვენიერების თვალსაზრისით. მაგრამ ერ-  
თი რამ ცხადია: თანასწორი, თავისუფალი და ყოველმხრივი განვითა-  
რების პირობებში ყოველი ხალხი და ყოველი ენა იმ ბრწყინვალე მო-  
მავალში შევა მთელი თავისი მოპოვებული საუწვეებით, მთელი თა-  
ვისი სულიერი სიმდიდრით.

ჰო, მართალია, ენათა სხვადასხვაობა დღეს ქმნის ერთგვარ უხერ-  
ხულობას სხვადასხვა ეროვნების ადამიანთა პრაქტიკულ ურთიერთო-  
ბაში, მაგრამ ამ უხერხულობას ასკეცად და ათასკეცად ანაზღაურებს  
ყოველი ხალხის დედაენის განუზომლად დიდი როლი სულიერი კულ-  
ტურის ღირებულებათა შექმნაში. ამავე დროს ამ უხერხულობას თან-  
დათან ამცირებს და სპობს, ერთი მხრივ, თარგმანის ხელოვნებისა  
და თარგმანის ტექნიკის განვითარება, მეორე მხრივ კი, ადამიანთა  
ინტერნაციონალური შეგნების ზრდა. ეს შეგნება დროთა ვითარე-  
ბაში, ალბათ, ადამიანის შინაგან მოთხოვნად და სასიამოვნო განც-  
დადაც კი აქცევს იმ ხალხის ენის შესწავლას, რომლის ქვეყანაშიაც  
მოუსდება სოლმე მას ხანგრძლივად ყოფნა. მართლაც, თუ მე არა გა-  
რეგნულად, არამედ სისხლსორცეულად მექნება შეთვისებული ხალ-  
სთა ძმობის იდეა, იმდენად მაინც როგორ არ შევისწავლი იმ ხალხის  
ენას, რომლის ქვეყანაშიაც მიხდება, ვთქვათ, 5—10 წლის, და ზოგ-  
ჯერ მთელი ცხოვრების გატარება, რომ შეეძლო უშუალოდ გამოგე-

ლაპარაკო მას? თარგმანის ტექნიკის განვითარების მსრივაც, გამო-  
რიცხული სომ არ არის იმის შესაძლებლობაც, რომ გამოგონილ იქ-  
ნას ისეთი აპარატიც კი, რომელიც ერთ ენობრივ ფორმებთან დაკავ-  
შირებულ ცნებებსა და ცნებათა კავშირებს გარკვეული იმპულსების  
მეშვეობით ზუსტად აღძრავს ხოლმე სხვადასხვა ენებზე მოლაპარაკე  
ადამიანებში. ვინ იცის, მომავალმა კოსმოსურმა მოგზაურმა ამგვარი  
აპარატით ისიც კი შესძლოს, რომ პირველი შეხვედრისთანავე თავი-  
სუფლად გამოელაპარაკოს რომელიმე სხვა სამყაროს მოაზროვნე  
არსებას.

ენათა ისტორიული ბედის საკითხმა, როგორც ხედავთ, ძალიან  
შორს გაგვიტყუა, ფანტაზიაშიც გადაგვაგდო. მაგრამ, ვფიქრობ, ყო-  
ველივე ეს საპატიებელია, რადგან დედაენის გრძნობა მოდის სიღრ-  
მიდან, მტკვრის, არაგვის, რიონის, ალაზნის თავბრუდამხვევად წარმ-  
ტაცი ბუტბუტიდან.



## ჴიპრიანი სტრიქონები

მინდა ყოველივე ეს იყოს ჩემთვის უძვირფასესი მოსაგონარი და, თუ შესაძლებელია, ამ მოსაგონარში შემიზიარდეს მკითხველიც. მთელი ამბავი დაახლოებით ორ თვეში დატრიალდა.

საავადმყოფოში იმთავითვე გაეიტანი ურანიდესი და უფაქიზესი სულის ადამიანი ანდრო გაბუნია. რა გასაკვირია, რომ იგი ღირსეულად ჰყავს მოხსენებული პაუსტოვსკის თავის წიგნში კოლხეთის შესახებ.

ანდრო და მე ერთ დღეს გამოვეწერეთ საავადმყოფოდან და რამდენიმე დღის შემდეგ მას საგანგებოდ მოუძებნა ჩემი ტელეფონის ნომერი და დამირეკა, მომიკითხა... თამამად შემიძლია ეთქვა, რომ ანდრო გაბუნია — შესანიშნავი ინჟინერი, წყალთა მეურნეობის გამოცდილი სპეციალისტი — ეკუთვნოდა ადამიანთა იმ კატეგორიას, რომლებიც ქვეყნის სუფთა ზნეობრივ ხერხემალს ქმნიან და რომელთა გამო შილერის კარლ მოორს შეეძლო ეთქვა, მომეცით ათიოდე ასეთი ვაჟკაცი და ქვეყანას სრულიად განვასლებო.

რამდენიმე დღის შემდეგ იმავე საავადმყოფოში, ჩემს მეზობელ პალატაში დააწვინეს ქართული ინტელიგენციის დიდი თავკაცი, ქართული მჭევრმეტყველების ჯადოქარი — შალვა ნუცუბიძე. მე შემიძლია ვიამაყო, რომ ჩემს ერთ პატარა წერილზე არსებობს მისი გამოსმაურება. შეიძლება ზოგიერთ რამეში, ეკამათოთ მას, მაგრამ უდავოა, რომ ქვეყნის სულიერი ცხოვრების დიდ ისტორიას ქმნიან შალვა ნუცუბიძეები და მხოლოდ შალვა ნუცუბიძეები.

ამავე ხანებში ამავე საავადმყოფოში მკურნალობდა პოეტი გაბრიელ ჯაბუნაშვილი. მის ლექსებში, მის გალელულ სახესა და საოცრად მეტყველ თვალებში ამოვიკითხე ხევსურეთის განუმეორებელი მთების ეპოპეა.

მეოთხეს კი, ვისი მოსაგონარიც მინდა იყოს აგრეთვე ეს სტრიქონები, გავეცნობით ქვემოთ სტრიქონებში.

თითქმის ბავშვობიდანვე თანშეზრდილ მეგობართა შორის იგი ყველაზე ლაღი, მხიარული და თავისებური იყო. ო, რა ძნელია წარ-

სულ დროში მოიხსენიო უახლოესი ადამიანი, ვისთანაც სულ ახლახან ყველაზე სასიამოვნო შესვედრას მოელოდი. ერთ დროს იგი დიდად იყო გატაცებული ლიტერატურული შემოქმედებით: გვარიან ლექსებს, მოთხრობებსა და ნარკვევებს წერდა. ყოველ შემთხვევაში, რამდენიმე ასე თუ ისე ცნობილი ლიტერატორი მას კარგ სამწერლო მომავალს უწინასწარმეტყველებდა. მეც მეგონა, რომ იგი ქართულ ლიტერატურაში თავის განსხვავებულ სიტყვას იტყოდა. მაგრამ ერთ მშვენიერ დღეს, როგორც იტყვიან ხოლმე, მან გადაჭრით აიღო ხელი კალამზე. მერე მხოლოდ ჩემთან მოწერილ წერილებში თუ გაეთამაშებოდა ხანდახან ლიტერატურულ საკითხებს, ანუ, როგორც თვითონ ამბობდა, პრაქტიკული და არა თეორიული ესთეტიკის საკითხებს. კარგა ხანია ეს ჩემი მეგობარი სოფლად მასწავლებლობდა. შრომობდა პატიოსნად, ცხოვრობდა თითქმის უშფოთველად — გენიოსობის ყოველგვარი მწვალებელი სურვილების გარეშე. თან ასლდა უმცროსი და, გაუთხოვარი, საკმაოდ განათლებული. იყო ბუნების თავდავიწყებული მოტრფიალე და შესანიშნავი, გულზე ცეცხლწაკიდებული მონადირე. ჩვენი მტკიცე მეგობრობის ერთ-ერთი საძირკველი ესეც გახლდათ. მართალია, საკუთარ ლიტერატურულ შემოქმედებას ვეღარ უხსენებდით, მაგრამ ლიტერატურის უსაზღვრო მოყვარული და დაუღალავი, თავდადებული მკითხველი იყო. მისი ბიბლიოთეკა ბევრს შეშურდებოდა. რამდენიმე ხნის წინათ მისგან წერილი მივიღე.

„როგორც ჩანს, — მწერდა იგი, — ისევ მაგრად გიტევს ავადმყოფობა. კვლავ მინდოდა ჩამოსვლა, მაგრამ არ მომიხერხდა. იქნებ, ასე სჯობს: დაგიცადო, სანამ აქ მესტუმრებოდე. გული არ გაიტეხო, დარდს არ მიეცე! იცოდე, გულგატეხილობა ნამდვილად დაგაძაბუნებს! იქამც იყოს! არყოფნა მხოლოდ სულიერად არაქათგამოცლილ ადამიანს შეუძლია მიიჩნიოს ყველაზე ნეტარ, მშვიდ და წყნარ მდგომარეობად. არა, ძმაო, სიცოცხლე, რანაირიც უნდა იყოს, მაინც ღირს იმად, ბეწვისოდენაც რომ გქონდეს შერჩენილი, კბილით და ფრჩხილით ჩაებღაუჭო! შენ ჩაუბღაუჭებლადაც იოლად გახვალ, თუ სულის ძალას გამოიჩენ. იფიქრე: ერთხელ კიდეე სომ მაინც უნდა აეუარჩავეუართო წყალგაღმა ჭალებს. იქ ისევ არის ჩაგუბებული გაუთავებლად ფართქალა სინათლე, როგორც ჩვენი ჭაბუკობის უამს...

სხვა რა? ისევ ჩვენს თავსამტვრევ საგანს მივუბრუნდები. მოგესხენება, რომ ლიტერატურას, განსაკუთრებით ქართულ ლიტერატურას, ისევ თავგადაკლული ვადევნებ თვალს, როგორც ყოველთვის. იცი, რა გითხრა? ბევრი რამ მახარებს, მაგრამ ბევრი რამ კიდევაც მაწუხებს, ძალიან მაწუხებს ჩვენს ლიტერატურულ ცხოვრებაში. მაწუხებს ის, რომ ზოგჯერ შეინიშნება რაღაცნაირი უდარდელობა:

ვიდაც-ვიდაცებისთვის თითქოს სულერთია გვექნება თუ არ გვექნება დიდი ქართული ლიტერატურა. იქნებ, მე ვცდები, იქნებ, ასე ეჩვენებოდათ ყოველთვის! ღმერთმა ქნას, რომ მე ვცდებოდე!.. მასარებს სულ მცირეოდენი გაელევაც კი.

ღვთით, როგორც ძველად იტყოდნენ სოლმე, ლიტერატურა ჩვენი წინ მიდის. ამ წინსვლაში ყველა თაობას შეაქვს თავისი წვლილი. ახალგაზრდობა კიდევაც ბობოქრობს და კიდევაც უხვობს. ძველებიც ფარ-ხმალს არ ყრიან. ვიმეორებ, მე, როგორც გარედან მაყურებელს, ბევრი რამ მასარებს და ბევრი რამ მაფიქრებს: თითქოს სადღაც ჩვენი ლიტერატურის ღრმა წიაღში მწიფდებოდეს რაღაც საგანგაშო და შესაშფოთებელიც... განა მართო უდარდელობის ნიშანი?

ასე მწამს და პირდაპირ უნდა ვთქვა: ქართული ლიტერატურა რომ არ ყოფილიყო, საქართველო აქამდე ვერ მოადწევდა (არავითარი იდეალიზმი ამაში არ არის და შენ ნუ დამიწყებ შენებურად ბაიათებს სოციალურ-ისტორიული ფაქტორების შესახებ). ამიტომ ასევე პირდაპირ მინდა ვიკითხო: როგორი პირი უჩანს ჩვენს ლიტერატურასა და ხელოვნებას დღეს ქვეყნის მომავალი ბედის გამოჭედვაში? მუხრან მაჭავარიანისა არ იყოს, ჩვენ კარგად ვიცით, საით მზდის ეს გზა (თუნდაც გზა პოლიტიკური, სოციალურ-ეკონომიური და ტექნიკური განვითარებისა), თქვენ ის გვითხარით, საით მიდის თაობათა ცვლისა და ქვეყნის არსებობის დიდი გზა? სხვათა შორის, გალაკტიონმა შეუცნობი გზებით სიარულის გარდუეალობა ამოიმღერა:

ვთქვი: ჩიტსაც კი აქვს თავისი ზღუდე,  
მე კი — მოსეტემ კიდითი კიდის —  
არ ვიცი, ეს გზა საითკენ მიდის  
და მაინც უნდა ამ გზებს გაუღდე.

ვიცი, ვიცი, რასაც ფიქრობ: შორიდან ვხედავ შენს იჭენეულად შეჭმუხვნილ სახეს და დამცინავ გამომეტყველებას, აქაოდა რა უსუსურ საკითხებს აყენებო. რაც გინდა ის იფიქრე და ის შემარქვი, მე მაინც ჯიუტად გავიძახი: ქართული მწერლობისა და ყოველი ქართველი მწერლის პასუხისმგებლობა სადღაც აქედან, ამ საკითხებიდან უნდა მოდიოდეს.

და როცა ამ თვალსაზრისით შევყურებ დღევანდელ ქართულ სიტყვას, სადღაც გული მტკივა ამ სიტყვისადმი ზოგჯერ ერთობ გაიოლებული, შინაურულ-ძმობიჭური დამოკიდებულების გამო. „მე, მე და მხოლოდ მე“ ძალიან ხშირად, ზოგჯერ ძალიან გაზვიადებულად და მოსაბეზრებლად გაისმის. რასაკვირველია, სისულელე იქნებოდა იმის თქმა, რომ დღევანდელი ჩვენი ლიტერატურა თითქოს არ ეჭი-

დებოდეს დიდ საკითხებს, დღევანდულობის დიდ პრობლემებს. მაგრამ შემფოთების გრძნობა, უწინარეს ყოვლისა, მაინც დიდი და მწვავე საკითხების სიმცირეს უკავშირდება. თავგამეტებული გულწრფელობით თუ სჭვრეტ, ზოგჯერ ისიც გეჩვენება, თითქოს ჩვენი ქვეყნის წინაშე, ქართველი კაცის წინაშე დღეს ძალიან ცოტა იყოს დიდი და მწვალებელი საკითხები. სულო ცოდვილო, ზოგჯერ ისიც კი გეჩვენება, რომ ზოგიერთი მწერლისათვის თითქოს ყველაზე დიდი საკითხი იყოს პირადი განდიდების, უკეთეს შემთხვევაში, ცალკეული რჩეულების ბედის საკითხი. ამაზე კი კვლავ ჩემი „უსუსური“ მოსაზრება უნდა მოგახსენო: თუ ქვეყანა მსოფლოდ რჩეულების საამებლად იქნება განწესებული, ასეთი ქვეყანა ეშმაკსაც წაუღია; ადამიანებიც ადვილად გაიმეტებენ მას ეშმაკისათვის. აქ რომ საქმე ცალკეული პიროვნებების სურვილებსა და სახიათს ეხებოდეს, ეშმაკისთვის გასამეტებელიც არაფერი იქნება. მაგრამ უბედურება ისაა, რომ ამ სუბიექტური მიდრეკილებების უკან დგას რაღაც პირქუში მოვლენა. განა თვითონ შენ ვერ ამჩნევ, რომ კიდევაც გამომუშავდა ტიპი ისეთი „შემოქმედისა“, რომლის შემოქმედებაში შემოქმედება სანთლით არის საძებარი, მაგრამ უკვე აღიარებულია, რადგან „რადაც მანქანებით“ მოხსენებულ იქნა რჩეულთა შორის. აქედან ზოგიერთი პირის მისწრაფებაც გასაგებია: რადაც უნდა დაუჯდეს მოიხვეჭოს რჩეულობა. საწინააღმდეგო არაფერი გვაქვს: იყოს, ბატონო, რჩეული, გაიხაროს კაცმა! კაცის გახარებას რა სჯობს! რჩეულობის მაძიებლობაში, რასაკვირველია, ცუდი არაფერი იქნებოდა, რომ იგი აზნაურობის მაძიებლობას არ ჰგავდეს, რომ ამ მისწრაფებაში სხვებზე გაბატონების უინი არ იმალებოდეს. იყავ, ჩემო კარგო, რჩეული, ოღონდ ნუ შეეცდები მე ფეხი დამადგა... ყოველივე ეს სიტყვას მოჰყვა, თორემ ასეთ წვრილმანებზე წერა სრულიადაც არ მსურდა. თუმცა, კაცმა რომ თქვას, ეს საკითხები არსებითად პრაქტიკული ესთეტიკის საკითხებია... საზოგადოებრივ აზრს დიდი გასაქანი ესაჭიროება.

...ამ დღეებში გალაკტიონს ვათვალისწინებდი. მე მას სშირად ეფურცლა. გალაკტიონმა ქართული ლიტერატურის დიდი თავი დასურა, ისე როგორც თავის დროზე ბარათაშვილმა, ილიამ, აკაკიმ, ვაჟამ, მოგვიანებით კი გასაოცარმა დავით კლდიაშვილმა... ამასთან დაკავშირებით რაღაც ფიქრები აღმემძრა და მინდა გაგიზიარო. დეე, ეს ფიქრები გულუბრყვილო იყოს. გალაკტიონი საოცრებაა. სამწუხაროდ, იგი ჯერჯერობით ვერ გასცდა საქართველოს ფარგლებს. მასთან შედარებით ქონდრის პოეტებიც კი უფრო ცნობილები არიან. ამის მიზეზი, ჩემის აზრით, საოცრად პარადოქსალურია. ენობრივად გალაკტიონი ფრიად ეროვნული, ფრიად ქართულია და მიხი გადატანა სხვა ენაზე უადრესად ძნელია; მოტივებით კი იგი უადრესად

საყოველთაო, უადრესად უნივერსალურია. ამ უნივერსალური მოტივებით იგი ვერ ანცვიფრებს განათლებულ უცხოელებს, მისი ჭეშმარიტი პოეზია კი, ე. ი. მისი განუმეორებელი თქმა, ანუ მისი განუმეორებელი ენობრივი სტიქია არ ესმით. აქ იბადება გაუგებრობის ტრაგედია. ნამდვილად კი ბარათაშვილისა და ვაჟას შემდეგ გალაკტიონი ქართულ ლიტერატურაში უბადლოა, როგორც უხინჯო, სუფთა შემოქმედი, ხელოვნების (პოეზიის) აბსოლუტური გრძნობით დაჯილდოებული ადამიანი. ეს გრძნობა, ისე როგორც მუსიკის აბსოლუტური გრძნობა, ხელოვნების ერთ-ერთი მარადიული თვისებაა. მე მხედველობაში მაქვს შემოქმედების გეარეობითი სრულყოფა თუ გეარეობითი განუმეორებლობა. მაგალითად, არ შეიძლება წარმოიდგინოთ „მერანის“ ან, თუ გნებავთ, „ჰამლეტის“ ან „ანა კარენინას“ სხვა ფორმა. კარგი და სრულყოფილი მხატვრული ნაწარმოები ის არის, რომელზედაც ვერ იტყვი, ეს სხვა ფორმაშიც იქნებოდა შესაძლებელი. გალაკტიონის შედევრები მხოლოდ იმ სისხლსა და სორცშია შესაძლებელი, რითაც ისინი არიან სორცშესხმული, სხვა რამეს მათ ვერ მიუსადაგებთ. აბა, სცადეთ სხვა ფორმაში წარმოიდგინოთ ისეთი „პაწია რამეც“ კი, როგორცაა „წყალტუბოდან ქუთაისში მიმავალო ქარო“, რომ ლექსი უმაღლე საპნის ბუშტივით გაქრეს. ამ ცოტა ხნის წინათ მე წავიკითხე ერთი ფრიად ცნობილი ქართველი პოეტის რამდენიმე ლექსი. ამ ლექსებს, რასაკვირველია, შენც წაიკითხავდი, უეჭველად აზრიანი, ჭკვიანური ლექსებია. ლექსების გონივრული ენერგია კიდევაც გაღლევებს. მაგრამ, ერთი-ორი პატარა ლექსის გამოკლებით, ამ ლექსებში ნამდვილი პოეზია არ არის. კიდევაც გაიფიქრებთ, ზოგიერთი მათგანი რატომ დაწერა პოეტმა ლექსად, როცა შეეძლო იმავე თემებზე გაცილებით უფრო შთამბეჭდავი მოგონების ფურცელი ან რაღაც ესეისტური ეპიზოდი დაწერა. ერთი სიტყვით, ზოგჯერ ცნობილ პოეტსაც უჩლუნგდება ხოლმე პოეზიის გრძნობა.

ამას წინათ ერთ სახელოვან პოეტთან მომივიდა შეჯახება. მან გალაკტიონის ერთ მშვენიერ ლექსზე თქვა: „არა უშავს, წაიკითხავს კაცი, მაგრამ ახალი პოეტიკისა და ვერსიფიკაციის თვალსაზრისით ძალიან სუსტიაო“. ეს ლექსი შენ, ალბათ, კარგად იცი, მით უმეტეს ახლა, გულმა საქმის გაჭირვება რომ დაგიწყო. აი, ეს ცნობილი ლექსი — პირთამდე სავსე წარმავლობის განწყობილებით. ლექსი, მართლაც, გულგასახეთქია თავისი უსაშველო გრძნობით, მაგრამ უმშვენიერესია თავისი პოეტური სისავსით.

„რისთვის მაგონებ, ვაზზე  
მიმოზნეულ ნამო,  
ცრემლებს, დადენილს მძაფრს  
ახალგაზრდობის გამო?“

აქ თითქოს ყველაფერი მარტივი და უბრალოა, სიტყვებიც, მათი წყობაც, რიტმიც, რითმაც. მაგრამ ეს უბრალო ლექსი საესეა პოეზიის უჩვეულო ენერჯით, მოვლენებისა და საგნების რაღაც საოცარი კავშირით! განა არ გაგონებს ბევრ რამეს განვლილი ცხოვრებიდან, განა არ გადელევებს ვაზზე მიმოზნეული ნამი და ისიც ამ უბრალო, მაგრამ უმძაფრეს მსგავსებაში? ნუთუ უთვალავი ცოცხალი ძაფით არ გაკავშირებს ქვეყნიერებასთან, წარსულთან, მომავალთან ეს ვაზი, ვაზზე მიმოზნეული ნამი, ცრემლები, ცრემლები (ხომ ვიცი რომ შენ დაგდენია ასეთი ცრემლები), დადენილი მძაფრი ასალგაზრდობის გამო? „მძაფრი ასალგაზრდობაც“ რა ზუსტი თქმაა. ბარემ ბოლომდე გავიხსენოთ ლექსი:

„მზემ ამოაშრო ნამი  
და შლის საღამო ამო  
ცთომებს, ჩადენილთ როსმე,  
ასალგაზრდობის გამო!  
მეტყვი: ეს იყო სრული  
და მშვენიერი რამო,  
რაც თავს გადაგვსდა მხოლოდ  
ასალგაზრდობის გამო.  
ის გაზაფხული გაქრა,  
მეგი, იარე, წამო!  
აქ ხმაურობდა ტალღა  
ასალგაზრდობის გამო...“

აქ არ არის არავითარი დებულება, არავითარი ფორმულა, ყველაფერი ნექტარივით არის ამოწოვილი ცხოვრებისაგან. აქ ყოველი სიტყვა საესეა განსაკუთრებული პოეტური აზრით, განსაკუთრებული ნერვული თრთოლვით. და სწორედ ამით არის დაძლეული სიტყვიერი მასალის წინააღმდეგობაც და სწორედ ამ წინააღმდეგობის დაძლევით არის გადაქცეული სიტყვა პოეზიად. პოეზიის არცთუ ისე მახვილი გრძნობაა 'საჭირო, რომ ჩაწედე ამ მშვენიერ გოდებას დაკარგული, დაუბრუნებელი ასალგაზრდობის გამო. ვედარასოდეს ვერ დაიბრუნებ გარბენილ ნეტარ წუთებს, „ის გაზაფხული გაქრა“... მე არ ვკისრულობ შევიდე იმის გარჩევაში, როგორია ეს ლექსი ზემოთ ნახსენები „სახელოვანი“ პოეტის მიერ წამოყენებული ნიშნებით, ისე როგორც არ ეაპირებ შევიდე იმის გარჩევაში, თუ როგორია იაპონური ლექსის ფორმალური ნიშნებით მე-18 საუკუნის იაპონელი პოეტი ქალის გასაოცარი პოეზიით აღსავსე სამსტრიქონიანი ლექსი.

## НА СМЕРТЬ МАЛЕНЬКОГО СЫНА

О мой ловец стрекоз!  
Куда в неведомой стране  
Ты нынче забежал!

ვიცი მსოლოდ, რომ როგორც გალაკტიონის, ისე ტიიო-ნის ლექსი უმაღლესი ხარისხის ლექსებია, ორთავე გულგასახეთი და მშვენიერი საკითხავია: რა რას გადასძალავს ჩვენს სულში: უსაშველო ნაღველი თუ სიმშვენიერი? ფიქრობენ, რომ ხელოვნების მშვენიერება ყოველთვის სძლევს საშინელ ნაღველსაც კი! თუ ასეა, — ეს ბედნიერებაა. მაშინ ყველაზე სევდიანი ნაწარმოებიც კი, თუ იგი მშვენიერად არის შესრულებული, სიხარულს მოგვგვრის! ტენდენციური სიხარულითა და აღტაცებით საეხე ნაწარმოები თითქმის ყოველთვის მოსაწყენია. ყოველ შემთხვევაში, ბევრი მათგანი გულს არ ეკარება. რატომღაც გულს უფრო ტრაგიკული და დრამატული ესაღბუნება. მაგრამ ადამიანის ბედის ტრაგიკულობის უთვალავემა სლართებმაც გული გადაგვიღიეს. ყელთამდე ამოვიდა იმის მხატვრული თუ კიდევ სხვა რამენაირი მტიციცებაც, რომ ადამიანი ტრაგიკული არსებაა. ამ მხრივ შემაზრუნენად კაცობრიობას დოსტოვესკიც კი ეყოფოდა. მაგრამ ახლა, რაკი შორეულით და უცხოურით კოპწიაობაა მიღებული, მეც წავიკოპწიავებ: კაფკასაც შეუძლია ჩვენი სულის საოცარი ატიციება; ფრანგი კამიუც, იაპონელი კობო აბეც და ბევრი მისთანანიც შესძლებენ ჩვენს შემფოთებას. ერთი სიტყვით, ძალიან დიდი ვინმე უნდა იყოს ნიჭითაც და ცოდნითაც, რომ ჩვენს სულიერ ტრაგიზმს რაღაც ისეთი ახალი რამ მიუმატოს, რომ ახალ მხატვრულ აღმოჩენად ჩაითვალოს. ან კი საჭიროა ტრაგიკულის გაძლიერება? რასაკვირველია, ცხოვრება ტრაგიკულსაც და დრამატულსაც აძლიერებს. იბადება ახალი პრობლემები, ისლართება ახალი კვანძები ტკივილიანი საკითხებისა... მე იგიც მინდა გკითხო: როგორ ფიქრობ, ტექნიკური პროგრესი დიდ სიკეთეს აყრის კაცობრიობას? ყოველ შემთხვევაში, ადამიანისა და ადამიანურობის დიდი გამაწესრიგებელი სიყვარულის ჩარევაა საჭირო, რომ ორთქლით, ელექტრონით ან ატომის ენერგიით ამოძრავებულმა რკინამ ადამიანის კეთილდღეობაში რაიმე, თუნდაც ერთი ციცქნა, წილი მაინც დაიდოს. სხვაფრივ, იქნებ, ტექნიკურ პროგრესს ადამიანის გამართობის მეტი არაფერი მოაქვს. ერთი სიტყვით, ყველა გზა რომში კი არა, აი... იქ მიდის... ვიცით, ვიცით, ბატონო, რომ ადამიანი ტრაგიკული, წამებული არსებაა... მერე რა? რატომ მიაჩევა აქამომდელმა ხელოვნებამ (თუ ცხოვრებამ) ადამიანი ტკობას ტრაგიზმით, ტკობას ტკივილებით? ჩვენ გატაცებით ვკითხულობთ ისეთ ნაწარმოებებს, რომლებშიაც ადამიანების ტანჯვა და წამებაა ასახუ-

ლი. ამის სათავე თითქოს ადამიანის სულშია თავიდანვე დადებული. რომში დიდი სიამოვნებით უყურებდნენ, თუ როგორ კლაუდენ გლადიატორები ერთმანეთს. დღესაც ესპანეთში (ამბობენ, მექსიკაშიც) ხალხი აღტაცებით შეჰყურებს გავეშებული ხარის რქაზე წამოგებულ ტორეადორს. ჩვენც ხომ აღტაცებაში მოვდივართ, როცა ერთი კუნთმაგარი ბოქსიორი ისე მიაღასლასებს მეორეს, რომ იგი გონებაშისდელი ეცემა ძირს? რა ბაღებს ჩვენში ამ ველურ გრძნობას? უბედურება იმაშია, რომ, ჩვენდა შეუმჩნეველად, ეს ველური გრძნობა თუ ერთადერთი არაა, ყოველ შემთხვევაში, ერთ-ერთი მასაზრდოებელია ჩვენი აქამომდელი ესთეტიკური განცდისა. ამ მხრივ ფრიად სიმპტომატურია დოსტოევსკის ერთი გმირის განცხადება, ყველაზე დიდი სიამოვნება სხვისი უბედურების შეტყობააო. მაგრამ ტკბობაა კი ეს? ამბობენ, გოეთეს ვერტერმა თავის ღროზე ბევრ ახალგაზრდას გაახერხებინა ტყვიით შუბლი თუ მკერდი. მე ხელ არა მაქვს ინფორმაცია, თუ რა წაჰკიდა ადამიანებს ბევრმა კარგად დაწერილმა, მაგრამ წამების სულისკვეთებით გამსჭვალულმა წიგნმა. ვფიქრობ (და ამ ფიქრში შესაძლოა მართო არ ვიყო): მომავალმა ხელოვნებამ, ახალ სოციალურ ბაზაზე აგებული ქვეყნის წარმოშობილმა, ადამიანები უნდა გადააჩიოს წამებითა და ტკივილებით ტკბობას.

თუ ხელოვნება (პროზა, პოეზია, მხატვრობა, ქანდაკება, მუსიკა) შემეცნებასთან დაკავშირებული ესთეტიკური ტკბობაა, მაშინ იგი მართლაც ცხოვრების სისხავით, ე. ი. მშვენიერებით ტკბობა უნდა იყოს და არა ტკბობა ტკივილებით, ტკბობა სიკვდილით. ყოველ შემთხვევაში, ხელოვნება (პროზა, პოეზია, მხატვრობა, მუსიკა) ადამიანის სულიერ თუ სორციელ ჭრილობებში ხელის რევა არ უნდა იყოს, ხელის რევა იმისათვის, რათა ეს ჭრილობები კიდევ უფრო გაამტკივნოს.

მითხარი, პირდაპირ მითხარი, დიდ უცნაურობას ვიტყვი, თუ ვიტყვი, რომ ხელოვნება — პოეზია, უწინარეს ყოვლისა, ადამიანური ტკივილების დაამებას უნდა ისახავდეს მიზნად? ადამიანიც, როგორც ტრაგიკული არსება, შეცნობილად თუ შეუცნობლად სწორედ სიხარულს, სწორედ ტკივილების დაყუჩებას მოელის ხელოვნებისაგან.

ამიტომ, ჩემი აზრით, ბევრ წერილმანშიაც რომ ცდებოდეს, საბოლოოდ დიდ ხიდრმეში მაინც დიდად მართალი იყო და არის ლიფშიცი თავის გალაშქრებაში მოდერნიზმის (არსებითად დეკადანსის) წინააღმდეგ.

თანამედროვე ადამიანის სულიერი არსება უკვე მომწიფებულია იმისათვის, რომ ყველაზე მეტად ინატროს ხელოვნება, როგორც სულიერი ტკივილების დაამების საშუალება. ადამიანი, არსებითად.



ელოდება ისეთ გენიოსებს, რომლებიც სულიერი სიამის მიმართულებით წარმართავენ ლიტერატურისა და ხელოვნების მომავალ განვითარებას. ამისათვის სწორედ სრულიად ახალი თვისებებით დაჯილდოებული გენიოსებია საჭირო. ო, რაოდენი ძალაა საჭირო იმისათვის, რომ ადამიანები გადააჩვიოთ წამებით ტკობას, სიკვდილით ტკობას. არა, არა, არ იფიქრო, რომ გორკის ლუკას მანუგეშებელი სიცრუის პოზიციაზე ვდგებოდე ან ბერანჟეს „გიჟების“ იდეას ვიზიარებდე:

Господа! Если к правде святой  
Мир дорогу найти не умест,  
Честь безумцу, который навесит  
Человечеству сон золотой.

(გორკის არტისტი ფიქრობს, რომ ლუკა და ბერანჟე ერთ პოზიციაზე დგანან).

მე კი არსებითად ხელოვნებისა და ლიტერატურის ახალი, მაღალი დანიშნულების საკითხს მივაღეკი, მათი დიდი მანუგეშებელი სიმართლის საკითხს შევეხე.

მგონია, რომ ეს გაცილებით უფრო აქტიური ესთეტიკური დანიშნულებაა, ვიდრე აქამდე ჰქონდა. ლიტერატურასა და ხელოვნებას. კერძოდ, ამსახველობა გაცილებით უფრო ღუნე და პასიური აქტია, ვიდრე მანუგეშებელი სიმართლის გამომგონებლობა, გამოკვლევა და შექმნა. იმისათვის, რომ ძლიერი ტრაგიკული სურათი დახატოთ, ალბათ, საკმაოა ნიჭიერად და დაკვირვებულა თვალით ასახოთ (გადმოწეროთ) სინამდვილის რომელიმე შესატყვისი მოვლენა, მაგრამ იმისათვის, რომ რაიმე საზოგადოებრივი ან პიროვნული სულიერი ტკივილის დაამების საშუალება შექმნათ, მარტო ამსახველობა არ კმარა. ჩვენს დროში ამსახველობის როლის შესუსტების სხვა მხარეც არსებობს. წინათ, როცა ცოდნის სხვადასხვა დარგი ქვეყნისა და დროის შესახებ შედარებით ნაკლებ ინფორმაციას იძლეოდა, ლიტერატურასა და ხელოვნებას ბევრი რამ ჰქონდა ასასახავი და გამოსახატავი (რასაკვირველია, იმის თქმა არ მინდა, რომ თითქოს ასლა ლიტერატურასა და ხელოვნებას ასასახავი და გამოსახატავი არაფერი ჰქონდეს). მაგრამ დღეს ყოველმხრივი ინფორმაციის სიუხვის პირობებში განუზომლად იზრდება ლიტერატურასა და ხელოვნებაში გამომგონებლობისა და მხატვრული გამოკვლევის როლი. თანამედროვემკითხველთა გათვითცნობიერებულ წრეებსაც დღეს მოვლენათა აზრისა და არსის გახსნა უფრო იტაცებთ, ვიდრე მათი აღწერა. პირადად მეც, როგორც თანამედროვე მკითხველს, მაგალითად, თანამედროვე თბილისის ან თბილისელი კაცის სულის სიდრმისეული მხატვრული გამოკვლევა უფრო მადლევებს და მაფიქრებს, ვიდრე მათი გამოხატვა და აღწერა (თუმცა, ვითომდა რა ახალ ამბავს ვამ-

ბობ; როდის არ ყოფილა დიდი ლიტერატურის დამასასიათებელი დიდი საარსებო საკითხების წამოჭრა და გამოკვლევა?). ერთი სიტყვით, მე ის მინდა მოგახსენო, რომ დღეს ტიპის (გინდა კაცის, გინდა მოვლენის) დასატვა თუ ასახვა დიდ მსატერულ მიღწევად ვერ ჩაითვლება, თუ იგი ცსოვრების აზრის დიდ ძიებაში არ არის ჩართული, თუ მას ცოტაოდენად მაინც ადამიანის სულიერი ჯრილობების მოშუშება არ ძალუძს. სადღაც ამოვიკითხე: ხელოვნების უპირველესი დანიშნულებაა ადამიანში ადამიანურის დაგროვება და განმტკიცებაო. დიდებული ფორმულაა, მშვენიერი დებულებაა.

ვგრძნობ, დებულებისა და ფორმულის სხენებაზე შენ როგორ უსიამოდ გედმიჭება სახე. მეც მგონია, რომ ფორმულებმა სული ამოიღეს. განსაკუთრებით აუტანელია იმ ლიტერატორთა ეგრეთ წოდებული კრიტიკული ფორმულები, რომლებიც ჯკუის მასწავლებლობას ჩემულობენ. მაგრამ რა გაეწყობა, უდებულებოდ, უფორმულოდ ბიჯსაც ვერ გადადგამ არამცთუ მეცნიერებაში, არამედ ლიტერატურაშიც, ხელოვნებაშიც... უფორმულოდ, რასაკვირველია, კოსმოსურა ხომალდი ასე ზუსტად ვერ შემოუვლიდა ირგვლივ მთვარეს და ასე ზუსტად ვერ დაეშვებოდა დედამიწაზე...

მსატერულ სიტყვაში, ჩემი აზრით, დასაბამიდან ეჯიბრება და ხშირად კიდევაც ერწყმის ერთმანეთს ფორმულა და ნექტარი. მაგალითად, მე ვფიქრობ, ნიკოლოზ ბარათაშვილი უმშვენიერესი შერწყმა ნექტარისა და ფორმულის. ილია და აკაკი ამ ორი საწყისის მძაფრი შეჯიბრების მაგალითს წარმოადგენენ. ვაჟაც მათი დიდებული შერწყმის ნიმუშია, თუმცა ნექტარის უპირატესობით. გალაკტიონი წმინდა ნექტაროსანია. პროზაშიც, რასაკვირველია, ამ ორი საწყისის რთულ დიალექტიკასთან გვაქვს საქმე (წარმოდგენილი მაქვს, როგორ გელიმება ამ ჩემი „თეორიის“ გამო; ისე კი სჯობს კოზმა პრუტკოვს დაუჯერო და ფესვებში ღრმად ჩაიხედო). ამ შემთხვევაში, როცა ფორმულაზე ან ნექტარზეა ლაპარაკი, სრულიად არ იგულისხმება ცივი, მშრალი ან ჩატკბილულ-ჩაშაქრული სტილი. საქმე ეხება შენების, კეთების, შექმნისა და ფიქრის ორ სხვადასხვა ხასიათს. ზოგი წინასწარ დამზადებული ჩონჩხის გარეშე ვერაფერს ააგებს. ფიქრს ვერ გააბამს, ზოგი კი ფუტკარივითაა...

დაფრინავს ფუტკარი, ყვავილიდან ყვავილზე გადადის, ნესტარისა თუ ხორთუმით წუწნის ყვავილების გულში მიცვარულ ნექტარს და პირში იგუბებს, ფეხებზე კი ყვავილების წებოვან ფიფქს იკრავს, რომ თავისი მშვენიერი ნაგებობის მასალა დააგროვოს. დაახლოები ეს არის ფუტკრის საქმიანობის ფორმულა. მაგრამ იგი ფორმულით არ მოქმედებს. ფორმულით რომ იმოქმედოს, იქნებ, სულ სხვა მსარეს გაფრინდეს, ღალა სულაც ვერ იშოვოს, ან იმდენი იშოვოს, რომ სკამიც ეელარ დაბრუნდეს...

კარგად დამიგდე ყური! თუ საკითხი დაისმება: ფორმულა თუ ნექტარი, პირადად მე, რასაკვირველია, მუდამ ნექტარის მხარეზე ვიქნები. ფორმულამ, დებულებამ, შესაძლოა, ყველაზე სავესედ და ყველაზე ზუსტად გამოსახოს აზრი და გრძნობა („ღმერთი“, სუბსტანცია), სხვანაირად რომ ვთქვათ, ჭეშმარიტება და მშვენიერება; მაგრამ დებულება (ფორმულა) ვერასდროს ვერ იქნება თვით ცოცხალი, ხორცშესხმული აზრი და გრძნობა. ნექტარი კი შეიძლება იყოს მხოლოდ თვით სუბსტანცია, თვით ცოცხალი აზრი და გრძნობა...

რა გასაკვირია, რომ შენ იცინი, ერთობ გაფილოსოფოსებული გგონივარ. რით გადაგარწმუნო? შენ კი არა, თვითონ მე არ მესმის ზოგჯერ ჩემი ნაფიქრალის ასაველ-დასავალი. მაგრამ იმას მაინც უნდა მიხედო, რომ რაღაც დიდი ფიქრი მაწევს გულზე. მოდი და ნუ იფიქრებ რაღაცნაირი დაკნინებისა და დაჩივების საშიშროებაზე, რაღაცნაირი გადაგვარების საშიშროებაზე, როცა... მაგრამ წერილმანებზე ლაპარაკი არ ღირს. მე მინდა ისევ დაბეჯითებით გავიმეორო, რომ საქართველოს აქამდე, ქართულმა ხელოვნებამ, უწინარეს ყოვლისა, ქართულმა ლიტერატურამ მოაღწევინა, მისი მომავალიც ქართული სიტყვის მომავალ ბედზეა დამოკიდებული.

მე ვიცი, შენ მზადა ხარ დამარქვა ცენტრადის მონაზონი, ქვეყნის სატირალს რომ ტიროდა. არა, ძმაო, მართალია, მე პატარა კაცი ვარ, მაგრამ ქვეყნის ბედისათვის პასუხისმგებლობა მეც მაკისრია. ყოველ შემთხვევაში, იღუმალი გულისწყრომის გამოთქმის უფლება მაინც მაქვს, როცა, ვთქვათ, შემოქმედებითი უანგარობის შებღალვას ვამჩნევ. შემთხვევით არ წამომცდენია შემოქმედებითი უანგარობა. მე იგი ხელოვნებისა და ლიტერატურის დიდი ნაწარმოების შექმნის ერთ-ერთ არსებით თბიექტურ პირობად მიმაჩნია. ბარათაშვილს „მერანი“ ან „ჩემი ლოცვა“, ან „სულო ბოროტო“ ან „შემოღამება მთაწმინდაზე“ იმისთვის არ დაუწერია, ქება-დიდებას შემასსამენო, არც აკაკის დაუწერია ამისათვის თავისი „განთიადი“ ან „თორნიკე ერისთავი“, არც ილიას — თავისი „განდგეილი“, „აჩრდილი“ ან „მგზავრის წერილები“, არც ვაჟას — თავისი „გველის მჭამელი“, „სტუმარ-მასპინძელი“ ან „კაი ყმა“... შემოქმედებითი დაკნინების პირველი ნიშანი, ჩემი აზრით, სწორედ შემოქმედებითი უანგარობის მოშლაა...

ღმერთო ჩემო! ნუთუ შენ ფიქრობ, რომ ჩემი ქადაგებით შენს არ ვინმეს მოთვინიერებას ველაპობ; არა, მინდა, ძალიან მინდა, რომ ამ წერილში აღძრულ საკითხებზე შენ აზრი გამოთქვა, წერილი მომწერო. თუ შენ არ შეგაძლია, ვინმეს უკარნახე, ვინმეს დაავალე, რომ მომწეროს შენი შესედულებანი.

ალბათ, მიხვდი და სამალავიც არაფერი მაქვს: ყველაფერი შენს თავშესაქცევად მოვიგონე. მაგრამ პასუხი აუცილებლად უნდა მომწერო. მართალია, ეს საკითხები შენს გასართობად არის წამოჭრილი, მაგრამ მაინც საკითხებია. ახლა მე რამდენადმე იმ მოლას ვგვევარ, ხმა რომ გააგდო, ფლავს არიგებენო და მერე თვითონაც რომ გაიქცა ფლავის მისაღებად.

თუ ერთხელ მაინც კარგად ჩაგაფიქრე, მე უკვე გამარჯვებული ვარ. შენი ეგრეთ წოდებული შენაღვლიანობა მე ძალიან არ მომწონს. თუ ძმა ხარ, გამხიარულდი, რანაირი ტკივილებიც არ უნდა გქონდეს. სიცოცხლე რაღაც მეტია და მას რაღაც მეტი აზრი აქვს, ვიდრე სათითაოდ თვითეულ ჩვენგანს შეიძლება მოეჩვენოს. შენ უკეთ იცი, თუ ღმერთი არ არსებობს, ყველაფერი დასაშვებიაო, — ფიქრობდა ერთი წამებული გენიოსი. კიდევ მეტი: თუ სიცოცხლის მთელი შინაარსი ის არის, რაც დაბადებასა და სიკვდილს შუა მდებარეობს, მაშინ... „ჩიტი ბღღვენად არ ღირს“. მაგრამ სიცოცხლის უმაღლესი აზრი, ჩემი ფიქრით, სწორედ ამ უსაშველო, შეუვალი და გადაუღალახავი „ჭეშმარიტების“ გადაღახვის ცდაშია — გადაღახვისა სინდისით, სხვათათვის თავდადებით, დაუოკებელი სწრაფვით. „ცუდად ხომ მაინც არ ჩაივლის ეს განწირული სულისკვეთება“. აი, გასაღები უსაშველოობის საშველისა. ერთი სიტყვით, უნდა აჯობო, უნდა მოერიო ავადმყოფობასაც და, თუ საჭირო გახდა, უფრო მეტ-რამესაც.

ველი პასუხს და გელოდები გამოჯანმრთელებულს, გულგამაგრებულს“.



პასუხისათვის ვემზადებოდი ჩვეულებრივი ზოხინით. მაგრამ ამასობაში თავზარდამცემი ამბავი შემატყობინა ჩემი მეგობრის დამ: „იმ დღეს, თქვენ რომ წერილი გამოგიგზავნათ, ცოტა ხანს კიდევ უჯდა თავის საწერ მაგიდას და რაღაცას წერდა. მერე ადგა და შეღამების ხანს სახლიდან გავიდა, თითქოს საკმაოდ მხიარულ გუნებაზე იყო და არც კი მიკითხავს, სად მიდიხარ-მეთქი. იმ დამიდან აღარ დაბრუნებულა. ცა და მიწა შევაჯერეთ და მისი ასავალ-დასავალი ვერაფრით ვერ გავიგეთ. მის მაგიდაზე დატოვებულ ქაღალდებზე ხშირად არის დაწერილი მისი ხელით თქვენი სახელი. ერთგან თქვენს სახელს მიწერილი აქვს: „გამაგრდი, ბიჭო!“ მერე ცოტათოდენი ინტერგალის შემდეგ წერია: „ვერა, ვერ ამოვსენი, რით უნდა ანუგემოს ხელოვნებამ, ლიტერატურამ ადამიანი. თავი უნდა

ვიმტვრიო და ამოვხსნა, უეჭველად უნდა ამოვხსნა! ცხოვრება მაინც არის მშვენიერი თამაში მარადისობასთან, უკვდავებასთან:

«На песчаном белом берегу  
Островка  
В Восточном океане  
Я, не отирая влажных глаз,  
С маленьким играю крабом».

მაგრამ ეს მაინც ლირიკაა და არა ამოხსნა, არა ფორმულა. მე კი ამუშავად სწორედ ფორმულა მესაჭიროება. რაიმეს მიშველის გა-  
ლაკტიონის ლექსი, შუშხუნა; როგორც ჩხავერი?

„რამდენიმე ღღე მიედივარ,  
ქვეშ ბალახი მეგება,  
ჩემს ძახილზე: „მასპინძლო!“  
ქალი გამოშვება.  
თაესაფარი გაისწორა,  
სახლში შემოპატიოვა,  
ჩანს, რომ ძველი მეგობრობა  
სიშორემ ვერ გათიშა.  
—ჩემი ქმარი შინ არ არის.  
შემოზრძანდიდ ოჯახად,  
სადაც არის გვახლებათ,  
მოითმინეთ ცოტა ხანს.  
იღვანე ცაცხვი და მუხები  
უმაღლესი წვეროთი,  
მე შაღალი აიენიდან  
შე ზღუას გადაცქეროდე.  
აგერ, მოღის მეგობარიც!  
შედგა, სადაც ეერხვია,  
მერე მოსწყდა, სიხარულით  
შემსედა, გადამესჭია.  
აკაშკაშდა ცაზე მთვარე.  
სუფრა... რა დარება...  
ბეერი, ბეერი, მშაე, კარგი დრო  
ერთად გეიტარებია!  
მოგონებათ ნაკადები  
სიხარულის მფენია:  
სიყმაწვილე, მეგობრები,  
ლექსი, შოთას გენია!“

ამის შემდეგ მსსვილი ასობით წერია: „სად ხართ ახლა ტო-  
ლებო — გოგოებო, ბიჭებო? სად ხართ დღეებო, მზისა და თაფლის  
დღეებო?... შენ ერთი შემრჩი, ვისთანაც სულს მოვიოხებ და შენც  
გული გღალატობს... რა ექნა, ჩემი ქვეყნის დაუსრულებელი სი-  
ტურფე!“

„რა მოხდა, არ ვიცი, — განაგრძობს წერილში ჩემი მეგობრის და, — ამ დროულ კაცს განა შეეძლო თავისთავისთვის რამე აეტეხა? არაფერი არ აკლდა: არც დაფასება, არც პატივისცემა; თვითონაც ყოველთვის მხნედ და იმედინად გამოიყურებოდა, ყოველთვის მხიარულ გუნებაზე იყო. მხოლოდ თქვენი ავადმყოფობა აწუხებდა. სამტროც მასთან არავის არაფერი აქონდა. ყველაფერი აუხსნელი და გაუგებარია...“

ოღონდაც, ოღონდაც!

მაგრამ იქნებ, საიდანმე დაბრუნდეს ჩემი საყვარელი მეგობარი? ხომ ბრუნდებიან დაკარგულები? მაშინ ვეტყვი მისივე სიტყვებს: „...სიცოცხლე, რანაირიც უნდა იყოს, მაინც ღირს იმად, ბეწვისოდენაც რომ გქონდეს შერჩენილი, კბილით და ფრჩხილით ჩაებლაუჭო“.

# რ უ ს ი ბ უ მ ი ე რ ა ზ ე ბ ი

ბასმღვა მწვერვალისაჲჲ

(ლევ ტოლსტოის დაბადების 150 წლისთავის გამო)

„ასეთი ადამიანების დგომა ეროვნული აზრის კაპიტნის ბოგირზე თანამედროვეებს უნერგავს ნღობას აწმყოსადმი და უშიშროებას მომავლისადმი“, — ასე ამბობს ცნობილი რუსი საბჭოთა მწერალი ლეონიდ ლეონოვი თავის ვრცელ მოხსენებაში ლევ ნიკოლოზის ძე ტოლსტოის გამო.

დიდი რწმენა და დიდი ენერჯიაა ამ სიტყვებში!

ტოლსტოის უზარმაზარი შემოქმედება დიახაც რომ დიდი ეროვნული და, მაშასადამე, ასევე დიდი საკაცობრიო მხატვრული აზრის უშრეტი შადრევანი თუ უკამკამესი წყაროსთვალაია. არ შეიძლება ჩვენი სულიერი ძალების უღრმეს რწმენას არ გვინერგავდეს ტოლსტოი მით, რომ გვიჩვენებს, თუ რა თვალუწვდენ სიმაღლეზე ძალუძს ავიდეს ადამიანის მხატვრული აზრი, ადამიანის სულის რა უღრმეს ნაკეცებსა და ნაპრალებში შეუძლია ჩაგვახედოს. კაცის გენიამ.

ტოლსტოი გვაჯერებს ადამიანის უცხოველეს სასიცოცხლო ძალებში, გვარწმუნებს მის გარდუვალ ადამიანურ ღირებულებაში, გვაჯერებს, რომ ჩვენ ვეკუთვინით იმ უმაღლეს არსებათა მოდგმას, რომელთაც ძალუძთ უმძაფრესი. ტანჯვაც, უმძაფრესი ნეტარებაც, ყოვლისმომცველი სიყვარულიც და უანგარო თავგამეტებაც. თამამად შეიძლება ითქვას, რომ ტოლსტოიმ სამყარო გაამდიდრა ახალი ფერადებით, ქვეყნიერებას შემატა და დაუტოვა საოცრად მართალი, მარად წარუხოცველი და ამაღლევებული სურათები, სახეები.

ტოლსტოი არა მარტო რუსეთის, არამედ მთელი განათლებული ქვეყნიერების მუდმივი თანამგზავრია, ისევე, როგორც ჰომეროსი

და შექსპირი, დანტე და სერვანტესი, რუსთაველი და ფირდოუსი, გოეთე და პუშკინი.

ლექსში „ლევ ტოლსტოის გარდაცვალებაზე“ ვაჟამ შთაგონებულიად გამოსატა ტოლსტოის უდიდესი საკაცობრიო მნიშვნელობასილიადე:

„მართო რუსეთმა? მოელმა ქვეყანამ  
დაქარგა მამა, თვისი აღმზრდელი,  
ვინაც მოჰფინა ჩვენს გულ-გონებას  
და ჩვენს ენებათა უხვად ნათელი“.

ვაჟამ ღრმა განჭვრეტით აღნიშნა ტოლსტოის მსოფლშეგრძნების ის უღრმესი შრე, რაშიაც, როგორც ვიცით, თავს იჩენს გენიოსი შემოქმედის უდიდესი ძალაც და ერთგვარი ჩრდილოვანი მხარეც. ეს არის ყოვლისმომცველი (და ყოვლისმიმტევებელი) სიყვარული.

„მან სიყვარული პაერად შექმნა,  
რომ მას სუნთქავდეს ხულღგმული ყველა;  
ამაში არი ჯოჯოხეთისა  
სამოთხედ შექმნის ხალხარი, შველა“.

გასაგებია, რომ ვაჟამ, როგორც პოეზიით აღგზნებულმა სულმა, მსოლოდ მხატვრული წედომის უდიადეს მწვერვალს მიაპყრო თვალი.. ხოლო უძლიერესმა ანალიტიკურმა გონებამ — ლენინმა, გამოამზეურა წინააღმდეგობაც გენიოსი მწერლის მსოფლშეგრძნებაში: „ერთი მხრივ, გენიალური მხატვარი, რომელმაც მოგვცა არა მართო რუსეთის ცხოვრების უბადლო სურათები, არამედ მსოფლიო ლიტერატურის პირველხარისხოვანი ნაწარმოებნიც. მეორე მხრივ, — მემამულე, რომელიც თავს იგლახავებს ქრისტეს გულისთვის... ერთი მხრივ, უადრესად ფხიზელი რეალიზმი, ყველა და ყოველგვარი ნიდაბის ჩამოგლეჯა; — მეორე მხრივ, — ერთ-ერთი ყველაზე საზიზღარი რამის ქადაგება... სახელდობრ, რელიგიისა; მისწრაფება, რომ სასაზინო სამსახურის სუცების ადგილას ზნეობრივი რწმენის სუცები დადგენ...“<sup>1</sup>.

მაგრამ ამ წინააღმდეგობათა წარმომშობი საზოგადოებრივი საფუძვლების მოხსნისა და გაქრობის კვალობაზე შესუსტდება მათი აზრობრივ-ემოციური უკუფენის ძალაც და გაძლიერდება ტოლსტოის უკვდავ ქმნილებათა წმინდა მხატვრული ზემოქმედება.

მიკითხველთა ახალი თაობები უფრო მეტი და მეტი გულისძგე-

<sup>1</sup> ვ. ი. ლენინი, თხზულებანი, ტ. 15, გვ. 237-238.



რით გაადევნებენ თვალს და მიუგდებენ ყურს საოცრად რომანტიკული, საოცრად ხორციელი და საოცრად მიწიერი ნატაშა როსტოვას მთელ თავგადასავალს, უღრმესი გულმხურვალეებით შეუზიარდებიან ვარსკვლავებით მოჭვდილი ცის შემყურე, სასიკვდილოდ დაჭრილ ანდრეი ბოლკონსკის ღრმა განცდებსა და ფიქრებს, მესხიერებაში წარუშლელად ჩაეხატებათ პიერ ბეზუხოვის გაოგნებული ბორიალი ბოროდინოს ბრძოლაში, მთელემარე კუტუზოვი თათბირზე ფილიაში — ისტორიული მოძრაობის ამ დიდ გადასავალზე და სხვა მრავალთა-მრავალი სურათი.

მართალია ანდრე მორუა, როდესაც წერს: „ომი და მშვიდობა“ მე მიმაჩნია უმშვენიერეს რომანად, რომელიც კი ოდესმე ან სადმე დაწერილა... ტოლსტოის ეს დიადი რომანი — ყველაზე ახლო ცხოვრების სიმართლესთან, ყველაზე რომანტიკულია, ამ სიტყვის სრული მნიშვნელობით, ყველაზე ჰუმანური, როგორც კი ოდესმე ჩაუფიქრიათ და დაუწერიათ.

აქ, ათას ხუთას ნაბეჭდ გვერდზე, შექმნილია მთელი სამყარო... ჩვენ უკეთ ვიცნობთ როსტოვების ოჯახს, ბოლკონსკების ოჯახს, ვიდრე ჩვენს მეგობრებს და ჩვენი ოჯახის წევრებს. ნატაშა როსტოვა ჩვენში აღძრავს მეტ ინტერესს, იზიდავს ჩვენს სიყვარულს უფრო მეტად, ვიდრე რომელიმე ცოცხალი ქალი. თავად ანდრეიში მე შევიცნობ ჩემი სულის ნათესავ სულს... წინააღმდეგ ბალზაკის „ადამიანური კომედიისა“, მოზაიკას რომ ჰგავს“, „ომი და მშვიდობა“ გიგანტური ფრესკაა... ეს არა მსოლოდ დიდი რომანია, არამედ მთელი ეპოპეაცაა. მას რომ კითხულობთ, იგონებთ არა მართო ბალზაკს ან სტენდალს, არამედ პომეროსსაც. „ომი და მშვიდობა“ ყველაზე შესანიშნავი ეპიკური რომანია ყველა ლიტერატურათა ისტორიაში“.

ამ რომანის მრავალ დიდებულ პერსონაჟთა შორის ფრიად საგულისხმოა უბირი რუსი გლეხი — პლატონ კარატაევი, ვინც რომანის ერთ-ერთი მთავარი გმირის — პიერ ბეზუხოვის წარმოდგენით იყო „მარადიული განსახიერება უბრალოებისა და სიმართლის სულისკვეთებისა“, „განსახიერება ყოველივე რუსულისა, კეთილისა და დამრგვალებულისა“. კარატაევი ყველაფერს განგების ძალას აწერს. „არა ჩვენი ჯკუით, არამედ ღვთის განგებით“ — ამბობს იგი და შეგუებულიად ეკიდება სიკეთესაც და ბოროტებასაც, სიცოცხლესაც და სიკვდილსაც. მისთვის მთელი ცხოვრება, მთელი სამყარო გინუყოფელია თავის აესა და კარგში; იგი ყოველ საგანსა თუ მოვლენას თავის აუცილებლობაში ხედავს... და შეიძლება ითქვას, რომ ტოლსტოიმ თავისი ბრძნული და ყოვლისმომცველი შემოქმედების დიდებულ შენობას ერთ-ერთ ბურჯად, ვითარცა მითოლოგიური ატ-

ლანტი, შეუყენა შუმი ხალხური ხასიათი ყველა თავისი ძლიერი, ბრძნული და თანაც საოცრად მიამიტური, ბნელი მხარეებით. და მართლაც, კარატაევის ზოგიერთი ნიშან-თვისება მეტ-ნაკლებად შეიძლება შევამჩნიოთ პიერ ბეზუხოვსაც, ანდრეი ბოლკონსკისაც, ნატაშა როსტოვსაც და თვით კუტუზოვსაც კი. ბრძნულად არის ნათქვამი ტოლსტოის: ამ გრაფამდე გლესთა ასეთი მწერალი რუსულ ლიტერატურაში არ ყოფილაო. (თავისი შუმი ბუნებით კარატაევს ერთგვარად ენათესავენა ილიას პეტრე „სარჩობელადან“).

საღებავების საოცარ სიუსხვესა, ნამდვილობასა, ძალდაუტანელ ბუნებრივობასა და შეუნელებელ სიკაშკაშეშია ტოლსტოის ყოვლისმომცველი გენიალობაც.

შეიძლება ითქვას, რომ ტოლსტოის მიერ შექმნილი სახეები კულტურული კაცობრიობის მარადიული თანამგზავრები იქნებიან. კვლავ და კვლავ ცოცხლად აღიბუჭდებიან ადამიანთა ახალი და ახალი თაობების სულის ეკრანზე დიდებული სურათები და სახეები ტოლსტოის ბევრი უკვდავი ქმნილებიდან, მათ შორის ისეთებიდან, როგორცაა: „ანა კარენინა“, „აღდგომა“, „სევასტოპოლური მოთხრობები“, „კაზაკები“, „კრეიცერის სონატა“, „ივან ილიჩის სიკვდილი“ და სხვა მრავალთა მრავალი... და ყველა ჩაწვდება, ყველა დაასკვნის, რომ ტოლსტოი არა მხოლოდ ასახავს, არამედ კიდევაც ქმნის, ნამდვილად ქმნის მთელ ახალ ქვეყნიერებას არსებული ქვეყნიერების გასაოცარ ასლსა თუ ორეულს.

ტოლსტოის ოკეანისებური შემევიდრეობიდან აქ მინდა განსაკუთრებით შევევლო თვალი ერთ უბრწყინვალეს მოთხრობას — „პაჯი მურატს“. ინტერესმოკლებული არ არის ის, რომ მოთხრობის მოქმედების საგრძნობი ნაწილი ხდება თბილისში, რომ აქ ნახსენებია „ქართული თავადის ასული მანანა ორბელიანი, 45 წლისა, აღმოსავლური აღნაგობისა, ათქვერილი, მაღალ-მაღალი ლამაზმანი“ ანდა „ქართული თავადი, ძლიერ სულელი, მაგრამ არაჩვეულებრივად დახვეწილი და გაწაფული მლიქნელი“. მაგრამ ეს გადახვევაა არცთუ ფრიად მნიშვნელოვანი დეტალისაკენ. მთავარი ის არის, რომ ეს ისტორიული ჟანრის მოთხრობა — ტოლსტოის ერთ-ერთი მხატვრულად სრულყოფილი ქმნილება — თვითონ ავტორს არც თუ ისე დამთავრებულად მიაჩნდა, რომ სიცოცხლეში არც კი გამოუქვეყნებია.

დიასაც რომ შესანიშნავია გენიოსის პასუხისმგებლობისა და თვითშეცნობის გრძნობა.

სიკვდილ-სიცოცხლის ჭიდილის უღრმესი წედომა ტოლსტოის გენიის ერთ-ერთი უძლიერესი თვისებაა. ხელოვნების უბადლო სიმაღლეზეა აწეული სიკვდილის ყველა ეპიზოდი მწერლის უკვდავ ქმნილებებში... და გასაოცარი ის არის, რომ ყველა ეს ეპიზოდი აღსაყ-

სეა სიცოცხლის შეუმუსრავი ძალის რწმენით, სიცოცხლის დაუოკებელი წყურვილით... გაიხსენეთ, რა მომჭირნე სიტყვიერი მასალით, რა ლაკონიურად არის გადმოცემული „ჰაჯი მურატი“ დაჭრილი ჯარისკაცის — ავდეევის სიკვდილი. რამდენი მოულოდნელი დეტალი და რაოდენი ხელთუქმნელი სიმართლეა აქ ყოველ სიტყვაში, ყოველ ფრაზაში. რა მოულოდნელი და ამავე დროს რა დამაჯერებელი სიმართლეა მომაკვდავი რომ ყალიონს იგონებს.

„— რაო, ძმაო, ცუდათა ხარ?“ — ეკითხება მომაკვდავს მეთაური.

„ავდევემა თვალები დახუჭა და უარყოფის ნიშნად თავი გაიქნია. კუნთოვანი სახე უფერული და მკაცრი ჰქონდა. მან არაფერი უპასუხა, მხოლოდ პანოვს მიმართა და ისევე გაიმეორა:

— სანთელი მომეცი, ახლა მოკვდები.

ხელში სანთელი მისცეს, მაგრამ თითები ვერ მოღუნა, თითებშია ჩაუდეს და ასე გაუჩერეს. პოლტარაცკი წავიდა და ხუთი წუთის შემდეგ ფელდშერმა ყური მიადო ავდეევის გულს და თქვა, გათავდაო“. უდიდესი მხატვრული ენერჯითაა აღსავსე არაერთი ასეთი სცენა ტოლსტოის ქმნილებებში.

რა უდრმესი რეალისტური სიმბოლიკითაა დამუხტული, თუ შეიძლება ასე ითქვას, მოთხრობის შესავალში ბირკავასა (თუ ბრტყელეკალას) ჯაგის დიდად გაძნელებული ამოძირკვის ამბავი. „რაოდენი ენერჯიაა! — გაიფიქრე მე, — ყველაფერი დაამარცხა ადამიანმა, მილიონობით ბალახი მოსპო, ეს კი მაინც არ ნებდება“, — წერს ტოლსტოი მოთხრობის შესავალში... და სწორედ გაძლიანებულ ჯაგს გვაგონებს მამაცი ჰაჯი მურატის მშფოთიარე სიცოცხლეც და უკანასკნელი გაბრძოლებაც, მისი მოკვეთილი თავის გამოჩენაც.

ტოლსტოი ისეთი მწვერვალია, რომ კადნიერ გამბედაობადაც კი ჩანს ჩვეულებრივი წერა მის გამო, მაგრამ რა გაეწყობა, კაცნი ვართ...

მაინც არ შემიძლია ერთი რამ არ ვთქვა: მე მესმის ერთგვარი პოლარულობა ტოლსტოის უღმობელ ფხიზელ რეალიზმსა და გენიოსი შექსპირის, თუ შეიძლება ასე ითქვას, გარკვეული პირობითობებით აღსავსე რეალიზმს შორის. მაგრამ მაინც ძნელი ასახსნელია ტოლსტოის უარყოფითი დამოკიდებულება შექსპირისადმი... ალბათ, ტიტანები ზოგჯერ ედავებიან და ეტოქებიან ერთმანეთს.

მთავარი ის არის, რომ ტოლსტოი, ისე როგორც შექსპირი, მარად იქნება კაცობრიობის სულის გამაუხეებელი წყაროც, მწვერვალიც.

## დიდი მხატვარი კუმანისტი

თავის პატარა უბის წიგნაკში ზოია კოსმოდემიანსკაიას ჩაწერილი ჰქონდა ა. მ. ჩეხოვის სიტყვები: „ადამიანში ყველაფერი ლამაზი უნდა იყოს: სასეც, ტანსაცმელიც, სულიც, აზრებიც“. თვითონ ზოია — ეს უმშვენიერესი და უმაჰაცესი რუსი საბჭოთა ქალიშვილი — ამ იდეალის განსახიერებაა.

რუსული მხატვრული სიტყვის დიდოსტატის, ჩეხოვის გულში უდრმეს პროტესტსა და აღშფოთებას იწვევდა სწორედ იმის შეგნება, რომ ფაქიზი სულისა და მაღალი მისწრაფებების ადამიანებს, რომლებსაც იგი ხედავდა თავის ირგვლივ და რომლებსაც ასე სიყვარულით ხატავდა, სულს უხსუთავდათ თავიანთი დროის სოციალური სინამდვილე.

მთელი თავისი უღმობელი რეალიზმით, თავისი დიდი ნიჭის მთელი ძალით, ჩეხოვმა ამხილა გასული საუკუნის 80-იანი და 90-იანი წლების ბურჟუაზიულ-ჩინოვნიკური საზოგადოების უკურნებელი წყლულები და მანკიერებანი, თვითმპყრობელური რეჟიმის მთელი სიღამპლე.

„როდესაც ანტონ ჩეხოვის მოთხრობებს კითხულობთ, — წერს ა. მ. გორკი, — თავს სწორედ ისე გრძნობთ, როგორც გვიანი შემოდგომის ნადვლიან დღეს, როდესაც გამჭვირვალე ჰაერში მკაფიოდ არიან გამოსახული შიშველი ხეები, ვიწრო სახლები, უფერული ადამიანები... ავტორის გონება, სწორედ როგორც შემოდგომის მზე, მკაცრი სიცხადით აშუქებს გაფუჭებულ გზებს, მინგრეულ-მონგრეულ ქუჩებს, ვიწრო და ჭუჭყიან სახლებს, რომლებშიაც მოწყენილობისა და მცონარობისაგან იგუდებიან პატარა, საცოდავი ადამიანები. ისინი თავიანთ სახლებს ავსებენ გაუაზრებელი, ნახევრად მთელემარე ფუსფუსით...“

უბადრუკი ადამიანების ამ უფერული ბრბოს ახლო გაიარა დიდმა, ჭკვიანმა, ყველაფრისადმი დაკვირვებულმა კაცმა, მან შეხედა თავისი ქვეყნის ამ მოსაწყენ მცხოვრებთ და ნადვლიანი ღიმილით, ნაზი, მაგრამ დრმა სინანულის გამომხატველი კილოთი, ლამაზი გულწრფელი ხმით უთხრა მათ:

„— საძაგლად ცხოვრობთ თქვენ, ბატონებო!“

ჩესოვი ხედავდა, თუ როგორ სრესდა, არღუნებდა და აქვეითებდა ადამიანებს უკუღმართი, უსამართლო სოციალური და პოლიტიკური სისტემა. „საჭიროა, რომ საზოგადოებამ შეიცნოს თავისთავი და შეძრწუნდეს“ — ამბობს ჩესოვის მოთხრობის „პალატა № 6“-ის ერთ-ერთი პერსონაჟი. და მართლაც, მწერალმა სააშკარაოზე გამოიტანა თავისი დროის ჩინოვნიკურ-მეშჩანური საზოგადოების მთელი სიდუსჭირე და სიბინძურე, გასაოცარი სიმართლითა და სიზუსტით დახატა მაშინდელი საზოგადოებრივი ცხოვრების შემადრწუნებელი სურათები, შემადრწუნებელი ტიპები. ის ბნელი, ჭუჭყიანი და შემაზრზენი საავადმყოფო, რომელიც აღწერილია „პალატა № 6“-ში, სიმბოლურად ასახეობს იმდროინდელ სოციალ-პოლიტიკურ რეჟიმს. ირგვლივ გამეფებული იყო სულშემსუთავი ატმოსფერო, ჩინოვნიკურ-მეშჩანურ საზოგადოებას არა ჰქონდა მაღალი ინტერესები, თავის უფერულ და უაზრო ცხოვრებას იგი ავსებდა ძალადობით, უხეში გახრწნილებით, ფარისევლობით; უნამუსო ადამიანები მაძღრები და გალადებულნი იყვნენ, პატიოსანი ადამიანები კი შიმშილობდნენ. ამ სოციალური ქაოსის — განუსაზღვრელი ძალადობისა და თვითნებობის მწვავე შეგრძნება ადვილად ბადებდა სასოწარკვეთილებისა და მუღმივი შიშის გრძნობას მეტისმეტად მგრძნობიარე, მოაზროვნე, მაგრამ სუსტი აგებულების ივანე დიმიტრის-ძე გრომოვიში. „განა სასაცილო არ არის, — ფიქრობდა იგი, — სამართლიანობის იმედი იქონიოთ იმ დროს, როდესაც საზოგადოება ყოველგვარ ძალადობას ხვდება, როგორც გონიერულ და მიზანშეწონილ აუცილებლობას, ხოლო სათნობის ყოველი აქტი, მაგალითად, გამამართლებელი განაჩენი, იწვევს შურისძიების დაუკმაყოფილებელი გრძნობის აბობოქრებას?“, დევნის აკვიატებულ შიშს იგი მიჰყავს შეშლილების საშინელ თავშესაფარში — პალატა № 6-ში. აქ კი კიდევ უფრო დიდი ტრაგედია გათამაშდება. საავადმყოფოს ექიმი ანდრეი ეფიმეს-ძე რაგინი „თავისებურად შესანიშნავი ადამიანია“. აღსავსეა კეთილშობილი ჰუმანური მისწრაფებებით, გონებისა და ჭკუპარიტების უღრმესი რწმენით, მას ეზიზღება ყოველგვარი უხამსობა, უკულტურობა, უმეტრება, „დიდად უყვარს გონება და პატიოსნება, მაგრამ იმისათვის, რომ თავის ახლოს მოაწყოს ჯონიერული და პატიოსანი ცხოვრება, მას არ ჰყოფნის ხასიათი და რწმენა თავისი უფლებისა“.

რასაკვირველია, იგი სრულიად უძლური აღმოჩნდა შეეცვალა რაიმე საავადმყოფოს საშინელ პირობებში, რაშიაც ტიპიურად მოჩანდა იმდროინდელი საზოგადოებრივი წყობილების მანკიერებანი. მოხდა პირიქით, სწორედ ამ წყობილების შინაგანმა სტიქიამ თვითონ ექიმი ანდრეი ეფიმეს-ძე რაგინი მიიყვანა საშინელ კატასტროფამდე: გონებაჩღუნგმა და უხამსმა ადამიანებმა ეს სულიერად ჯანსაღი, გო-

ნებაგასხნილი და განათლებული ადამიანი მიიჩნის შესილად, შე-  
აგდეს პალატა № 6-ში, სცემეს, აწამეს და დაღუპეს.

ამრიგად, ჩეხოვი პირდაპირ მიუთითებდა, რომ ბურჟუაზიულ-  
თვითმპყრობელური წყობილება ახშობდა, სპობდა ადამიანში ყოვე-  
ლივე კეთილშობილს, ამაღლებულს, გონიერულს, სრწნიდა, აკნინებ-  
და და აწამებდა ადამიანებს. მეფის ყაზარმამ დააჩლუნგა და შექო-  
ზლუდა უნტერ პრიშბევეის გონება, პოლიციურ-ბიუროკრატიული  
რეჟიმის ნაყოფია გაუვალი კონსერვატორი და ინსტრუქციების ყურ-  
მოჭრილი მონა ბელიკოვი, ბიუროკრატიული სასელმწიფო აპარატის  
იერარქიული წყობით არის გასრესილი საცოდავი ეკსტრემული ივანე  
დიმიტრის-ძე ჩერვიაკოვი, რომელსაც ცხვირის ერთი დაცემინება  
სიცოცხლედ დაუჯდა. იმავე იერარქიული წყობის აღზრდილია სა-  
ზიზღარი ქამელეონი—პოლიციის ზედამხედველი ოჩუმელოვი. მდაბა-  
ლი ინსტინქტებით შეპყრობილ და ზნედაცემულ ადამიანთა ამგვარი  
ტიპებით და ტიპიური მოვლენებით გამოსატა ჩეხოვმა უმეცრებისა  
და უხამსობის დამღუპველი ძალა.

შეიძლება ითქვას, ჩინოვნიკურ-მეშჩანური ფორმაციის ადამიან-  
ის დაცემისა და დაქვეითების თემამ ყველაზე მძაფრი გამოსატუ-  
ლება ჰპოვა სწორედ ჩეხოვის შემოქმედებაში. ჩეხოვს ეზიზღება  
სწორედ ამ ცხოველური საწყისების—ეგოიზმისა და სხვა მდაბალი  
ენებათადელების გაბატონება; იგი ისწრაფვის მაღალი სულიერი ინ-  
ტერესებისაკენ, გონებრივი ამაღლებისაკენ.

მასწავლებელი ნიკიტინი „სიტყვიერების მასწავლებლიდან“ მა-  
ლე იგრძნობს ზიზღს თავისი პირადი მეშჩანურ-იდეალური ოჯახუ-  
რი ცხოვრებისადმი. იგი ეძებს უფრო ამაღლებული, ჰუმანური ინ-  
ტერესების, უფრო ღრმა გონებრივი ცხოვრების სამყაროს. „მას  
მოეწადინა რაღაც ისეთი რამ, რაც თავდავიწყებამდე გაიტაცებდა,  
რაც ჩაუნერგავდა გულგრილობას პირადი ბედნიერებისადმი“. იგი  
თავის დღიურში წერს: „ჩემს ირგვლივ სუფევს უხამსობა და უხამსო-  
ბა. მოსაწყენი ადამიანები, არარა ადამიანები, არაყანაიანი ქილები,  
რძით ხავსე ქოთნები, ხოჭოები, სულელი ქალები... არა არის რა უხამ-  
სობაზე უფრო საშინელი, შეურაცხმყოფელი, მოსაწყენი. უნდა გავი-  
ქცე აქედან, უნდა გავიქცე დღესვე, თორემ ჭკუიდან შევირყევი“.

მაგრამ მართო უარყოფითა და მწვავე კრიტიკით არ განსაზღ-  
ვრულა მწერალი. ძველის უარყოფასთან ერთად იგი ამკვიდრებდა  
მაღალ ჰუმანურ იდეალს, გონებისა და ჭეშმარიტების რწმენას. ამ  
დიდ მორალურ ძალასა და კეთილშობილებას ჩეხოვი ხალხის წი-  
აღში ხედავდა.

ჩეხოვს მტკიცედ სწამდა, რომ ადამიანებში მუდამ ცოცხლობს  
ზიმართლისა და სილამაზის დიდი გრძნობა, როგორც უმეცრებისა

და უსამსობის დაუძინებელი მტერი. ამ ორი ძალის პოლარული დაპირისპირების იდეა წითელი ზოლივით გასდევს მწერლის მთელ შემოქმედებას. ადამიანის ცხოვრებას მხოლოდ ის აძლევს მაღალ აზრსა და პროგრესული განვითარების ძალას, რომ ადამიანური სიმართლისა და სილამაზის გრძნობა მუდამ იჭრება ცხოვრებაში და აძლევს მას მიმართულებას. მკაფიოდ გამოხატა ეს იდეა მწერალმა თავის მოთხრობაში — „სტუდენტი“. სასულიერო აკადემიის სტუდენტი, 22 წლის ივანე ველიკოპოლსკი, დიაკვნის შვილი, სადამო უამს ბრუნდება ნადირობიდან. გარემო როგორღაც განსაკუთრებით პირქუშია. სტუდენტს ძლიერ შია და სცივა, იგი ფიქრობს, „რომ სწორედ ასეთივე ქარი პქროდა რიურიკის დროსაც, ივანე მრისხანეს დროსაც, პეტრეს დროსაც, — და რომ მათ დროსაც იყო სწორედ ასეთივე საშინელი სიღარიბე, შიმშილი, ჩალის ასეთივე დაგლეჯილი სახურავები, უმეცრება, კავშანი, ასეთივე უდაბნო ირგვლივ, სიბნელე, ჩაგერის გრძნობა“... მაგრამ ამ შავნადგლიან ფიქრებს ფანტავს მოვლენათა მთელი შემდგომი განვითარება, ის ცხოველმყოფელი ოპტიმიზმი, რომელიც შუქივით იბადება გმირის სულში.

სტუდენტი მიდის ცეცხლთან, რომელიც ანთია ორი გლეხი ქალის — ქერივი დედა-შვილის — ვასილისას და ლუკერიას ბოსტანში. ცეცხლთან თბობა მას აგონებს პეტრე მოციქულის ლეგენდას სახარებიდან და გლეხის ქალებს უყვება, თუ როგორ უარყო პეტრემ სამჯერ მწვალბებელთა მიერ შეპყრობილი ქრისტე და შემდეგ როგორ მოინანია მან ეს შეცოდება. ვასილისა ატირდა, ლუკერიამ კი ესეთი გამომეტყველება მიიღო, რომ თითქოს რაღაც საშინელ ტკივილს ებრძვისო. სტუდენტმა გაიფიქრა: „თუ ვასილისა ატირდა, ხოლო მისი ქალი-შვილი შეშფოთდა, მაშასადამე, ცხადია, იმას... რაც ცხრამეტი საუკუნის წინათ მოხდა, კავშირი აქვს აწმყოსთან — ორივე ქალთან და, ალბათ, ამ პარტას სოფელთან. თვითონ ჩემთან, ყველა ადამიანთან: სტუდენტი სისხარულმა შეიპყრო, მან აღმოაჩინა სიმართლისა და სილამაზის უმრეტეი წყარო. „წარსული, — ფიქრობდა იგი, — დაკავშირებულია აწმყოსთან ერთიმეორისაგან გამომდინარე მოვლენათა ჯაჭვით“ და მას ეჩვენებოდა, რომ სწორედ აი ახლა ნახა ეს ჯაჭვი: „შენო თუ არა ჯაჭვის ერთ ბოლოს, შეტოკდა მეორე ბოლო“.

სტუდენტი გაჰყურებდა თავის სოფელს და ფიქრობდა იმაზე, რომ სიმართლე და სილამაზე, რაც წარმართავედა ადამიანთა ცხოვრებას იქ, ბაღში და მღვდელმთავრის ეზოში, განუწყვეტლივ გრძელდებოდა დღემდე და, ალბათ, ყოველთვის წარმოადგენდა მთავარს ადამიანთა ცხოვრებაში და საერთოდ დედამიწაზე, და ნელ-ნელა მას დაეუფლა ახალგაზრდობის, ჯანმრთელობის, ძლიერების გრძნობა და გამოუთქმელად ტკბილი მოლოდინი ბედნიერებისა. უცნობი იდუმალი ბედნიე-

რებისა — და ცხოვრება მას ეჩვენებოდა წარმტაცი, მშვენიერი და აღსავსე მაღალი აზრით“.

ცხოვრების ეს ფილოსოფია პროგრესის, ჰუმანიზმის, გონებისა და ჭეშმარიტების ნიადაგზე დგას.

ფასდაუდებელია ჩეხოვის მემკვიდრეობა მსატერული ოსტატობის მხრივაც. მისი სტილი უაღრესად ნათელი, გამჭვირვალე, უბრალო, ზუსტი და ლაკონიურია. იგი ფსიქოლოგიურ-ლირიკული ნოველისა და მოკლე ჰუმორისტული მოთხრობის უბადლო ოსტატია.

ჩეხოვი გამოსასვლელს ობიექტად არ ირჩევს საზოგადოებრივი ცხოვრების დიდ მოვლენებს, ფართო სოციალურ ფენებს. იგი უმთავრესად პატარა მოვლენებს, ცხოვრების ცალკეულ ეპიზოდებს გამოსხატავს. მაგრამ მას მსატერული განზოგადოების საოცარი ძალით ესერხება ამ პატარა ამბებსა და მცირე ფორმებში ჩასტიოს დიდი ადამიანური გრძნობა, იმდროინდელი სოციალური უკუღმართობის მწვავე კრიტიკა, მაღალი და მოწინავე იდეა.

ავიღოთ ჩეხოვის წერის მანერისათვის მეტად დამახასიათებელი პატარა მოთხრობა „ვანკა“. ცხრა წლის ბიჭი, ობოლი ვანკა უუკოვი, რომელიც სამი თვის წინათ შეგირდად მიაბარეს მეჩექმეს, ახალწლის წინაღამეს არ იძინებს. იგი სწერს წერილს თავის ბაბუას, რომელშიაც აღწერს მთელ თავის მწუხარებას, თუ როგორ უღმერთოდ სცემენ მას წარამარა, როგორ ტანჯავენ, როგორ აშიმშილებენ. არა მყავს მე არც მამა, არც დედიკო, მხოლოდ შენ ერთი დამჩნი ამქვეყნად, წამიყვანე აქედან, თორემ მოგვედებო, — ევედრება იგი წერილში ბაბუას. წერილი რომ მოათვა, ოთხად გაკეცა, კონვერტში ჩასდო და დააწერა მისამართი: „სოფელში ბაბუას. კონსტანტინ მაკარიჩს“, ჩაუშვა საფოსტო ყუთში და ტკბილი იმედით მაგრად დაიძინა.

რასაკვირველია, ასეთი მისამართით ბაბუა წერილს ვერ მიიღებდა. ბიჭის მწუხარება და გულისტკივილი ქვეყნის უპასუხო, უმეტყველო, ცივ გულგრილობაში გადაეარდა. უკვე ამ შეუსაბამობაში, მოქმედებისა და მიზნის ამ მწვავე გათიშვაში არის დიდი ტრაგიზმი. საერთოდ, მთელ ამ პატარა ამბავში ღრმა აზრი და მწერლის ღრმა იდეაა გამოსხატული.

ჩეხოვის ვერცერთ ნაწარმოებში ვერ იპოვიოთ ვერცერთ ზედმეტ ელემენტს, ზედმეტ სიტყვას. იქ ყველაფერი აუცილებელია და ყველაფერი ემსახურება ხასიათების გახსნას, ნაწარმოების იდეის გამოხატვას. ჩეხოვის ხასიათები რელიეფურად გამოკვეთილი, მკაფიო და განუმეორებლად ინდივიდუალიზებული ხასიათებია. მწერალი მეტწილად თავის გმირს იჭერს ცხოვრების ერთ მომენტში, ან ღროისა და მოქმედების მეტად მცირე მონაკვეთზე ისეთ ვითარებაში, რომელშიაც ყველაზე მკაფიოდ მუდავნდება მისი ხასიათი.



ჩეხოვის მთელი მაღალიდგური და მაღალმხატვრული შემოქმედების, მისი კრიტიკისა და მისი მტკიცების მთელი ძალა სწორედ ადამიანობის მაღალი იდეალების დამკვიდრების საქმეს ემსახურება. ჩეხოვი თავისი უკვდავი ნაწარმოებებით ახლაც უახლოეს მონაწილეობას იღებს ისეთი მაღალი ტიპის ადამიანური არსების, ისეთი მთლიანი და კრისტალური ხასიათების ფორმირებაში, როგორიც იყო მარად დაუვიწყარი ზოია კოსმოდემიანსკაია და როგორიც არის მრავალზე მრავალი, მისებრ შესანიშნავი ახალგაზრდა საბჭოთა ადამიანი.

ჩეხოვის შემოქმედება შესულია კაცობრიობის დიდი კულტურული მემკვიდრეობის ოქროს ფონდში!

## დიდი ადამიანთმცოდნე

### I

უმაპაცესმა თავდავიწყებით შეიყვარა ულამაზესი, მაგრამ ამაყმა, ცბიერმა და თავნება სილამაზემ საპასუხო სიყვარულისათვის დიდი მსხვერპლი მოითხოვა: ლაღსა, თავისუფალსა და მამაცს საჯაროდ უნდა დაეკოცნა ხელ-ფეხი ლამაზისათვის, ქედი მოეხარა მის წინაშე, დაჰმონებოდა და დამორჩილებოდა მას. შედრკა მამაცი, კიდეც უფრო გაზვიადდა ლამაზი. და იმ წუთს, როდესაც თითქოს სიყვარულის ეს მკაცრი პირობა უნდა აღსრულებულიყო, უმაპაცესმა ულამაზესს მკერდში დანა ჩასცა, გულგანგმირულმა მაინც მოასწრო მკერდიდან დანა ამოეგლიჯა, განზე გადაეგდო, თავისი შავი თმის ნაწნავით ჭრალობა დაეფარა, გაეღიმა და გარკვევით ეთქვა: „მშვიდობით, ლოიკო! მე ვიცოდი, რომ შენ ამას მოიმოქმედებდი“. იცოდა, რადგან მას — სახემშვენიერ ბოშა ქალს — რაღას შეეძლო შეეყვარებინა მხოლოდ მამაცი ვაჟკაცი — ბოშა ლოიკო ზაბორა. ხოლო თუ ლოიკო თავისუფლებას დათმობდა, სილამაზის მონად იქცეოდა, მაშინ იგი მამაციც აღარ იქნებოდა და რაღაც მას ვეღარ შეიყვარებდა. ალბათ ლოიკომაც იცოდა ეს. ამიტომაც მხოლოდ მკვდარი სატრფოს ხელ-ფეხის დაკოცნა დააპირა, მაგრამ მასაც ამ დროს ზურგში მახვილი ჩასცა რაღას მამამ. ასე შეიწირა უმაპაცესიც და ულამაზესიც ადამიანის თავისუფლებისა და ადამიანის ვნებათა გამოუვალმა, გადაუწყვეტელმა წინააღმდეგობამ. ეს ამბავი იმიტომ გაიხსენა ხანდაზმულმა ბოშამ — მაკარ ჩუდრამ, რომ გაემაგრებინა თავისი რწმენა შეუსლდუადეი პიროვნული თავისუფლებისა და სიმარტოვისა. „მამ, შენ ესეტები ქვეყნად? ეს კარგია! — უბნება იგი თანამოსაუბრე ავტორს, — შესანიშნავი ხეივანი აგირჩევია, შევარდენო. ასეც უნდა: იარე და უცქირე, როცა ცქერით გულს იჯერებ, დაწეკი და მოკედი — ეს არის და ეს... სასაცილონია ისინი, ეს შენი ადამიანები. ერთად შექუჩებულან და ერთმანეთს ჰყლეტენ, დედამიწაზე კი, შეხე, რაოდენი ადგილია... აბა. შევარდენო, გინდა ერთი ამბავი გიამბო? შენ კი დაიხსომე და თუ დაიხსომებ, — შენს ღღეში თავისუფალ ფრინველად იფრენ“. და მაკარ ჩუდრა ჰყვება სწორედ რაღასა და ლოიკოს თავგადასაყვალს. იგი გატა-

ცებულა ამ თავგადასავლის შინაგანი აზრით, დაე, თუნდაც საკმაოდ გულუბრყვილო, მაგრამ მაინც ცხოველი საქვაკუთხედო აზრით, ავტორი კი თავის მხრივ გატაცებულია ამ პრიმიტიულ-რომანტიკული ადამიანების მარტივი, მაგრამ ბობოქარი შინაგანი სამყაროთი, მათი მკაცრი რომანტიკით. შემთხვევით როდი წერს იგი მათ პორტრეტებს და გარემოს სურათებს მოჭარბებული ლაღლადა საღებავებით.

იგულისხმება მაქსიმ გორკის პირველი მოთხრობა „მაკარ ჩუდრა“, რომელიც ამ 70 წლის წინათ — 1892 წელს დაიწერა თბილისში და იმავე წლის 12 სექტემბერს დაიბეჭდა თბილისურ გაზეთ „კავკასში“. თავისი უშუალო ნიშნებითა და ხელშესახები ფაქტურით, როგორც ვხედავთ, მოთხრობას თითქმის არავითარი კავშირი არა აქვს დაწერის ადგილსა და გარემოსთან, მაგრამ, როგორც ცნობილია, თვითონ გორკის აღიარებით, საქართველოს თვალწარმტაცმა ბუნებამ და ამ ქვეყნის ხალხის ღბილმა, რომანტიკულმა ხასიათმა მისცა ერთგვარი პირველადი ბიძგი მის შემოქმედებას, ხელი შეუწყო იმას, რომ ყოფილი მოხეტიალე კაცი გამხდარიყო დიდი რუსი მწერალი. ეინ იცის, რა იდუმალ ხეეულებად ჩაექსოვა მწერლის შემოქმედებას, კერძოდ მის პირველ მოთხრობას, საქართველოში მიღებული შთაბეჭდილებანი. იქნებ საქართველოს მცხუნვარე მზის, მისი მთა-ბარის ნაირფერებისა და მისი ხალხის თავისებური ტემპერამენტის საგრძნობი წილიც არის იმ ელვარე ფერადებში, რაც ასე ახასიათებს გორკის შემოქმედებას, განსაკუთრებით მის პირველ პერიოდში, და რაც მწერლისათვის, ალბათ, ქვეყნის სასიცოცხლო ძალების გამოღვიძებისაკენ ლტოლვის ესთეტიკურ უკუფენას წარმოადგენდა. უშუალოდ კი, როგორც ვიცით, საქართველოსა და ქართველი კაცის თემას გორკი შეეხო ზოგიერთ თავის ნაწარმოებში. მათ შორის ამჟამად სასელდასელო განმარტებისათვის მინდა გამოვყო „ჩემი თანამგზავრი რომელშიაც, როგორც ვიცით, ერთი ქართველი კაცის ერთობ გროტესკული სახეა დახატული. ამ სახის შესახებ კი უნდა ითქვას, რომ მას არავითარი მიახლოებითი კავშირიც კი არა აქვს იმ ღბილ, რომანტიკულ ხასიათთან, რაც მწერალმა დაინახა ქართველ ხალხში. მაშასადამე, ცხადია, იგი შემთხვევითი და ცალკეული შთაბეჭდილების ნაყოფია. თანაც, როგორც ვიცით, „ჩემი თანამგზავრის“ პერსონაჟი — შაქრო, ქართველ თავადად ასაღებს თავს და მწერალს მის მიმართ უეჭველად ებადება ერთგვარი კლასობრივ-ტენდენციური დამოკიდებულება, რამაც, ალბათ, მას კიდევაც უკარნახა გროტესკული და გამუქებული საღებავები.

ეს სხვათა შორის.

მთავარი კი ის არის, რომ დიდი მწერლის შემოქმედების პირველი აკვანი თბილისში დაირწა.

მართალია, „მაკარ ჩუდრა“ არ მიეკუთვნება გორკის პირველხარისხოვან ნაწარმოებთა რიცხვს, მაგრამ მას მაინც მნიშვნელოვანი ადგილი უჭირავს მწერლის მთელ შემოქმედებაში. ამ მოთხრობაში მკაფიოდ იჩინა თავი მწერლის უდიდესმა ფერმწერულმა ნიჭმაც და აქვე დაისახა მისი შემოქმედების ერთ-ერთი ძირითადი თემაც — ადამიანის შინაგანი თავისუფლების თემა. ადრეული გორკი, ალბათ, სადღაც უთანაგრძნობდა თავის მაკარ ჩუდრას, უთანაგრძნობდა თავის დაუოკებელ ლტოლვაში დიდი შინაგანი თავისუფლებისაკენ, სიბლავდა იგი, როგორც თავისთავს დანდობილი ადამიანი, როგორც ძალა გამძლე და ჭირთამთმენი, როგორც სიცოცხლისა და ქვეყნიერების მოტრფიალე არსება. მაგრამ თუ თვით მოთხრობაში არ არის მკაფიოდ და ძალუმად უარყოფილი ჩუდრას ანარქიული ინდივიდუალიზმი, ყოველ შემთხვევაში, შემდეგში გორკიმ არაერთხელ უარყო, დაჰგმო და ამხილა იგი ცხოველი მხატვრული ძალით, როგორც ანტისოციალური და ანტიპროგრესული მოვლენა. ამავე დროს გორკისათვის ყოველთვის უცხო იყო ადამიანის სულიერი სამყაროს ყოველგვარი გამარტივება, მისი რთული შინაგანი კანონებისა და იმპულსების დაყვანა რაიმე მექანიკურ ერთეულებამდე და შუქისა და ჩრდილის უბრალო განაწილებამდე. შემთხვევით როდი უწოდა გორკიმ მწერლობას ადამიანთმცოდნეობა. დიას, ყოველგვარ კოსმონავტიკაზე ადრე არსებობდა მწერლობა, როგორც ადამიანის სულის კოსმონავტიკა. ადამიანის სულის კოსმოსი კი ისევე უსასრულოა დროსა და სივრცეში, როგორც გარე კოსმოსი, და აქაც არანაკლებ რთული კანონები მოქმედებენ და არანაკლები საიდუმლოებანი, ვიდრე გარე კოსმოსში.

„მაკარ ჩუდრა“ პირველი გორკისეული განუმეორებელი გასვლა იყო ადამიანის სულის, ადამიანის პრობლემატიკის მომცრო ორბიტაზე. მაკარ ჩუდრათი დაიწყო გორკის ადრინდელი რომანტიკული გმირების მთელი სერია. ამ გმირების მარტივი, მაგრამ მონუმენტურად გამოკვეთილი ცხოველი ხასიათები, მათი ფერწერის რომანტიკულად ამაღლებული სტილი, ძალუმი ფერადები და მთელი მხატვრული მასალის ცხოველმყოფელობა — ყოველივე ეს იმთავითვე ადამიანის ძალთა ესთეტიკურ აპოლოგიად უღერდა, „მაკარ ჩუდრაშივე“ გამოჩნდა გორკი, როგორც მგზნებარე მომღერალი ყოველივე ამაღლებულისა, ქმედითისა და გმირულისა ადამიანში. ჯერ კიდევ ჩვენი საუკუნის კვირამალში გაისმა გორკის შთაგონებული სიტყვა ადამიანისა და ადამიანის გონების სიდიადის შესახებ, ადამიანისა, ვინაც მოწოდებულია იაროს სულ წინ, სულ მაღლა და „ყოველი თავისი ნაბიჯით შეამკოს ცხოვრება, ისე როგორც მზე ამკობს დედამიწას თავისი უხვი სხივებით“. თავისი შემოქმედების პირველ პერიოდშივე თავის პროზაულ პოემაში — „ადამიანი“ გორკიმ დასახა თავისი მთავა-

რი თემა, განსაზღვრა თავისი შემოქმედების ფილოსოფიურ-ჰუმანისტური საფუძველი.

მართალია, გორკის ადრეული ნაწარმოებები ჭარბად იყო შეფერადებული რომანტიკული პათეტიკით, მათ გმირებს უეჭველად დაპყრავდათ გამონაკლისობის, ბუნტარული სიმარტოვის იერი და თვით მწერლის მხატვრულ-ფილოსოფიურ მსოფლმხედველობაში არსებობდა გარკვეული წინააღმდეგობანი, მაგრამ მისი მთავარი გზა მაინც მტკიცედ მიემართებოდა ეპოქის დიდი სიმართლისაკენ, მომავალ რევოლუციურ გარდაქმნათა მაუწყებელ ქარიშხლებისაკენ, სინამდვილის ფართო რეალისტური სურათებისაკენ. მხატვრის ძლიერი ნიჭი, ეითარცა შუქის დიდი ნაკადი, ცხოვრების რთული გამოცანებისა და საკითხების წყვედადიდან კვეთდა სიმართლის ზოდებს, მრავალნაირი ხასიათების. ცოცხალ სახეებს, სინამდვილის გრანდიოზულ სურათებს.

გორკი, როგორც ღრმა სოციალური პათოსის მწერალი, როგორც მუშათა კლასის რევოლუციური სულისკვეთების გამომხატველი მხატვარი, განსაკუთრებული მოვლენა იყო არა მარტო რუსულ, არამედ მთელ მსოფლიო ლიტერატურაში. განსაკუთრებული იყო მისი ცხოვრების გზაც — უბრალო, თვითნასწავლი მოხეტიალე კაციდან მსოფლიო რეზონანსის მქონე მწერლამდე.

შეიძლება ითქვას, რომ გორკიმ განსაკუთრებული სიღრმით გამოხატა ადამიანისა და ადამიანობის ყველა მწვავე საკითხის სოციალური შინაარსი. გორკის სიღიადე იმაშიც მდგომარეობს, რომ მან მთელ მსოფლიო ლიტერატურაში ყველაზე სრულად, ღრმად, ყოველმხრივად და ახლებურად დაამუშავა შრომის თემა, შრომისა, როგორც მთელი საზოგადოების და ცალკეულ პიროვნებათა ნამდვილი ადამიანური სულიერი ძალების ერთადერთი წყაროსი. ეს თემა წითელ ზოლივით გასდევს გორკის თითქმის ყველა მნიშვნელოვან ნაწარმოებს. გორკი ღრმა მხატვრული ანალიზის ძალით გვიჩვენებს ადამიანის პიროვნების დაცემას ან ამაღლებას იმისდა მიხედვით, თუ რა დამოკიდებულებაშია იგი შრომასა და მოქმედებასთან. შემოქმედებითი შრომისაგან მოწყვეტილი და პარაზიტიზმით შეპყრობილი ადამიანის პიროვნება ირღვევა, იშლება მწვავე შინაგანი წინააღმდეგობებით, იგი ჰკარგავს სულიერ სისავსესა და ჰარმონიას, კინდება და იფიტება... და პირიქით, მხოლოდ შემოქმედებითი შრომა ბადებს დიდ მთლიან ხასიათებს, ძლიერსა და ლამაზ პიროვნებებს.

გორკის ღრმად სწამდა ადამიანის ყოვლისშემცნობი გონების ძალა, სწამდა მშრომელთა ყოვლისდამძლვეი ენერგია, სწამდა და სჯეროდა ადამიანის დიადი გარდაქმნის შესაძლებლობა... და რაც მთავარია, მის შესანიშნავ ნაწარმოებებს ძალუძთ გადასდონ ეს რწმენა მკითხველებს, შთააგონონ მათ ჰუმანიზმის, პროგრესის, შემოქმედებითი შრომისა და ადამიანური სილამაზის ცხოველყოფელი იდეები!

გორკი ასლობელი და ძვირფასია მთელი მოწინავე მშრომელი კაცობრიობისათვის. იგი განსაკუთრებით ძვირფასია საბჭოთა ხალხისათვის, იმ ადამიანებისათვის, რომელთა გმირული სულის ფორმირებაში დიდია გორკის ღვაწლი.

გორკი — მხატვრული სიტყვის გასაოცარი ოსტატი — ადამიანობის დიდი მასწავლებელიცაა. ეს ორი მხარე მასში შერწყმულია ერთ მთლიანობად.

გორკის ყოველ სიტყვას ღრმად ადამიანური გულითადობა ახასიათებს. მწერალი მუდამ თქვენთან არის, თქვენთან ერთად სწუსს და ხარობს, თქვენ მისგან ძალიან ბევრს სწავლობთ, სწავლობთ გულითადი მეგობრისაგან.

არიან დიდი თუ პატარა მწერლები, რომელთა შემოქმედებაში მკითხველი ვარკვეულ მხატვრულ კმაყოფილებასთან ერთად გრძნობს მწერლის პიროვნების ერთგვარ შემსუთავ დაწოლას, ტალანტის ერთგვარ ბატონკაცობას და ზოგჯერ პოზასაც კი. გორკის შემოქმედებაში ასეთი დაწოლის ნასახსაც ვერ იგრძნობთ. ეს გორკის განმასხვავებელი ნიშანია.

მწერლობისათვის გორკის მთელი შემოქმედება იძლევა იმის შესანიშნავ გაკვეთილს, რომ იდეა მხოლოდ მაშინ პოულობს თავის მაღალ მხატვრულ ფორმას, როდესაც იგი ემოციად არის დაპყვიდრებული თვი *n* მწერლის შემოქმედებით ფსიქოლოგიაში.

შეიძლება ითქვას, რომ გორკის ყველაზე ძლიერი პათოსი — ადამიანია.

გორკი და ადამიანი!

ამაზე ბევრი თქმულა, ბევრი დაწერილა, ბევრიც დაიწერება. გორკი ახალი ადამიანის სულის უბადლო მშენებელია. მისი დიდი პუმანიზმი ასაზრდოებს ახალი ადამიანის მორალურ ბუნებას. ყოველთვის საჭირო და სასარგებლოა გორკის დიდებული მხატვრული სახეებისა და მაღალი საკაცობრიო იდეალების გაცოცხლება ჩვენს მეხსიერებაში.

გორკის აქვს ერთი პატარა მოთხრობა „ადამიანი“. იგი თამამად შეგვიძლია მივიჩნიოთ მწერლის მთელი შემოქმედების სათაურად. გორკიმ კლასობრივი საზოგადოების ტრაგიკული ადამიანის სახიდან დაიწყო:

„ადამიანი! ვით მზე იბადება ჩემს მკერდში და მის კაშკაშა ნათელში, უსაზღვრო, როგორც ქვეყნიერება, დინჯად მიიმართება იგი — წინ! — და მაღლა! ტრაგიკული, მშვენიერი ადამიანი“.

ადამიანი ტრაგიკულია კლასობრივ საზოგადოებათა ისტორიის

მთელს მანძილზე. იგი გახლართულია მრავალ სოციალურ, პოლიტიკურ, სულიერ წინააღმდეგობათა რთულ ქსელში. კლასობრივ საზოგადოებათა საფუძველში არსებული ძალთა ანტაგონიზმი ადამიანს აქცევს ტრაგიკულ არსებად — მიჯაჭვულ ამირანად. წარსულის მსოფლიო ლიტერატურისა და ხელოვნების ერთი თვალის მოვლენაც კი საკმაოა, რომ თვალწინ დაგვიდგეს ამ ტრაგიკული ადამიანის სახე. ეს სახე, როგორც კლასობრივ საზოგადოებათა მთელი ადამიანური შინაარსის გამომხატველი, წარსულის ლიტერატურისა და ხელოვნების რეალისტურ ნაკადს მოჰყვება. იგი მოწმობს, რომ კლასობრივი საზოგადოების არც ერთ ფორმაციას არ შეეძლო მიჯაჭვული ამირანის ახსნა, არ შეეძლო ნამდვილი თავისუფლების მინიჭება ადამიანისათვის.

მაგრამ ნიშნავს თუ არა ეს იმას, რომ ის წყევლა-კრულვიანი საკითხები და წინააღმდეგობანი, რაც ადამიანს ტრაგიკულ არსებად აქცევდნენ, საერთოდ გადაუწყვეტელი წინააღმდეგობებია? ნიშნავს თუ არა ეს იმას, რომ ჰამლეტისა და დონ კისოტის, ლირისა და ოტელოს, მოცარტისა და სალიერის პრობლემები, საერთოდ, მარადიული და გადაუწყვეტელი პრობლემებია?

მსოფლიო მხატვრულ ლიტერატურაში მაქსიმ გორკი პირველი დიდი მწერალია, რომელმაც ადამიანის ყველა პრობლემა მარქსისტულ-რევოლუციური მსოფლმსედველობის თვალსაზრისით გააშუქა და დიდებულ მხატვრულ სახეებში გააცხადა.

ადამიანი „საცოდავი, შიმეული ორფეხა ცხოველიაო“. ამ დასკვნამდე მიჰყავს მწარე გამოცდილებას შექსპირის ლირი. რაში მდგომარეობს მისი ტრაგედია? იგი მეფეა და იმთავითვე მას ყალბი ილუზია ფლობს. იგი თავის მეფურ მდგომარეობას აიგივებს თავის ადამიანურ არსთან. ამიტომ მას სჯერა, რომ სიყვარული და პატივისცემა, რასაც მისადმი იჩენენ, მისი ადამიანური ღირსებების დამსახურებული ჯილდოა და არა ხარკი მისი მეფური მდგომარეობის წინაშე. ხალხისაგან გამიჯნული ტირანული ძალაუფლება მას უნარს უკარგავს გარჩიოს პირმოთნეობა და მლიქვნელობა ნამდვილი ერთგულებისა და სიყვარულისაგან. იგი თავის სამეფოს, თავის ძალაუფლებას უნაწილებს ვითომდა ერთგულ ადამიანებს. და მას ჰგონია, რომ მის ადამიანურ ღირსებებს, მას როგორც მშობელს, მაინც პატივისცემენ. მაგრამ საზოგადოებაში, რომელიც ადამიანის მიერ ადამიანის ჩაგვრასა და ექსპლუატაციასეა აგებული, გაბატონებულია მტაცებლური მორალი, ეგოიზმი და ვერაგობა. ლირი ამ მორალის მსხვერპლი ხდება. მბრძანებლობას, ფუფუნებასა და განცხრომას მიჩვეული მეფე სასოწარკვეთილია. იგი არის ის, ვინც ცუდად მოწყობილმა საზოგადოებამ იმთავითვე გაძარცვა ბუნებრივი, ადამიან-

ნური უშუალობისაგან და ყალბი ილუზია შთაუნერგა, შემდეგ კი ილუზიიდანაც გაძარცვა და ბოლოს ჰგონია, რომ ყველა ბოროტება წარმოსდგება იმისაგან, რომ ადამიანი „საცოდავი, შიშველი ორფეხა ცხოველია“.

გორკიმ კი მთელ თავის სახეთა სისტემაში ხულ სხვანაირად გადასწყვიტა ადამიანის რაობის საკითხი. ადამიანი თავისთავად, როგორც უმაღლესი ზოციალური არსება, ძლიერი და მშვენიერია. ძლიერია იგი მით, რომ მხოლოდ მას, და მხოლოდ მას შეუძლია იაზრონოს, იპრომოს, შეგნებულად იმოქმედოს და „ყოველი ზაეისი ნაბიჯით გაამშვენიეროს ცხოვრება ისე, როგორც მზე დედამიწას უხვად ჰფენს სხივებს“. გორკის მთელი შემოქმედება მიმართულია ადამიანის ადამიანურ ძალთა გაცხადებისა და დამკვიდრებისაკენ. ადამიანი ბუნების უძლიერესი და უმშვენიერესი ქმნილებაა. შესედეთ, აი ამ უბრალო ქალიშვილს, რომელიც სოფლის განაპირას ბუჩქებში მიმალული ეალერსება თავის სატრფოს („ქალიშვილი და სიკედილი“). მასში სიცოცხლე შადრეევანივით სჩქეფს. მას უყვარს და შეუძლია უყვარდეს. ეს არის მისი ძალა — ძალა სიყვარულისა. მას შეუძლია დასტკბეს და დაატკბოს სატრფო. ეს არის მისი ძალა — ძალა ჰარმონიისა, ძალა საზოგადოებრივი კავშირისა. მას სწყურია სიცოცხლე და შეუძლია კიდევაც იცოცხლოს. ეს არის მისი ძალა — ძალა სიცოცხლისა. და როდესაც გაბოროტებული მეფე მას სიკედილს მიუჩენს, სიკედილიც კი უკან იხეევს ადამიანის სასიცოცხლო ძალების წინაშე. ადამიანის ეს ძალები მისი ბუნებრივი ადამიანური ძალებია; რაც არც მის კლასობრივ, არც თანამდებობრივ და არც ქონებრივ მდგომარეობაზეა დამოკიდებული. ადამიანის საზოგადოებრივ მდგომარეობას მხოლოდ ის შეუძლია, რომ ან დაახშოს, ან ააყვავოს ეს ძალები. არა, ადამიანი არ არის „საცოდავი, შიშველი ორფეხა ცხოველი“. იგი ძლიერია თავისი აზრით, იგი ძლიერია თავის შემოქმედი სულით; მას შეუძლია გაამშვენიეროს ცხოვრება, თუ იგი არ დალაჩრდება და არ დაეცემა. მაგრამ, ვაი, რომ მისი დალაჩრებაც და დაეცემაც ცუდად მოწყობილი საზოგადოების ბრალია. მაგრამ რარივ ცუდადაც არ უნდა იყოს მოწყობილი საზოგადოება, მისი განვითარების პროგრესული ტენდენციები მაინც წარმოშობენ ძლიერსა და მამაც ადამიანებს. პირველად ასეთი ადამიანები შეიძლება მარტონი იყვნენ, ერთეულები იყვნენ, მაგრამ თანდათან გაიზრდება მათი კრებული.

მხოლოდ ძლიერ, ამაყ და შინაგანად თავისუფალ ადამიანებს შეუძლიათ წარუძღვენ წინ ხალხს და ხალხის სიყვარულით ანთებული გულის შუქით გაუნათონ მას გზა, გაიყვანონ ცხოვრების შავი ტყის წყვიდადიდან ისე. როგორც გორკის დანკომ გააკეთა ეს. გორკიმაც თავისი რევოლუციური რომანტიკის ძლიერი შუქი მიანათა



ამაყ და მამაც ადამიანებს — თავის რომანტიკულ გმირებს, რათა ისინი ცსოვლად და მკაფიოდ ეჩვენებინა. ამ გმირთა პირითად თვისებას შინაგანი თავისუფლება შეადგენს. თუ ადამიანის შეგნებასა და, მათსადაამე, მის მოქმედებასაც ზღუდავენ მდაბალი ინსტინქტები და მოარული ცრურწმენანი, ადამიანი არ შეიძლება იყოს თავისუფალი შინაგანად. შინაგანი თავისუფლების გარეშე არ არის გმირი, არ არის საგმირო საქმე, არის მხოლოდ ანაზღეული სასოწარკვეთილი თავგანწირულება. არ არის და არც შეიძლება გმირი იყოს გორკის ლეგენდის ლარა. იგი წამებული აჩრდილია მხოლოდ, რადგან იგი ტრაგიკული ტყევა უსაშველო ინდივიდუალიზმისა და ეგოიზმის. დანკო — აი ნამდვილი გმირი. მან მკერდი გაიპო, მოძმეთა სიყვარულით ცეცხლმოდებული გული ამოიგლიჯა, ჩირაღდანით ასწია მალა, გზა გაუნათა სასოწარკვეთილ ხალხს და ტყის წყედიადიდან ისხნა. მკაცრია დანკოს შინაგანი თავისუფლება. მაგრამ სწორედ ამაშია გმირობის მაღალი პოეზია, ამაშია გმირობის სილამაზე. გორკის გმირებიც სწორედ ამ თავისუფლებითა და სილამაზით არიან ამაყნი.

და იმ დროს, როდესაც საზოგადოებრივ შეგნებას ტყეობსაივთ აწვა თვითმპყრობელობის შავი რეაქცია და ტრაგიკული გენიის შემფოთებული სული შეამბოსე ადამიანს მოუწოდებდა: „თვინიერ იქმენ, ამაყო ადამიანო“, გორკის გმირები მთელი ხმით ეძახდნენ საგმირო საქმეებისაკენ. გორკის ეზიზლება დათვინიერებული, მორჩილი და ლაჩარი ადამიანი.

დედაბერი იზერგილი ამაყობს თავისი შინაგანი თავისუფლებით. ის ოდესღაც ლამაზი ქალიშვილი იყო და ერთმა დონდლო პოლონელმა პანმა ყველაფერი გაჰყიდა იმისათვის, რომ ოქროთი ეყიდა მისი სიყვარული. მაგრამ ოქრომ იზერგილის გული ვერ მოინადირა. მას მხოლოდ ის პანი უყვარდა, ვისაც სახე თურქების ხმლით კქონდა დაჩესილი, იგი თურმე ბერძნებს ესმარებოდა თურქების წინააღმდეგ ბრძოლაში: „აი ადამიანი! — ამბობს იზერგილი, — რაა მისთვის ბერძნები, თუ თვითონ პოლონელია? აი რა: მას უყვარდა საგმირო საქმეები!“

გმირობის მაღალი პოეზიისა და სილამაზის გრძნობას მიკლებულინი არიან ბურჟუაზიული საზოგადოების სულიერი მანკიერებით შეპყრობილი მემჩანები, თბილი და მყუდრო ადგილების მამიებულნი. აი მათი სახე: გველსოკერა თუ ძლოკვი — დაგორგლილი ლიმპოდებული ნესტიან ხეში. მათ უყვართ სიბნელე და მისტიური ჩრდილები, უკვირთ მამაცთა სიშმაგე, შავარდნის სწრაფეა სიყრცეში — სილადასა და თავისუფლებისაკენ.

მემჩანებისათვის უცსო და მიუწვდომელია ცხოვრების უმაღლესი სილამაზე — მამაცთა სიშმაგე. მათი გონების საზრდოა გაცვე-  
16. ლ. კალანდოძე

თილა, მოარული „სიბრძნეები“ და ცრურწმენანი. მათ არ შეუძლიათ ამაღლდნენ იმ „ხალ აზრზე“ სევით, რომელიც, როგორც ენკელსი ამბობს, ერთობ პატივცემული თანამგზავრია ოჯახური ვითარებისა, ოთსკედელშუა, მაგრამ როგორც კი გამოკვლევებისა და აზროვნებას შორეული გზისაკენ წასვლას გაბედავს, შრავალი მარცხი და თავგადასავალი მოეღის.

გორკიმ შესანიშნავად იცის ადამიანის სულის აგებულება. იცის, რომ „მის მკერდში ღრიალებენ ინსტინქტები, საძაგლად წივის სმა თავმოყვარეობისა, როგორც უტიფარი მათსოვარი და ითსოვს მოწყალებას; ჩვეულებათა მჭდე ძაფები ესევეიან გულს, როგორც სურო, იკეებებიან მისი მსურვალე სისხლით და სმამაღლა მოიოსოვენ მათი ძალისათვის დამორჩილებას...“ საუკუნოებრივი უკუღმართობით გამომუშავებული მდბაალი ინსტინქტები და ჩვეულებათა მჭდე ძაფები ლამობენ გაბატონებას ადამიანის სულში... და მხოლოდ სულით ძლიერთ შეუძლიათ თავი დააღწიონ მათ ბატონობას. გველსოკერასათვის კი მათი ძალა გარდუვალაია. თავშეყვარება და ეგოიზმია — მემჩანთა სულის ბატონი. მათთვის უცსოა ხსლისაკენ მისწრაფება. მათ სიბრძნეს ისეთი ღრომოჭმული და გაცვეთილი ანდასები შეადგენენ, როგორიცაა: „სხვათა ჭირი ღობეს ჩსირი“, „შეჩეული ჭირი სჯობია შეუჩეველ ღხინს“ და სსვ.

გორკის მთელი არსებით ესიზლება გველსოკერა ადამიანი, ეზიზლება და არ ებრალება, სიბრაღულით არც ამცირებს, რადგან მას უზომოდ უყვარს ადამიანი.

„ყველაფერი ადამიანშია — ყველაფერი ადამიანისაფივის!“ ეს არის გორკის იდეათა იდეა. ამასთან არის დაკავშირებული გორკის ლიტერატურული სტილიც — რევოლუციური რომანტიკისა და ღრმა რეალიზმის შერწყმა. გორკის ადრინდელი რომანტიკული გმირების გამოკვეთილი და ცხოველი ხასიათები პათეტიკითა და კიპერბოღებათ შუფრადებული სტილი, ინტენსიური ფერები და მთელი მსატერული ფაქტურის ცხოველყოფელობა — ყოველივე ეს ადამიანის ძალთა აპოლოგიაა.

მსოფლიო ლიტერატურაში გორკის არა ჰყავს ბადალი, ვისაც ასეთი სიღრმით ეჩვენებინოს ადამიანის სოციალური შინაარსი. ნიჭიც კი, ნიჭიც, — ერთი შესედეით თითქოს ეს ადამიანის თანდაყოლილი ინდივიდუალური თვისება, სოციალური სათავიდან მოღის და სოციალური პრაქტიკის ნაყოფია. მარქსის აზრს იმის შესასებ, რომ ესოდენ ბრწყინვალე ნიჭთა თავმოყრაღლეონარდო და-ვინჩში იმ სოციალური ფაქტორის ხანგრძლივი მოქმედების შედეგია, რამაც გონებრივი და ფიზიკური შრომის განაწილება განაპირობა, ძალიან ახლოს ენათესავენბა ჩერნიშევსკის აზრი: საოცარი ის კი არ არის,

რომ ადამიანთა შორის არიან ერთეული გენიოსები, საოცარი და სავალალო სწორედ ის არის, რომ ცხოვრების უკუღმართი პირობების გამო, მრავლად არ არიან გენიოსები ადამიანთა შორის. წესი, რაც სასელოვანმა ქართველმა პოეტმა გამოხატა სიტყვებში: „ნიჭს აძლევს ზენა მსოლოდ კაცს და არა გვარიშვილობას“ — კლასობრივ, ექსპლოატატორულ საზოგადოებაში არც თუ ისე მტკიცედ მოქმედი წესი შეიძლება იყოს. განა შეიძლება სადავო იყოს, რომ სარდაფის ატმოსფერო გაცილებით ნაკლებ ხელსაყრელია ნიჭის განვითარებისათვის, ვიდრე მზიანი სართულები?

გორკიმ ადამიანის პრობლემის ყველა მხარე სოციალური პროგრესის სარბიელზე გაიტანა.

თავის მოგონებაში ჩეხოვის შესახებ გორკი წერს: „როდესაც ანტონ ჩეხოვის მოთხრობებს კითხულობთ, თავს ისე გრძნობთ სწორედ, როგორც გვიანი შემოდგომის ნაღვლიან დღეს, როდესაც ჰაერი გამჟვინვალეა და მასში მკაფიოდ არიან მოხაზული შიშველი ხეები, ვიწრო სასაღებო, უფერული ადამიანები... ავტორის ჭკუა, სწორედ როგორც შემოდგომის მზე, მკაცრი სიცხადით აშუქებს გაფუჭებულ გზებს, მინგრეულ-მონგრეულ ქუჩებს, ვიწრო და ჭუჭყიან სასაღებო, რომლებშიაც მოწყენილობისა და მცონარობისაგან იგუდებანი პატარა საცოდავი ადამიანები, რომლებიც თავიანთ სასაღებს ავსებენ გაუაზრებელი, ნახევრად მთვლემარე ფუსფუსით...“

უსუსური ადამიანების ამ მოხაზვანი, უფერული ბრბოს ასეოთ გაიარა დიდმა, ჭკვიანმა, ყველაფრისადმი დაკვირვებულმა კაცმა, შესედა მან თავისი სამშობლოს ამ მოხაზვანი მცხოვრებოთ და ნაღვლიანი ღიმილით, რბილი, მაგრამ დრმა საყვედურის კილოთი, სახეზე და გულში აღბეჭდილი ხეყდით, ლამაზი, გულწრფელი სმით უთხრა: — საძაგლად ცხოვრობთ თქვენ, ბატონებო!“

ჩეხოვი ამაზე შეჩერდა. გორკი კი შორს წავიდა, გაცალებოთ შორს. გორკიმ თავისი ტალანტის თვალისმოჭრელი შუქურა მიანათა სინამდვილის ყველა მხარეს, თავისი დროის საზოგადოების ყველა ფენას და საოცარი მსატერული სიცხადით დაგვანასა, როგორც ძველი კაპიტალისტური სამყაროს ჩახეენებისა და ახალი, სოციალისტური სამყაროს წარმოშობის, ისე ძველი ბურჟუაზიულ-მეშინური ფორმაციის პიროვნების რღვევისა და ახალი, სოციალისტური ფორმაციის პიროვნების წარმოშობის პროცესები.

ბუნებრივია, რომ იმ დროს, როდესაც ჯერ კიდევ ძალიან მკრთოლად იყო გამოყლენილი ახალი ფორმაციის ადამიანის შტრისები; დიდი მწერალი სარბად ავლებდა ხელს ყოველივეს, რაც კი ადამიანის ტაპის ამაღლების რაიმე ნიშანს შეიცავდა.

გორკის ყურადღება მიიქცია მაწანწალობამ სწორედ იმიტომ,

რომ იგი, როგორც კაპიტალიზმის სოციალური ორგანიზმის ჩირქოვანი წყლული, მკაფიოდ ამჟღავნებდა კაპიტალიზმის სიღამპლეს. მაგრამ მაწანწალობის ფსიქოლოგია — საერთოდ მავნე და ანტი-სოციალური მოვლენა — წარმოადგენდა თავისებურ რეაქციას გაბატონებული ბურჟუაზიული მორალის წინააღმდეგ. ამდენად მასში იყო რაღაც ჯანსაღი მარცვალი, ჯანსაღი საწყისები. მაწანწალები არ იყვნენ სარბები, შურიანები, რადგან მათ არც ერთი ძაფიც კი არ აკავშირებდათ კერძო საკუთრების ინსტიტუტთან, ისინი არ აწებებდნენ კაპიკს კაპიკზე, არ ასრჩობდნენ და არ სწოვდნენ ერთმანეთს სისხლს. მაწანწალა „გრიშკა ჩელკაში, ძველი, ნაცადი მგელი, ნავსადგურის ხალხისათვის კარგად ცნობილი, ლოთიბაში და მოქნილი, გაბედული ქურდი“ უფრო მაღალ ადამიანურ ღირსებებს ამჟღავნებს, ვიდრე ჭაბუკი გლეხი გაბრიელი, რომლის სულში წვრილი მესაკუთრე ზის და სისარბის შსამით სწამლავს მას. ჩელკაში ქურდია, მაგრამ სარბი და შურიანი არ არის. გაბრიელი თითქოს ქურდი არ არის, მაგრამ სისარბისა და კარგად მოწყობის წყურვილის გამო ქურდობაში მონაწილეობას იღებს. ჩელკაში გაბედული და უშიშარია. გაბრიელი გაორებულია, ოპორტუნისტია. იგი ინსტინქტურად გრძნობს, რომ ხელყოფს კერძო საკუთრებას — იმ საძირკველს, რაზედაც მთელი მისი სულიერი სამყაროა აგებული. ამიტომ მას საშინელი „ცოდვის“ გრძნობა აწვალავს, იგი მშიშარაა, მზად არის ყოველი სიძნელის წინაშე ქედი მოისაროს და უკან გამოიქცეს. მაგრამ როდესაც საქმე ნაქურდალის განაწილებაზე მიდგება, სისარბე გაბრიელში თითქოს ყოველგვარ ადამიანურ ღირსებებს კლავს, იგი ფეხქვეშ უფარდება ჩელკაშს, რომ მიოლად მიიღოს ნაქურდალი, იგი თავს იტანჯავს, იმცირებს და ბოლოს კაცის მოკვლის განზრახვამდეც კი მიდის. ჩელკაში თავისუფალია კერძო საკუთრების ინსტინქტისაგან, რაც ასე ამსუცებს და ამახინჯებს ადამიანს. სისხლით გასერილი ჩელკაში ზიზღით მიუგდება გაბრიელს ნაშოვარი ფულის უდიდეს ნაწილს და მიდის თავის გზით. ჩელკაშს ეზიზღება გაბრიელის წმინდა ცისფერი თვალები, ჯანმრთელი, მზედაკრული სახე, როგორც სისარბისა და მსუნავობის ყალბი სამოსელი. ამაში არის ნამდვილი სილამაზის ძიების სწორი გზა. მაგრამ ჩელკაში მიდის თავის გზით, მიდის მარტო. და ამ სიმარტოვეში არის მისი უდიდესი ტრაგიზმი, მისი უძლურება.

„ყველაზე ძლიერი ადამიანი ის არს, ვინც ყველაზე მეტად განკერძოებულიაო“ — ქადაგებდა იბსენი. გორკიმ დაამსხვრია ეს შეხედულება და ამაში მას თვით ცხოვრება, თვით სინამდვილე უმაგრებდა ზურგს.

განკერძოებულ ადამიანებს, განკერძოებულ ბუნტარებს, სულის

რასაირი კეთილშობილი სწრაფითაც არ უნდა იყენენ ისინი აღძრულნი, ცსოვრება არ ინდობს, ცსოვრება შეუბრალებელი ხელით ღუპავს მათ. აი, კონოვალოვი, აი, თომა გორდევეი და სხვები.

კონოვალოვი ზიზღით არის გამსჭვალული ყოველივე იმისადმი, რაც ბოჭაყს და ავიწროებს ადამიანს. მას ეტრატით სუფთა გული აქვს და ტიტანური ლტოლვა თავისუფლებისაკენ. იგი ვერ ურიგდება ბურჟუაზიულ საზოგადოების წესრიგს, მას სულს უხუთავს ადამიანთა მიერ ერთმანეთის ძიძგნის საშინელი სტიქია, მას სულს უხუთავს ბურჟუაზიული ქალაქი: „დამაალია იქ ცსოვრება, არც პაერი, არც სივრცე, არც არაფერია, რაც ადამიანს უნდა“. კონოვალოვი მაწანწალობას იწყებს, თვალწვედენელ სივრცეებში ხეტიალით სურს დაიცროს თავისუფლების წყურვილი, ამოირეცსოს გულიდან წერილმანი ინსტინქტების ნაგავი: „მიდისარ და ყველაფერს ხედავ ახალს... გიბერავს სახეში ქარი. და შენი სულიდან ამოაქვს სხედასხვა მტვერი...“ მაგრამ იგი გზას ვერ პოულობს კოლექტივისაკენ. იგი ვერ სვდება, რომ თავისუფლება კოლექტივის გარეშე მირავია. კონოვალოვი მართლაც განკერძოებული დევკაცია. მაგრამ გორკიმ გვიჩვენა საზოგადოებისაგან გამდგარი, განკერძოებული ადამიანის გარდუვალი კატასტროფა. ასეთ ადამიანებს სრესს ცსოვრების ინერცია. კონოვალოვი იღუპება სწორედ იმიტომ, რომ მან ვერ მონახა სწორი გზა. ვერ შეუერთდა კოლექტივს. ამ იდეური ფუნქციის მატარებელნი არიან გორკის მაწანწალათა სახეები. თავის დროზე ბურჟუაზიული საზოგადოება ზიზღით შეიშმუშნა გორკის ასეთი გმირების მიმართ. გორკის მაწანწალების იდეალიზაცია დასწამეს და მათი ცინიზმის მოტრფიალედ გამოაცხადეს. რასაკვირველია, ეს იყო იმ მეტად ბასრი მახვილას დაბლაგვების ცდა, რომელიც გორკის შემოქმედების სასით მიმიზნებული იყო ბურჟუაზიული წყობილებისა და მისი მორალის წინააღმდეგ.

გორკი არ ერიდებოდა საღებავების გაძლიერებას. მაგრამ ერთგვარი რომანტიკული შეფერადებით მწერალი ხაზს უსვამდა თავისი გმირების იმ მამსილებელ ძალას, რაც ბურჟუაზიულ-მეშინური სულის წყობის სისაძაველებს უპირისპირდებოდა. ამ ძალას გორკი ყოველთვის შექსაროდა. აი, თომა გორდევეი. იგი სომ ვაჭართა წრიდან არის გამოსული. იგი სომ ბურჟუაზიული კლასის წარმომადგენელია. მაგრამ, ზოგიერთ განსაკუთრებულ გარემოებათა გამო, იგი გრძნობს, რომ თავისივე კლასის ინტერესების გამომსატველ სოციალურ წყობას და მასზე აღმოცენებულ მტაცებლურ მორალს რღვევა შეაქვს ცსოვრების სისავსეში, იმ პარმონიაში, რაც მის სულს ასე სწყურია და რის წამიერი გამოვლინება მან ერთხელ დაინახა. ეს იყო მაშინ, როდესაც ის, ჯერ კიდევ ბავშვი, საბუქსირო

გეძით მიცურავდა ვოლგაზე, გრძნობდა პარმონიას ბუნებასთან, გრძნობდა პარმონიას ადამიანებთან — ღონიერ და მსიარულ ქეზღე ურებთან. მაგრამ ეს იყო წამიერად. თომას მამამ, ეგნატე გორდეევმა დაითხოვა მემანქანე და ლოცმანი იმისათვის, რომ მათ მსუნაგი უწოდეს მას. ეგნატემ სცემა მეზღვაურს, რომელმაც მის წინააღმდეგ სამის ამოღება გაბედა. მეზღვაურები უკვე აღარ ემეგობრებიან გემის პატრონის შვილს — თომას. დაირღვა პარმონია, დაიწყო ტრაგედია. თომები, როგორც თვით გორკი წერს: „... ბუნდოვნად გრძნობდნენ, რომ ამ ერთფეროვან, გულისგამაწვრილებელ უბადრუკ ცხოვრებაში“ — ძალიან მცირე აზრია. ისეთებისაგან, როგორიც თომაა, მოსაწყენი ცხოვრებისათვის განწირული და კაეშნით შეურაცხყოფილი ადამიანებისაგან, დაფიქრებული ადამიანებისაგან, ერთი მსრივ, გამოდიოდნენ ლოთები, „დროსმტარებლები ქეიფში“, ხულიგნები, სოლო, მეორე მსრივ, — გამოფრინდებოდნენ „თეთრი ყორნები“, როგორც სავა მოროზოვი, რომლის სახსრებით იცემოდა ლენინური „ისკრა“...

ამრიგად, თომა გორდეევი, თვით გორკის მოწმობითაც, „არ არის ტიპიური, როგორც ვაჭარი, ის მხოლოდ ხალი ადამიანია, რომელსაც სურს თავისუფალი ცხოვრება...“. თავისუფალი ცხოვრება კი შეუთავსებელი იყო იმ სოციალურ წყობასთან, რომელიც მაიაკინების მორალს ახაზრდობდა. მაიაკინის მორალი კი ასეთია: „ან ყველა გლიჯე კბილით, ან ეგდე ტალასში“. მაიაკინი ასე წერთნის თომას: „აქ, ძმაო, როცა ადამიანთან მიდისარ, მარცხენა ხელში თაფლი გეჭიროს, სოლო მარჯვენაში დანა“. მეფაბრიკე მაიაკინის სახიათი გამომერწილა იმ კომპარული ანდასებისაგან, რომლებსაც კაპიტალისტური მომხეველობის პრაქტიკა იმუშავებს. ეს ანდასები ძალიან გამძლე და ჩამბრჭყალველნი არიან. ისინი წურბელებივით ეკიდებიან ადამიანთა სულს და ქმნიან ეგოიზმის, მოშურნეობის, სისარბის „მარადიულ სიბრძნეს“. ამ „სიბრძნის“ საშინელ ფსიქოლოგიურ შინაარსს გამოსატავს დოსტოვესკის ერთ-ერთი გმირი, როცა ამბობს, ადამიანის ყველაზე ბუნებრივი გრძნობა სხვისი უბედურების შეტყობით გამოწვეული სისარულის გრძნობააო. თუ ეს გრძნობა მეტისმეტად ავადმყოფური ფსიქოლოგიის გამოსატულებაა, ყოველ შემთხვევაში, სხვათა წარმატებისა და ბედნიერების შეტყობით გამოწვეული შურის გრძნობა უცხო არ არის ძველი ფორმაციის ადამიანისათვის.

თომა გორდეევი გრძნობს, რომ მაიაკინების წყობა არღვევს არა მარტო სოციალურ, არამედ თვით ადამიანის შინაგანი სამყაროს პარმონიას. და აქ ნამდვილი ბედნიერება შეუძლებელია. განა შეიძლება ბედნიერი იყოს ადამიანი, რომელსაც აწვალებს სხვისი ბედნიერება და ახარებს სხვისი უბედურება?

თომა გორდევი მარტოა, იგი განკერძოებული ადამიანია. მისი ბუნტი უნაყოფოა. იგი იღუპება, მას საგიჟეში აგდებენ.

ამრიგად, განკერძოებული ადამიანი, არამც თუ ყველაზე ძლიერი, არამედ ყველაზე სუსტი და უძლურია.

გორკის სახეთა სისტემა გვიჩვენებს ადამიანის რღვევისა და აღდგენის რთულ გზას. და რანაირი კომპარული და სისხლიანიც არ არის ეს გზა, თქვენ მიიხსიან მუდამ სედავთ კრიალა მზიურ შორეთს, გრძნობთ პარმონიული ადამიანის გამარჯვების შესაძლებლობას.

კომპარულია ცსოერება „ფსკერზე“, მაგრამ აქაც „ადამიანი — ისმის ამაყად“. გორკიმ ამ პიესაში უფრო ძლიერად ამხილა მაწანწალობის ანტიისოციალური ხასიათი. ფსკერზე თითოეული თავისი საკუთარი გზით არის დაშვებული, თითოეულის ფსიქოლოგიას განსაზღვრული სოციალური წრის ბეჭედი აზის. მაგრამ „ფსკერი“ უკვე ის საერთო ქვაბია, სადაც მათი საერთო ბედი იხარშება. აქ სრული სოციალური განწირულება და უმაქნისობაა. და თუ თომა გორდევისათვის ცსოერების პარმონიულობის მწვეფე მოთხოვნის გამო მრავარი საკითხია: „როგორ ვიცსოერო?“, „ფსკერის“ ადამიანთა წყველა-კრულვიანი საკითხია: „რისთვის ცსოერობს ადამიანი?“ ამ საკითხს აყენებს პიესის თითქმის ყველა გმირი.

„ადამიანები ცსოერობენ უკეთესისათვის“ — ასეთია მოხუცი მაწანწალა ლუკას პასუხი. ასეთივეა სატანის პასუხიც, მაგრამ სულ სხვადასხვანაირად ესმით უკეთესისათვის ცსოერება ლუკასა და სატანს. ლუკას ბევრი უელია, ბევრი უნასავს ადამიანთა ტანჯვა-ვაება, მაგრამ ადამიანის ნამდვილი სსნის ვზა ვერსად უპოვნია. ამიტომ იგი მისულა იმ რწმენამდე, რომ სიკეთისა და ბოროტების წინააღმდეგობა ვადაუწყვეტელია, რომ ბოროტება ჩათესილია თვით ადამიანის სულში. ამიტომ ტანჯული ადამიანის ერთადერთ ნუგეშს იგი სედავს დუსჭირ ცსოერებასთან შემარაგებელ სიცრუეში, მანუგეშებელ სიცრუეში. მაშასადამე, ცსოერება უკეთესისათვის, ლუკასთვის, ეს არის მანუგეშებელი სიცრუე. ამიტომ იგი არწმუნებს პეპელს, რომ მას შეუძლია სადღაც, ციმბირში; მიაგნოს ბედნიერების წყაროს, არტისტს შეუძლია ალკოჰოლიზმის საშინელი სენისაგან განიკურნოს რომელიღაც ქალაქში, სოლო მომაკედავ ანას ღმერთი იმქვეყნიურ სასუფეველს დაუმიკვიდრებს. ლუკა ქადაგებს ქრიასტიანულ თვინიერებას, ლმობიერებას, ბოროტებასთან შეგუებას და შერიგებას. ლუკას მოძღვრება არსებითად ძალიან ახლოს დგას დოსტოევსკის ალიომა კარამაზოვის რელიგიურ ფილოსოფიასთან და იმ შესედულებასთან, რაც თვით დოსტოევსკიმ გამოთქვა რომან „ანა კარენინას“ გამო:

„ანა კარენინაში, — წერს დოსტოევსკი, — გატარებულია შესედულება ადამიანის ბრალეულობისა და დამნაშავეობის შესახებ... ცხა-

დი და გასაგებია თვალნათლივობაჲმდე, რომ ბოროტება კაცობრიობაში სუფევს უფრო ღრმად, ვიდრე ფიქრობენ მკურნალი სოციალისტება, რომ საზოგადოების ვერც ერთ წყობაში ვერ აიცილებთ ბოროტებას, რომ ადამიანის სული იგივე დარჩება, რომ არანორმალობა და ცოდვა მიმდინარეობს თვით ამ სულიდან და რომ, ბოლოს, ადამიანის სულის კანონები ჯერ კიდევ იმდენად უცნობია, იმდენად გაუგებარია მეცნიერებისათვის, იმდენად გაურკვეველი და იმდენად საიდუმლოებრივია, რომ არ არიან და არც შეიძლება იყვნენ არც მკურნალები, არც თუნდაც საბოლოო მსაჯულნი... თვით ადამიანის მსაჯულმა უნდა იცოდეს თავისთავის შესახებ, რომ იგი საბოლოო მსაჯული არ არის, რომ თვით იგი ცოდვილია, რომ ხასწორი და საზომი მის სელში სისულელე იქნება, თუ თვით იგი... ქედს არ მოისრის ჯერ კიდევ აუხსნელი საიდუმლოების კანონის წინაშე და თუ არ მიმართავს ერთადერთ გამოსავალს — ლმობიერებასა და სიყვარულს“.

ამ შესედულების აშკარა შინაგან წინააღმდეგობას, რაც იმაში მდგომარეობს, რომ თუ ადამიანს შეუძლია გასდეს მოსიყვარულე და ლმობიერი, მაშასადამე, მას შეუძლია მიაღწიოს იმას, რომ არ იყოს ბრალეული და დამნაშავე, — დოსტოევსკი ფარავს თავისი იდეალისტურ-მისტიკური კონცეფციით. ის გვარწმუნებს, ადამიანის სულის მოძრაობას, მისი დაცემისა და აღდგენის კანონებს განაგებს უზენაესი არსით. ეს იყო არსებულის დაცვის ქრისტიანული საბურველი. რასაკვირველია, შეიძლება ითქვას, რომ ადამიანი ბრალეული და დამნაშავეა, რამდენადაც იგი შეესება ადამიანთა ფსიქოლოგიის იმ ფენა-ფენა ნალექს, რაც სოციალური უკუღმართობის მთელმა საუკუნეობრივმა ისტორიამ ჩაკვერა მასში. ასეთ ადამიანთა ბრალეულობისა და დამნაშავეობის მთელი სამყარო გვიჩვენა დოსტოევსკიმ თავის ცნობილ თსსულებებში. გორკიმაც გვჩვენა იგი, გვჩვენა ეგოიზმის, შურიანობის, სიხარბის ბრალეული სამყარო, მაგრამ გვიჩვენა მისი მიზეზებიც, მისი დანგრევისა და ადამიანის დიადი განკაცების გზებიც. გორკი ლუკას მანუგეშებელი სიცრუის ფილოსოფიას უპირისპირებს სატინის შესედულებებს. „ადამიანები ცსოვრობენ უკეთესისათვის“ — თუ ეს ლუკასათვის არსებულთან შემარიგებელი, მანუგეშებელი სიცრუეა, სატინისათვის იგი არის არსებულ სინამდვილის სიმასინჯეთა მსილება და უკეთესი მომავლის რწმენა. არსებულ ბურჟუაზიულ-თვითმპყრობელური საზოგადოება კი ეს ისეთი საზოგადოებაა, სადაც „ყოველ ადამიანს უნდა, რომ მის მეზობელს სინდისი ჰქონდეს, მაგრამ... არავისთვის სელსაყრელი არ არის, რომ თვითონ მას ჰქონდეს სინდისი“. რასაკვირველია, არ შეიძლება ნამდვილი ადამიანური სინდისი ჰქონდეს მუქთასორას, ვისაც



სხვისი შრომის მიტაცება სინდისიერად მიაჩნია, ხოლო მიტაცებით შექმნილი საკუთრების ხელყოფა—უსინდისობად. ადამიანის ყოველგვარი სიღუსჭირე და მანკიერებანი წარმოსდგება ამ საზოგადოებისაგან ჯა არა ადამიანის ბრალეულობისა და დამნაშავეობისაგან. ამიტომ ეს არის საზოგადოება, სადაც „ადამიანებს არ რცხვენიათ იმის, რომ შენ ძაღლურად ცხოვრობ“. ამას ეუბნება სატინი ფსკერზე დაქანებულ მუშა ზეინკალს კლემსს. ექსპლოატატორულ საზოგადოებას თავის სიმახინჯეთა დასაფარავად ესაჭიროება სიცრუე, რადგან „სიცრუე ამართლებს იმ სიმძიმეს, რამაც ხელი გაუსრისა მუშას... და ამტყუნებს მათ, ვინც შიმშილით კვდებიან!.. ვინც სულით სუსტიან... და ვინც სხვების სისხლით ცხოვრობს, — სიცრუე მათ ესაჭიროებათ. ერთნი თავს ინუგეშებენ სიცრუით, მეორენი ეფარებიან მას... სიცრუე მონებისა და ბატონების რელიგიაა“. ეს არას კაპიტალიზმის სინამდვილე. ადამიანები კი ცხოვრობენ უკეთესისათვის. რაში ხედავს სატინი ამ უკეთესს? „მოაწყე ისე, რომ მუშაობა ჩემთვის სასიამოვნო იყოს, — ამბობს იგი, — მაშინ შეიძლება კიდევაც ვიმუშაო... როდესაც შრომა სიამოვნებაა, მაშინ ცხოვრება კარგია“. როდესაც ადამიანს თავის შრომა უყვარს, მაშინ შრომა შემოქმედებაა, გატაცება. მაგრამ იმისათვის, რომ ადამიანს შრომა უყვარდეს, საჭიროა, რომ მას სხვები არ სტაცებდნენ შრომის ნაყოფს. კაპიტალისტური ექსპლოატაცია მშრომელებს სტაცებს თავის ნაშრომს, იგი შრომას მოწობად და მძიმე ტვირთად აქცევს, მაშინ როდესაც მსოფლიო შრომა და შრომა არის ნამდვილი უმაღლესი ადამიანური სიამოვნების მთავარი წყარო. ცხადია, პირობები, რომელთა საფუძველზე შეიძლება განსორციელდეს სატინის ოცნება — შრომა იქცეს ადამიანის ემოციად, არ შეიძლება არსებობდნენ კაპიტალისტურ საზოგადოებაში. ასეთ საზოგადოებაში ადამიანთა შორის არ შეიძლება დამყარდეს ის ნათელ-გამჭვირვალე ურთიერთობანი, რომლებიც აღარ საჭიროებენ სიცრუის არავითარ საბურველს. სატინის იდეალების განსორციელებისათვის საჭიროა საზოგადოების სხეანაირად მოწყობა, საჭიროა ადამიანებმა იცოდნენ მთელი სიმართლე თავიანთი ცხოვრების შესახებ.

„ადამიანი — აი სიმართლე, — ამბობს სატინი, — ყველაფერა ადამიანშია, ყველაფერი ადამიანისათვის! არსებობს მსოფლიო ადამიანი, სხვა ყველა დანარჩენი — მისი ხელისა და ტვინის საქმეა. ადამიანი! ეს დიდებულია! ეს ისმის ამაყად! ა-და-მი-ანი! პატივი უნდა სცე ადამიანს! კი არ უნდა შეიბრალო... კი არ დაამცირო სიბრაულვით... პატივი უნდა სცე!.. კარგია ეს — გრძნობდე თავს ადამიანად!“

ეს მაღალი სოციალური პუმანიზმი უდევს საფუძველად იმ პრიგრამას, რომლის განსორციელებაში ხედავს სატინი იმ უკეთესს,

რისთვისაც ადამიანები ცხოვრობენ. სატინი გამოხატავდა გორკის შესედეულებებს, მაგრამ იგი არ იყო გორკის დადებითი გმირი. ფსკერზე დაშვებული, ღლით, მაწანწალა სრულიადაც არ ეარგოლა იმ უკეთესის განმასხორციელებელ ადამიანად, რასაც თვითვე ქადაგებდა. სატინი კაპიტალისტური სინამდვილით გასრესილი, სოციალურად უმაქნისი, დაშლილი, დარღვეული პიროვნებაა. იგი ასეთ რჩევას აძლევს კლემსს: „...არაფერი არ აკეთო, უბრალოდ ამძიმე დედა-მაწა“. — ეს საშინელი თვითუარყოფაა. გორკიმ შემდეგში კრიტიკულად შეაფასა თავისი პიესა. 1932 წელს ამ თავის პიესაზე მან სთქვა: ეხლა ეს პიესა მოძველებული და შეიძლება საზიანოც არისო. ასეთი თვითკრიტიკული შეფასება ნაწილობრივ, ალბათ, იმიტაც იყო გამოწვეული, რომ იქ არ იყო ის დადებითი გმირი, რომელიც მართო სიტყვებით კი არა, არამედ საქმით, მოქმედებით. უარყოფდა ლუკას „მანუგეშებელი სიცრუის“ ფილოსოფიას. ასეთი გმირები გორკიმ გვიჩვენა „დედაში“ და მთელ რიგ სხვა ნაწარმოებებში. მოუსყდავად ავტორის თვითკრიტიკული შეფასებისა, პიესა „ფსკერზე“ თავისი დრმა სოციალური პუმიანისმით ასლაც ინარჩუნებს და მომავალშიაც შეინარჩუნებს თავის დიდ მნიშვნელობას,

გორკის მთელი შემოქმედების ერთ-ერთი უმთავრესი მოტივი შრომის მოტივია. გორკი უდიდესი მსატერული სიმართლით გვიჩვენებს, რომ ადამიანის პიროვნების ძალას განსაზღვრავს მისი დამოკიდებულება შრომასთან. შრომა და მხოლოდ შრომა არის ადამიანის შემოქმედებითი ძალების ერთადერთი სამჭედლოც და საგანძურიც. გორკის აზრით, რანაირადაც არ უნდა. ამასინჯებდეს შრომის აზრს კლასობრივი საზოგადოების ექსპლოატატორული სტრუქტურა, შრომა მაინც ერთადერთი წყაროა კაცობრიობის ყველა მატერიალურ და სულიერ ღირებულებათა. შრომა არის თვით ადამიანის შემოქმედი, მისი შემქმნელი; ადამიანის ცხოვრების ყველა პროცესი გამომდინარეობს შრომიდან; შრომასთან დამოკიდებულება განსაზღვრავს ადამიანის ტიპის დაქვეითებას თუ ამაღლებას.

გორკიმ „არტამონოვების საქმეში“ დასატა ბურჟუასიული ფორმაციის ადამიანის ტიპის დაცემის, პიროვნების რღვევის გრანდიოზული სურათი. უფროსი ილია არტამონოვი კაპიტალიზმის დაწყებითი სტადიის წარმომადგენელია — დამწყები ექსპლოატატორია განვითარების ამ საფეხურზე „არტამონოვების საქმე“ მოითხოვს თვით პატრონის — სელმძღვანელისა და ორგანიზატორის შრომასა და აქტიურ მოქმედებას. ილია არტამონოვიც მოქმედებს, შრომობს. იგი მსნე და ჯანსაღი პიროვნებაა. იგი აღსავსეა „საქმიანი გულმოდგინებით“. ილია არტამონოვი მსნე და მთლიანი პიროვნებაა, როგორც კაპიტალისტური სიმდიდრის მომხვეჭელი და დამგროვებელი. იგი

ჭერ კიდევ თავის საქმის ცენტრში დგას, იგი აძლევს მიმართულებას თავის საქმეს. მაგრამ ფაბრიკა იზრდება, კაპიტალი გროვდება და „არტამონოვების საქმე“ საკუთარი ინერციის ძალას იხეივს. ადამიანთა ურთიერთობა წარმოებაში თანდათან ეხვევა ნივთების ურთიერთობის მოჩვენებითს ქურქში, ადამიანის ნებისყოფა სელ-ნელა ადგილს უთმობს წარმოების განვითარების შინაგან სტიქიას. „არტამონოვების საქმის“ ახალი პატრონი — პეტრე არტამონოვი უკვე ის აღარ არის, რაც მამამისი იყო. მისი შრომა, მისი სელმძღვანელობა „საქმისადმი“ თითქოს ზედმეტი ხდება, რადგან „საქმე, როგორც ობი სარდაფში, — თავისი ძალით იზრდება.“ შრომა, რომელიც როგორც საქმის პატრონს, ჯერ კიდევ თითქოს კისრად აწევს პეტრე არტამონოვს, მისთვის მძიმე მოვალეობად იქცევა; მისი ნებისყოფა დუნდება. ილია არტამონოვს შრომა ახარებდა, მისი ნაშიერისათვის კი უცნობია შრომით წარმოშობილი სიხარული; პეტრეს სულში იჭვისა და ბუნდოვანი შიშის ჭია ძვრება. დროდადრო პეტრე გრძნობს ნიადაგის საშინელ რყევას, კატასტროფის მოასლოებას. ძლიერდება კაპიტალისტური სიმდიდრის დაგროვება, მცირდება ადამიანის შეგნებული ნებისყოფის როლი კაპიტალისტურ წარმოებაში, მეპატრონის შრომა თანდათან ზედმეტი ხდება და ირღვევა, იშლება ბურჟუაზიული ფორმაციის ადამიანი, მცირდება მისი სულის ძალა.

თავისი განვითარების უმაღლეს საფესურზე კაპიტალისტური წარმოება უკვე ის ცეცხლისთვალეზიანი ურჩხულია, რომელიც საეხებით ნთქავს ეროვნული ადამიანების ნებისყოფას, ნთქავს ადამიანების აქტიურ როლს, ნთქავს თვით ადამიანს. და აი სწორედ „არტამონოვების საქმის“ მწვერვალზე იბადება არტამონოვების მაღვდის ყველაზე გამოფიტული და უმაქნაზი ადამიანი. იაკობ არტამონოვი უკვე ამკარა პარაზიტია. იგი არ შრომობს. იგი სოციალური ორგანიზმის სორცმეცია, მაგრამ ამავე დროს მთელი დაგროვილი სიმდიდრის პატრონი. მისი ცხოვრების შინაარსია ფუფუნება, ავსორცობით ტკბობა და „ყელთამდე მამძრობა, რაც ყოველივე სურვილს გამოქვითავს“. ბურჟუაზიული ტიპის დაქვეითების, ადამიანის რღვევის ამავე პროცესის თავისებურ გზებს გვიჩვენებს გორკი არტამონოვების გვარის სხვა შტოების სასითაც. არტამონოვების გვარიდან ამ რღვევას გადაურჩა მხოლოდ უმცროსი ილია არტამონოვი იმიტომ, რომ, როგორც ვხედავთ, იგი განუღვა თავის კლასს და რევოლუციურ პროლეტარიატს მიეკედლა.

პროლეტარიატი. მთელი საზოგადოების სიმდიდრის შემქმნელი შრომის ძირითადი წარმომადგენელია. შრომა კი ადამიანის ტიპის ამადლებს ნიადაგია. ამიტომაც იყო, რომ მაქსიმ გორკიმ ადამიანის ტიპის ამადლების ყველაზე დიდი და ძლიერი პოტენცია მუშათა კლას-

ში დაინახა. მუშათა კლასის ცხოვრებისა და მსოფლშეგრძნების წიაღაცსე იბადებოდა ადამიანის ახალი, მაღალი ტიპი.

გორკიმ დასატა ადამიანის ახალი ტიპის, ახალი ადამიანის ფორმირების პროცესი მთელ რაგ თავის თსზულებებში, კერძოდ, „დედაშა“. ქრონოლოგიურად „დედა“ არტამონოვების საქმეზე“ ადრე დაიწერა, მაგრამ იგი სწორედ ახალი ფორმაციის ადამიანის ტიპის ზრდას გვახატავს, წინააღმდეგ ბუჩუაზიული ფორმაციის ადამიანის ტიპის რღვევისა, რაც „არტამონოვების საქმეშია“ ნაწვენები, თუ არტამონოვების სოციალური პრაქტიკა იწვევს ადამიანის ტიპის გარღვევად დაქვეითებას, მუშათა კლასის სოციალური პრაქტიკა ქმნის ადამიანის ტიპის ამაღლების საჭირო ნიადაგს. ისე, როგორც „არტამონოვების საქმეში“, „დედაშიაც“ მოცემულია თაობათა ცვლა. მაგრამ აქ უკვე თაობათა ცვლა აღმავლობითი საზით მიდის. „დედა“ იწყება შრომისა და მუშათა ცხოვრების მძიმე, აუტანელი პირობების ჩვენებით. ამ პირობებში შრომა ადამიანის შემოქმედებითი ძალების აყვავების ფაქტორიდან ქცეულია ამ ძალების დაწლუნებისა და მოღუნების ფაქტორად. და აი მომქანცველი, დუსჭირი ცხოვრებით გამწარებული და გაბოროტებული ადამიანების სულს ჟანგივით ეკიდება სხვადასხვა მანკიერებანი: ლოთობა, გაუტანლობა, ერთმანეთის ლანძღვა და ჩსუბა, არაადამიანური სიმკაცრე, შეიღებისა და ცოლების ცემა-ტყება. ამ გარემოშია გამოჭედილი მუშა-ზეინკლის, მისეილ ვლასოვის, სასათი. იგი დუსჭირი ცხოვრების სიმძიმით გაჭყლეტილი ადამიანია. პირქუში, მიუკარებელი, ლოთი, უგულო, იგი არავის არ უყვარს, მასაც დიდად არ აწუსებს სხეების ზიყვარული. მისეილი არაადამიანურად ეპყრობა თავის ცოლს პელაგია ნილოვნას. პელაგია ნილოვნა ამ დროს ნაღვლიანი, მორჩილი, მძიმე შრომით და არაადამანური მოპყრობით წელში გაწყვეტილი უღონო არსებაა. ეს არის მუშათა ცხოვრების სტიქიის სურათი. მაგრამ შრომას ამ საშინელ პირობებშიც შერჩენია იმის ძალა, რომ სოციალური უმაქნისობისაგან ისხნას ადამიანები, და ამიტომ ეს არის „ფსკერი“, მაგრამ არის აქ ორი შესაძლებელი გზა — გზა „ფსკერისაკენ“ და გზა ადამიანის ტიპის ამაღლებისაკენ. „ფსკერისაკენ“ დაქანებისათვის საკმაოა თვით ამ არყის სუნით გაჟღენთილი დუსჭირი ცხოვრების სტიქიის ბიძგი, სოლო ადამიანის ამაღლებისათვის ამ სტიქიის გადალახვა, რისთვისაც საჭიროა გარედან მოსული ძალის დახმარება. ეს ძალა კი მეცნიერული სოციალიზმის მოძღვრებაა. ეს მოძღვრება უკაფავს გზას ადამიანის ტიპის ამაღლებას.

მისეილ ვლასოვის ვაჟი პავლე ვლასოვი — შთამომავლობით მუშა — თავის ცხოვრებას იწყებს ისე, როგორც ყოველი ახალგაზრდა მუშა. იგი მიყვება მუშათა ცხოვრების სტიქიას. შრომობს, გრძნობს

კაპიტალისტური წარმოების სულისშემხუთავ ატმოსფეროს, გრძნობს მუშათა ტანჯვას, ერთობა სსვა ახალგაზრდა მუშებთან ერთად, სპირად თვრება და ძალიან იტანჯება არყისაგან. იგი ეძებს გამოსავალს ცხოვრების აუტანელი პირობებიდან. პაეღე ელასოიე უკაეშირღება რეეოლუციური ინტელიგენციის არალეეაღურ წრეებს. რეეოლუციური მოძღვრების თესლი ეცემა შესაფერ ნიადაგზე. იწყება ადამიანის ტიპის ამაღლება — რეეოლუციური ფორმაციის ადამიანის ჩამოყალიბება. პაეღეში იღვიძებს მაღალი ინტერესები, რაც მასში თანდათან აქრობს ცხოვრების სტიქიით ადრულ ინსტინქტებს. იგი სწაეღობს სასოგადოებრივი ცხოვრების განვითარების კანონებს. პაეღე მტკიცე რეეოლუციონერი სღება. იგი მამასავით მარტო აღარ არის, მის ირგვლივ თავს იყრიან რეეოლუციონერი მუშები და ინტელიგენტები. თითოეულ მათგანს აქვს თავისა ანდიეაღუაღურ თვისებები, ხასიათის თაეისებურებანი. მაგრამ მათი მსოფლშეგრძნება საერთოა, ახალია. თითოეული თაეისებურად წარმოგვიდგენს ეეოისტურ-ინდიეიღუალისტური შესღუღულობისა და ცრურწმენებისაგან თაეისუფალი ადამიანის სასეს. პაეღე აღარ არის მამასავით უგულო, პირქუში, მიუკარებელი და ლოთი. მაღალი ადამიანური შინაარსით ივსება მეგობრობა, სიყვარული, პიროვნებისა და სასოგადოების ურთიერთობა. იბადება ახალი შესეღუღებანი, ახალი გრძნობები.

ადამიანის გარდაქმნისა და ამაღლების შესანიშნავ მაგალითს წარმოადგენს პაეღეს დედის — პეღაგია ნილოენას ცხოვრების გზა. იგი ყოეღთვის გეერდივეერდად დადიოდა, ეშინოდა ვინმეს ან რამეს არ გაეკეროდა, მისი სული ყრუდ იყო დასშული, მისი ცხოვრება ცარიელი და უმზეო იყო. მის ნაჭუჭივით პატარა სამყაროში ერთადერთი შუქი — შვილის საყვარული და ერთადერთი ყაღბი ნუეეში — ღვთის რწმენა იყო. მაგრამ იგი ნელ-ნელა, თითქმის მისდა შეუმჩნეელად ებმება შვილის რეეოლუციური საქმიანობის ფერხულში. იგი თითქოს წელში იმართება. მაგრამ აი აპატიმრებენ პაეღეს და დედის ცხოვრება ისეე ცარიელი და უღამაღო სღება. ჯერ კიდეე ძალიან ვიწრო და პირადულია მისი ინტერესების სამყარო: „არ არის იგი და აღარაფერი არ არის.“ მაგრამ დედა განაგრძობს რეეოლუციურ საქმიანობას, აერცეღებს არალეეაღურ ფურცღებს, ეცნობა საღსს, ფართოეღება მისი თეაღსაწიერი და მისი სული კარებს უღებს ახალ მაღალ ინტერესებს. ჩვენ ვხედავთ, როგორ იწმინღება რეეოლუციური საქმიანობით ადამიანი ძეეღა სასოგადოების ჭუჭყისაგან. ადამიანში წარისსოცა მონური სუღი. ამაღღა ადამიანის ტიპი. ნილოენას ინტერესები სცაღღება პირადუღის საზღვრებს. იეა მრავაღთა ტანჯვის მოზიარე სღება, მის სულში იზრღება ადამიანა

ხიკვარული, ახლა შეიღია მისთვის საერთო-სასახლსო საქმის ერთი რგოლაა. დედა უხმენს თავისი შეიღის — პავლე ვლასოვის მგზნებარე სატყუას სასამართლოში და ნათლად გრძნობს, რომ ნამდვილად დამნაშაეს სჯამზე სხედან არა პავლე და მისი თანამებრძოლები, არამედ თვით ბურჟუაზიულ-თეიომპყრობელური სასელმწიფო მთელი თავისი სასამართლოებითა და ჟანდარმერიით. დედას ესმის მთელი სამართლე პავლეს სიტყვებისა, რომლებიც მიმართულია ბურჟუაზიული წყობილების წინააღმდეგ: „... თქვენ ცხოვრებას მოსწყვიტეთ აღამიანი და დაშალეთ იგი; სოციალიზმი ერთ დიდ მილიანობაში აერთებს თქვენს მიერ დანგრეულ სამყაროს. და ეს იქნება“.

დედა — ნილონა, პავლე ვლასოვი, ნასოდკა, მაზინი და სხვები რევოლუციურ მოშათა რეალური ტიპებია, ადამიანის ამდლებული ტიპები. მაგრამ ამ გმირებით მსოლოდ იწყება სოციალისტური ადამიანის ფორმირების რთული და სანგრძლივი პროცესი. ამ პროცესს მტკიცე სოციალური ბაზა შეექმნა მსოლოდ სოციალიზმის გამარჯვებით ჩვენს ქვეყანაში. და აქ არის შესანიშნავი, ღრმააზროვანი შემრუნება მომწიფებისა და ზრდის კანონისა: ჩვენ უკვე ვიცით, რომ რამდენადაც მწიფდება კაპიტალიზმი, იმდენად იფიტება მისი ადამიანური შინაარსი; კაპიტალისტური წარმოების ზრდასთან ერთად მცირდება ადამიანის აქტიური როლი წარმოებაში. იმდენად, რამდენადაც იზრდება კაპიტალისტური მოგება და შემოგება, იმდენად პარაზიტი სდება კაპიტალისტი, იმდენად ქვეითდება ბურჟუაზიული ადამიანის ტიპი, ირღვევა, იმლება პიროვნება. სოციალისტურ საზოგადოებაში კი პირაქით სდება: რამდენადაც იზრდება სოციალიზმი, იმდენად იზრდება და მალდება ადამიანთა მატერიალური და სულიერი დონე; რამდენადაც იზრდება სოციალისტური წარმოება, იმდენად იზრდება ადამიანის აქტიური როლი, ადამიანის შეგნებული ჩარევა წარმოების პროცესში; რამდენადაც იზრდება სოციალისტური საზოგადოებას სამდიდრე და საერთო-სასახლსო კეთილდღეობა, იმდენად მალდება ადამიანის ტიპი, მალდება ადამიანის აზრი, ინტერესი, გემოვნება, იმდენად იკურნება ადამიანი სიხარბისა, მსუნაგობისა, შურიანობისა და ეგოიზმის წვრილმანი ინსტინქტებისაგან. მაგრამ, ცხადია, მას, რაც საუკუნეებმა ჩამკირეს ადამიანში, თვეები და წლები ვერ აღმოფხვრას. ეს ყველაზე უკეთ ესმოდა გორკის — ადამიანის სულის დიდ მცოდნეს — და თავის სიცოცხლის უკანასკნელ წუთამდე მოითხოვდა შეუწყვეტელ ბრძოლას ძველი საზოგადოების სულიერ სიბინძურეთა წინააღმდეგ.

ბურჟუაზიული ფორმაციის ადამიანის — ბურჟუაზიული ინტელიგენტის სულიერი სიდატაკისა და დაკნინების მძაფრი მსილება და კრიტიკა მოგვცა ჩვენ გორკიმ ყოყონა ინდივიდუალისტის, არსები-

თად სულიერი იმპონტენტის, წერილმანი ეგოისტის, მსლალი და უფერული კლიმ სამგინის სასით.

ამავე დროს, ადამიანის ასეთ დაცემულ და დაქვეითებულ ტიპებს გორკი ყოველთვის უპირისპირებს ინტელექტუალურად და მორალურად ძლიერს, მტკიცეს და ამადლებულ ტიპს ადამიანისას. ასეთია ბოლშევიკი კუტუსოვი „კლიმ სამგინის ცხოვრებაში“, რომლის უკანასკნელი ფურცლები მწერალმა დაწერა თავისი სიცოცხლის უკანასკნელ დღეებში.

ახალი ადამიანის აღზრდის საკითხებს გორკი ეხებოდა არა მარტო თავის მსატყურულ შემოქმედებაში, არამედ თავის ლიტერატურულ-პუბლიცისტურ წერილებშიც. ახალი ადამიანის აღზრდის მთავარ საშუალებად გორკი ყოველთვის შრომას იკვლიდა. არის ამას უდიდესი სიბრძნე და სიმართლე. თუ ისტორიის გარიერაზე შრომა იყო მაიმუნის ვადადამიანების მთავარი ფაქტორი, ახლა — კაცობრიობის ნამდვილი საკუთარი ისტორიის სათავესთან — ჩვენს სოციალისტურ საზოგადოებაში სოციალისტური შრომა არის სოციალისტური ადამიანის მაღალი სულიერი თვისებების აღზრდის მთავარი ფაქტორი.

ეს სწამდა გორკის, ეს გვიფხვრა გორკიმ მთელი თავისი შემოქმედებით.

1932 წელს გორკი წერდა:

„არიან ადამიანები, რომელთაც არ სწამთ, რომ შეიძლება ადამიანის ახლად აღზრდა, მისი განთავისუფლება საუკუნეობრივი ძალადობის მტყერიითა და ტალახით დანაგვიანებასაგან. მათ არ სწამთ, რადგან არ იციან, რომ თვითონ არიან დანაგვიანებულნი, მაგრამ უკვე იმდენად, რომ არ შესწევთ უნარი იცოდნენ, არ შესწევთ უნარი შეისწავლონ ცხოვრება, დაინახონ მისი ჭეჭყიანი, სამარცხეინო საშინელება და შემოქმედებითი მრისხანებით შეიარაღდნენ საშინელებათა ორგანიზატორების წინააღმდეგ საბრძოლველად. ესენი ზარმაცი და გულგრილი ჭკუის ადამიანებია, მათ სხვა არა უნდათ რა, ვარდა მშვიდად ცხოვრებისა. ზოგაერთა მათგანი ემალება ცხოვრებას — ეფარება პრიმიტიულ პატარა აზრებს სიკვდილის შესახებ. ამტკიცებს რა, მაგალითად, რომ „სიკვდილი ყველაზე მნიშვნელოვანი მომენტია ცხოვრებისა“ და რომ „ადამიანის ცხოვრების მეორე ნასკერის ნორმალური ფსიქოლოგია არის სიკვდილსათვის შემოადება ფსიქოლოგია“. აი ეს ალბათ, სიმართლეა, რადგან ლაპარაკია მკმრანური, მისრწნილი, მომაკვდავი საზოგადოების ფსიქოლოგიაზე. ჩვენ სიკვდილზე ფიქრას დრო არა გვაქვს. ჩვენ ხელთ ავიღეთ ცხოვრება და ვასდენთ მის გარდაქმნას, — ეს უკიდურესად ძნელი საბჭუთაო, რაც მთითსოვს ნებისყოფისა და გონების ყველა ძალას მუწყვეტელ, გმირულ დამბულობას.

სოციალისტური საბჭოების კავშირში იბადება ახალი კაცობრიობა“.

ჩვენ დავინახეთ ამ ახალი კაცობრიობის მრავალი ათასი ადამიანი თაჯისი სრულად ახალი გმირული თვისებებით დიდი სამამულო ომის ფრონტზე, ჩვენ ვხედავთ მათ სოციალისტური მშენებლობის ვეებერთელა ფრონტზე. მოდის, მოდის ახალი ადამიანი და ეს სასული ასევე უფრო ამაყად ისმის, ვიდრე ოდესმე.



## მცირე სიტყვა დიდ მწერალზე

იგი ძლიერ უყვართ საქართველოში. ქართველი მეჩაიე ქალები ძნელად თუ დაივიწყებენ მის იმ მამაკაცურ-ალერსიან და ეშმაკურ ღიმილს, რაც მან ჩააქსოვა ამ ქალებისადმი მიმართულ წერილში. ჩემისთანა მკითხველებს კი, გარდა მისი უდიდესი ტალანტისა, ისიც ასარებთ, რომ იგი გატაცებული მონადირეცაა.

...ამ უბრალო ადამიანურ გატაცებას თავისი მომხიბვლელი სილამაზე აქვს დიდი მწერლის ცხოვრებაშიც. ნეტავ, მარჯვე მსროლელია? არა, ალბათ, ხშირად აცდენს მიზანს! მეპატიოს ყოველი მონადირისათვის ესოდენ საწყენი ვარაუდი, მაგრამ ამას სომ თვით მწერალი მაფიქრებინებს. აღქმის იმ უდიდესი ძალის პირობებში, რაც მას საშუალებას აძლევს თავის სულში დააგროვოს გარეშომცველი სამყაროს მთელი სილამაზე და დრამატიზმი, მას, ალბათ, იშვიათად აქვს მიზანში ამოღების ცივი გაანგარიშების წუთები!.. თუმცა, ვინ რა იცის, რამდენი ამოუცნობი საიდუმლოება იმალება დიდი მხატვრის ბუნებაში.

უეჭველია, მხოლოდ ერთი რამ — მისი მხატვრული სიტყვის უცილობელი სიზუსტე და სიმარჯვე, რადგან ამ სიტყვის უდიდესი შემოქმედების ძალას თვითონ ჩვენ ვგრძნობთ. შოლოსოვის სიტყვა მართლაც დიდად გვაღელვებს, გვაღელვებს მისი ეპიკური ძალაც, დრამატული ძალაც და ლირიკული ძალაც.

მით, რომ შექმნა თანამედროვე მსოფლიო მხატვრული აზრის ერთ-ერთი საუკეთესო ქმნილება — საბჭოთა ლიტერატურის მშვენიება — შესანიშნავი ეპოსი „წყნარი დონი“ და დიდებული მხატვრული ტილო — „გატეხილი ყამირი“. შოლოსოვმა გადაადგა ახალი გიგანტური ნაბიჯი სამყაროს ესთეტიკური ათვისების დარგში.

ეს ნაბიჯი, თავის მხრივ, მოწმობს იმას, რომ კაცობრიობის ისტორიის თვით ახალი ერა, რაც დიდი ოქტომბრით დაიწყო, შეიცავს თავისთავში ახალ უდიდეს მხატვრულ მიღწევებას შესაძლებლობას.

შოლოსოვის შემოქმედება რევოლუციური ეპოქის მთელი მხატვრული აღმოჩენაა.

ფიქრობ, შოლოსოვის უღრმესად თვითმყოფადი ტალანტის მთავარი ძალა, მთავარი დერიტა — ეს არის სიყვარული, უდიდესი, შეუმუსრავი სიყვარული ღვიძლი სხლისადმი, ღვიძლი მიწისადმი: ღვიძლი ადამიანისადმი, ესე იგი, რევოლუციის ადამიანისადმი. სწორედ ეს სიყვარული შთააგონებს და ესმარება მას შექმნას ღიადი და მშვენიერი კმნილებანი. ეს სიყვარული მოჩანს ყველაფერში, რაც კი მას შეუქმნია, მოჩანს მისი შემოქმედებითი აზრის, გრძნობისა და სტილის ყოველ მიმოსხერაში. გავიხსენოთ თუნდაც მისი იშვიათი, ძლიერ იშვიათი, მაგრამ უდიდესი ემოციური და აზრობრივი შინაარსით აღსავსე ლირიკული წიაღსვლები. მე მათ ლირიკულ წიაღსვლებს კი არა, ვაჟკაცური გულის გახსნას ეუწოდებდი. აი, კითხულობთ „წყნარ დონს“ და თქვენს წინ იშლება საღვთის ცხოვრების დიდებული ეპიკური სურათი, მღვლვარებით აპყრობთ გულისყურს მრავალრიცხოვანი გმირის ბედისტრიალს, დიდ ადამიანურ ვენებათა დელვას, ხედავთ დონის ტრამალებს ყველა ფერს, ყნოსავთ ამ ტრამალების ყველა სურნელებას. ერთი სიტყვით, — თქვენს წინაშეა ნაძვილი დიდი ცხოვრება, ვიდაცის სასწაულმოქმედი ხელით გადატანილი წიგნში. და თითქმის ვერსად ვერ ამჩნევთ თვით ავტორის, თვით შემოქმედის აქ ყოფნას, მის ჩარევას მოვლენათა განვითარებაში. მაგრამ აი, ეპიკური თხრობის მტკიცე კაშხალს საღვაც ეხეთქება და არღვევს დიდი გრძნობის ძაღვანი ნაკადი, რაც აქამდე თურმე გუბდებოდა, იზრდებოდა, შინაგანად ზვიროდებოდა; მოზღვავებული გრძნობა ბადებს აღსარებას.

«*Степь родимая! Горький ветер, оседающий на гривах косячных маток и жеребцов. На сухом конском храпе от ветра солоно, и конь, вдыхая горько-соленый запах, жуёт шелковистыми губами и ржёт, чувствуя на них привкус ветра и солнца. Родимая степь под низким донским небом! Вилюжины бало, суходолев, красно-глинистых яров, ковыльный простор с затравевшим гнездоватым следом конского копыта, курганы в мудром молчании, берегущие зарытую казачью славу... Низко кланяюсь и посыновьи целую твою пресную землю, донская, казачьей, нержавеющей кровью политая степь!»*

და თქვენ არა მარტო გრძნობთ შოლოსოვისეული სიყვარულის

მთელ მწველ ძალას და მისი გამოხატვის შოლოხოვისეული ხელოვნების ძალას, არამედ ნათლადაც ხედავთ, რომ მწერლის შესანიშნავ მხატვრულ სახეთა მთელი წყება გამოდნობილი და გამოწრთობილია ამ დიადი სიყვარულის ცეცხლში.

გულის გახსნის ამ თვისებაში უეჭველად არის რაღაც მემკვიდრეობითი დიდი რუსული კლასიკური ლიტერატურის შემოქმედებითი ტრადიციისაგან, კერძოდ, გოგოლის ლირიკულ აღსარებათაგან. მაგრამ საერთოდ შოლოხოვის იშვიათი ლირიკული წიადსელები განუმეორებლად შოლოხოვისებურია.

არანაკლები ძალისაა, მაგალითად, გულის გახსნა სულ ერთ პატარა აბზაცში „გატეხილი ყამირიდან“. მთელი რომანის მანძილზე მწერალი თითქოს არსად არ ამეღავენებს თავისთავს და მხოლოდ რომანის დასასრულში დავიდოვის სიკედლის შემდეგ. იგი გვიმხელს თავის გრძნობას;

«Вот и отпели донские соловьи дорогим моему сердцу Давыдову и Натальиному, отщебетала им поспевающая пшеница, отзвенела по камням безымянная речка, текущая откуда-то с верховьев Гремячего буерака. Вот и все!»

რაოდენი სიყვარულია თავისი გმირებისადმი — რევოლუციის ადამიანებისადმი, რაოდენი ვაჟკაცური სევედაა ამ სიტყვებში. ეს სიტყვები თითქოს ასალ გამაცოცხლებელ ნათელს ჰფენენ მთელ რომანს, მის გმირებს აქცევენ არა გამოგონილ, არამედ ნამდვილ ცოცხალ ადამიანებად, თითქოს ზღვარს შლიან ხელოვნებასა და ცხოვრებას შორის. ეს კი, ჩემი აზრით, არის მხატვრული ოსტატობის უმაღლესი კლასიკ — ზუსტი სიტყვის მავიური ძალა.

სხვათა შორის, მწერლის გამსეღილი შესვედრა თავის გმირებთან უპრეცედენტო არ არის, საერთოდ, ლიტერატურაში.

გაისხენეთ, მაგალითად, სახელოვანი ქართველი მწერლის კონსტანტინე გამსახურდიას შესვედრა თავის გმირთან „მთვარის მოტაცებაში“, აგრეთვე „ვაზის ყვავილობაშიც“.

დიდი გერმანელი მწერალიც — თომას მანიც, თავისი ცნობილი რომანის „ჯადოსნური მთის“ ფინალში გულისტივივით ეთხოვება თავის გმირს — ჰანს კასტორპს.

მაგრამ სხვადასხვაა ამ შესვედრათა შინაარსი: თუ მანისათვის, მაგალითად, იგი ნაწარმოების მხატვრული კონცეფციის წინასწარ

გააზრებული ლოგიკური დასკვნაა, შოლოხოვისათვის — გრძნობათა ძლიერი მოზღვაებაა.

შოლოხოვი თანამედროვე მსოფლიო ლიტერატურის უდიდეს წარმომადგენელთა კრებულს ეკუთვნის. 1965 წლის მაისში მას 60 წელი შეუსრულდა, მრავალჯამიერს უთელის დიდ რუს მწერალს ქართველი მკითხველიც, ვისთვისაც ძვირფასია ჭეშმარიტი დიდი ხელოვნება<sup>1</sup>.

|

---

<sup>1</sup> ეს წერილი დაიბეჭდა რუსულად გაზეთ „Вечерний Тбилиси“-ში 1965 წ. 24 მაისს.

## შ ი ნ ა ა რ ს ი

### მოსაზონარი

იყო კაცი და...	3
მიხეილ ჭავჭავაძე	25
იოსებ გრიშაშვილი	36
გიორგი ლეონიძე	46
გიორგი ქუჩიშვილი	56
ალექსანდრე აბაშელი	66
მხოლოდ გახსენება	69
ჩვენი ბესო	72
დავით კასრაძე	75
დავით გაჩეჩილაძე	76
მამია ასათიანი	77

### ბალატიონი

მცირე მოგონება	78
გალაქტიონის ერთი რჩეულის გამო	85
დიდი პოეტის პატარა კრებული	92
აკაკი და გალაქტიონი	98
წაეიდა ჩვენგან...	113

იმდენი გიჟა საღ არის . . . 116

ბედთან მიბრძოლი ტიტანი 137

სხვადასხვა :	158
ქართული პოეზიის ფრთა	158
გულითადობა პოეტისა	161
პოეტი თვალის ერთი შეველებით	168
სიტყვა მეგობარს	172
მისი ტრფიალი	174
აღ. ქუთათელი	175
სიცოცხლის წყურვილი — შემოქმედების ღვრიტა	179
რა არის ბედნიერება	181

<b>ქველი რვეულიდან</b>	<b>186</b>
გრძნობათა გამო (პირიშუე .	186
ბუტბუტებს მტკვარი)	196
ფიქრიანი სტრიქონები	209
<b>რუსი ბუმბარაზები</b>	<b>223</b>
გახელვა მწვერვალისაკენ	223
დიდი მხატვარი ჰუმანისტი	228
დიდი ადამიანთშეცოდნე	234
მცირე სიტუვა დიდ მწერალზე	257

რედაქტორი თ. ცინცაძე  
მხატვარი ო. გორალევიჩი  
მხატვრული რედაქტორი აკ. თევზაძე  
ტექნიკური რედაქტორი ნ. ქათარაძე  
კორექტორი შ. ხუტაშვილი, მ. რამიშვილი  
გამომგვები მ. წიფჩიეაძე

ს. ბ. № 1038

გადაეცა ასაწყობად 15/V-79 წ. ხელმოწერილია დასა-  
ბეჭდად 10/X 11-79 წ. საბეჭდი ქაღალდი № 3.  
პირობითი ნაბეჭდი თაბახი 16,25 სააღრ.-საგამომც.  
60X90<sup>1</sup>/<sub>16</sub>. პირობითი ნაბეჭდი თაბახი 16,25. სააღრ.-  
საგამომც. თაბახი 14,68. უე 06061. ტირაჟი 3.000.  
შეკვ. № 1864

ფახი 1 შან. 80 კაპ.

გამომცემლობა „საბჭოთა საქართველო“  
თბილისი, მარჯანიშვილის 5.

საქართველოს სსრ გამომცემლობათა, პოლიგრაფიისა  
და წიგნის ვაჭრობის საქმეთა სახელმწიფო კომიტეტის  
თბილისის ო. ქაუკავაძის სახ. წიგნის ფაბრიკა მეგობ-  
რობის გამზირი № 7.

Тбилисская книжная фабрика, им. И. Чавчавадзе,  
Государственного комитета Грузинской ССР по  
делам издательств, полиграфии и книжной тор-  
говли, пр. Дружбы № 7.

**КАЛАНДАДЗЕ ЛАВРОСИИ ГИГИЛОВИЧ**

**Р а з н о е**

**(Литературно-критические статьи)**

**(На грузинском языке)**

**Издательство «Сабчота Сакартвело»**

**Тбилиси, ул. Марджанишвили, 5**

**1 9 7 9**